

**SANCTORUM
PATRIARCHARUM,
ET PROPHETARUM,
CONFESSORUM.
PONTIFICUM, ET...**

Giacomo Laderchi, Josè Maria
Fonseca de Evora





MAG 3147



SANCTORUM
PATRIARCHARUM,

ET

PROPHETARUM,
CONFESSORUM, PONTIFICUM,
ET NON PONTIFICUM:

VIRGINUM, ET NON VIRGINUM

Cultus perpetuus.

IN CATHOLICA ECCLESIA

Affertus, ac Illustratus

A' JACOBO DE LADERCHIO

Congregationis Oratorii Urbis Presbytero.

Gloria hæc est omnibus Sanctis ejus. Pf. 149. v. 9.



ROMÆ, MDCCXXX.


Ex Typographiâ Joannis Baptistæ à Caporalibus.

SUPERIORUM PERMISSU.

REGINÆ



SANCTORUM
OMNIUM.



OPUS hoc qualecumque sit

JACOBUS DE LADERCHIO

Congregationis Oratorii Presbyter

Sanctorum cunctorum ultimus cliens

Humiliter

D. D. D.

IMPRIMATUR.

**Si videbitur Reverendissimo Patri Sac. Palat.
Apostol. Magistro .**

N. Baccarius , Episc. Bojan. Vicesg.



IMPRIMATUR.

Fr. Jo: Benedictus Zuanelli; Ordinis Prædicatorum, Sac. Palatii Apostolici Magister.

CATHOLICO, AC PIO^v LECTORI.

JESUS Christus heri, & hodiè, ipse & in sæcula.] scribit Apostolus; post quæ statim addit. [Doctrinis variis, „ & peregrinis nolite abduci.] [Idest (explicat Anselmus) Doctrinis Pseudo-prædicatorum variis, idest diversis, & à se invicem multipliciter differentibus, ac discordantibus, dum alius alium errorem docet, & alius alium, sibi que vicissim contraria prædicant: & peregrinis, „ idest à Catholica veritate alienis.] Et inter hos quidem meritò censendi sunt illi, qui, sicut Jesus Christus heri, & hodiè fuit, eritque in sæcula; sic Sanctam Catholicam Ecclesiam, nunc non esse, ac heri, & nudiustertius, multipliciter comprobare conantur: cum modò nimirum, fidei dogmata nunc ab illa aliis formulis ab antiquis tradita; modò Sacramentorum materiam, & formam à præsentia aliam; & ipsa quidem Sacramenta, diversa ratione olim ab ea, qua nunc ab ipsa ministrata; modò alios, ac alios ritus, cultusque, quos antea, vel uti superstitiosos abiecerat, vel saltèm penitus ignoraverat, vel ab Idololatriis, vel aliunde acceptos, Ecclesiam ipsam superinduxisse, editis quoque, quas vocant, eruditis Dissertationibus, in quibus alius alium erroris arguit, effutire non erubescunt. Quo quidem insaustrissimo conatu, quin Ecclesiasticam antiquitatem (uti perperam jactant) elucident, eam, quæ inter præcipuas veræ Ecclesiæ notas meritò recensetur, venerandam videlicet, perpetuamque antiquitatem, Ecclesiæ ipsi sensim turpissimè detrahunt; Calvinique, & Lutheri, hisque similibus S. Romanæ Ecclesiæ perduellium, qui ipsam, post tria priora sæcula innumeris superstitionibus mirè sœdatam contendunt, nefarios nusus improbissimè juvant; dum plura ex his, quæ diximus in primæva Ecclesia inaudita, ac posterioribus dumtaxat sæculis recens inventa, uti ipsi sentiunt, comprobare moliuntur.

Ad Heb. Cap. 18.

Nos

Nos autem, illis sepositis, quæ ad Sacramenta, sacra dogmata, & his similia pertinent: quorumvè perpetuam antiquitatem, ut egregiè præclarus ille Thomas Bozius adnotavit, nec quidem Hæretici diffitentur: [Magdeburgenses enim (eiusdem Scriptoris sunt verba) in suis Censuris tradunt, ipso Apostolorum sæculo, antiquissimos omnium Patres, nobiscum sensisse in iis, de quibus inter nos, atque illos certatur; adduntque hos esse in illis, navos, quos in nobis Hæreses atrocissimas vociferantur.] Post propugnatam, & nonnullorum in particulari, & omnium simul Actorum SS. Martyrum ab Ecclesia receptorum, venerandam antiquitatem; in præsentī hoc Opusculo (Catholice, ac Pie Lector) cœterorum quoque Sanctorum, perpetuam venerationem, ac cultum vindicandum suscepimus, quod ab iis ipsis, à quibus SS. Martyribus, universè cœteris Sanctis quoque, diversa licet ratione, eodem tamen animo detractum animadverterimus. Nam si Martyrum Acta, ad fabulas ipsi amandant, ut eorum cultum, venerationemque dejiciant, SS. non Martyrum Acta quidem diffiteri erubescunt, sed cultum negant. Quo quidem Hæreticorum impiis assertis nil favorabilius in medium produci potest, cum fictitiis Martyribus ab Ecclesia propositis, stolidus per consequens cultus exhibitus ostenditur; & aliis Sanctis, quibus prioribus sæculis nunquam idem præstitus cultus; corruptis, (ut ajunt) ac posterioribus, quodammodo indebitè, comprobatur collatus.

Rem ab ovo, ut dicitur, idcirco, qua majori potuimus brevitate, enucleandam suscepimus: Et in primo quidem Libro venerationem, ac cultum in Synagoga antea, deinde in Ecclesia, SS. Patriarchis, ac Prophetis præstitum demonstravimus. In secundo cujusvis generis Sanctis, cujusvis sexus, qui Martyrio perfuncti non fuerunt, à Primo Ecclesiæ Sæculo, usque ad Septimum, venerationem, cultumque exhibitum ostendimus. Ultra autem Septimum Sæculum hujusmodi cultus, ac venerationis argumenta, ac testimonia proferre, ac de illis disserere, non necessarium, sed superfluum judicavimus, ex eo potissimum, quod,
non

non Catholici universi modò , sed Hetherodoxi ipsi , quin id inficiuntur , hoc è contra potiùs argumento utuntur , ut posterioribus Septimo sæculis , cultum ipsum tantum introductum ostendant : quare (inquam) de re , de qua nemo ambigit , disputationem instituere supervacaneum judicavimus .

Ad ea verò comprobanda , quæ in hoc præcipuè Secundo Libro asseruimus , non aliundè ferè testimonia , ac argumenta mutuati sumus , quàm ab Operibus Scriptorum , qui maximè ipsis Pseudo-censoribus probantur ; ne videlicet , conspuere , floccique habere eos audeant , quorum dicta , sententias , narrationesque , in cœteris , tamquam Divina quædam oracula , recipi , revererique contendunt .

In Tertio demùm Libro eorundem Pseudo-censorum argumenta , contra receptissimum , ab ineunte Ecclesia Sanctorum non Martyrum cultum proponuntur , ac diluuntur . Et , ut totius Operis ideam , scopumque tibi , Pie Lector , uno verbo exponamus ; quo ad Sanctorum , sive Martyrum , sive non Martyrum cultum , nihil in Ecclesia Catholica novum , nihil quoad substantiam superinductum , præ oculis Tibi exhibere studuimus . Vale .



APPRO-

APPROBATIO.

M Andatis Reverendissimi Patris F. Joannis Benedicti Zuannelli Sacri Palatii Apostolici Magistri studiose obsecutus, sedulo evolui Librum inscriptum *Sanctorum Patriarcharum &c. Authore Jacobo de Laderchio Congregationis Oratorii Urbis Presbytero*. Praeaudatam venerationem adamussum insequitur sapientissimus Author, praeclearo hoc in Opere perfecte callens condignum mei Mellissimi effatum (1) *Quamquam honorum nostrorum Sanctorum non egent, nec quidquam eis nostra devotione praestatur: plane quod eorum memoriam veneramus, nostra interest, non ipsorum*. Decet quidem (2) *Laudari viros gloriosos in generatione sua, homines divites in virtute*. Verum quod maxime semper decuit, his potissimum temporibus, quibus Sanctorum venerationis cultus Haereticorum conatibus concutitur; unde videtur quaedam veluti necessitas postulare, palam ostendere cuncta per saecula debitum virtuti honorem, cultumque in Sanctos numquam omisum, sed continuò praestitum, prout in hujus Operis exaratione evincitur; & utinam convincantur tot involutæ errorum tenebris aberrantium mentes, simulve irradiantur (3) *In splendoribus Sanctorum*, neve eorumdem obsequii cultum amplius ad fabulas converteant. Quapropter arbitror Librum istum prælo dignissimum, nec in eo contineri quidpiam vel piis moribus dissonum, vel sacris paginis absonum. Salvo &c.

Ex Monasterio S. Bernardi de Urbe die 24. Novembris 1739.

D. Jo. Baptista Fiorentini Sac. Congr. Indicts, & Rituum Consultor.

APPROBATIO.

Jubente Reverendissimo Patre F. Joanne Benedicto Zuannelli Ordinis Praedicatorum Sac. Palatii Apostolici Magistro: Librum, cui titulus *Sanctorum Patriarcharum, & Prophetarum, Confessorum Pontificum, & non Pontificum, Virginum, & non Virginum Cultus Perpetuus in Catholica Ecclesia assertus, & illustratus à Jacobo de Laderchio Congregationis Oratorii Urbis Presbytero* — non minori diligentia, quam voluptate perlegi. Opus tanto Authore dignum, undequaque præclarum, à quo tota Litteraria Respublica è tenebris erutum sanæ, ac sanctæ eruditionis lumen percipere, valet; Nam omni eo, quod in prisca Ecclesiasticis Hystoriis reconditum, & quod in recentioribus discussionibus elucubratum invenitur, in novam lucem edito: senescentem jam Cultum Sanctis non Martyribus praestitum, à primævis pubescentis Ecclesiæ incunabulis ortum, nobili pariter, atque erudito calamo demonstrat. Quapropter Opus hoc Fidei Orthodoxæ innixum, Catholicæ Veritati innoxium, Sacris Ritibus consentaneum, non solum publica luce, sed laude dignissimum censeo. Datum Romæ in nostro Conventu S. Mariæ de Victoria hac die 15. Nov. 1739.

F. Camillus à Purificatione Carmelita Exalceatus Sac. Theologiæ Lector.

SAN-

I

S A N C T O R U M P A T R I A R C H A R U M, E T P R O P H E T A R U M, &c. C U L T U S P E R P E T U U S. L I B E R P R I M U S,

In quo, de veneratione Synagogæ primùm, deindè Ecclesiæ
in Sanctos Veteris Testamenti potissimùm agitur.

C A P U T P R I M U M.

*Cur, nec Aris, nec Templis, nec Natalitiis Sanctos
suos Synagoga excoluerit? Omnem nihilominus
eorum venerationem ablegasse putandum
non est. Ipsorum gesta condignis est
laudibus prosequuta.*



ETERIS legis Sectatores Hebræos, nec
Templis Deo, in eorum honorem di-
catis, neque Natalitiis Solemnitatibus
Sanctorum Patriarcharum, & Prophe-
tarum memoriam celebrare consuevis-
se; omnibus in aperto est. Cur autem
ab his abstinuerint, Joannes Damascē-
nus his verbis docet. [Adhuc ex-
crationi obnoxia erat natura huma-
na: & mors erat supplicium, & mul-
ta; Itaque deplorabatur, & qui mortui cadaver attigerat,
putabatur immundus]. Ante Christum enim, nondum tunc
propalata Sanctorum via, ut loquitur Apostolus, nemo quan-
tumvis justus, & Sanctus inferebatur Cælo; sed mortem Pon-
tificis Maximi expectare cogeatur, æquè ac profugi illi quon-
dam, in typum hujus veritatis. Numer. 25., ut optimè S. Cyril-
lus lib. 8. de adoratione; & S. Gregorius Homil. 6. in Ezechie-
lem

*S. Jo. Damascen.
p. 3. de Imagin.*

Heb. 9. v. 8.

Ibid. ut supra.

lem intellexerunt: ideoque, uti modo, nec Sanctorum mors annuis laudibus celebrabatur, & Tempia Deo in eorum honorem minime constituebantur: quia post Redemptoris tantum adventum: [Natura nostra, (inquit Damascenus idem), ex quo Divinitas illi, tamquam medicamentum quoddam, vitam, atque salutem afferens conjuncta est, gloriosa evasit, & ad corruptionem accipiendam idonea].

At quamvis summis hujusmodi honoribus, eosdem Sanctissimos Viros Synagoga minimè prosequuta sit; non idcirco putandum esse, erga eos venerationem omnem neglexisse, Divina ipsa Scriptura testatur, (aliis studio prætermisiss) Ecclesiastici cap. 44., ubi ejusdem Synagogæ Filii, ad laudes, & præconia Beatissimorum Patriarcharum, & Prophetarum excitantur, & illorum præclara facinora, longo dictamine recensentur. [Laudemus Viros gloriosos (dicitur ibi), & parentes nostros in generatione sua. Multam gloriam fecit Dominus magnificencia sua à sæculo. Dominantes in potestatibus suis, homines magni virtute, & prudentia sua præditi, nuntiantes in Prophetis dignitatem Prophetarum, & imperantes in præfenti populo, & virtute prudentiæ sanctissima verba. In peritia sua requirentes modos muscos, & narrantes carmina Scripturarum. Homines divites in virtute, pulcritudinis studium habentes: pacificantes in domibus suis. Omnes isti in generationibus gloriam adepti sunt, & in diebus suis habentur in laudibus &c.]. Et paucis interjectis *cap. eod. v. 10.* [Sed illi viri misericordiæ sunt, quorum pietates non defuerunt: cum semine eorum permanent bona, hereditas sancta nepotes eorum, & in testamentis stetit semen eorum, & filii eorum, propter illos usque in æternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum vivit in generationem, & generationem. Sapientiam ipsorum narrent populi, & laudem eorum nunciet Ecclesia]. Ab Henoch deinde, usque ad Simonem Oniæ, Patriarcharum, & Prophetarum, aliorumque plurimorum Sanctorum virorum insignia gesta commemorantur, dignisque laudibus exornantur.

C A P. I I.

Quos Deus maximè honorificavit veteris Testamenti Sanctos, Synagogam venerari decuit.

Ipsos eo est cultu prosequuta, quo apud Deum Sancti Intercessores adhibentur.

ET reverà non laudibus modo, sed quacumque fas erat veneratione eos Synagoga colere debuit, quos aded à Deo Optimo Maximo honoratos sciebat: [Ut non confunderetur, ut dicit Apostolus, (idest, inqu it Anselmus): [non erubesceret „ vocari Deus eorum; dum dicit. Ego sum Deus Abraham, „ Deus Isaac, Deus Jacob; hoc mihi nomen est in æternum. „ Quia enim (subdit) tres isti Patriarchæ optimi servi fuerunt; „ idcirco Deus, ex quadam familiaritate, & privilegio voluit „ Deus eorum vocari, tamquam illorum solorum esset Deus, „ qui Deus est universæ creaturæ, non frustra utique tantum „ eis tribuens honorem]. Honorem autem his, & aliis Sanctissimis Viris à Deo amplissimè tributum, ritè admiratus David, „ [Mihi autem (inquit) nimis honorati sunt Amici tui Deus, „ nimis confortatus est principatus eorum.]

Hebraeor. c. 11.

v. 4. Anselm. ibid.

Psalms. 23. v. 16.

Quos igitur apud Divinam Majestatem sic pollere gratia Judæi perspicuum habuerunt; hos eo genere cultus prosequi studuerunt, qui in eo est, ut sibi quis, per eorum merita, vel delictorum veniam, vel gratiam, & misericordiam deprecetur. Qua quidem oratione usus est præclarissimus ipse Legislator Moyses, cum ad Cælestem avertendam iram, dixit: [Recordare „ dare Abraham, Isaac, & Israel Servorum tuorum, quibus „ jurasti per teipsum dicens: Multiplicabo Semeu vestrum, „ sicut stellas Cœli &c.] Et alibi, ubi ipsa ejusdem Moysis oratio refertur, iisdem ferè verbis exprimitur. [Recordare Servorum tuorum, Abraham, Isaac, & Jacob: ne aspicias duritiam „ populi hujus, & impietatem, atque peccatum.] In quæ verba Theodoretus: [Observandum est igitur, (dicit) Moyses, „ sen, cum legationem suam ad Deum placandum non satis „ idoneam esse existimaret, Patriarcharum quoque nomina in „ patrocinium invocasse.]

Exod. 23. v. 13.

Deuterom. XI. v. 27.

Theodoret. in cap. 9. Lipoman. in Exod.

Id magis etiam perspicuum reddit Azariæ oratio, in medio camino ignis ardentis facta, in qua, inter cœtera, ista offenduntur. [Neque auferas misericordiam tuam à nobis, propter

Daniel. c. 3. v. 24. c. 21. 31.

*Theodoret. ad Ty-
ron. in Daniel.
cap. 3.
D. August. qu. 149.*

„ Abraham Dilectum tuum, & Isaac Servum tuum, & Israel San-
„ ctum tuum.] In quæ etiam verba, quem memoravimus scribit
Theodoretus. [Tum etiam Patrum nomina commemorat,
„ ut memoria iustorum, bonum Dominum provocet, ad mise-
„ ricordiam.] [Admonemur enim, (dicit Augustinus) cum
„ delicta nostra nos gravant, ne diligamur à Deo, relevari nos
„ apud Deum illorum meritis posse, quos Deus diligit.] Idcirco,
& Azarias, & præcipue Sanctus Moyses intercessores apud
Deum Sanctissimos Patriarchas, eorumque præclara merita,
pro Israelitico populo, qui peccaverat adhibuit; quia, (inquit
Ibid. ut supra. „ Augustinus idem): [Patres, qui diliguntur, inducit pro filiis,
„ qui offendunt: quia bona Sanctorum Patrum, sæpe subve-
niunt filiis]. Quapropter, ad justam Dei iram leniendam, sin-
gula eorum trium Patriarcharum in nominibus merita recen-
sere videtur, ut ea, videlicet, suppliciis, quæ iuste Israelitæ
subire pro iniquitate debuissent, opponat. Ac si diceret Moy-
ses, inquit *Tyron. in e. 32.
Exod.* „ Lyranus: [Si Populus meruit mori per incendium:
„ Ecce Abraham Pater eorum, propter amorem tuum proje-
„ ctus fuit in ignem Caldæorum. Si per gladium, ecce Isaac
„ paratus fuit pro te immolari. Si meruerunt exilium, ecce
„ Israel tamquam exul fugit in Mesopotamiam, obediens Patri
„ suo, & tibi.]

Ne verò existimari possit, trium horum Patriarcharum tan-
tum intercedentibus meritis, Judæos se assecuratos sperasse
misericordiam, & veniam; illud vetat, quod alii quoque ve-
teris Testamenti Patres, apud Deum commemorati reperiun-
tur, ut eorumdem spectabilibus virtutibus motus, illud quod
poscebatur, impertiri dignaretur: uti illud Salomonis: [Do-
„ mine Deus, ne avertas faciem Christi tui: memento misericor-
„ diarum David servi tui]. Cui consonat, quod habetur in Psal-
mo: [Memento Domine David, & omnis mansuetudinis ejus]. Et
„ [Propter David servum tuum, non avertas faciem Christi tui].
Quæ verba disertè sic Joannes Lorinus interpretatur: [Paulò
„ ante monui, vel David nomine intelligi Christum ipsum, vel
„ Davidem de se ipso loqui, vel eundem de filio suo Salomone,
„ quem appellat Christum Domini; vel Salomonem, de Davi-
„ de Patre suo, orando pro seipso Christo, ac Rege, per meri-
„ ta illius, vel populum, aut quemlibet particularem orare per
„ ejusdem Davidis meritâ: vel per hæc eadem, pro adventu illius,
„ qui *ut supra* Messias est, sive Christus, Deus simul, & homo].
Et statim addit: [Agnoscit hoc loco Calvinus Davidem me-
„ diatorem, sed umbratilem tantum. Postquam verò adventit
„ Christus, & Sacrificio peracto, Cæleste Sanctuarium ingressus
„ est,

*2. Paralipomen.
8. v. 42.
Psalm. 131. v. 1.
Ibid. 7. 10.*

*Joan: Lorin. Com-
ment. in Psalm.
131. Tom. 3. pag.
677.*

„est, alio mediatore, nec opus esse, nec utendum esse.] Cui Lorinus. [Necessarius quidem alius mediator non est, nec quisquam, præter Christum, potuit eo munere perfectè fungì, ut exactè intercederet, ac satisfaceret Deo pro nobis. Nihilominus utilis Sanctorum invocatio, intercessio, mediatio est apud eundem Deum, apudque Mediatorem Christum, ex cuius meritis vim habent merita ipsorum, atque suffragia, ut nobis facilius gratiam impetrent.]

Sed quod addit professò palàm ostendit, quàm æquo jure Veteris Testamenti fideles Sanctorum Patriarcharum, ac Prophetarum, apud Deum pro se merita interponerent, ut ea, quæ poscebant facilius obtinerent; nam dicit: [Valet hic præterea locus, juxta eum sensum, qui est de adventu Christi, ut probetur non nihil Davidem, & alios veteris Testamenti Patres meruisse incarnationem Christi. Etsi verò iste, ac similis dicendi modi possint innuere Divinas promissiones, de mittendo Christo; attamen potuit quoque Deus, ad promittendum his potius, quàm illis moveri, *propter* merita eorum: & particula *propter*, ad personas applicata, propter quas aliquid petitur, innuit in illis nonnullam rationem meriti.] Et quidem (ut dicitur) de congruo.

Bid. ut supra.

Quæ si ita se habent, manifestissimè patet, (inquam) quàm æquo jure Judæi, præ Divinis oculis Sanctorum Patriarcharum, ac Prophetarum merita proponerent, illosque apud eandem Divinam Majestatem intercessores adhiberent, ut illorum suffragantibus meritis, quæ dignè postulassent, consequi mereantur: nam ipsa eorundem merita, tantum apud Deum valuerunt, ut non modo quælibet beneficia impetrare, sed summum etiam illud Incarnationis, quod omnibus præstat, congruè consequi posse, illis sperare fas esset. Quare quod Græci explicant apud præfatum Lorinum, ne Deus spernat Christum, idest Regem; præclare Apollinaris his carminibus exprimit:

Εἴνεκε Δαυὶδὸς μεγαλοδυνάτου διεξέποισ' ἔγωγε, Μήποτε
ὁλῶ χρεῖστον μὲν τρέψαις ὁπωπῶν.

„[Propter David magnanimum Famulum: nequando tuum à Christo avertas vultum.]

C A P. I I I.

*Quæ afferri possent his opposita argumenta
diluuntur .*

NEquè his obstant, quæ habentur *Jeremiæ Cap. XVI. v. 1.*,
,, nimirum : [Si steterit Moyses , & Samuel coram me ,
,, non est anima mea ad populum istum] . Quasi, videlicet, ora-
re, ac intercessorum officio Samuelem , & Moysen Deum per-
fungi noluerit . Quod siquidem , si fuisset , Judæos Sanctorum
eorundem merita , ac preces , apud Divinam Majestatem , vel
non interposuisse , vel interposuisse frustra dicendum esset . Ve-
rùm præfata verba sic accipienda non esse, manifestè ostendunt,
ad eundem Jeremiam verba à Domino dicta *Cap. XI. v. 14.*
,, [Tu ergo noli orare pro populo hoc , & ne assumes pro eis
,, laudem , & orationem , quia non exaudiam in tempore clamo-
,, ris eorum ad me , in tempore afflictionis eorum .] . Quis enim
ritè his verbis censere poterit Deum , omnino pro populo ora-
tiones fundere Jeremiæ prohibuisse , quem non modò absolutè
(inquit à Lapide) , ab oratione cessare non volebat, quinimò ab
ea cessare nolebat ; quod quidem sciens Propheta , pro populo
ipso orare perrexit ? Et quidem hoc sensu , de Moyse , & Sa-
muele dicta sunt interpretanda . Non enim ait Dominus (scri-
bit Interpres idem) , se Moysis , & Samuelis , ex eo preces non
auditurum, quod nihil illæ valerent ; sed quod populi scelera tan-
ta essent , ut indignus esset , pro quo Moyses , & Samuel audi-
rentur . Sicut Pater iratus , filio dicere solet : Noli orare pro
isto servo nebulone , nam nisi fuisset meretur , & fuisse contun-
dam eum .

Et sic pariter intelligenda , quæ , inter alia , habentur *Eze-
chielis Cap. XIV. vers. 20.* [Et Noe , & Daniel , & Job fuerint in
,, medio ejus : Vivo Ego, dicit Dominus , quia filium , & filiam
,, non liberabunt .]

Imperitè Hæretici (scribit idem à Lapide) , hoc loco abu-
tuntur , ut ex eo probent , Sanctos in Cœlis non esse invocan-
dos . Nam primò , Noe , & Job hoc tempore Ezechielis non erant
in Cœlo , sed in Limbo, idest in statu non beatitudinis , & visio-
nis , sed poenitentiae , & caliginis . Daniel verò in terris vive-
bat . Ex quo , juxta argutationem Hæreticorum , à pari inferen-
dum esset , non esse poscendas preces justorum adhuc viven-
tium , quas tamen sæpè exposcit S. Paulus , postulans , ut fideles
orent

orent pro se, & pro gentium conversione, ac Evangelii propagatione. Secundo, non vetat hic Deus, ne Sancti invocentur, „ [sed asserit se eos non exauditurum, non quod eos non amet, „ vel alias non exaudiat; sed quod jam tanta sint Judææ scelera, „ & obstinatio, ut eam prorsus, per Caldæos vastare decreverit, „ nec ullius precibus flecti se finet, ut illi parcat. Alias enim „ constat *Danielis C. 9. 15* Judæis poenitentibus, libertatem è captivitate Babylonica. *Jobum capite 42. 8.* veniam Amicis suis. „ Noc, ne amplius homines perirent diluvio. *Genes. 8. 21.* suis „ precibus, & Sacrificiis impetrasse. Potius igitur hinc contrarium inferendum esset, scilicet, invocandos esse Sanctos. „ Hoc enim mandavit Deus Amicis *Job. c. 42. 8.*, dicens: Ite „ ad Servum meum Job. Job servus meus orabit pro vobis.] Sic ille.

At contra id, quod probare intendimus, nimirum Judæos Sanctorum Veteris testamenti suffragia implorasse, illud videtur, ab eodem Scriptore prolatum, quod nempe ipsorum Sanctorum animæ, nondum in Beatitudinis, & Visionis, sed poenitentiar, & calignis statu essent, ideòque ignorarent, quod hic gereretur: quapropter frustra ii invocarentur à vivis, qui eorum preces noscere non poterant. Difficultatem tamen ipsemet diluit, cum, videlicet, observat, Moysen, Samuelem, ceterosque Sanctos in Limbo existentes, ignorasse quidem, quæ hic gerebantur particularia, nisi ea, vel Dei, vel Angelorum revelatione, aut eorum, qui post mortem eò descendissent, relatione didicissent. Quod quidem hic, & nunc didicisse fatendum est, cum se, nempe, invocantibus singulis, benignum auditum præbuisse, patrata persèpe miracula, comprobaverint. In genere tamen, pro Synagoga orasse, à qua idcirco, eorum orationis suffragium meritò deposcebatur, Interpres idem, in præfata Hieremiæ verba: si steterit Moyses, & Samuel &c. differt, asserit: [Licet Vatablus, (inquiens) vertat; si starent „ Moses, & Samuel coràm me, non esset animus meus ad populum istum: tamen melius noster, *Septuagint. & Chald. vertunt: si steterint &c.*; undè sequitur eos stare posse, & solere coràm Domino, ut orent pro populo. Hebræis enim est „ futurum, quod significat rei consuetudinem: si stabit, idest, „ si stet, uti stare solet: Ergo Sancti orant pro nobis post mortem, „ etiam in Limbo, multo magis in Cælo, multaque nobis impetrant &c. Vivunt enim Sancti in perfecta charitate, tum Dei, „ tum proximi, atque Deum laudant, & orant, non pro se, „ ergo pro nobis. Ita S. Hieronymus, Chrysostomus, *Homil. p. „ in Epist. p. ad Thessalon. .*]

Et

a. Machab. Cap.
XV. v. 12.

Et id quidem manifestissime confirmatur, ab exposito à Machabæo Judæis fide digno somno, per quod universos lætissimè cavit: [Erat autem (inquit Divinus sermo) hujusmodi visus: Oniam, qui fuerat summus Sacerdos, Virum bonum, & benignum, verecundum visu, modestum moribus, & eloquio decorum, & qui à puero in virtutibus exercitatus sit, manus protendentem, orare pro omni populo Judæorum. Post hoc apparuisse, & alium, Virum ætate, & gloria mirabilem, & magni decoris habitudine circa illum. Respondentem verò Oniam dixisse: Hic est fratrum amator, & populi Israel: hic est, qui multum orat, pro populo, & universa Sancta Civitate Hierusalem, Jeremias Propheta Dei.] Ex quibus Dionysius Chartusianus, hæc insert. [Itaque Sancti in Limbo orabant pro viatoribus.] Ergo ritè, vicissim viatores eos invocabant, quorum suffragiis apud Deum adjuvari posse sperabant.

C A P. I V.

*Sanctorum Patriarcharum, & Prophetarum
Sepulcra, frequenti fidelium Judæorum
concurſu visitata, patrataque ad ea
divinitus miracula.*

2. Reg. Cap. XV.
v. 7.

Sanctorum verò Patriarcharum, ac Prophetarum, (quorum meritis se posse adjuvari Judæi jure merito confidebant), Sepulcra, ac Loca, vel quæ incoluissent, vel in quibus quiescerent, ab iisdem præcipuò cultu prosequuta fuisse, præ aliis illud ostendit, quod in Regum Libro his verbis legitur: [Post quadraginta autem annos, dixit Absalom ad Regem David: Vadam, & reddam vota mea, quæ vovi Domino in Hebron: Vovens enim vovit Servus tuus, cum esset in Gessur Syriæ, dicens: si reduxerit me Dominus in Hierusalem, sacrificabo Domino. Dixitque ei Rex David: Vade in pace. Et Surrexit, & abiit in Hebron.] [Votum, (inquit Gaspar Sancius) simulat emissum, quo tempore apud avum longum traxit exitum, nempe oblatas Deo victimas in Hebron, si quando in Patris gratiam, & aspectum redire contingeret. Facile autem fuit, hominem religiosum, & pium, religionis, ac pietatis specie decipere.]

Sans in c. 15. lib. 2
Reg. pag. 750

Quid, verò, de hujusmodi Absalom peregrinatione, ac voto sentiendum sit, ex Interpretibus nonnullis, referre sufficiat.

Lyra-

„Lyranus : [Vadam (inquit) , & reddam &c. , idest offerenda in Hebron . Locus enim ille sanctus reputabatur , eo quod quatuor Patriarchæ principales sunt ibi sepulti , cum suis conjugibus , scilicet , Adam , & Eva , Abraham , & Sara , Isaac , & Rebecca , Jacob , & Lia , sicut fuit dictum *Genes. 23.* , & ideo Absalomungebat illuc ire , ex devotione .]

Nicol. Lyran. in Reg. ut supra .

„Iisdem ferè verbis hæc ipsa confirmat Abulensis . [Alia autem causa poterat esse efficacior , scilicet , quod moveretur Absalom devotione quadam , propter sanctitatem Loci ; quia in Hebron sunt sepulti quatuor Patriarchæ , cum uxoribus suis , scilicet &c. . Poterat ergo per devotionem horum mori veri ad sacrificandum in loco illo , & hoc fortè suspicatus est David .]

Abulens. Quæst. 14. in cap. 13. 21. Reg.

„Cornelius demùm à Lapide : [Hebron (scribit) , ob sepultos in ea Patriarchas , habebatur locus sanctissimus , & ab Israelitis frequentabatur . Hic ergo Absalomi fuit prætextus , & hæc commoditas sceleris , & conjurationis , consilanda .]

Cornel. à lapid. in Reg. ut supra .

„Uti Hebron , ob præfatorum Patriarcharum ibi extantium Sepulcra , sic pariter loca alia , in quibus Sanctorum aliorum Patriarcharum , & Prophetarum corpora quievisent , Israelitarum pio concursu fuisse frequentata , quæ S. Epiphanius refert , manifestissimè ostendunt ; cumque idem ipse præclara ad Sepulchrum Sancti Ezechielis Prophetæ , in favorem fidelium confluentium , à Deo patrata miracula referat : ea proculdubio peracta fuisse ante Christi Domini adventum , fateri necesse est ; cum , videlicet , nondum Synagoga à Deo rejecta , iis se prorsus indignam effecisset , Auctoremque miraculorum , ut dicit Chrysostomus , Christum , quem Prophetæ ipsi prædixerant , crucifixisset . [Jacet autem , (scribit igitur Epiphanius , de Ezechiele) , Vir Sanctus in Syrorum regione , ac multi ejus ad Sepulchrum , orationis causa confluere solebant . Cumque frequens Judæorum illic , ad ipsius memoriam concursus esset ; aliquando factum , veriti Caldæi , ne contra se confurgerent , impressionem in eos facere atque interficere decreverunt . At Prophetæ beneficio , fluminis aqua constitit , ut Israelitæ ulteriorem in ripam transmittentes , evaderent . Ex hostibus , qui fugientem populum ausi sunt persequi , ponè ipsum demersi sunt . Ad hæc Prophetæ spontè , susceptis precibus , uberrimam piscium copiam suppeditans , fame jam confectos , aluit . Idem , cum populus ab hostibus opprimeretur , horum ducibus occurrit , ac prodigiis perterrefactos desistere coegit . &c.]

S. Jo: Chrysostom. Sermon. de Isaiâ. tom. 1. pag. 434.

S. Epiphani. Episcopum Tom. 2. de Viris Prophetarum pag. 240. n. 10.

„Huic autem simile etiam est aliud , quod de Sancto Propheta

B

Isaia

S. Epiphanius ibid.
ut supra.

Isaia Epiphanius idem, his verbis tradit.] Isaïas Propheta
 „ filius Amos, Patria Hierosolymitanus, ex Tribu Juda, à Ma-
 „ nasse interfectus, & in duas partes sectus, sub Rogellis quercu
 „ sepultus est, ad aquarum transitum, quas imposito aggere,
 „ Ezechias obstruxerat. Deus autem Siloam fontem, in Pro-
 „ phetæ gratiam produxit; quod is sub mortem, deficiente jam
 „ anima, precibus aquam ad bibendum postulasset, quæ subin-
 „ de est emissa. Quam ob causam Siloam, hoc est missus, fons
 „ ille nominatus est. Quin etiam sub Ezechia Rege, antequam
 „ hic cisternas, & piscinas fabricasset, orante Isaia Propheta,
 „ paululum aquæ prorupit, cum populus ab alienigenis obside-
 „ retur, ut ne aquæ in copia Civitas interiret. Etenim hostes, un-
 „ denam Judæi biberent sciscitabantur, neque enim sciebant: &
 „ circumfessa urbe, ad Siloam excubabant. Igitur cum Judæi ad
 „ hauriendum accederent, attollebat se unda, & ad aquandum
 „ copiam sui præbebat. Alienigenæ verò subducente illa sese,
 „ reperire non poterant. Quare hoc etiam tempore, demon-
 „ strandi Divini mysterii causa, repenti ille latex erumpere
 „ solet. Et quoniam per Isaïam, beneficium illud impetratum
 „ est, memores Loci illius accolæ, summo illum cum honore,
 „ & magnificencia, sepelierunt: ut ejusdem precibus perpetuum
 „ aquarum illarum usum obtinerent. De hoc enim editum ipsis
 „ erat oraculum. Est autem Isaïæ sepulcrum, Regum sepulcris
 „ propinquum, post sepulcra Sacerdotum, ad meridiem &c.]
 Hæc Epiphanius.

C A P. V.

*Spectabilia fuisse SS. Patriarcharum, ac Prophe-
 tarum Sepulcra ostenditur, quod Judæi
 fideles præcipuo ea cultu venerarentur.*

AT sicut Isaïæ magnificum (ut audisti) Judæi dicavere Sepul-
 crum, quod ejusdem precibus, perpetuum aquarum usum
 impetrare sperarent; sic etiam cæterorum Prophetarum, San-
 ctorumque virorum aliorum sepulcra, & semper omnibus spe-
 ctabilia, notissimaque, & peregrinationibus frequentata, & ma-
 ximè culta fuerunt; quod illorum meritis, qui in illis conde-
 bantur, se maximè adjuturos confiderent. Hinc de S. Propheta
 Jonæ Sepulcro, scribit S. Hieronymus. [Porro Geth in secun-
 „ do Sephorim milliario, quæ hodiè appellatur Diocæsaria,
 „ cuntibus Tyberiadem haud grandis est viculus, ubi & Sepul-
 „ crum

S. Hieronymus in
 Prolo 3. in Iosue

„crum ejus ostenditur.] Et in vita Paulæ. [Perrexit, (inquit)
 „Bethleem, & in dextra parte itineris stetit ad sepulcrum
 „Rachel, in quo Mater Benjamin, non ut vocaverat moriens
 „Benoni, hoc est filius doloris mei; sed ut Pater prophetiza-
 „vit in spiritu, filium dexteræ procreavit.] Sic Hieronymus,
 „qui ibidem meminit, tumulorum, & Jesu filii Nave, & Elea-
 „zari filii Aaron, & Gedeonis, & Elisæi, & Abdiæ, & Mala-
 „chiæ, & aliorum, de quibus inferius agemus. Quæ quidem
 Sepulcra semper, ut diximus, spectatissima, adhuc hujusmodi
 esse Hieronymi tempore non destiterant; ea, erga illa, ad pos-
 teros religione transmissa, qua primum fuerant excitata, quod
 nulla annorum, rerumque injuria, illorum memoriam, splen-
 doremque obliterare potuisset.

*Idem. Vis. Pau-
lae. Cap. VIII.*

*Et Cap. XLIX
seq.*

Idcirco, quod Sancti Veteris Testamenti nonnunquam in
 locis nullius fortè pretii legantur conditi, ob id putari certè
 non debet, eorumdem Sepulcra obscura, vel fuisse, vel reman-
 sisse. Quod quidem, præ aliis ostendit, quod de Propheta
 Achia refert Epiphanius his verbis: [Mortuus demùm Achias,
 „ad quercum illam sepelitur, quæ in Selom, hodieque conspi-
 „citur.] Legentibus certè ad quercum Prophetam hunc fuisse
 tumulatum, illud animo primum occurrit, ignobili tumulo
 corpus ejus fuisse amandatum. Verùm cum auditur Epiphani
 tempore, Sepulcrum idem perspicuum extitisse; quid aliud cen-
 feri poterit, nisi illud hujusmodi fuisse, ut meritò ab omnibus
 perpetuò observari, secernique ab aliis quibuslibet debuisset?
 Quæcumque tamen ea Sepulcra essent, spectabilia certè semper
 ipsa effecit, nomen eorum, qui in illis conditi fuissent, iuxta
 illud: {Corpora Sanctorum in pace sepulta sunt, nomina autem
 „eorum vivent in generatione, & generationem}. Celeberrim-
 um siquidem, quod vivebat nomen eorum, notissima semper
 illorum Sepulcra reddidit, ita ut ad ea orationis, votique ergo
 sese Judæi fideles conferrent, & qua, par erat, pietate vene-
 rationeque ipsa observarent.

*S. Epiph. Ibid.
ut supra.*

*Ecclesiastic. c. 44.
v. 14.*

Sed, uti in Sancto Isaia vidimus, quamplurima etiam eo-
 rumdem Sanctorum Virorum monumenta, ab initio splendide
 constat fuisse constructa, ipsorumque sacris corporibus vene-
 rationi correspondentem, nobilem locum fuisse attributum.
 Quod quidem ea demonstrant, quæ ab eodem Epiphanio sic re-
 feruntur. De S. Daniele siquidem scribit: [Ad extremum San-
 „tus Daniel Babylone pacificè mortuus est, & in regia spelun-
 „ca, splendide sepultus; atque, ad hunc usque diem, sepul-
 „crum illius notissimum omnibus, ibidem conspicitur.]

*Idem ibid. ut su-
pra.*

*Idem.
Ibid. ut supra*

De Michæa: [Post obitum verò Morathi, in patria sua se
 „ortum,

„ortim, propè monumentum Enacim, notissimo, ad bodiarnum
„usque diem, Sepulcro conditus est.]

Idem ibid.

De Joële: [Tum in pace mortuus in patria sua, magnificè
„sepultus est.]

Idem ibid.

De Abacuc: [Biennio denique antequam è Babylonia po-
„pulus rediret, moritur, & in agro suo magno cum honore se-
„pelitur.]

Idem ibid.

De Aggæo demùm Propheta: [Igitur in eodem loco mor-
„tuus est, & prope Sacerdotes gloriôsè conditus.] Ita ex Epi-
phanio. An verò gloriosum fuerit S. Prophetæ Elisæi sepulcrum,
de quo Sermo Divinus dicit *Ecclesiast.* 48. v. 14. [Et mortuum
„prophetavit corpus ejus. In vita sua fecit monstra, & in mor-
„te mirabilia operatus est.] quærere omninò superfluum arbi-
tratur.

C A P. VI.

*Ex Domini sententia Judæis ædificationem Sepul-
crorum Prophetarum exprobrante, pia erga illa
veneratio magis ostenditur, à Patribus.*

*Ejusdem sententiæ genuinus sensus
producitur.*

Honorem autem hunc, ac venerationem à fidelibus Judæis
Veteris sui testamenti Sanctissimis Viris, ritè, ac jurè cu-
mulatissimè præstitam, ipsius confirmat Domini Salvatoris,
apud Matthæum sententia, *cap.* 23. v. 29., qua sui temporis Judæis
exprobravit: [Qui ædificatis Sepulcra Prophetarum, & orna-
„tis monumenta justorum.] [Constat, (scribit enim hunc lo-
cum exponens disertissimus Maldonatus), ex hoc loco, Pro-
„phetarum, & justorum Sepulcra, in honore apud Judæos ha-
„bita fuisse.] Ædificabant autem Prophetarum Sepulcra Ju-
dæi Christi coævi, cum vetustate collapsa essent, ut Hilarius
exponit.

*Maldonat. in ca-
pit. 23. Matt.*

*S. Hilari. in Matt.
cap. 23.*

At Domini verba hæc, de Prophetarum, justorumque Se-
pulcris, in iisque sarcien-dis studium, à Christo eodem redar-
gutum, Wiclefistæ, ac Calvinus Sanctorum utriusque testamenti
perditissimi hostes, in deterius interpretantur: utpotè, qui,
contra fas omne, & jus, à Judæis id factum velint, quod à Do-
mino adeò acriter increpari meruerit. Verùm impiam, ine-
ptamque ipsorum explicationem, omnium ferè, & quidem an-
tiquissimorum Patrum, verissima sententia funditus evertit.

Quod

*Vid. apud Bel-
lermin. lib. 2. de
Relig. cap. 1.*

Quod enim Scribæ, & Pharifæi collapsa (Sanctorum Sepulcra) reintegrarent, (scribit, quem memoravimus Maldonatus) non vituperationis, sed laude dignum erat, ut Origenes, Chrysostomus, Euthymius adinonuerunt, nec propterea eos Christus reprehendit; sed quia cum eorum ædificarent Sepulcra, majora ipsi patrarent homicidia, quàm qui Prophetas illos, quorum Sepulcra ædificabant, occiderant.

Maldonat. *ibid.*
ut *supra*.

Et Bellarminus Wiclefi solidam interpretationem retundens: [Respondemus, (inquit) Dominum, non reprehendere „Judæos, quod ædificarent, vel ornarent monumenta Prophetarum, sed quod non imitarentur eos, quorum monumenta ornabant; sed potius eos, qui illos occiderunt, atque „seipfos condemnarent. Sic enim exponunt eum locum fere „omnes Patres, ut Hilarius, Hieronymus, Chrysostomus, „Theofilatus. *In cap. 23. Matth., & Ambrosius, & Beda, in Cap. XI. Lucæ.*]

De Reliq. 55. lib. 22
cap. 4.

„[Propheticorum, (inquit Ambrosius) ædificationes tumulorum, sceleris eos, qui occiderunt, arguebant, & simili „æmulatione factorum, se quoque declarabant paternæ iniquitatis hæredes. Non igitur ædificatio, sed æmulatio loco criminis æstimatur.]

S. Ambros. *in*
Luc. cap. XI.

Chrysostomus: [Non quia ædificant, (inquit), nec quia Patres suos accusant, voh illis dixit; sed quoniam ita facientes, „& ita dicentes, Patres suos condemnare audebant, cum ipsi „pejora committerent.]

S. Ier. Chrysostom.
Hom. 75. in *Matth.*

At cum Lucæ XI., de hoc ipso differens Dominus dixerit: „[Profeclo testificamini, quia consentitis operibus Patrum vestrorum, quia illi Prophetas occiderunt, vos autem ædificatis: eorum Sepulcra.]. Quibus, nimirum, verbis, ipsam ædificationem accusare Dominus videtur, tamquam consensus in necem Prophetarum testimonium. Huic objectioni Bellarminus idem satisfaciens.

„[Respondit, (inquit) Chrysostomus, loco citato, Judæos „ædificare solitos Sepulcra Prophetarum, non ut honorarent „Prophetas, sed ut ostenderent vires, & potentiam majorum „suorum, qui Prophetas occidere potuerunt. Licet enim Judæi „non esse hanc suam intentionem dicerent, sed omnino contrariam: tamen revera hanc fuisse eorum intentionem, patet, „quia occidere quærebant Dominum Prophetarum.].

Ibid. ut *supra*.

Hieronymus paulò aliter exponit: dicit enim [Antiquos „Judæos, ex superbia occidisse Prophetas: recentiores autem, „ex superbia, & ambitione ædificasse Sepulcra eorundem, „& proinde eo facto consensisse operibus Patrum suorum.]

S. Hieronym. *in*
cap. 23. *Matth.*

„[Caję.

Cajetan. ibid.

Cajetanus satis accommodatè exponit, [Eum qui sepelitur, occisum, posse id facere, vel ut honoret mortuum, vel ut compleat actum homicidæ: ordinariè enim homines occiduntur, & postea sepeliuntur, ut scelus lateat. Judæi autem, etiamsi dicerent se ædificare Sepulcra Prophetarum, ut eos honorarent; tamen id facere videbantur, ut complerent opera Patrum suorum; patetque ex eo, quod ipsi postea majores Prophetas, idest Christum, & Apostolos aliquos occiderunt.]

Liquet igitur, ex his, Dominum, non opus, sed animum, quo exornandis, sarcindisque Prophetarum, Sanctorumque virorum Sepulcris suo tempore Judæi incumbabant, damnassee; cum alias opus ipsum, per se laude dignissimum esset; & quidem, à majorum exemplo, atque imitatione acceptum, qui & ipsi eximio studio ejusmodi justorum sepulturas curaverant, ut pluribus jam demonstravimus.

C A P. VII.

Calvini, contra venerationem Sanctorum Veteris Testamenti in Synagoga, ex abscondito Moyfis Corpore desumptum argumentum, exploditur. Nunquam Deus congruam Sanctorum ipsorum venerationem inhibuit.

Aliud prodit Calvinus, quo ostendat, omnem prorsus Sanctorum venerationem à Synagoga Deum eliminatam voluisse, ex Cap. ultimo Deuteronomii, & Judæ Epistola: ibi enim dicitur: [Mortuusque est ibi Moyfes Servus Domini in terra, Moab, jubente Domino, & sepelivit eum in valle terræ Moab, contra Phogor, & non cognovit homo Sepulcrum ejus, usque in præsentem diem.] Hic autem, nempe in Epistola Judæ, dicitur: [Cum Michael Arcangelus, cum Diabolo disputans, altercaretur de Moyfi corpore, non est ausus judicium inferre, blasphemix, sed dixit: imperet tibi Dominus.] Ratio autem, ob quam Moyfis corpus Deus abscondit, ea redditur ab omnibus, ne illud Judæi adorarent. Causa verò altercationis, inter Michaëlem Arcangelum, ac Diabolum, ea fuit, quod Diabolus Moyfis corpus manifestare volebat, ut Judæis, videlicet, occasionem illud adorandi præberet: ab eoque scelere illum Arcangelus prohibuerit. Ex quo, nimirum, peculiari facto elicere

Deuteronom. 34.
v. 5.

Ibid. v. 9.

cere contendit Calvinus, omnimodam Sanctorum venerationem universæ, in veteri Testamento propulsatam, Deum voluisse.

Verum ineptè simul, ac impiè Calvinus disserit; aliud enim, uti apud nos est, fuitque veneratio Sanctissimis Prophetis, ac Patriarchis à Fidelibus Judæis, uti amicis, servisque Dei præstita; aliud fuit Prophetam aliquem, pro Deo coli. Secundum hoc prohibuit Michael, non primum illud. Inter cæteros siquidem Prophetas, præclarissimus extiterat Moyses, de quo sermo Divinus: [Et non surrexit ultra Propheta in Israel, sicut Moyses, quem nosset Dominus facie ad faciem in omnibus signis, atque portentis, quæ misit per eum, ut faceret in terra Egypti, Pharaoni, & omnibus servis ejus, universæque terræ illius; & cunctam manum robustam, magnæque mirabilia, quæ fecit, Moyses coram universo Israel.] Tantum igitur Prophetam, tot mirabilibus per eum à Deo patratis illustrem, facile fuisset à Judaico Populo, pro Deo coli; ideòque, ne in tantum facinus populus ipse prolaberetur, necesse fuit, ut eum, Moysis Sepulcrum lateret; nam in illius veneratione, juris, & æqui terminos omnes prætergressus, Divinos Moysi, quos non debebat, dicasset honores. Sed quid hæc, cum Prophetis, justisque cæteris, in quorum veneratione, nihil hujusmodi Idololatriæ periculi suberat: quique dumtaxat, ut Dei servi, & amici colendi essent?

Deuter. cap. 34.
v. 10. 11. 12.

[Dices, (inquit Bellarminus), Judæi non coluerunt Moysen, viventem pro Deo, ergo multò minus coluissent mortuum.] Cui ille: [Respondeo viventem non coluerunt, quia quotidie, ab illo audiebant unum esse verum Deum, se autem illius, servum. At post mortem recordati mirabilium ejus, & non audientes verba ejus, facile potuissent adduci, ut crederent, esse Deum, eumque adorarent, si scirent ubi esset, præsertim, quia valdè credibile est, corpus ejus, licet mortuum, conservasse adhuc splendorem vultus, & decorem, quem antea habebat, sicut multis Sanctorum accidit. Exemplum habemus in Serpente æneo; nam Num. 21. jubente Moysè aspiciiebant Judæi tacti à serpentibus, & curabantur: nec tamen eum, adorabant cultu latriæ, quia, nimirum, Moyses dixerat illis, serpentem illum non esse Deum, sed signum dumtaxat salutis. At 4. Reg. 18. eidem serpenti tamquam Deo sacrificabant, cum tamen jam nulla operaretur miracula, & ideò ab Ezechia confractus fuit.] Et paucis interjectis.

De Rel. 55. lib. 2.
cap. 4.

[Populus Judæorum eo tempore propensissimus erat ad Idololatriam, itaut etiam vitulos aureos coleret. Undè post capitivitatē Babylonicam, quia Populus ille non amplius coluit Idola,

„Idola, videmus Deum illustrasse Se pulcrum Isaïæ, Ezechielis, Hieremiæ, Elisæi, Abdiæ, & aliorum multis miraculis; & gratum habuisse cultum, qui offibus eorum exhibebatur, ut Epiphanius, & Hieronymus tradunt.

Esto igitur, quod Calvinii argumentum, insulsissimè à particulari, ad universale traductum, aliquid valeret; ac ex eo, quem Deus subtractum voluit unius Moyſis corpori honore, eliciendum esset cœteris Sanctis, Prophetis ipsum denegatum quoque voluisse; id procul dubiò non nisi, de incondito eo cultu accipiendum est, quo proclivis in Idololatriam populus idem, eos, uti Deos venerari, colereque faciliè potuisset: non verò de alio, quem illis legitime impertiri valeret; & quidem, non modo, cum sublato, (ut Bellarminus observat) in Idololatriam prolabendi periculo, ac impia proclivitate, patris ad Sanctorum Sepulcra miraculis, congruo eos honore, populo eidem ipsos colendos, venerandosque, (prout par erat) exhibuit, sed antea etiam, ac semper, stanteque etiam periculo eodem; nam intra congruos limites, nunquam Sanctorum venerationem Deum inhibuisse, quæ diximus, de peregrinatione, ac voto Absalomi in Hebron, satis ostendunt. Eo siquidem tempore, & diù post, in Idololatriam Judaicum Populum propendisse, quæ Salomoni ejusdem, Absalomi fratri acciderunt, abundè demonstrant. Quapropter, ut fraudem contingeret, quam coquebat, præfata devotæ peregrinationis, ac voti pretextum assumere Absalom non potuisset, si id inhibitum fuisset; ac multò minùs rei assentiri, Virum Sanctissimum David, annuereque ejus petitioni, de tali voto solvendo, si vetitum: prohibitumque id fuisset, nequivisse; quis non videt?

Reg. 3. cap. vi.
v. 4. & 5.



CAP.

C A P. V I I I.

Priscorum Christianorum primo, secundo, ac tertio sæculo, erga Sanctos veteris Testamenti religio, ex pictis in Cryptis, sculptisque in Sarcophagis ipsorum Imaginibus, declaratur. Eorundem Sanctorum laudes, ac virtutes, à Sanctis Patribus, qui eo tempore vixerunt, passim celebrata.

Ubi verò Salvator noster ascendens in altum, (ut Propheta loquitur), captivam duxit captivitatem, Sanctorumque Patriarcharum, & Prophetarum felicissimas animas, è sinu Abrahamæ, in quo detinebantur, eductas, ad Cælum secum evexit: verbis consequi non potest, quanto studio. quantaque animi devotione, qui primi institutorum ejus sectatores extiterunt, eorundem Sanctorum Patriarcharum, Prophetarumque cultui se adixerint. Id certè in primis testantur, in Cœmeteriis, & Cryptis, primo, secundo, vel tertio sæculo, eorundem passim depictæ imagines, quas mirari non semel in Catacumbis, præcipuè Romanis datum est. In illis siquidem, Abraham, Abel, Moysis, Job, Jonæ, Trium Puerorum, cæterorumque Prophetarum, adumbratæ, undique conspiciuntur figuræ, quæ & ipsos exhibent, & præclara eorum facinora representant. Quinimò antiquissimorum Priscorum Christianorum nullum ferè reperire est Sarcophagum, & Sepulcrum, in quo mixtim, & novæ legis Divina mysteria, & Hæroum Veteris Testamenti gesta, scalp pro sculpta non reperiantur.

Plal. 67. v. 19.

Quo autem animo, præcipuè in Cœmeteriis Sanctorum Patriarcharum, & Prophetarum imagines, ut diximus pictas Christiani vellent; disertè explicat, ex Arringhio, Prosper Bottinus Archiepiscopus Myrensis, in Dissertatione, *apud Holland. in Appendice Maii To. 7. pag. 669. n. 14.* dum ostendit: [Priscos fideles in Cœmeteriis, & Cryptis, in quibus latebant, & conveniebant, ut persecutionum rabiem vitarent, consuevisse servare imagines Sanctorum veteris Testamenti, iisque cultum exhibere; ut ex ipsorum cultu, & aspectu spiritualem profectum excitarent, & ad fortiter toleranda tormenta redderentur alacriores]. Et reverà præstiti iisdem à veteribus Christi fidelibus cultus, fidem indubiam faciunt earundem Cryptarum

Arringb. Rom. subterræ. tom. 2. lib. 5. per totam.

loca, in quibus sacra ipsa imagines depictae cernuntur. Hæc enim, ut plurimum, non nisi in iis, quæ recentioribus cubicula vocare placuit, extiterantque fidelibus, Ecclesiæ, vel potius Oratoria quædam; ac super ea, quæ recentioribus pariter arcuata sepulcra noncupare libuit, & non nisi Altaria erant, cuius, ut vocant, mensam ipsum Martyrum Sepulcrum constituebat, super quod Divinum Sacrificium offerebatur; depictæ ille, adumbratæque conspiciuntur: adeo ut loca ipsa, (ut diximus) veneranda; præstiti sacris ipsis imaginibus cultus, irrefragabiles testes existant.

His addas præclara ab illius ævi Patribus, eorundem Sanctissimorum Patriarcharum, & Prophetarum concinnata præconia, quibus insuper ostenditur, quàm frequens, quàmve assidua, virtutum, gestorumque illorum, apud fideles haberetur memoria: Inter eos, de Job loquens hæc profert Origenes: [Etiam adhuc, usque in hodiernum diem, Beati Job tolerantia, ante eos, qui sunt in dolore, & luctu, atque planctu, legitur, pro consolatione, atque exhortatione dolorum illorum, & pro ablatione angustiae cordis eorum: Similiter autem, & in conventu Ecclesiæ, in diebus sanctis legitur Passio Job.]

Zeno Veronenfis Episcopus, & Martyr, Sermone de Martyrio Isaïæ, inter alia hæc habet. [Idcirco sollicitis visibus vesteris disciplinæ, novam de passionibus celebritatem advertite, qualisque illic fuerit martyrii nobilitas, quàm præclara, quàm fortis. Cum in Capite &c.]

In Sermone altero, de Daniele primo. [Denique tres Pueri, (inquit) in illo sacro certamine, præ oculis Deum sibi posuere, non flammæ, præmium futurum, non poenam. Sicque, inter tetros undantis incendii globos, triumphantes barbarum Regem, minas omnes, ipsum quoque supplicium docuerunt ignem, sanctis hominibus non esse fortiores.]

Et Sermone sexto de eodem: [Exulta Christiane, & Deum fortiter time, Diaboli si vis incendia non timere. Ecce Pueri, sacramento muniti, tres numero, sed una virtute, anhelantibus flammis, camino rugiente, non læduntur, incensi hymnum canunt, barbarum Regem fidei tenacitate confundunt. Vindicantur de incensioribus suis, Deum vident: mors transit, in vitam, metus in gloriam. Sic quis non optet ardere?]

Sermone demum de Job: [Sacra Historie, Fratres Dilectissimi, (inquit) ad hoc nobis est tradita legenda narratio, ut majorum, etsi fieri potest, saltem aliqua ex parte mores imitemur, si non possumus imitari virtutes: tanta enim probitate vixerunt, ut pars felicitatis sit nosce, quid fecerint. Igitur Job, Vir fuit iustus, & verax, ab universis concupi-

secu-

Origen. lib. 1. in
Job.

In Bibliothec. PP.
facul. 3. Tom. 3.
pag. 381.

Ibid.

Ibidem ut sup.
pag. 382.

Ibidem ut sup.
pag. 389.

„ſcētiis hujus mundi ſecretus, converſatione limpidus, mente
 „limpidior, uſque adeo circumſpectus, atque irrepræhenſibilis,
 „ut Dei ſit teſtimonio collaudatus. Unde non immerito beatus,
 „beata vita fruebatur.] Et poſt multa: [O felix vir, qui
 „mira patientia Deum promeruit, Diabolum vicit, ſanitatē
 „recepit: facultates, liberosque ſuos non perdidit, ſed mutavit.
 „Job, quantum intelligi datur, Fratres Chariſſimi, Chriſti ima-
 „ginem præſerebat. &c.]

C A P. I X.

*Chriſtianæ Religionis perſecutoribus ſublatis,
 auctus Sanctorum Veteris Teſtamenti cultus.
 Conſtantiini Magni, erga illos ſtudium,
 & veneratio.*

DEpulſis autem perſecutionum, perſecutorumque tenebris,
 cum Fidei Chriſtianæ ſol, qui prius quodammodo in nu-
 bilo cenſeri poſſe videbatur, nitidior ſub Magno Conſtantino
 refulſit; mirum dictu, quanta ſimul, erga Sanctiſſimorum Pa-
 triarcharum, ac Prophetarum Reliquias, Sepulcra, Memorias,
 & quidquid demum ad eos quoquo modo pertinuiſſet, religio
 percrebuit. Et primum quidem ipſiuſmet Conſtantiini inſignis
 pietas enituit, cum videlicet in fontibus in medio foro conſti-
 tutis (inquit Eufebius) [Boni Paſtoris imaginem, Divinorum
 „oraculorum peritis notiſſimam: Danielis item effigiem, una
 „cum Leonibus ære expreſſam, & auri braſteis refulgentem.]
 „locavit.]

*Eufeb. Viſ. Con-
 ſtan. lib. 3. cap. 49.
 pag. 507.*

Sed quæ narrat Sozomenus, magis etiam ejuſdem erga Sau-
 ctiſſimos Veteris Teſtamenti Juſtos, cultum, venerationemque
 declarat. [Jam verò (ſcribit) ea, quæ ab Imperatore Con-
 „ſtantino conſulta, ac diſpoſita ſunt, circa Quercum, quæ
 „dicitur Mambre, commemorare neceſſarium puto. Locus
 „hic eſt, quem hodie Therebmthum vocant, à Chebron qui-
 „dem, quæ ſita eſt ei ad meridiem, quindecim ſtadiis diſtans:
 „ab Hieroſolymis verò ducentis circiter ſtadiis, & quinquagin-
 „ta. Quo in loco Filium Dei, una cum duobus Angelis, contra
 „Sodomitas miſſis, Abrahamo apparuiſſe, & filium ei nati-
 „tum prædixiſſe, verax teſtatur hiſtoria. Illic porro æſtatis tem-
 „pore, celebrem quotannis mercatum agunt ejus loci incolæ,
 „& qui ulterius degunt, Paleſtini, Phœnices, & Arabes. Multi
 „quoque alii negotiandi cauſa eò conveniunt, partim vendituri,

*Sozomen. Eccleſ.
 Hiſt. lib. 2. cap. 4.
 pag. 447.*

„ partim empturi. Quippe hoc festum magna omnium hominum
 „ frequentia celebratur. Judæorum quidem, propterea quod
 „ Abrahamum Auctorem gentis suæ jactant: Gentilium verò,
 „ eo quod Angeli illuc advenierint: Christiani denique, eo quod
 „ tunc temporis pio Viro apparaverit is, qui diù postea, ad sa-
 „ lutem generis humani, natus ex Virgine, cunctis se manifestum
 „ exhibuit. Porro singuli, pro cultu, ac religione sua, hunc locum
 „ venerantur; alii preces omnium moderatori Deo fundentes,
 „ alii Angelos invocantes, & aut vinum libantes, aut thus ac-
 „ cedentes, aut bovem, vel hircum, vel ovem, gallumve im-
 „ molantes. Unusquisque enim, quod charissimum habet, aut
 „ pulcherrimum, id toto anno alens sedulo, ac saginans, ex voto
 „ ad epulum, festi illius, sibi, ac suis servare solet. Omnes au-
 „ tem, sive in venerationem loci, sive metu Divinæ vindictæ,
 „ ne quid mali ipsi contingat, abstinent illic à mulierum con-
 „ cubitu, quamvis illæ, ut in festo fieri solet, formæ suæ, atque
 „ ornatu majorem curam gerant, & si occasio se obtulerit, ap-
 „ pareant, ac procedant in publicum, nec omnino lasciviant:
 „ idque tametsi contigua plerumque habeant tabernacula, &
 „ promiscuè cubare consueverint. Locus enim ille sub divo est,
 „ & aratur, nec ulla habet ædificia, nisi circa Quercum, quæ
 „ olim fuerunt Abrahami, & puteum ab eodem constructum.
 „ Coeterum tempore mercatus, nemo ex illo puteo aquam hau-
 „ rit. Nam gentili ritu, alii lucernas accensas puteo impone-
 „ bant: alii vinum superfundebant; quidam placentas, nonnulli
 „ nummos, vel unguenta, vel suffitus immiscebant. Proinde
 „ aqua injectarum rerum admixtione, ut credibile est, inutilis
 „ potui reddebatur. Dum hæc eo, quem diximus modo, à Gen-
 „ tilibus, solemnî ritu, atque hilaritate gererentur, Socrus Con-
 „ stantini, voti causa eò adveniens, rem Imperatori nunciavit.
 „ Quibus ille auditis, Palestinæ Episcopos non mediocriter ob-
 „ jurgavit, quod officium suum neglexissent, & locum sanctis-
 „ simum, impuris libationibus, & sacrificiis inquinari passi essent.
 „ Piam autem ejus repræhensionem declarat Epistola, ab ipso
 „ scripta ad Macharium Hierosolymorum Episcopum, & Euse-
 „ bium Panfili, aliosque Episcopos Palestinæ. Quibus etiam
 „ præcepit, ut simul cum Phœnices Episcopis convenirent; &
 „ ara, quæ prius illic steterat, funditus eversa, ac repurgata,
 „ statisque incendio consumptis, *Ecclesiam ibidem designarent*,
 „ vetustati loci, & sanctitati convenientem: darentque operam,
 „ ut in posterum locus ille, à libamentis, & sacrificiis vacuus
 „ esset: adeò ut nihil aliud, quàm veri Dei cultus, juxta Ecclesiæ
 „ leges ibi celebraretur. Quod si quis vetera tentare depræhen-
 „ sus

„sus fuisset; indicarent illum Episcopi, quo ipse gravissimum
 „ei supplicium inferret. Juxta hanc Imperatoris Epistolam, re-
 „tores Provinciæ, & Sacerdotes Christi, ea, quæ mandata
 „fuerant, opere compleverunt].

Epistolam autem, à Constantino scriptam, unus ex iis, ad
 quos missa fuit, Eusebius, nimirum, Panthilii, in ejusdem Con-
 stantini vitæ lib. 3. cap. 52., & 53. referr., in eaque inter alia hæc
 habentur. [Locus ille, qui ad Quercum Mambre vocitatur, in
 „quo Abrahamum habitasse comperimus, fertur à superstitionis
 „quibusdam hominibus, omnimodo contaminari &c. Quem
 „quidem locum, puro Basilicæ edificio exornari præcepimus,
 „ut idoneus sanctis viris confessus efficiatur &c. Neque enim
 „ignoratis universorum Dominum, ac Deum illic primum
 „Abrahæ visum, cumque eo collocutum esse. Illic Sacrosanctæ
 „legis observantia, primum cœpit. Illic primum Servator ipse,
 „una cum duobus Angelis præsentia suæ copiam Abrahæ fecit.
 „Illic Deus primum hominibus apparuit. Illic Abrahæ, de fu-
 „tura ipsius progenie prædixit, atque illic pollicitationem im-
 „plevit. Illic multo ante nunciavit, plurimarum gentium Pa-
 „trem, atque auctorem ipsum futurum. Quæ cum ita sint,
 „æquum esse videtur, ut locus ille nostra cura, ac diligentia,
 „tùm ab omni piaculo purus conservetur; tùm in pristinam
 „sanctitatem restituatur &c.]

Euseb. Vit. Con-
 stant. lib. 3. c. 53.
 pag. 509.

C A P. X.

*Non Abrahæ tantum, sed cæterorum quoque Pa-
 triarcharum, & Prophetarum memoriæ, ac Se-
 pulcra, summa veneratione à fidelibus exculta,
 ac in Ecclesias conversa.*

Nec putandum unum ad Quercum Mambre locum, ubi Abra-
 hæ Deus, ut audisti, tot contulit beneficia, debito honore,
 Constantini jussu prosequutum fuisse; cætera siquidem ejusdem
 Sanctissimi Patriarchæ, & uxoris, & filii præsentia honestata,
 loca, pari à fidelibus veneratione exculta fuerunt; ut apertissime
 docet Hieronymus, qui devotionis ergo, Paulam sacras eas me-
 morias, vîstasse testatur. [Nec post longum spatium, (scribens)
 „intravit Saræ cellulas, vidit incunabula Isaac, & vestigia Quercus
 „Abraham, sub qua vidit diem Christi, & lætatus est. Atque
 „inde confurgens, ascendit Chebron: Hæc est Cariatharbæ,
 „idest oppidum virorum quatuor, Abraham, Isaac, Jacob,
 „&

D. Hieronymus, in
 vit. Paula c. 9.

Ibidem.

„ & Adam magni, quem ibi conditum, juxta librum Jesu Nave,
 „ Hebræi autumant; licet plerique Caleb quartum putent, cujus
 „ ex latere memoria monstratur.] Et post nonnulla. [Altera
 „ die, (scribit) orto jam Sole, stetit in supercilio Caphar Baruca,
 „ idest villæ benedictionis: quem ad Locum Abraham Dominus
 „ profecutus est.]

Ibid. cap. 11.

At sicut incunabula Isaac Paulam visitasse Hieronymus nar-
 rat; sic etiam Sancti Patriarchæ Jacob, præter quod recensuimus
 sepulcrum, alias quoque venerandas memorias minimè præte-
 riisse, idem his verbis testatur. [Longum est, si velim de valle
 „ Achor dicere &c., & de Bethel Domo Dei, in qua super nu-
 „ dam humum, nudus, & pauper dormivit Jacob, & posito
 „ subter caput lapide, qui in Zaccharia septem oculos habere
 „ describitur, & in Isaia lapis dicitur angularis: vidit scalam
 „ usque ad Cælum tendentem, in qua Dominus desuper innit e-
 „ batur, ascendentibus porrigens manum, & negligentes de su-
 „ blimi præcipitans.] Et haud multo post: [Transivit Sichem,
 „ non ut plerique errantes legunt, Sichar, quæ nunc Neapolis
 „ appellatur, & ex latere Montis Garizim, *extraitam circa*
 „ *puteum Jacob intravit Ecclesiam &c.*]

*Ibidem.**Ibidem cap. 6.*

Nec minorem erga cætera quoque Sanctorum Patriarcha-
 rum, & Prophetarum monumenta cultum, ac venerationem
 exhibitam, disertè significat Hieronymus idem, dum videlicet,
 de eadem Paula loquens, scribit. [Beryto Romana colonia, &
 „ antiqua Urbe Sidone derelicta, in Sareptæ littore, Eliæ est
 „ ingressa Turriculam, in qua, adorato Domino Salvatore, per
 „ arenas Tyri, in quibus genua Paulus fixit, pervenit ad Coth
 „ &c.] Et inferius. [Sepulcra quoque in Monte Ephraim Jesu

*Ibid. cap. 11.**Ibidem cap. 12.*

„ filii Nave, & Eleazari filii Aaron Sacerdotis, *è regione ve-*
 „ *nerata est*; quorum alter conditus est in Tamnathsare, à Se-
 „ ptemtrionali parte Montis Gajas, alter in Gabaa filii sui Phi-
 „ nees.] Et post nonnulla: [Transibo ait ad Egyptum, & inter
 „ Soccoth, atque fontem Sampson, quem de molari maxillæ
 „ dente produxit, subsistam parumper, & arentia ora colluam,
 „ ut refocillatus videam Morastim, sepulcrum quondam Michæ
 „ Prophetæ, *nunc Ecclesiam.*]

C A P. X I.

Ad Sacrum SS. Prophetarum Elisæi, Abdîæ, & Jo: Baptistæ sepulcrum, licet sacris eorum Corporibus vacuum, patrata miracula. Ipsorum Sanctorum impiè dispersæ reliquiæ, summo studio à fidelibus collectæ. De pulvere sepulcri Jeremiæ, & de immensis ad Davidis monumentum miraculis.

SEd, præ aliis notatu dignum certè censendum est, quod ad sepulcrum Elisæi, Abdîæ, & Jo: Baptistæ, eidem Paula accidisse, ipsemet narrat Hieronymus; [Vidit, (scribit) duodecim „ Patriarcharum sepulcra, & Sebasten, idest Samariam, quæ in „ honorem Augusti, ab Harode, Græco sermone, Augusta est „ nominata. Ibi siti sunt Elisæus, & Abdias Prophetæ, & (quo major inter nates mulierum non fuit), Joannes Baptista. Ubi multis intremuit consternata mirabilibus, namque cernebat variis „ Dæmones rugire cruciatibus, & ante sepulcra sanctorum ululare homines more luporum, vocibus latrare canum, fremere „ leonum, sibilare serpentium, mugire taurorum. Alios rotare „ caput, & post tergum terram vertice tangere: suspensisque „ pede foeminis vestes desluere in faciem. Miserebatur omnium, „ & per singulos, effusis lacrynis Christi clementiam deprecabatur.]

Ibidem cap. xi.

Hæc (inquam) meritò admirationem ingerere debent, nam cum Paula Prophetarum horum sepulcrum inivisit, licet in eo miraculorum perseveraret yirtus, tamen sacris ossibus vacuum erat. Vacuum, inquam, (scribunt Bollandini): [in vitâ „ enim S. Artemii Martyris. xx. Octobris illustranda, cap. 27. „ apud Surium, legitur, quod postquam Julianus Apostata [dedit gentibus potestatem, ut ingrediantur in Ecclesias Christianorum, & faciant, quæ velint . . . ossa Prophetæ Elisæi, „ & Joannis Baptistæ, (ut putabant), è loculis educentes, & „ cum immundis brutorum ossibus commiscentes, exusserunt, „ & cinerem in aerem cribrarunt, ac ventilarunt. *Ruffinus lib. 2. „ cap. 18.* tunc accidisse ait, ut efferati illi prædicta sancta ossa „ [dispergerent, atque ea rursus collecta igni cremarent, ac „ sanctos cineres, pulveri immixtos, per agros, & rura dispergerent;]. De quo ipsemet in Misopogone gloriabundus Julianus

*AB. SS. Bolland.
Junii sub die 14.
Jun. t. 2. pag. 784.
num. 2.*

„ nus ait. [Sepulcra Atheorum omnia: (ita Sanctos appellabat),
 „ signo à me nuper dato , everterunt Syri Gentiles , ita , elati ,
 „ & erecti animis ; ut scelera eorum , qui Deos violarunt , acrius
 „ etiam , quàm mea ferebat voluntas , vindicarint .] Sic illi .

Monachi tamen , ut idem Rufinus scribit , ab Hierosolymis
 „ missi , [Inter eos , qui ad exurendum ossa legebant , mixti ,
 „ diligentius , in quantum res patiebatnr , ac religiosius congre-
 „ gantes , furtim se , vel stupentibus , vel ignorantibus , subtra-
 „ xere , & ad religiosum Patrem Philippum venerandas reliquias
 „ pertulere .] Ista ex Rufino .

Sancti vero Elisæi Prophetae aliqua , ex præfati ossibus Ale-
 xandriam deinde translata fuisse , in Compendio Historico tradit
 his verbis Cedrenus . [Septimo anno Leonis Magni , (qui fuit
 „ Christi 443 .) Propheta Elisæus Alexandriam translatus , in
 „ Monasterium Pauli leprosi . Ita , qui leprosum (Naaman) sa-
 „ naverat , & leprosum (Giezi) fecerat , in leprosi Æde depo-
 „ situs fuit .] Sic ille .

De Jeremia Propheta tandem , ista Epiphanius tradit :
 „ [Ipse Taphnis Egypti Urbe , à populo lapidibus oppressus in-
 „ teriit . Situs est in eo loco , ubi Pharao quondam Domicilium
 „ habuit . Nam Egyptii , ob acceptum ab illo beneficium , sum-
 „ mum ei honorem habuerunt . Cum enim aspides , & aquatiles
 „ bestię , quas Egyptii Nepoth , Græci Crocodillos vocant , exi-
 „ tium illis inferrent ; orante Jeremia Propheta , tam aspidum
 „ in terra furor , & rabies , quàm in fluvio belluarum insidię com-
 „ pressę sunt . Unde , ad hoc usque tempus , fideles , qui illic
 „ sunt , omnes orare in eodem illo loco solent : sumptoque pul-
 „ vere morsibus , aspidum medentur .]

His alii addi possent , ex primævis Sanctis illis Patribus , ac
 Prophetis , quorum memorię , summo honore , à Christi fidelibus
 semper prosequuntur fuerunt , utpotè eorum , quorum virtutes
 , ac merita , præcipuè , ex Sacrarum Litterarum infallibili
 testimonio perspicua erant , & Deus ipse miraculis testata face-
 ret . Ut cœteros enim præteream ; de immensis prodigiis , ad
 S. Regis David sepulcrum editis , cum impius Herodes thesau-
 rum inde auferre conaretur , testis locupletissimus , disertissimusque
 est *Ioseph. Antiquit. Judaic. lib. 16. cap. 11.* quem confu-
 lat , qui ea intelligere cupit .

*Ibidem ut supr.
 num. 6. pag. 239.*

C A P. X I I.

*De Sanctorum Habacuc, Michæ, Samuelis,
& Zacchariæ sacris corporibus inventis.*

PRæterire nihilominus non censuimus, quæ de sacris corporibus Habacuc, Michæ, & Samuelis, monumentis tradita reperimus. Michæ sepulcrum, in Ecclesiam conversum, supra, ex Hieronymo retulimus; ejusdem autem, & Habacuc sacras exuvias Magni Theodosii tempore divinitus fuisse inventas, his verbis narrat Sozomenus.

„[Neque verò hæc solum Religionem nostram illustrarunt, verum etiam Abacuc, nec multò post eum, Michæas, ex primis illis Prophetis, circa id tempus reperti. Amborum autem corpora, per Divinam in somnis visionem, sicut accepi, ostensa sunt Zebenno, qui tunc Eleutheropolitanæ Ecclesiæ Pontificatum gerebat. Locus porro, in quo repertus est Habacuc vocabatur Cela, olim verò Ceila Civitas dicebatur. Berthsatia verò locus est decem, circiter stadiis distans ab urbe, juxta quem locus, cum erat sepulcrum Michæ, quod quidem incolæ ignorantes, quid dicerent, monumentum fidelium appellabant, Nephthæ; meemana, patrio sermone nominantes.] Quæ scribit Sozomenus, confirmant Cassiodorus *Histor. Tripart. lib. 9. cap. 52.* & Nicephorus *lib. 12. cap. 48.*

*Sod. Hist. Eccl.
lib. 7. cap. 39.
pag. 754.*

Deus autem omnino, (scribit Nicephorus idem), Theodosii (Junioris), & Pulcheriæ, administratione delectari visus est, non eo solum, quod bella ita composuit, ut subditi eorum ab hostibus liberarentur: verum etiam quod multa sacra corpora eorum, qui olim veriore pietate excelluerunt latentia, imperii illorum tempore honore prosequens, visionibus quibusdam, è sinu terræ produxit, & publicè in apertum protulit. [Ac primum quidem, (ejusdem Nicephori sunt verba), de Propheta (Zaccharia veteriore), ut qui primum apparuerit, memorabo. Circa Eleutheropolim Palestinæ, vicus quidam est Cophar dictus, unde Zaccharias ortus fuit. Præfuit huic Calemerus quidam agricola, erga agri possessionem benevolus maximè, in finitimos autem rusticos, durus admodum, & gravis. Et quamvis ille talis esset, Propheta tamen ei insistens, seipsum apertè ostendit, & ad hortulum quemdam eo ducto: Hic, inquit, in duorum cubitorum altitudinem fodito, à septo in hortum ipsum, eam viam versus, quæ Bitherebin oppidum ducit: & Arcas duas invenies, exteriorem ligneam, interiorem plumbeam. Reperies

*Niceph. Eccl.
Hist. lib. 14. cap. 3.
pag. 864.*

D

præ-

„ præterea apud oculos eos vas quoddam aqua repletum: ad cu-
 „ jus partem utramque mediocres duo innoxii, & placidi fer-
 „ pentes, (cicures eos dicas) circumvoluntur. Hæc quidem,
 „ qui per visionem apparuit, dixit. Calemerus verò viso ei obse-
 „ quutus, imperatum opus perfecit, atque ubi sacra illa arca,
 „ juxta prædicta signa exitit, Divus Propheta apparuit, Sacer-
 „ dotalem indutus stolam: quippe qui etiam, ut puto, Sacerdos
 „ fuerit. Ipse verò Propheta, cum multis hominum ætatibus,
 „ seu generationibus in terra jacuisset, nihil tamen in corpore
 „ ejus deficere visum est. Ad cutem usque tonsus, rectum habuit
 „ nasum, mentum mediocriter demissum, caput parvum, &
 „ oculos paulò altius superciliis contectos. Sic quidem Divinus
 „ Propheta est manifestatus.] Ita Nicephorus.

C A P. X I I I.

*Cur revelata primùm, deindè translata SS. Pro-
 phetarum Corpora voluisse Deum, censendum
 sit. Corporis S. Samuelis translatio. Erga San-
 ctos veteris Testamenti, eorumque quascunque
 memorias, eximia fidelium religio.*

HUJUSMODI verò Sacratissima pignora Omnipotentem Deum
 manifestari voluisse, ut magis erga illa fidelium Christia-
 norum veneratio, ac cultus ferveret; cordatus, ut puto, quis-
 que ritè censebit. E' locis autem, in quibus apud Judæos antea
 condita fuerant, cur persæpè Deus plurima eorum translata,
 circa hæc tempora, in exteras quidem, sed Christianas regiones
 voluerit; Chrysostomus his verbis aperit. [Gloriosus olim Pro-
 „ phetarum possessione, uti peculiaris quædam illorum agricul-
 „ tura, erat Judæorum populus. Sed plaudite: gloriatio hæc
 „ nunc ab eis in Ecclesiam translata est. Ecce apud nos, & Pro-
 „ phetarum corpora. Neque enim congruit, ut Prophetas agri-
 „ colas adhuc habeat sterilis ille populus; neque decet, ut apud
 „ illos servantur Prophetæ, qui eum, quem illi predixerunt,
 „ crucifixere.] Respondisse autem Divinæ huic ordinationi
 fidelium Christianorum pietatem; ea, præ aliis indicant, quæ
 de venerabilibus Sancti Prophetæ Samuelis reliquiis, ex Judæa
 in Thraciam, ab Arcadio Imperatore translatis; adversus impium
 Vigilantium scribens, his verbis tradit Hieronymus: [Sacrilegus
 „ dicendus est, & nunc Augustus Arcadius, qui ossa Beati Sa-
 muc-

*S. Ioa. Chrysof.
 in Eiliam Tom. 1.
 pag. 494.*

*Adv. Vigilant.
 Operum Tom. 2.
 pag. 31.*

„muelis, longo post tempore, de Judæa transtulit in Thraciam?
 „Omnes Episcopi, non solum sacrilegi, sed & fatui judi-
 „candi, qui rem villissimam, & cineres dissolutos, in serico,
 „& vase aureo portaverunt? Stulti omnium Ecclesiarum populi,
 „qui occurrerunt Sanctis reliquiis, & tanta lætitia, quasi præ-
 „sentem, viventemque Prophetam cernerent, susceperunt,
 „ut de Palestina, usque Chalcedonem jungerentur populorum
 „examina, & in Christi laudem una voce resonarent? Vide-
 „licet adorabant Samuelem, & non Christum, cujus Samuel,
 „& Levita, & Prophetæ fuit.] Hæc Hieronymus.

Eadem verò sacratissima ossa, Attico Constantinopoli-
 tano Episcopo, in eandem urbem translata, ac honorificentis-
 simè in Basilica, Deo, in illius honorem dicata, fuisse recondita;
 his verbis narrat Nicephorus: [Attico verò Episcopatum ge-
 „rente, Prophetæ quoque Samuelis ossa allata, & in Prophe-
 „tico ejus Fano, quod propè Septimum conditum est, collo-
 „cata.] Monasterium ejusdem Sancti Prophetæ nomine, nun-
 cupatum, fuisse etiam Hierosolymis, testatus est Procopius, dum
 de Justiniano Imperatore hæc scripsit: [Puteos cisternasve has
 „struxit: in Monasterio S. Samuelis puteum, ac murum]. Idem
 ipse, dum ab eodem Imperatore instaurata Monasteria, recen-
 set, inter alia illud recitat [Fontis S. Elisei Hierosolymis.]

*Niceph. Eccl. Hist.
lib. 14. cap. 10.
pag. 369.*

*Procop. Casarien.
de Edific. Justin.
lib. 5. cap. 9. pag.
107.*

Ibidem.

Sed, præ omnibus, quæ eximie declarant erga quasque
 Sanctorum Patriarcharum, & Prophetarum memorias fidelium
 ferventissimam religionem, illud profectò meritò videri debet,
 quòd ipsi, non modo Sancti Prophetæ Job, sepulcrum, sed
 ipsum etiam sterquilinum, adeò magna veneratione sint prose-
 quuti, ut longas ad ipsum, ac frequentes instituire peregrina-
 tiones in Arabiam consueverint. Cujus quidem rei testis locuple-
 tissimus S. Joannes Chrysostomus existit, qui Homilia quinta ad
 populum Anthiochenum, ista habet. [Insuper autem, & de
 „Job exemplum, & simus, omni Tribunali Regio venerabilior:
 „ex Throni namque regii aspectu, nullum erit spectantibus lu-
 „crum, sed temporalis dumtaxat delectatio, nullam habens
 „utilitatem: ex simo Job autem viso, omnem quis capiet utili-
 „tatem, & disciplinam multam, & exhortationem, ad patientiæ
 „rationem. Itaque multi longam, & transmarinam peregri-
 „nationem, à Terræ finibus in Arabiam abeunt, ut finem illum
 „cernant; & conspicati, terram deosculantur, quæ illius victo-
 „ris certamina, & cruorem, omni auro pretiosorem suscepit.]
 Hæc Chrysostomus.]

*S. Joan. Chrysost.
Hom. 5. ad Pop.
Antioch.*

C A P. X I V.

S. Joannis Chrysostomi sententia expeditur. Licet
 serius in Occidentem SS. Veteris Testamenti reli-
 quia translata; haud minorem tamen erga ipsos
 venerationem fidelium animis insedisse, in sa-
 cris Basilicis cultui expositæ sacra eorum imagi-
 nes testantur. De SS. Machabæorum natalitiis.

Prosper. Archiep.
 Myren. in Apol.
 de S. Iob. in Ap-
 pend. ad Act. SS.
 Menfis Maii 10. 7.
 pag. 269.

C Hrysostomi verba sic differtè explicat, quem alibi memora-
 vimus Archiepiscopus Myrensis Prosper Bottinus: [Hæc
 „ verba restringi non possunt ad indicandam devotionem fide-
 „ lium Orientalium, sed potius sunt generaliter intelligenda,
 „ utpotè narrantia peregrinationes, quæ à terræ finibus susci-
 „ piebantur: magis proinde convenient fidelibus Ecclesiæ Occi-
 „ dentalis]. Et quidem, qui transmarinum iter adoriebantur,
 quis non nisi Occidentales extitisse verosimilius censere non
 poterit?

Apud Hieronym.
 Fabrum in Sacr.
 Ravenna memo-
 riis p. 1. pag. 124.

Certè SS. Prophetarum venerandas Reliquias, serius in
 Occidentem fuisse translatas, nemo dissitebitur, quem non la-
 teat, anno tantum circiter septingesimo decimo octavo, (ut
 de aliis taceamus), S. Elisæi reliquias, Theodosii Tertii jussu,
 Ravennam adveclas, ut inter alios, habet Sigebertus in Chro-
 nico. Nisi tamen vera, quæ sint in suo Sanctuario Papiensi Jaco-
 bus Gualle habet, ubi de Basilica S. Joannis in Burgo à Lothario
 Longobardorum Rege qui circa annum 638. regium sumpsit
 diadema, fundata, agit his verbis: [Cujus (nempe Rotharii)
 „ strenua manu bellica, Roma à barbaris fuit liberata; Et pro eo
 „ Urbi, Reipublicæque Christianæ tam ingentis salutis præstito
 „ dono, grata concessione, Sedis Apostolicæ veneranda Cor-
 „ pora Sanctorum, Felicitatis, ac Filiorum, Job quoque patien-
 „ tissimi. Item Thobiz Patriarchæ, Thobinique filii, atque Saræ;
 „ Rex ipse cum magna veneratione Ticinum deferri fecit ad eum
 „ Templum, ibidemque servantur]. Quæ quidem, inquam,
 si vera sint, cum excogitari diuturnum etiam tempus possit,
 quo in Urbem primùm advecta præfatorum Sanctorum Patriar-
 charum corpora ibidem requieverint priusquam Ticinum trans-
 ferrentur; profectò ante septimum sæculum eorumdem Sacris
 reliquiis Occidentalem Ecclesiam ditatam fuisse, fatendum esset.
 Quocumque tamen modo sese res habuerit, licet serius Latina

Ec-

Jacob. Gwall. In-
 vifc. Pap. Sancti.
 Pap. lib. 4. cap. 2.
 pag. 40. 2.

Ecclesia has pretiosissimas exuvias obtinuerit ; ex hoc certè minime factum , ut minus Sanctissimi ipsi Veteris Testamenti iusti in Occidente apud fideles in honore essent ; quippe qui à maioribus , ut ostendimus , eos venerari , colereque didicissent . Uti enim illi , sciviente licet persecutionum procella , in cryptis pictas ipsorum imagines voluerunt ; ita , reddita Ecclesiæ pace , qui eis successerunt , easdem imagines , ut cultui , venerationique essent , publicè in Sacris Basilicis , ac ubicumque cogendi essent fidelium conventus , cum aliis novi Testamenti sanctis , indistinctè propositas curarunt . Ad quod adstruendum , aliis prætermisissis , unum asserre sufficiat S. Paulinum Nolanum Episcopum , dum de Basilica Deo , in honorem S. Felicis Martyris à se Nolæ constructa , agit . Enumeratis siquidem in illius porticu depictis Martyribus , illorum tamen nomine non expresso : nominatim tamen ibidem nomine effigiatas , Job , Tobix , & Judith historias , his carminibus refert .

*S. Paulin. Nolan.
Natal. X. S. Felicis
pag. 617.*

[Inter quæ , & modicis variatus gratia cellis ;

- „ Quas in portibus , (quæ longius una coactum
- „ Protinus in spatium tractu protenditur uno) ,
- „ Appositas lateri tria cominus ora recludunt ,
- „ Trinaque cancellis curvantibus ostia pandunt
- „ Martyribus mediam pictis pia nomina signant :
- „ Quos par in vario redimivit gloria sexu :
- „ At geminant , quæ sunt dextra , levaque patentes ,
- „ Binis historiis ornat pictura fidelis :
- „ Unam Sanctorum complent sacra gesta virorum ,
- „ Jobus tentatus vulneribus , lumine Tobî .
- „ Ast aliam sexu minor , obtinet incluta Judith .]

Et revera , de SS. Machabæis agens , hæc meritò Cardinalis Baronius adnotavit . [Vetus quidem eorum solemnitas est , quam „ majores propensiori studio coluerunt , ut testantur complures „ Sanctorum Patrum orationes ea solemnî die in Ecclesia recitate ; ut S. Gregorii Nazianzeni oratio , Homil. 2. Joannis Chrysostomi , quæ habetur tom. 1. Operum ejus : alia S. Gauden- „ tii Episcopi Brixiani , qui & rationem ejus celebritatis reddit . „ S. Augustini Sermo 109. & 110. de Diversis . In Sermone „ autem 109. hæc habentur , inter alia . [Sanctorum Machabæorum Basilica esse in Anthiochia prædicatur , in illa , scilicet „ Civitate , quæ Regis ipsius persecutoris nomine vocitatur : „ Anthiocum quippe Regem persecutorem impium pertulerunt , „ & memoria martyrii eorum Antiochiæ celebratur , ut simul „ sonet , & nomen persecutoris , & memoria coronatoris : Hæc „ Basilica à Christianis tenetur , & à Christianis ædificata est &c.]

Hæc

*In Not. ad diem
prim. Augusti .*

„ Hæc Augustinus. Est, & de ejusdem sermo S. Leonis Papæ
 „ quo significat hanc solemnitatem frequenti populo Romæ per-
 „ agi consuevisse &c. De eadem solemnitate olim agi consueta,
 „ meminit S. Ambrosius, scribens ad Theodosium Imperatorem.
 „ *Epist. 17. lib. 1. edition. Roman.* Est, de eadem sermo S. Maximi
 „ nomine, Eusebii Emisiani. Idem sermones quatuor, de S. Eu-
 „ sebio Vercellensi, in quibus sicut de illo, ita etiam agitur de
 „ Machabæis, cum una, eademque die ipsorum omnium agere-
 „ tur Natalis dies &c.]

Sic ille, ex quo paret, ex veteri, tam in Occidentali, quam
 in Orientali Ecclesia instituto, Sanctorum Machabæorum, licet
 ad vetus Testamentum pertinentium, celebritatem peragi con-
 suevisse. Cur autem de solis hujusmodi Martyribus Occidenta-
 lis Ecclesia natalitia colere, ex antiquo more soleat; qui com-
 pertum habere desiderat, eundem Baronium loco citat: Theo-
 philum Raynaudum in Netheroclit; Opusc. *Tom. XV. Punc. V.*
pag. 282. & alios propè innumeros consulat, qui de hoc copiosis-
 simè disseruerunt: quibus, pro modulo, quæ censui, subnectam.

C A P. X V.

*Quid sentiendum de Natalitio in Latina Ecclesia,
 inter Sanctos veteris Testamenti solis
 SS. Machabæis generatim concessio.*

EX veteri more, universè Occidentalem pariter, & Orien-
 talem Ecclesiam, Sanctorum Machabæorum annuam so-
 lemnitatem celebrare consuevisse, diximus. At Orientalem
 natalitia cæterorum quoque veteris Testamenti Sanctorum,
 colere solitam fuisse, negabit nemo. Quod autem Occiden-
 talis, ab his abstinerit, (si sententiam, inquam, promere
 liceat), ea ferè ratione ab ea factum videtur, ob quam ab innu-
 meris pœnè Occidentalium etiam novi Testamenti Sanctorum
 quamvis ad se propius pertinentium, solemnibus celebrandis,
 temperavit; quæ tamen in propriis provinciis, regionibusve,
 in quibus floruerunt, ritè, ac jure celebrari permisit. Consulat,
 cui vacat, antiqua Missalia, ac Liturgias, præcipuè Romanæ
 Ecclesiæ, seriòque perpendat, quot in illis offendat Sanctorum,
 sive Martyrum, sive Confessorum, Lusitanæ, Galliæ, Hispaniæ,
 Angliæ, aliarumque Provinciarum, Regnorumque natalitia:
 compertumque habebit, præter unius, vel alterius, ex propè
 innumeris Sanctis illis, memoriam non offendi; recensque tan-
 tum

tum in nova Breviaria ipforum nomen & solemnitate investitam esse.

Quid plura? Eadem Sancta Romana Ecclesia innumerabilium plane Martyrum, & Confessorum, quos ipsemet enixa est: imò ipforum Sanctorum Summorum Pontificum, qui illam sanctitatis fulgore illustrarunt, annua fortè natalitia antiquitus celebranda instituit, vel modo celebrat? Vel potius, ex his, paucos admodum, eo honore prosequitur? Idem dicas oportet de Sanctis Martyribus; paucissimos siquidem, natalitiorum cultu exornavit; non quod aliis gloriam eam, vel nontribuendam, vel detrahendam censuerit; sed quod omnibus eam impertiri nequiverit.

Sicut igitur, ut diximus, unius tantum, vel alterius Sancti Occidentalium particularium Ecclesiarum, universalis Ecclesia natalitia celebrare antiquitus consuevit, si tamen celebravit: Et ipsa Sancta Romana Ecclesia, paucis admodum Sanctis suis hanc gloriam tribuit; ita quid mirandum, quod veteris Testamenti solis SS. Machabæis eum honorem concesserit? Eadem quippè ratione cum illis egit, qua cum proximè sibi adhærentibus, licet novi Testamenti Sanctis sese gessit. Ex hoc autem, uti ritè elici non valet, natalitia, & cultum iis, vel denegasse, vel denegare, quorum universè natalitia ipsa, vel non potest, vel celebrare non potuit; sic, ex non celebrata tota Ecclesia, nisi SS. Machabæorum solemnitate, educi nequit, cæteris quoque Sanctissimis Patriarchis, & Prophetis natalitia, & cultum Ecclesiam denegasse. Approbavit illa, ratamque habuit, venerationem, cultum, celebritates, quibus Sanctos Martyres, vel Confessores, aut Virgines, unaquæque regio peculiare habuit, licet eas non celebraverit. Approbavit etiam in Sanctorum veteris Testamenti honorem, Deo templa dicari, iis cultum exhiberi, eorundemque natalitia in locis illis, in quibus conditi sunt, vel eorum reliquiæ servantur, celebrari. Unde solis SS. Machabæis universè concessa solemnitas, nihil officit aliorum solemnitatibus, quin ritè, & jure celebratæ non fuerint, ac celebrentur.



C A P. XVI.

*Veteris Testamenti sanctos, æquè ac illos novi,
Ecclesia Catholica invocat. Eorum laudes,
ac Præconia, ex SS. Patribus.*

Nicol. Serrar.
Operis Theolog. in
Litaneuticis c. 13
pag. 67. tom. 3.

His addi posset Sanctos veteris Testamenti, uti reliquos novi, antiquitus precibus invocatos. Qua de re nonnulla, ex Nicolao Serrario afferre sufficiat, in Litaneuticis, ubi scribit.

„ [S. Job ora pro nobis. *Origen. lib. 2. comment. in Job.* Et Græcæ in eundem Job *Catenæ Auctôr. cap. 21.* S. Hieremia, ora pro nobis, apud S. Epiphanium lib. de Prophetis.

S. S. Sidrac, Misach. & Abdenago: orate pro nobis. Liturgia S. Basilii Arabica.

S. Jona ora pro nobis. D. Hieronymus Præfatione in ipsius librum.

S. Eleazare, Machabæorum Magister, ora pro nobis. *D. Ambrosii. lib. 2. de Jacob.*] Hæc Serrarius, qui *Litaneutic. 2. Quest. 17. pag. 80.* eadem confirmat.

At, præter hæc venerationem Sanctis Patriarchis, ac Prophetis exhibitam, à nullo magis, quam ab iisdem SS. Patribus, qui ipsorum præclara facinora, eximiis laudibus celebrarunt, cognoscendam, intelligendamque esse censemus; ideòque ex differtissimo Theophylo Raynaudo, uberrimum eorumdem Patrum indicem, licet contractum, qui rei huic incubuerunt, hic dandum non immeritò censuimus.

Theoph. Raynaud.
Heteroclit. Spiritu-
al. Oper. Tom.
XP. part. 5. pag.
283.

„ [Latè de Abele (inquit) S. Ambrosius, libris duobus. „ Basilius Seleuciæ, fuisse Martyrem ostendit.

„ Enochii sanctitas, & insignis virtus celebratur. Cap. 44. „ Ecclesiastici.

„ Nemo, quid sanctius, atque perfectius? Quem usque adeò „ commendat S. Ambrosius, de Noe, & Arca 1. ut dixerit, „ eum à Deo provisum esse, in seminarium justitiæ. S. Chrysostomus, de articulatè, & sigillatim, de sancti hujus viri virtutibus plura tradit. Homil. 23. in Genesim, & aliquot sequentibus, & libro primo de Providentia. Scitè Basilius Seleuciæ, Homil. 5. & S. Ephrem. Tom. 3. sermon. 9. Abrahami Sanctitatem uno ore celebrant Patres. Videndi nominatim „ Philo Judeus lib. de Abraham. S. Ambrosius, duobus de eo „ libris. S. Ephrem, Oratione de Abraham, & Isaac. Chrysostomus in Genes., à cap. 11. & ab Homil. 31. & Homilia, de fide „ Abraham, ac sæpè alibi. Zeno Veronensis, tribus Sermonibus,

- „bus, de Abraham. Basilius Seleuciæ, Orat. 7. Fidem ejus egre-
 „gie expendit S. Basilius in *Constit. Monasticis cap. 2.* & Nyssen-
 „lib. de Deitate Patris, & Filii, & Spiritus Sancti. *Auctor q. q.*
 „ex utroque mixtim apud Augustinum in 117. De ejusdem obe-
 „dientia, luculenter S. Basilius in *Constit. Monastic. cap. 23.* &
 „quotquot præparationem ad filii maculationem expendunt.
 „Cujusmodi præsertim Basilius Seleuciæ, illa Orat. 7. Chrysosto-
 „mus sermon. 3. in 2. Corinth., & orat. de S. Abraham tom. 1. Græ-
 „colat. & lib. ad scandalum passos cap. 10. Ambrosius 1. de Abraham
 „cap. 8. Zeno Veronens. sermon. de patient. sub finem. Augustinus.
 „serm. 73. de tempore. Fulgentius serm. 5. ex novis.
 „Isaaci decora fuse prosequutus est justo opere S. Ambro-
 „sius. Benè item S. Ephrem. Orat. de Abraham, & Isaac. Et
 „perspicua imago Christi, ex Origen. Homil. 8. in Genes. Sicut
 „Pater Æternus Abrahami, qui volens tradidit filium.
 „Jacobum Patriarcham, duplici libro laudavit S. Ambro-
 „sius. Benè etiam S. Chrysostomus. Homil. de Jacob, & Esau.
 „Fuisse Christi perillustrem typum, monstrat S. Augustinus 16.
 „Civit. cap. 37. & latius Justinus, Dialogo cum Tryphone, sub
 „finem.
 „Josephi sanctimoniam, & eximias dotes, plena lauda-
 „tione prosequutus est S. Ephrem. Et S. Ambrosius libro integro.
 „Chrysostomus speciali homilia, de Continentia Josephi, & alte-
 „ra, de ejus venditione; & Homil. 44. in Genesim, & Epistol. 3.
 „Cap. 7. & Homil. 4. in Epist. ad Titum, in morali. Itemque
 „Homil. 4. in 1. ad Thessalonicens. sub finem. Cyprianus lib. de Bono
 „pudicitia. Nyssenus Orat. in illud: Qui fornicatur, in corpus
 „suum peccat. Basilius Seleuciæ Orat. 8. Isidorus Pelusota lib. 2.
 „Epistol. 136. & lib. 4. Epist. 79. Theodoretus Sermon. 8. de Providen-
 „tia. S. Gregor. 30. Moral. Cap. 18. Fulgentius serm. 12. ex novis.
 „Jobum celebrat insigniter S. Chrysostomus, pluribus de
 „eo Homiliis, qui etiam eum valde commendat, à constantia.
 „Homil. 8. in ad Philipp. Idem Homil. 5. ad populum. Tertullianus
 „lib. de Patientia. S. Gregorius, in Opere Moralium, circa lib. Job.
 „passim eum statuens Christi typum. Augustinus, de eodem,
 „optimè Epist. 33. & c. Isidorus Pelusota lib. 3. Epistol. 106. Fulgen-
 „tius Sermon. novo 70. & 71.
 „Mosis ornamentorum celebrandorum nunquam parci-
 „sunt Hebrei; & benè Philo tribus de eo libris. Ex nostris Nyf-
 „senus libro ejusdem argumenti, & tractatu priore in Psalmus.
 „Cap. 7. Basilius Orat. 9. Insigniter, & breviter Clemens. Roma-
 „nus 6. Constit. cap. 3.
 „Josue, qui, & quantus coràm Deo fuerit, S. Ambrosius

„pulchrè notavit, purgans bonitatem, qua sibi passus est, pro
 „more bonarum mentium, imponi à Gabaonitis. Ita ille *lib.3.*
 „*de Offic. Cap.10.*

„Samuel Deo, & hominibus acceptissimus, sæpè me-
 „moratur in Scripturis, & in Patribus. Videfis Chrysostomum,
 „*Homil. separata in illud 2. Corint. 11.* Utinam sustineretis mo-
 „dicum quid insipientiæ meæ.

„Sed vix est in antiquis Patribus, & Patriarchis, qui tot,
 „tantaque laudum retulerit præconia, quot, & quanta David;
 „quem cum adipe, à carne separato, præ cæteris Hebræis.
 „composuit Syracides *Cap.47.* Extollunt, super eximiorum ve-
 „terum sanctitatem, David virtutes, S. Ambrosius in Apolo-
 „gia David. *Basilius Seleucia Orat. 14. 15. 16. 17. Chrysostomus.*
 „*Homil. quinque, de Davide, Saule, & Goliath. Salvianus lib.2.*
 „*de Providentia.*

„Elia Sanctitatem perpulchrè prosequitur *Auctor Homiliæ.*
 „*de Ascensione Elia Tom.1. Chrysostomi. Basilius Seleucia Orat. 11.*
 „*S. Ephrem Tom.3. Homil. de Elia.*

„Elisæum, Basilius Seleucia Orat. 10. celebrat, & *Fel-*
 „*gentius Serm.18. 19. & 20. ex novis. S. Ambrosius, Serm.86.87.*

„Tobiam celebravit S. Ambrosius, & libro integro.

„Tres Pueri Babylonici, Chrysostomus *Homil. 18. in prima-*
 „*Corint. Homil.8. in Epistol. ad Ephes. & Epistol.4. S. Ephrem Tom.3.*
 „*De eis Eucherius Homil.3. de Epiphan.*

„S. Susanna, Bernard: *Sermou.3. de Annunciat. S. Cyprianus,*
 „*lib. de bono pudicitie. Asterius, Homil. de Susanna, & Daniele.*

„Mittamus cæteros, his vel anteriores ante Christum San-
 „ctos, quandoquidem ex paucis illis, quos protuli, abundè
 „habemus, unde confirmemus, eximiam planè fuisse plurimo-
 „rum Christo anteriorum sanctitatem: nec per eam stare posse,
 „quominus, & festis honoribus, & eo cultu, quo Ecclesia San-
 „ctos novi Testamenti prosequitur, clari habeantur. Agnove-
 „runt sanè id prisce illi Christiani, qui parvulos suos, ad om-
 „nem excitaturi sanctimoniam, nominibus, non Avorum, vel
 „Atavorum, ut Gentilibus in more erat, sed Sanctorum Pa-
 „triarcharum, & Prophetarum, eos nominabant, ut scribit
 „*Eusebius lib.8. Hist. cap.16. alias 21.* Rati eos, vel commemo-
 „ratione sola tantorum nominum, stimulandos esse ad omnem
 „virtutem, ne degeneres viderentur ab iis, qui prius hujusmodi
 „nominibus fuerant insigniti. Hoc fuisse institutum Parentum,
 „in illa diligentia nominum, sanctitatem ingerentium suis li-
 „beris imponendorum, observat S. Chrysostomus. *Homil. 21. in*
 „*Genes. ad illud (appellavit nomen illius. Enos).* Itaque hinc

pa-

„ patet, veteres Christianos, eximiam horum Sanctorum, apud
 „ Deum gratiam, & sanctimoniam perspexisse]. Ista Raynaudus.

C A P. X V I I.

*Sanctorum veteris Testamenti virtutes, ab Apostolo
 celebratae. Imitatione, ac praxi virtutum,
 ante Christum, Christiani censendi.*

Sed omnium Patrum dictis, meritò præferenda sunt Sanctissi-
 morum Patriarcharum, & Prophetarum præconia, ab ipso-
 met Apostolo divinitus recitata, cum, videlicet, ad Hebræos
 scribens, pluribus eorum nominatim recensitis, tandem con-
 cludit. [Sed quid aliud dicam? Deficiet enim me tempus enar-
 „ rantem, de Gedeon, Barac, Samson, Jephthe, David, Samuel,
 „ & Prophetis, qui per fidem vicerunt Regna, operati sunt ju-
 „ stitiam, adepti sunt repromissiones, obturaverunt ora leonum,
 „ extinxerunt impetum ignis, effugerunt aciem gladii, conva-
 „ luerunt de infirmitate, fortes facti sunt in bello, castra ver-
 „ terunt exterorum, acceperunt mulieres de resurrectione
 „ mortuos suos.]

*Ad Hebræos ca-
 pit. 11.*

Et quidem hinc factum est, ut plerique Patres eosdem ve-
 teris Testamenti justos, licet antè Christum floruerint, imita-
 tione tamen, ac praxi virtutum, quas idem Salvator deinde
 docuit, Christianos eos, nuncupare non dubitaverint. Quare
 Chrysostomus, Abrahamum laudat, quod jam Evangelicam
 didicisset sententiam, qua filiorum amor, Dei amorì postpo-
 nendus docetur; & de Job loquens: [Job, dum tentatur, (in-
 „ quit) apparet scientia, quæ post multa tempora danda erat,
 „ Spiritu Sancto erudiente, edoctus. Quo pacto demonstrabitur
 „ hoc? Nondum erat Lex, & longè ante Evangelii prædicatio-
 „ nem præcessit. Quintus enim erat ab Abrahamo, & Nepos
 „ Esau; & Legem servavit sacrificando, & Evangelium cum co-
 „ gitationibus certando. Vitulum enim sacrificabat, quasi Le-
 „ gem videns, & de internis cogitationibus sollicitus erat, quasi
 „ Evangelium spectans &c.]

*Apud Raynaud.
 ut sup.*

*S. Jo. Chrysostom.
 Homil. in Job. C.
 Abraham.*

D. Ambrosius, de S. Patriarcha *Josepbo cap. 1.* [Illud (in-
 „ quit) mirabile, si diliges inimicum tuum, quod Salvator do-
 „ cuit. Jure ergo mirandus, qui hoc fecit ante Evangelium, ut
 „ læsus parceret, appetitus ignosceret, venditus non referret
 „ injuriam; sed gratiam, pro contumelia solveret, quod post
 „ Evangelium omnes didicimus, & servare non possumus.]

Idem de Davide *Serm. XI. in Psalm. 118. ad v. 6. ad illud :*
 „ [Omnia præcepta tua veritas] . [Quæ præcepta (inquit) nisi
 „ illa: si me persequuti sunt, & vos periequentur? Hæc præcepta
 „ David, anterior licet Incarnationis sacramento, jam tamen
 „ audiebat in spiritu, & quasi Christi discipulus, non subtrahere-
 „ bat se passionibus, sed certaminibus offerebat] . Coetera, quæ
 „ afferri possent de hac re Sanctorum Patrum luculentissima tes-
 „ timonia, brevitati studentes, datâ operâ prætermittimus .

*Et de Christo, Dei
 lib. 18.*

His autem D. Augustinus permotus, de iisdem Sanctis ve-
 teris Testamenti Patribus, pluribus in locis, sed præcipue *lib. 1.
 contra Epist. Pelagian. cap. 4.* differens, scripsit . [Hi pertinent ad
 „ Testamentum novum, filii promissionis, & regenerati à Deo
 „ Patre, & libera Matre . Hujus generis fuerunt omnes iusti,
 „ & ipse Moyses, testamenti Minister veteris, hæres novi; quia
 „ ex fide, qua nos vivimus, una, eademque vixerunt, Incarna-
 „ tionem, Passionem, Resurrectionemque Christi credentes fu-
 „ turam, quam nos credimus factam, usque ad ipsum Joannem
 „ Baptistam] . Et infra . [Eadem igitur fides, & in illis, qui
 „ nondum nomine, sed re ipsa fuerunt ante Christum, & in istis,
 „ qui non solum sunt, verum etiam vocantur; & in utrisque ea-
 „ dem gratia, per Spiritum Sanctum: unde dicit Apostolus: Ha-
 „ bentes eundem spiritum fidei, secundum quod scriptum est :
 „ Credidi, propter quod loquutus sum, & nos credimus, pro-
 „ pter quod, & loquimur &c.] . Hæc Augustinus .

C A P. XVIII.

*Summam in Sanctos Veteris Testamenti vene-
 rationem suam Catholica Ecclesia testatur,
 dum in Missæ Sacro Canone alibi quæ
 eorum merita recenset .*

PRÆTER hæc verò, eximiam, summamque venerationem, qua
 Sanctissimos veteris Testamenti Patres semper Catholica
 Ecclesia prosequuta est, testatam facit sacrosancti Sacrificii Mis-
 sæ antiquissimus Canon, in quo hæc recitantur: [Supra quæ pro-
 „ pitio, ac sereno vultu respicere digneris, & accepta habere,
 „ sicuti accepta habere dignatus es munera, pueri tui iusti Abel,
 „ & Sacrificium Patriarchæ nostri Abrahæ, & quod tibi obtulit
 „ Summus Sacerdos tuus Melchisedech, sanctum Sacrificium,
 „ Immaculatam Hostiam] . Quæ quidem verba, sic explicat
 Durandus .

„ No-

„Nominantur isti tres Patres veteris Testamenti : quia illi
 „eorum Sacramenta specialius cæteris, hoc Sacramentum præ-
 „signaverant. Quid enim per manus Abel offerentis de primo-
 „genitis gregis, nisi Christus primogenitus in multis fratribus
 „exprimitur: qui malitiosè occisus est à populo Judæorum, sicut
 „ille invidiosè à fratre suo? Nam, secundum Apostolum: Ipse
 „est Agnus Dei, qui occisus est ab origine mundi. Quid per
 „Sacrificum Abrahæ, dilectum, & unicum filium offerentis,
 „nisi Christi passio designatur? De quo dicit Apostolus: Proprio
 „filio suo non pepercit Deus, sed pro nobis omnibus tradidit
 „illum. Hic est, (inquit) filius meus dilectus, in quo mihi com-
 „placui. Oblatio quoque Melchisedech, tam propriè novum
 „sacrificium præsignavit, ut inde prædictum sit: Tu es Sacerdos
 „in æternum, secundum Ordinem Melchisedech: qui, secundum
 „Apostolum, assimilatus per omnia Filio Dei, manet Sacerdos
 „in perpetuum.]

Meritò igitur Catholica Ecclesia, quæ ad eò magnificè, de
 præclarissimis SS. Veteris Testamenti virtutibus gestisque cen-
 suit, eaque in sanctioribus suis Misteriis celebrandis, apud Deum
 in medium protulit, pari veneratione, ac cultu, usque ab initio
 eos prosequuta est, prosequiturque insuper, tam in Itinerario Cle-
 ricorum nuncupato ac Litanis, tum multò magis in Ordine com-
 mendationis animæ, in quo, & insimul omnes Patriarchas, &
 Prophetas, & eorum plures singillatim etiam invocat, & exorat.

C A P. XIX.

S. Gregorii Turonensis, digna memoratæ
Historia.

A T licet ad rem, de quâ agimus minus congruere videatur;
 illud nihilominus, quod ad Patres veteris Testamenti per-
 tinet, prætereundum non duximus, quod S. Gregorius Turo-
 nensis narrat his verbis. [Sed nec illud, (inquit) absurdum est
 „credere, quod sæpius, per visiones expertas Dominus revelare
 „dignatur, qualiter, aut honorentur Sancti, aut infirmi medi-
 „camina consequantur. Nam recolo gestum in infantia, cum
 „Pater meus ab infirmitate humoris podagrici laboraret, & ar-
 „dore febrium, ac doloribus multis adtenuatus, lectulo decu-
 „bare, vidisse me in visu noctis personam dicentem mihi. Le-
 „gisti, ait, librum Jesu Nave? Cui ego: Nihil aliud litterarum,
 „præter notas agnovi in quarum nunc studio confectus adli-
 „gor. Nam hic liber prorsus, an sit ignoro; & ait: Vade, inquit,
 „fa-

Durand. in Ra-
 tional. Divin. Of-
 f. lib. 4. de Oltav.
 p. 648. pag. 178.2.

Rom. 8.

Apocalyp. 5.

Rom. 8.

Matth. 17.

Psalms. 109.

Hebr. 7.

S. Greg. Turon.
 de Glor. Confess.
 642. 90.

„facitoque hastulam parvam ex ligno, quod hoc nomen recipere
 „possit, scriptumque ex atramento, sub paterni capitis fulcrum
 „colloca; erit enim ei præsidium, si quod loquor impleveris.
 „Manè autem facto, Matri quæ videram indicavi: jubet impleri
 „visionis præcepta. Quod cum fecissem, statim Genitor, ab
 „infirmirate convaluit. Decurso quoque alterius anni curri-
 „culo, iterum ab hoc incommodo capitur: accenditur febris,
 „intumescunt pedes dolore pessimo, nervi intorquentur. Hæc
 „perferente, dum cum magno gemitu in stratu decumberem,
 „vidi iterum personam in visione interrogantem me, si Librum
 „Tobiæ cognitum nunc haberem. Respondi, quod non legerim:
 „qui ait: Noveris hunc fuisse cæcum, cujus filius, Angelo co-
 „mite, dum iter ageret, in flumine piscem cœpit. Cujus, in-
 „dice Angelo, cor, jecurque sustollens, Patris suffomigat ocu-
 „los, qui statim fugatis tenebris, lumen recepit. Vade igitur
 „tu, & fac similiter, & accipiet refrigerium dolorum Genitor
 „tuus. Hæc Matri cum referrem, confestim pueros ad amnem
 „dirigit: piscis capitur, subtracta sunt de extis, quæ iussa fue-
 „rant, & prunis imposita: at ubi primùm fumus odoris Patrem
 „adtigit, protinus tumor, dolorque discessit]. Ista Gregorius,
 quæ quidem divinitus patrata censenda sunt, ut sicut ipsemet
 dicit, Sancti veteris Testamenti honorarentur.

Libri Primi Finis.



SS. PATRIARCHARUM

E T

PROPHETARUM, &c.

CULTUS PERPETUUS

LIBER SECUNDUS,

In quo Sanctorum, non Martyrum, à Primo,
usque ad Septimum Sæculum, in Ecclesia
Græca, & Latina cultus adstruitur.

C. A. P. I.

*Calvini, contra Sanctorum venerationem argumen-
tum, ex non cultu Sanctorum Veteris Testamen-
ti desumptum; non satis explosum à veneratione
solis SS. MM. exhibita. Ecclesia Catholica San-
ctos Martyres, & non Martyres semper coluit.*



Ereditissimus Calvinus, Hagiomacorum
posteriorum temporum facile prin-
ceps, ex eo quod Catholica Ecclesia
Sanctorum veteris Testamenti festiva
solemnia celebrare non consueverit;
id ab ea factum contendit, ut novita-
tem cultus Sanctorum malignè, super-
stitiosèque intruderet. Veteri siquidem,
primitivæque Ecclesiæ illum omninò
ignotum fuisse, insolentissimè asserit..

*Calvin. lib. 3. In-
stit. cap. 20. §. 25.
Apud Raynaud.
Tom. 15. Heterocl.*

*Et Serrav. in.
Opuscul. Theologic.*

At sicuti, quæ superiori libro diximus, satis superque fal-
sitatis arguere Calvinum noscuntur; ita, quæ in hoc scribenda
suscepimus, non satis nequissimi illius ignea tela repulisse, (Deo
favente) eos ostendent, qui, ut illius, ac aliorum ei similium, ac
sectatorum mendaciâ refellerent, contra apertissimum menda-
cium, Basilicas, Memorias, Natalitia, & hujusmodi alia, quæ
in honorem Sanctorum Martyrum, sub ipsius Ecclesiæ primor-
dia

dia celebrata fuisse, nisi impudentissimus negare poterat, dumtaxat objecerunt. Nam, ad ejusdem deicienda commenta, non Martyres tantum, sed & eos, quos Confessores modò appellamus, Sanctasque quoque Virgines, ac Mulieres, locupletissimum cultum obtinuisse, revolutis paulisper Ecclesiasticis monumētis, probare possumus.

Psalm. 44.

Neque enim putandum est primitivam Ecclesiam, quæ astitit à dextris superni Sponsi, minime fuisse circumdatam varietate; eamque sola candidatorum Martyrum purpura fuisse insignitam. Nam et si plures Fidelium, acerbissimo sævientium persecutionum tempore donum id consecuti sint, ut nimirum pro Christo mortem obirent, non ideo tamen omnes, licet, & fide, & operibus præclarissimi. Ecclesiam ipsam, (ut verbis Bedæ venerabilis utar), quam honor Divinæ dignationis dilucidius illuminabat, gloriosius quidem Martyrum sanguinis exornabat; sed inviolatæ etiam Confessionis candida induebat Virginitas. Floribus ejus, nec rose, nec lilia deerant. Et ad utroque honores credentium certabant singuli, ut amplissimam acciperent dignitatem, coronas, videlicet, vel de Virginitate candidas, vel de Passione purpureas.

Joan. 14.

*D. Cyprian. de
mortalis in juv.*

Cum verò perspicuè Ecclesia eadem compertum haberet: [In Domo Patris multas mansiones esse]: [Ibiq; (nempe in Cœlesti Regno, ut loquitur Cyprianus), Apostolorum gloriosum Chorum, illic Prophetarum exultantium numerum, illic Martyrum innumerabilem populum, ob certaminis, & passionis gloriam corebatum; & triumphantes illic Virgines, quæ concupiscentiam carnis, & corporis, continentie robore subegerunt: remuneratos misericordes, qui alimentis, & largitionibus pauperum, justitiæ opera fecerunt; qui Dominicæ præcepta servantes, ad cœlestes thesauros terrena patrimonio transulerunt]: Quæ hæc, inquam, probe intelligebat Ecclesia, ac præter gloriosissimos Martyres; & Virgines, & Misericordes, & alios præclaris virtutibus exornatos, earum merito, immortale præmium assecutos esse sciebat; qua ratione impensè colere illos non debuit, quos eandem cum Sanctis Martyribus æternam gloriam adeptos esse cognovit?

*D. Eternar. Ejipl.
90. in juv.*

Joan. 11.

[Ne putemus, (inquit Bernardus) solos Martyres esse dilectos, cum recolas dictum de Lazaro: Lazarus amicus noster dormit. Denique: Beati mortui, qui in Domino moriuntur. Non solum, qui pro Domino fiunt Martyres, sed qui in Domino moriuntur, sicut Confessores, postmodò beati sunt]. [Nec enim dicebat, quem memoravimus, Martyr ipse inclutus Cyprianus, qui persecutionum temporibus floruit], Deus Sanguinem nostrum,

*D. Cyprian. de
hortat. t.*

„strum, sed fidem querit. Nec Abraham, nec Isaac, nec Jacob
 „occisi sunt; & tamen fidei, & iustitiæ meritis honorati, inter
 „Patriarchas primi esse meruerunt: ad cuius convivium con-
 „gregatur quisquis fidelis, & iustus, & laudabilis invenitur.]

Et quidem, uti Prophetas, ac veteris Testamenti Sanctos
 alios, (si Machabæos Martyres, ob eam, quam attulimus ratio-
 nem excipias) indistincte, ut vidimus Ecclesia coluit, nullo,
 nimirum respectu habito, inter eos, qui naturali morte occu-
 buerunt, ac alios, uti Isaiam, Ezechielem &c., qui martyrio
 coronati sunt. Sic primitiva eadem Ecclesia, quamvis aliquid
 majoris venerationis, ac cultus, Sanctis suis Martyribus contu-
 lisse visa sit; aliis tamen, qui post exactam in sanctitate, & iusti-
 tia vitam, in Domino obdormivissent; quorum, ut plurimum,
 sanctitatem miraculis ac prodigiis Omnipotens Deus testatam
 fecit, honores, & venerationem subtraxisse, censere æquum
 non videtur. Quæ enim Sanctos, (ut ita dicamus) sibi extraneos,
 licet non Martyres coluit; quo pacto, quamvis non Martyres,
 Sanctos suos despiciere debuit? Misericors ipse Dominus, qui sub-
 stantialem, æternamque illis cum Sanctis Martyribus, in Eccle-
 sia triumphante contulit gloriam: accidentalem eis denegatam
 voluisse in militanti, putandum non videtur.

C A P. I I.

*Sanctis utriusque sexus, qui Martyres non extite-
 runt in Sacris Cœmeteriis antiquitus, vel inter
 Martyres, vel Martyribus juxta illos locus at-
 tributus. Sacræ Cryptæ, uti SS. MM. ita San-
 ctorum, qui hujusmodi non fuissent imaginibus
 indistinctè decoratæ.*

SANCTOS Martyres in Cœmeteriis, seu Arenariis, & Cryptis in
 quibus cœteri quoque indiscriminatim Christiani sepellie-
 bantur, sepulturæ passim mandatos, neminem latet. Erant
 Cryptæ ipsæ priscis sæculis, recondendis fidelibus defunctis,
 omnibus communes. Enim verò, sicut Martyrum sepulcra,
 vel Palmæ, vel Sanguinis vase, vel Epigraphæ aliqua configura-
 bantur, ut, inter alia internoscerentur: ita Sanctorum Virorum-
 ac Mulierum, qui in pace quievissent sacris Corporibus datum,
 quod aliis non concessum dignoscitur. Vel enim Martyres apud
 eos tumultu tradebantur; vel vicissim, honoris, ac venerationis

causa, ipsis inter Martyres sepultura attribuebatur. Utriusque rei producantur exempla.

Primo Ecclesiæ Sæculo S. Petronilla, Apostoli Petri filia, in pace ad Christum migravit. Sæculo eodem Nereus, & Achilleus, pro Christo gloriose occubuerunt. Ut condigna sepultura honestarentur, quid factum fuerit recitatur apud Henschenium. *Sub die 31. Maii Aët. SS. to. 7. pag. 421. n. 4. his verbis.* [SS. Nereus, „ & Achilleus, sepulti *juxta sepulcrum*, in quo sepulta fuerat „ Petronilla Apostoli Petri filia]. Idemque, ex Arringhio confirmat Henschenius idem. *Ibid. ut supra num. 6.*

E' contra verò S. Balbina, (ut dicitur in Romano, aliisque Martyrologiis), quæ Sæculo Secundo floruit, à S. Alexandro Papa baptizata, post devictum hujus sæculi cursum, *juxta patrem suum Beatum Quirinum Martyrem sepelitur.*

Sed ne putetur, ob solam sanguinis afinitatem, honorem hunc Balbinæ fuisse concessum, quod, nempe juxta Martyrem sepelliretur; illud prohibet quod Sæculo Primo cum S. Antonio Eremita Lucensi Fideles egisse, ex M. SS. per Franciscum Mariam Florentinum, sub die 27. Aprilis, ejusdem *To. 1. Aët. SS. pag. 478.*, apud Paperbrochium legitur. Converterat Antonius ipse, quam incolebat cellulam, in Confessorum; præcipue verò, in SS. Martyrum Cœmeterium. Cum igitur, è vivis ipse excessisset, quid cum illius corpore, honoris gratia, Christiani gesserint, ejusdem Acta his verbis testantur. [Cujus gloriosum corpus, cum hymnis, & laudibus, in eadem cellula fuit sepultum, „ quæ S. Georgii Basilica hodiè vero nomine nuncupatur; *in qua „ B. Antonius consueverat sepellire SS. Martyrum, Confessorum corpora multa*]. Confessorum verò nomine, Primo Sæculo, (ut inferius explicabimus) eos fuisse nuncupatos, qui coram Tyrannis Christum confessi essent; Ecclesiasticorum vocabulorum nemo peritus ignorat.

Eadem etiam honorificentia, decretam primùm, deinde attributam fuisse Sepulturam S. Talaleo Confessori Leontino, (quem in Indice Chronologico Mensis Maii, diem obiisse, sub anno 251., Bollandiani notant), à cæteris Christianis, quorum aliqui Martyres etiam evaserunt; eorundem Acta, (inani indistinctoque conatu intemperantissimè à Pseudocensoribus impetita), his verbis testantur. [Paucis post diebus in eodem loco „ Talaleus ægritudine oppressus, obiit, consistens, & adorans „ eum, qui nobis spiritum dedit, & vitam; ob cujus mortem re- „ liqui tristati fuerunt. Cumque, de sepulturæ loco consulta „ retur, Alexander dixit: Eamus in Suburbanum Anzianorum, „ & sepeliemus, ubi recondita sunt reliquæ Sanctorum viginti mili- „ tum.

Sub die 31. Martii in Aët. SS. Alexandri Papa ejus Acta habentur.

Aët. SS. sub die X. Maii Tom. 2. pag. 530. num. 72.

„tum. Et ita fecerunt. Cum venissent autem in eum locum,
 „iuvenerunt unum Sepulcrum apertum, in quo aliquot ex mi-
 „litibus fuerant sepulti. *Ibi Talaleum deposuerunt, sepulcrumque*
 „concluserunt.]

Nec solum preclarissimos sanctitate Viros, ac Mulieres,
 attributo eis, vel cum Martyribus honorificentissimo tumulo;
 vel Martyribus tumulo juxta eos concesso, prisca Fideles hone-
 starunt. Sed etiam, uti Prophetarum, ac Martyrum, sic etiam
 sacris eorum imaginibus, Cryptas, in quibus recondebantur,
 (ne quid minus venerationis, ac honoris eis tribuere videren-
 tur), decorare consueverunt. Qua de re unicum afferre suf-
 ficiat testem Antonium Carracciolum, de Sacris Neapolitanæ
 Ecclesiæ monumentis : Nam ubi de Sancto Agrippino Episcopo
 agit, qui Neapolitanam, sub anno circiter 160., nempe Sæ-
 culo Secundo rexit Ecclesiam, hæc inter alia, habet. [Enim
 „verò fuisse B. Agrippinum in Cœmeterio primum sepultum,
 „ex veteri more probari potest. Priscis enim illis temporibus.
 „sæviente Infidelium persecutione, rarò in Ecclesiis, aut Ora-
 „toriis, ut plurimum verò in Cryptis, Arenariis, ac Cœme-
 „teriis Sanctorum, ac Cristianorum corpora condebantur. Fa-
 „vet nostræ sententiæ *vetus Agrippini effigies, quæ in Cœme-*
 „*terio S. Januarii, hodieque visitur, rudi, sed antiquo schema-*
 „*te veneranda*. Nec verò Neapoli fuit infrequens, in Cœme-
 „teriis extra vrbis mœnia tumulatio. Nam in Cœmeterio, quod
 „dictum est S. Gaudiosi, multa fidelium, imò & nonnulla Di-
 „vorum corpora sepulta fuisse; tùm *vetusta effigies, ex musi-*
 „*vo expressa*, quas Baronius se, cum Neapoli fuit, vidisse te-
 „statur, *notat. in Martyrologio Roman. die 28. Octobris* palàm
 „ostendunt: tùm etiam, ex eo colligitur, quod sæpè apud Jo-
 „Diaconum, aliosque antiquos Scriptores, Episcopi, aut alii Nea-
 „politani Cives leguntur extra mœnia conditi. Ex his itaque,
 „aliisque nonnullis antiquissimis vestigiis, probaliter mihi vi-
 „deor posse affirmare, B. Agrippinum fuisse primò extra mœ-
 „nia sepultum, in ipso fortè Cœmeterio, quod postea S. Janua-
 „rii vocatum. Deinde verò, pace per Constantinum Ecclesiæ
 „reddita, in Ædem S. Januarii extra mœnia, à B. Severo con-
 „structam, ab eodem fortasse Severo translatum, non nemo
 „existimat. Enimverò diù jacuisse Agrippini sacrum corpus
 „in jam dicta Ecclesia S. Januarii extra muros, illud argum-
 „tum esse videtur aliquibus, quod Ædes illa, non Januarii solum-
 „modò, sed etiam Agrippini nomine, Deo dicata olim fuit,
 „ut tradit Joannes Diaconus in Chronico Episcoporum, dum
 „agit de Victore Episcopo &c.]. Hæc Caracciolus.

Anton. Caracc. de
Sac. Neapolis. Be-
clesi. monument.
Cap. XL. sect. 3.
pag. 136.

C A P. III.

Vti ea SS. Martyrum, Primo Sæculo, Sanctorum, qui Martyres non fuerunt, corpora in Ecclesiis condita; imò, ad illorum sepulturam, Basilicæ à fundamentis constructæ. Corporis S. Cornelii Centurionis, Cæsareæ Episcopit ranslatio referatur, ac expenditur.

AT quamvis aded conspicuo antiqui Fideles nō Martyres prosequerentur honore, cum inter persecutionum pressuras, sacra eorum corpora, in Cryptis condere coacti essent, ac supparem iisdem Martyribus honorem eis impertirentur; ampliori tamen eos exornarunt, & quidem Primo etiam Sæculo Ecclesiæ, ubi à persecutoribus id sibi inhiberi non timuerunt, vel eorum oculis, pia hæc religionis studia subducere potuerunt; cum, videlicet, uti eorumdem S.S. Martyrum, illorum reliquias in Basilicis, & Ecclesiis honorificentissime sepulturæ tradiderunt. Cujus quidem luculentissimam fidem faciunt, quæ de S. Eucharior Trevirensi Episcopo, apud Bollandianos his verbis narrantur. [Tunc „ Discipuli, pro eius exitu sacras exequias celebraverunt, & „ corpus ejus in Ecclesia, quæ est extra mœnia Civitatis, ad meridianam plagam sita, cum hymnis, & piis lacrymis sepulturæ tradiderunt.]

Sepulturæ mandatum S. Eucharior corpus, sub anno Christi 73. notant Bollandiani, sacroque eidem corpori, eodem cultu postea additis, Sanctorum Valerii, & Materni, qui ei in Episcopatu successerunt, reliquias, animadvertunt. Et revera in vita S. Materni cap. 6. dicitur: [Tunc qui presentes erant „ Fideles, condignas exequias expleverunt, & ejus corpus non „ longè à reliquiis SS. Eucharior, & Materni honorabiliter posuerunt XVIII. Kal. Octobris]:

Iidem, ipsi Bollandiani, de præfato S. Eucharior agentes: [Obiisse dicunt in notis Harigerus, & M. S.S. quædam V. Idus „ Decembris; at Brauverus: Obiit VI. Decembris, quam diem „ anniversariam, ac sempiternam B. Eucharior memoriam, Trevirensis Ecclesia consecratam habet.]

Parum autem censendum est, uti Sanctorum Martyrum corpora, illa eorum Sanctorum, qui Martyres non fuissent, in Ecclesiis fuisse recondita, si cum eo conferatur, quod ad ipsa
sepe:

*A.A. SS. Ianuarii
To. 2. pagin. 921.
Vit. cap. 4.*

Mid. ut supra.

sepelienda, fideles Ecclesias ædificaverint, in quibus digno honore colerentur. Testantur id Acta S. Juliani primi Cenomanensis Episcopi, qui Primo etiam Sæculo floruit, à Joanne Mabillonio edita, in quibus ista habentur. [Sedit igitur (S. Julianus) in prædicta sede, Cenomanica in Urbe, annos 47., menses quatuor, dies decem, qui &, obiit in pace Quint. Kal. Februarii, & sepultus ex juxta Fluvium Sartæ, in Ecclesia, quam sui Discipuli, ad sepeliendum eum præparaverunt. Si, quæ ergo &c.] Quæ quidem cum exscripserit Mabillonius, mirandum est certe, quo pacto deinde innuere potverit, S. Confessoribus cultum paulò ante Sæculum IV. deferri coeptum. [Quo tempore, (inquit), S. Antonius sepulturam suam, ignoto loco parari jussit, ne Pergamius, qui in iis locis ditissimus erat, Martirium, idest ædiculam sacram super tumulum suum fabricaret. Ex quo intelligimus eum ritum jam cecepisse.] Et quidem diù ante Sæculum Quartum cecepisse intelligere debuerat, si Sæculo Primo, ad condendas S. Juliani Reliquias, Ecclesiam, à Discipulis eius constructam, jam scripserat. At de Pergamio, & cultu Magno Antonio præstito, fusius inferius.

Jo. Mabillon. In
Analect. To. 3.
pag. 49.

In præfat. c. 2.
Tom. seu Sæcul. V.
Ab. SS. Ord. S.
Benedict. pag. 65.
num. 97.

Hunc autem honorem, quem eodem Primo Sæculo, & Trophimo Arelatensi, & Paulo Narbonensi, & Martiali Lemovicensi, ac aliis collatum fuisse, vetera earumdem Ecclesiarum monumenta, perpetua traditio, Scriptoresque fide digni testantur: ipsidem temerè, ex more Pseudo--censores hodiernos, (quos nimirum pudet in regionibus, progenitoribusque suis tam citò Christianos evasisse), subducere tentasse, haud me latet: sed quæ nobis injuste subtrahita exempla dolemus, illud abundè, inter alia, supplet S. Cornelii Centurionis, deinde Cæsareæ, & Sceupsi Episcopi, quem, nimirum, ex eo quod Judici, quem statim ad fidem convertit, oblatus fuerit, & ad momentum, carcere trusus sit, nemo certè jurè Martyrem pronunciare poterit. Huic siquidem, ad recondendum sacrum ejus corpus, non modò Basilica à fidelibus constructa fuit, sed ipsemet è fundamentis illam erigi divinitus imperavit. Postquam enim in Cælum evolavit, sacras ejus exuvias Discipuli illius, (demus ipsius Actorum verba, apud Bollandum): [apud ipsum, ab eo eversum Jovis Templum, cum in novo loculo, deposuerunt &c. Rubum autem maximum terra continuò edidit, & in orbem textit loculum, adeò ut nullus sciret de cœtero, quod intus esset loculus, præter eos solos, qui cum Demetrio tunc inservierunt, ad sepulturam. Qui quidem ad Rubum quotidie venientes, sacra canebant cantica, suffisibusque, & bono odore replebant, qui super ipsum erat aerem,

AA. SS. Bolland.
sub die 2. Febr.
to. 1. pag. 293. Capit.
pit. 3. & seq. num.
12.

,, at-

Ibid. n. supra.

„atque miracula quidem illic frequenter scatebant &c.] Et
 „Cap.4. immediatè subsequenti. [Non multò post autem, & vi-
 „ta decessit Demetrius, & multi ex eis, qui à Cornelio fuerant
 „Divino initiati baptismo, *ipsi verò partim è vivis decesserant,*
 „*partim autem profecti sunt in alias regiones.* Itaque cuidam,
 „Silvano viro pio, & qui virtutem amplectabatur, & erat Epi-
 „scopus Troadis, cum venisset aliquando in Civitatem Scepsco-
 „rum, divinus in somnis apparens Cornelius: longo, dixit,
 „tempore hic habito, & nullus me vilitavit, præter eos solos,
 „qui à me fuerunt baptizati. Cum itaque inter diù hæc mente
 „consideraret Episcopus, & quid sibi vellet somnium non pos-
 „set conjicere, nocte sequenti ad eum rursus veniens Sanctus:
 „Ego sum, inquit, Cornelius Centurio: est autem mihi domus
 „prope Templum Jovis in Rubo; sed tu ædifica alterum Ora-
 „torium propè locum Demetrii Servi Dei &c.] Et nonnullis
 interjectis, *ibid. num. 15.* [Postquam autem Templum fuit citò
 „perfectum, hoc quoque Deo faciente miraculum, in locum
 „qui dicitur Trigoni venientes ædificatores ei significant per-
 „fectum esse ædificium, & jam tempus esse, ajunt, transferri
 „Capsam, priusquam ingressui superimponatur superliminare.
 „Continuò ergo Episcopus cum simul cum pio Eugenio sacrum
 „sumpsisset Evangelium, fuis prius precibus simul & Trisagium
 „cœpit canere, & cum eo omnes simul eundem, Hymnum,
 „concinnebant, & ægressi sunt supplicantes. Deinde Cap-
 „sa, (ò magna tua Domine, miracula!) sequuta est tamquam ani-
 „mata, nemine omninò eam movente, nec tangente. Et omnes
 „quidem primo, propter summam admirationem, nec mira-
 „culo quidem, quod cernebant, volebant credere. Deinde,
 „quasi essent adducti in extasim, exclamaverunt, Sanctus, San-
 „ctus, Sanctus Dominus Deus Sabaoth; qui per famulum tuum
 „Cornelium miracula tua, & virtutes nobis aperuisti. Hinc
 „factum est, ut qui remanserant ex Gentibus crederent.

Ibid. num. 17.

„Et rursus in Templum processit supplicatio, & Cap-
 „sa, quebatur. Postquam autem ventum in Templum, illi quidem
 „hinc, & illinc constiterunt, videntes quonam esset Cap-
 „sa, processura, & ubinam statura. Illa autem per ipsos medios,
 „& lateralem portam veniens, quæ erat à dextera, stetit propè
 „Aram; cum omnibus adhibitis machinis, ut ea transferre-
 „tur, ad Aram, illa manet immobilis usque in hodiernum diem;
 „miraculorum thesaurus non deficiens, ex quo percipitur ma-
 „gna spiritualis utilitas, & gratia.]

Sic Acta, in quibus duo ritè observanda sunt; & primum
 quidem, non diù post S. Cornelli priorem sepulturam, ejusdem
 tran-

translationem, in Basilicam ad hoc constructam, fuisse celebratam. Nam id patenter elicitur, ex Actis ipsis, ubi dicitur, quod non multò post Sancti tumulationem, defuncto Demetrio, & parte illorum, qui à Cornelio baptizati fuerant; parsque altera in alienas regione transmigrasset, Sanctus Episcopus, Silvano apparuit, & de ædificanda Ecclesia, in quam suum transferretur corpus, admonuit: admonuit, inquam, paulò post primam tumulationem, postquam nonnulli à S. Cornelio baptizati, & ipsi defuncti fuissent; alii verò in vivis quidem agerent, sed aliò tamen migrassent. Quod quidem notandum fuit, & ut intelligeretur, sub Primi Sæculi finem translationem Sanctissimi Episcopi fuisse factam, & ut perspicuè error, lapsusque detegere-tur eorum, qui illam, ad Quintum usque Sæculum rejecerunt.

Notatu dignum aliud in eo est, quod omnibus adhibitis machinis, Capsa in qua S. Cornelii Corpus conditum erat, è loco, quem juxta Aram elegerat, amoveri non potuerit, ut ad Aram ipsam transferretur. Ex quo fortè Pseudo-criticus aliquis, se elicere posse censebit, Sanctum Episcopum, primis illis Sæculis, venerationem, cultumque, ac sibi non debitum, detrectasse, quem fidelium pietas, religioque, collocatis in Ara, nempe, ejusdem Sacris Reliquiis, ei conferre voluisset. Et quidem diutissimè post priora sæcula, quem paulò ante memoravimus Joannes Mabilonus, ut usum, videlicet, praximque nonnullarum Ecclesiarum, qua Sacræ Sanctorum Reliquiæ super Altaria collocantur, perstringat; (Ecclesia Romana siquidem antiquitatis sacræ religiosissima custos, non nisi sub Altari Sanctorum, sive Confessorum, sive Martyrum, aliorumque corpora, concedere consuevit:) ex elogio S. Odonis Abbatis Cluniacensis, id adstruere connixus est, de eodem S. Odone ista scribens. [Hæc „ Vir piissimus, qui duo facta refert insignia, quorum primum „ est, de Reliquiis S. Walburgis, seu Gualburgis, miraculis ce- „ lebris: cujus Reliquiæ, cum in Altari positæ fuissent, ces- „ sasse miracula. Stupentibus peregrinis, cuidam ex infir- „ mis Virgo apparens: idcirco, inquit, non sanamini, quia „ Reliquiæ meæ sunt super Altare Domini, ubi Majestas Divi- „ ni Mysterii debet solummodò celebrari. Quod cum ille custo- „ dibus referret, tulerunt capsam, & protinus miracula fieri „ coeperunt:] Sic ille.

Verùm idem ipse, qui ista refert, Tomo, & Sæculo eodem, incautè Historiam alteram profert, qua quod priori adstruere studuit, funditus evertitur. In Historia siquidem relationis S. Walarici Abbatis, in Monasterium Leuconanense, sic scribit. [Orta est, inter fratres dubia quæstio, de corpore præ-
fati

AB. SS. Ordin.
S. Bened. To. 6.
Sæcul. 7. pag. 147.
num. 49.

AB. SS. Ordin.
S. Bened. To. 6.
Sæcul. eod. pag.
pag. 557. num. 3.

„ Confessoris (Walarici), utrum ipse esset, an ossa sæcularis Viri
 „ ibi essent delata. Tunc consilio Abbatis, & Monachorum de-
 „ latum est in Capitulum, in quo jacebat B. Walaricus scrinium.
 „ Expleta, itaque lectione regulæ, & finito Sermone à Mona-
 „ sterii Patre, ab eo; *Benedicite*, dicitur. Et à fratribus: *Do-*
 „ *mine*, respondetur. Tunc Abbas subjungit. Dicitur, fratres
 „ à vobis hic quiescere corpus S. Walarici, quod, utrum verum
 „ sit, sciendum est à nobis. Aperiatur Locellus, & si ibi sit cor-
 „ pus videatur. Laudatur à fratribus, quod ab Abbate dicitur.
 „ Cumque hoc vellent opere complere, & Locellum aperire, su-
 „ bitò est ab eorum oculis ablatum, *Angelicisque manibus eve-*
 „ *lus est, & super Altare positus*. Quo factò, stupore fratres at-
 „ toniti, à Capitulo egressi, *viderunt super Altare Locellum*,
 „ in quo jacebat corpus Sancti Walarici: & lacrymis profusis,
 „ cœperunt cantare: *Te Deum laudamus*, &c.]

Hoc igitur commotus exemplo, quem diximus, Mabillo-
 nus, ex ijs, quæ in Reliquiis S. Walburgis acciderant, minimè
 elicere debuisset, eo, de quo agit Sæculo, sacras Reliquias super
 Aras collocari non consuevisse, & uti indebitum, hunc eis ho-
 norem fuisse collatum: Sed potius aliud fuisse, quod nos latet,
 ob quod honorem ipsum Sacris suis Reliquiis tribui, Sanctissima
 ipsa Virgo noluerit. Nam convenientissimè tributum, & qui-
 dem Divinitus, & quidem Angelico ministerio; evidentissimè
 probat S. Walarici Corporis aliud exemplum. Et ab utroque
 hoc exemplo edocti intelligere debemus, nil pænitus detractum
 putari posse, absolutissimo ei cultui, quo Sancti non Martyres
 exornati primis Ecclesiæ Sæculis fuerunt, ex eo, quod Sacras
 suas exuvias S. Cornelius, non supra Altare, sed juxta dumtaxat
 Altare collocari voluerit. Quod, nimirum, secus ac cum alio-
 rum Sanctorum Reliquiis, cum illis Sancti huius Episcopi agi,
 Deus Omnipotens disposuerit. Ad id, unde digressi sumus,
 redeamus.



C A P. I V.

Non modo sepulcra , sed cæteræ quoque Memoriz Sanctorum , sive Mulierum , sive Virorum , qui Martyres non fuerunt , uti ea Martyrum , Primo Sæculo à fidelibus cultæ . Omnipotens Deus , eorundem Sanctorum Reliquias , miraculis illustrare consuevit .

Sicut autem non modo sepulcra SS. Martyrum , priscis Fidelibus venerationi erant ; sed loca insuper , in quibus passi essent , præcipuo honore colere in more habuerunt ; ita SS. Confessorum , non modo sacras reliquias venerati sunt , sed loca etiam , in quibus versati fuissent , aut præclarum aliquid eis accidisset , eximio cultu sunt prosecuti . Quod quidem in eodem S. Cornelio Centurione , perspicuè cognoscitur . Quis enim ambigere potest , peculiari quadam ratione , Domum , quam Cornelius idem inhabitaverat , Christianos , ab initio religiosè non observasse , si post eversam etiam totam à Romanis Judæam , nihilominus Domus ipsius memoriam , non modo apud illos nunquam excidisse , sed diligentissimè servatam , ipsam in Ecclesiam conversam fuisse habemus ? Testatur id disertè Hieronymus , in Vita Paulæ , dum scribit , de ipsa loquens . [Mirata

„ ruinas Dor, Urbis quondam potentissimæ , & versa vice Stratonis Turrin , ab Herode Rege Judææ in honorem Cæsaris Augusti , Cæsaream nuncupatam , in qua Cornelii Domum , Christi vidi Ecclesiam .] Vidit , inquam , venerataque est , ea omnino ratione , qua S. Flavie Domitillæ primùm , deindè Sancti Prophetæ Eliæ memorias piissimè visitaverat . [Delata (inquit

„ Hieronymus idem de Paula eadem Hierosolymam peregrinante) ad insulam Pontiam , quam clarissimæ quondam sceminarum , sub Domitiano Principe , pro confessione nominis Christiani , Flavie Domitillæ nobilitavit exilium : vidensque

„ cellulas , in quibus illa longum martyrium duxit , sumptis si dei alis , Hierosolymam , & Sancta loca videre cupiebat .] De S. autem Eliæ memoria . [In Sareptæ litore , scribit , Eliæ est ingressa Turriculam , in qua adorato Domine Salvatore , per

„ arenas Tyri pervenit &c.] Certè martyrium , Paulæ , ac Hieronymi ævo , Elias , futurus licet sub finem mundi Martyr inclutus , non consumaverat ; & tamen quam incoluerat Turricula ,

Tit. Cap. 6.

G

ut

ut ex verbis Hieronymi elici posse videtur, in Ecclesiam Deo dicatam versa erat, in qua Salvatorem Paula adoravit. Inter veteris Legis Confessores (ut sic loquamur) Elias ergo tunc recensendus erat, cum iis collatus Prophetis, qui fuso sanguine, jam occubissent. Tanta diligentia servata semper ejusdem Memoria, Divinoque cultui dicata, ostendit igitur (ut videre est etiam ex Cornelii, de qua loquimur Domo) Sanctos qui Martires non extiterant, venerationem obtinuisse, nec solis Martyribus præstitum cultum; quem abundè magis etiam probant Prophetarum, Martyrum, & non Martyrum, indistinctè, ut vidimus, venerata Sepulcra. Si prisci Fideles, ergo, taliter sese gessere; cum Veteris Legis Sanctis, qui quodammodo minus ad se pertinuerunt: erga eos Novæ (ut supra adnotavimus) minus observantiores extitisse, quis credit?

Et quidem, præter Eliæ Turriculam, & Cornelii Domum, hujusmodi Sanctorum non Martyrum Memorias alias Paulam veneratam esse, asserit Hieronymus idem, cum statim addit. [*Et Philippi vidit, (videlicet in eadem Cæsareæ Civitate) adiaculas, & cubicula quatuor Virginum Prophetarum.*] Quod quidem egregiè, ut consuevit, adnotavit Baronius, cum scripsit: [*Recens adhuc erat Cæsareæ Maritimæ in Palæstina, temporibus S. Hieronymi, Memoria Philippi Diaconi, & filiarum ejus, Nam ædícula Philippi, & filiarum cellulæ adhuc integræ permanebant: quas omnes S. Paula profectura Hyerosolimam in-*]

visit, ut ipse S. Hieronymus scribit, Epistola 27. ad Eustochium.] Et certè, qua ratione, vel loca hujusmodi, vel multò magis Sanctorum, vel Sanctarum sepulcra, licet non Martyrum, non magni, ac in honore habere Fideles non poterant, si ea Omnipotens Deus, præclaris prodigiis, miraculisque exornabat? Rei hujus testem asserre sufficiat Sanctum Bucolum, primum Smyrnensem Episcopum, & S. Joannis Apostoli, & Evangelistæ discipulum, quem in indice Chronologico, sub anno 99. obiisse Bollandiani putant. De illo iidem scribunt: [*Celebrem fuisse miraculis, sive factis in vita, sive ad ejus tumulum divinitus patratis, ostendit Nicephorus Calistus lib. 3. Cap. 34. ita scribens. [Apostolorum sectator Polycarpus, martyrio est defunctus, qui post Bucolum (Thaumaturgum), sive mirandorum operum effectorem, Smyrneorum Ecclesiæ præfuit.] Inter cætera verò miracula, ad eiusdem tumulum patrata, singulare illud, ab omnibus recensetur, quod Plantam (Myrtum, Acla S. Policarpi dicunt) Deus ante illud oriri fecerit, quæ plurimis morbis curationem præberet: de qua Menæa. [Ut Palma germians in Aula Dei, debito iustis som-*

Ibid. ut supra.

*Baron. in Not.
ad Martyrolog. ad
diem 6. Junii.*

*Ad SS. mens.
Februar. sub die
6. Tom. 1. pag. 766.
in corp. prævio
num. 4.*

„somno consecutus es, ò Bucole Dei præco. Nam ante Divinum tuum monumentum, plantam producis, miraculum videtur. Terra quidem beatum tuum corpus obtegitur, medelas, & gratias manifestè secuturiens, ò gloriose Bucole, sed animam tuam simul cum electis, verè Divinis refulgentem, splendoribus, Cælum obtinet.]

C A P. V.

Ecclesiasticis tabulis diligentissimè consignata, in Orientali, & Occidentali Ecclesia, Sanctorum, qui Martyres non fuerunt, nomina; priscorum Fidelium erga illos, venerationem ostendit.

ET quidem; sicut SS. Sanctorumque tumulos, ac Memorias asferas, decoratasque prodigiis, ac miraculis Deus Omnipotens voluit; ita prodigiis, miraculisque iisdem, eos venerari, ac colere Fideles docuit, ad eosque confugere, quorum precibus, & ope Divinam Misericordiam consequi possent. Quod quidem illos cumulatissimè præstitisse, ritè ambigere nemo potest, satisque ostendunt, præter ea, quæ diximus, culta sepulcris, in quibus reconditi, religioseque venerata loca, in quibus versati fuissent: illud etiam, quod eorum nomina Ecclesiasticis tabulis diligentissimè fuerint consignata. Ad quid enim, si solis SS. Martyribus honores ii tribuebantur, inter innumeros, (ut ita dicamus), qui Christi fidem, & hoc quidem primo Sæculo, ab ipsis Apostolis evulgatam, susceperunt; traditum monumentis paucorum tantum nomen habemus, qui Martyres non extiterunt; vel, si inter alios virtutibus, ac miraculis non enituisent, vel si, præ aliis, venerationem, ac cultum Sanctis ipsis. Martyribus supparem, eis exhibere Ecclesia noluisse?

Hujusmodi certè fuerunt in Romana Ecclesia, præter eam, quam memoravimus Petronillam, Plautilla S. Domitillæ Virginis, & Martyris mater, ac demum Lucina senior Apostolorum discipula; de qua, utpote sanctitate insigni, juxta Martyrum corpora, (ut supra adnotavimus) sepulturam tributam fuisse, Romanum Martyrologium disertè asserit. Quod quidem de Timotheo Presbytero, Pastore, & Pudente Senatore Romano, & aliis, dicatur oportet.

Hoc idem in Orientali Ecclesia observare est, quæ perpauca licet, aliquos tamen Ecclesiasticis Tabulis descripsit. Hujusmodi extiterunt, Agabus Propheta, Manhaen, Herodis Tetrarchæ collactaneus, Doctor, & item, sub gratia novi Testamenti

*In Martyrolog.
Roman. sub die
31. Maii.*

*Ibid. sub die 20.
Maii.
Ibid. sub die 19.
Maii.*

*Ibid. sub die 15.
Februar.*

Sub die 24. ejusd.

menti Propheta: ac demum Joanna Uxor Cuzæ Procuratoris Herodis. Horum siquidem nomen, & memoriam, adeo accuratè litteris consignatam, alia mente, alioque studio ab eo, quo SS. Martyrum nomina, & gesta iisdem Ecclesiasticis tabulis mandabantur, quis ritè non credet?

C A P. V I.

*Sæculo Secundo exhibitus multipliciter Sanctis,
sive Episcopis, sive aliis, qui Martyres non
fuerunt, cultus.*

RAvennatis Ecclesiæ primos Episcopus, qui proximè Sanctissimo Martyri Appollinari successerunt, ad munus illud, per Columbæ signum divinitus evedos, & sanctitate præclarissimos, condigno honore semper prosequutos fuisse; nemo, (quod sciam), usque modo negavit. Eorum autem neminem martyrio fuisse decoratum, dissertè his verbis S. Petrus Chrysologus testatur. [Beatus Appollinaris, primo Sacerdotio, solus hanc Ecclesiæ Ravennatem, vernaculo, atque inclyto, martyrii honore decoravit.] [Sicut autem, (scribit S. Petrus Damiani), B. Petrus Princeps Apostolici Senatus, tres, inter ceteros, eminentiores cognoscitur habuisse Discipulos, qui sibi postmodum, in Pontificatus arce, per ordinem successerunt; primò, videlicet, Linus, deinde Cletus, tertius, Clemens: ita nihilominus, & Appollinaris, quatuor egregios Discipulos habuit post felicem martyrii sui gloriam, sibimet in Ecclesiastico regimine succedentes; Adheritum, scilicet Eleuchadium, subinde Marcianum, postremò Calocerum.]

Ex his Adheritus, ad Primum Christi Sæculum pertinet, diemque extremum, circa annum 98. obiisse putatur. Eleuchadius, sub initium Secundi Sæculi mortuum esse, anno 112. Bollandiani scribunt. [Cujus quidem gesta, (inquit præfatus S. Petrus Damiani), non reperiuntur apicibus tradita; sed non sine causa vetustas, vel Basilicam in ejus honorem construxit, vel ejus obitum, annuæ solemnitatis honoribus dedicavit.] Non modo verò cum Martyrem non fuisse confirmat, sed adeo, è contra, ad Christum conversos S. Eleuchadii avo, illius Provinciæ populos animadvertit: [Ut omnium, inquit, Ravennati Metropoli adjacentium Dioecesum Civitates, & Oppida, nullos poenè recondere Martyres agnoscamus. Unde

B. Ap-

*D. Petr. Chrysolog. Serm. 128.
pag. 321.*

S. Petr. Damian. Oper. To 2. pag. 13. Serm. 4.

Pennin apud Saxones. in Not. ad Martyrolog. sub die 27. Septem.

Act. SS. sub die 4 Februar. L. 2. ag. 747.

et. l. ut supra.

„ B. Appollinaris quanta gloria, quanta sit excellentia mirari
 „ non possumus: cujus martyrium, cum per viginti, & novem
 „ annorum spatium, per innumerabilia fuerit tormenta pro-
 „ ductum; tantum solus elaboravit, quod alter quispiam, ubi
 „ in totis ferè illis patribus, pro testimonio fidei potuisset oc-
 „ cumbere, non invenit. Si quid autem fortè superfuit, Disci-
 „ pulorum ejus successio veneranda supplevit; inter quos, ni-
 „ mirum, B. Eleuchadius, velut aureum sydus enituit. &c.]

Hinc erroris ritè redarguitur Hieronymus Rubeus, dum Marcianum, qui circa annum 120. Eleuchadio successit, martyrio coronatum fuisse, sub Hadriano Imperatore, scripsit: Nam, nec ipse, neque qui ei subrogatus est Sæculo eodem, circa annum 140., sub Antonino Pio Calocerus, martyrium subiit; sed, & ipse, & quos commemoravimus alii, martyrii gloriam, nullatenus adepti sunt. Et nihilominus, dies obitus eorum anniversaria solemnitate consignatus fuit; & eorum Reliquiæ religiose cultæ; & demùm eorum memoriæ omne id colatum, quod Sanctis ipsis Martyribus Christiana pietas dicare consuevit.

*Hieronym. Rub.
 Dissert. Raven.
 lib. 1. 2. Edit.*

*Act. SS. Bolland.
 sub die 11. Febr.
 To. 2. ubi de Reli-
 quiis S. Caloceri
 pag. 508.
 Fide Baron. &
 Synum. sub hac
 die.*

Omne id quoque præstitum Sancto Prosdocimo, Patavino Episcopo, & S. Petri Discipulo. De ipso siquidem ista scripto tradidit S. Maximus, ipsius Discipulus, ac in Episcopatu successor, in illius Actis, quæ in eiusdem solemnitate ipsummet recitasse cognoscitur. [Maturus ævo (Prosdocimus), & cursu finito, Sept. Id. Novembr. ad Christum migravit, qui ab uni-
 „ verso Populo Civitatis susceptus est, & in Oratorio S. Mariæ
 „ sepultus. Vixit autem B Prosdocimus in Episcopatu suo, an-
 „ nis nonaginta tribus, mense uno, & diebus quindecim; in cu-
 „ jus transitu exultat Cælum, continens ejus spiritum, exultat
 „ tellus, quæ tantæ dignitatis erat suscipere ejus sacratissimum
 „ corpus; lætatur autem, & tota Mater Patavii Ecclesia, cum
 „ electis filiis suis, quæ sovet prætiosa Beatissimi Confessoris ossa; cu-
 „ jus merito, & obtentu assiduo istic nititur, atque confisit. Et nos,
 „ Fratres charissimi, plus solito lætabundi, tantæ Solemnitatis diem
 „ celebrantes, gaudeamus, & exultemus in Domino, qui tanto,
 „ talique nos glorificavit Patrono. Ipse enim pro nobis ad Do-
 „ minum nostrum exorare dignetur, ut qui devotis laudibus, ex
 „ animo, sua hodiè celebramus Festa, æterni cum illo in Cælis con-
 „ celebrare mereamur Solemnia. Post obitum verò ejus, Ego Ma-
 „ ximus successor ipsius, ab omni Clero, & Populo electus,
 „ & à Romano Episcopo consecratus, ista omnia, quæ vidi, &
 „ audiivi de eo scripsi &c.] En, ex S. Maximo, qui floruit Se-
 cundo Sæculo; Sæculo eodem S. Prosdocimi, qui Martyr non fuit

*S. Maxim. apud
 Nembis. Tom. 2.
 Baron. sub die 7.
 Novemb.
 Urbel in Episcop.
 Patavin.*

fuit, solemnitas, Natalitiaque dies magnificè celebrata.

*At SS. Bolland.
sub die 8. Febr.
Tom. 1. pag. 155.
§ 5. num. 26.*

Eandem ferè, eodem Secundo Sæculo Ecclesia Ticinensis, præbuit venerationem, Sancto suo Episcopo Juventio, de quo hæc tradit apud Bollandianos Paulus Diaconus: [*Sanctos* „ *verò ejus exuvias, ad honorem, & reverentiam tanto Sacerdoti* „ *competentem, in eadem Basilica, (SS. MM.), intra crepidi-* „ *nem, ad Altaris viciniam, condientes, posuerunt, sub die 6.* „ *Iduum Februariarum; ubi, & nunc usque sacra ossa ejus quiescen-* „ *tia, virtutibus florent, atque miraculis præstant &c.*

Quamvis luce clarius pateat, locum in quo S. Juventii corpus primò tumultatum fuit, non nisi tribui ei potuisse, cui cultus, veneratioque deferrebat; si tamen posterioribus dumtaxat sæculis, Sanctis, qui Martyres non extitissent, venerationem exhiberi cœpisse putandum esset, ac S. Juventio idem, uti aliis contigisset; cur, quæso, usque ad Pauli Diaconi tempora, venerandum ipsum corpus, eodem loco, in quo primùm tumultatum fuerat, ac in quo venerari non debuerat, jacere, devotio fidelium pati potuisset? At hæc obiter.

*At. Sancti. apud
Bolland. sub die
1. Januarii.
Michael Monach.
Savigny. Ca-
pua. Monumen-
tæcc. Reuandis-
Ex Breviar. Ec-
clæ. Capuana &
M.SS. Ecclesiæ Be-
nensis. & Tra-
nensi.*

Non modo verò in Martyrum Basilica, ac juxta Aram, ipso Sæculo S. Leucii Episcopi Brundusini, qui sub Commodio floruit, corpus, sepulcrum obtinuit; sed insuper in Basilica, Deo ipso jubente, sub ejus nomine Deo dicata, gloriosè tumultatum fuit. Quod quidem, non unius dumtaxat, sed plurium Ecclesiarum, apud Bollandum monumenta confirmant: Ex quibus ista: [*Antiochus quidem, (à S. Leucio ad fidem con-* „ *versus), secundum visionem B. Leucii, fecit sepellire cor-* „ *pus ejus venerabile, eo loco, ubi de mari descenderat, cum* „ *de Alexandria advenisset. Idemque venerabilis memoriæ Antio-* „ *chus, jussit construere Ecclesiam, in nomine ejus, cum omni dili-* „ *gentia, & dignitate, quæ dedicata est ab Episcopo, Tertio Idus* „ *Maii. Dormitionis verò ejus Festiva Solemnitas celebratur Tertio* „ *Idus Januarii. &c.]*

Parum autem, Sæculo eodem, visum est Spoletanis, ac Interamnensibus, Deo in honorem S. Anthimi Episcopi unam Basilicam dicasse; ideòque, tam impensè ejusdem cultui, venerationique incubuerunt, ut plures eo tempore Basilicas excitaverint, quas adhuc superesse, cum ejus Acta exarata sunt, qui illa monumentis mandavit, his verbis, apud Bollandum, tradit. [*Hic tandem præclarus Antistes, Quinto Idus Maii,* „ *feliciter in Domino obdormivit, circa annum Domini cen-* „ *tesimum septuagesimum sextum. Cui Fideles, tantorum merito-* „ *rum memores, tùm Spoleti, tùm Interamnæ plures Ecclesias, quæ* „ *ad hæc usque tempora supersunt, sub S. Anthimi nomine erexer-* „ *unt.*

*At. SS. sub die
21. Febr. Tom. 3.
pag. 337. num. 1.
et Ad. Ecclesiæ Spo-*

„*runt.*] Ea verba [*Quæ ad hæc usque tempora supersunt*] profecto aliud non indicare videntur, nisi Basilicas, sub initium, in honorem S. Anthimi erectas, adhuc perseverasse, ut innuimus.

Putari verò non potest Secundo hoc Sæculo, solis dumtaxat Sanctis Episcopis, qui Martyres non extitissent, cultum, venerationemque fuisse delatam; quod id prohibeat memoria, quæ in Ecclesiasticis monumentis, Græcis, atque Latinis, de S. Pudente Senatore Romano recolitur; sive is ad Cælum migraverit, ut Paperbrochius contendit hoc, de quo loquimur, Sæculo, sive præcedenti, ut veteres nostræ tabulæ verosimilium testantur. Placuit hic inferere, quæ de illo, ac Sanctis filiabus ejus, Pudentiana, ac Praxede habentur in earum Actis, à Sancto Pastore Presbytero, (inquit præfatus Paperbrochius) oculato teste conscriptis. [Eodem tempore Virgo Domini Praxedis, accepta potestate, rogavit B. Pium Episcopum, ut Themas Novati, quæ jam tunc in Urbe non erant, Ecclesiam, consecraret, quia ædificium magnum in iisdem, & spatiosum esse videbatur. Quod, & placuit S. Pio Episcopo, *Themasque Novati dedicavit Ecclesiam, sub nomine B. Virginis Pudentianæ.*] Cum dedicationem hanc celebravit S. Pius Papa, jam è vivis excesserat S. Pudentiana: quod quidem necessarium animaduertendum est, ne aliquis forte, solo nominis titulo, quo loca hujusmodi Deo dicata, persæpe nuncupabantur, ut Gentiles laterent, & nomine, præcipuorum quorundam Virorum, ac mulierum, quorum ædibus, rebusque, præ aliis, honor, ac reverentia exhibebatur, idcirco honestabantur, (ut fuisse in Dissertatione nostra Historica de Sacris Basilicis SS. MM. Macellini, & Petri, alibique ostendimus,) sub nomine S. Pudentianæ Ecclesiam S. Pium dedicasse arbitretur. Nam præterquam quod, cum locus is Pastoris nomine antea titulus esset, nova titulatione non indigebat, cum Pudentiana hæc, jam, ut innuimus, ex hac vita emigrasset; ejusdem nominis titulatio, eo sensu accepta, quo hujusmodi titulationes fieri consueverant, nil profuisset, supervacaneaque extitisset, eumque finem habere non poterat, qui cæteris erat, cum titulationes hujusmodi instituebant; quibus, nimirum (inquam), eò tantum prospiciebatur, ut nomine, autoritate, ac potentia sua, loca, & domus protegerent, qui nomen titulationi dabant, utpote sub sua clientela, ac dominio constitutis. Quem quidem verum, ac sincerum verborum S. Pastoris sensum, & quidem aliud agens, egregie Anastasius Bibliothecarius in Pio, apud præfatum Paperbrochium, loco citat. explicavit his verbis: [Rogatu Bea-

Vid. Baronius. Not. ad Martyrolog. sub die 19. Maii.

Ad. Sanct. Mai die 19. ion. 4. pag. 300. num. 8.

Ibid. ut sup. pag. 298. num. 6.

tæ

„ tæ Prædix dedicavit Ecclesiam, Thermas, Novati, in honorem S. Potentianæ Sororis.]

Et hoc quidem sensu accipienda esse, quæ S. Pastor idem; de altera dedicatione Ecclesiæ, in honorem S. Prædix immediate subjungit, nullatenus ambigendum videtur. Addit enim, post ea, quæ protulimus verba. [*Dedicavit autem (S. Pius), & aliam, sub nomine S. Virginis Prædix, infra Urbem Romanam, in vico qui appellatur Lateranus: ubi constituit, & titulum Romanum: in quo loco consecravit Baptisterium, sub die 4. Idus Maii.*] Quas enim dedicationes Ecclesiarum istarum, à S. Pio factas, referre S. Pastor instituit; unam ab altera sejungere noluit, ac ambarum narrationem simul copulavit, licet tempus, quo id peractum fuit, ac dedicatio unius, ab ea alterius valdè dissita extiterit. Nec obstat, quod statim addat: [*Post duos annos, facta persecutio magna Christianorum.*] Nam hic, ad narrationem gestorum S. Prædix, à qua, ut dedicationes Ecclesiarum, à S. Pio celebratas referret, digressus fuerat, rursus revertitur. &c.

*Ex Martyrolog.
Roman. In die
20. Julii ubi dicitur
S. Prædix.*

Et reverera, sicut quam Pastor dixit Ecclesiam, sub nomine S. Pudentianæ dedicatam, non S. Pudentianæ titulus, sed (ut monuimus) Pastoris appellata est; ita titulus Romanus, (ab aliquo fortè, qui hoc proprio nomine censebatur,) S. Prædix Ecclesia dicta videtur; quæ idcirco putari non potest hoc nomine insignita, dum ipsa viveret sed, uti de altera S. Pudentianæ diximus, in ejus honorem à S. Pio dicata, post mortem censeretur debet: superstes siquidem Prædix plus anno S. Pontifex fuit. Et, quemadmodum alibi advertimus, sicut præci fideles, non modo sanctorum corpora, ac Sepulcra venerati sunt, sed insuper, (uti alias SS. Martyrum Memorias), loca in quibus habitassent, vel versati essent, diligentissimè coluerunt; sic illæ, de quibus loquimur Ecclesiæ, in honorem Sanctorum harum Virginum, à S. Pio dicatæ, putari debent: quod, videlicet, Domus, locaque extiterint, quæ Prædixes, & Pudentiana incoluerant, ac in quibus fortè extremum diem clauseraut.

De eadem S. Prædix præfata Acta deinde dicunt. [*Deinde Virgo Domini Prædix, nimia corporis afflictione constri- cta, cum intimis suspiriis ad Dominum ingemuit, & ut ex hoc mundo citius auferri mereretur, oravit. Cujus orationes, & lacrymæ pervenerunt ad Cælum: nam post dies quadraginta quatuor passionis prædictorum Sanctorum, die, videlicet duodecima Kal. Augusti, migravit ad Dominum.*] Cujus corpus ego Pastor Presbyter sepelivi, juxta Patrem.

Pu,

„ Pudenter via Salaria, in Cœmeterio Priscillæ : *Ubi florent*
 „ orationes eorum [usque hodie], præstante Domino nostro Jesu
 „ Christo, cui est honor, & imperium per æterna Sæcula
 „ sæculorum. Amen.]

Quid significare voluerit S. Pastor verbis illis : [ubi florent
 „ orationes eorum]. [Sanctorum Martyrum Acta, uti, e. g.
 S. Marcelli Papæ, in quibus loquendi ea formula legitur, mani-
 festè declarant. [Sanctorum verò corpora, (dicunt,) hoc est
 „ Cyriaci, Largi, Smaragdi, Crescentianæ, Mamie, & Ju-
 „ lianæ, sepulta sunt via Ostiensi, milliario ab Urbe Roma, plus
 „ minus octavo : *ubi Orationes eorum florent, nunc, & semper &c.*
 Hac enim phrasi id significare eorundem Actorum Conscriptor
 voluisse videtur, quod ad Sacra Pudenter, & Prædis sepulcra
 fideles confugientes, eaque debita, condignaue veneratione,
 cultuque prosequentes; illorummet apud Deum interventione,
 quæ ritè postulassent, obtinere consueverunt. Suspensus qui-
 dem est Paperbrochius. Illud : [usque hodie ;] & fortè sub-
 sequentiæ verba, S. Pastoris non esse, sed superaddita, quod ea
 longiorem ab eo, quo Pastor scripsit, temporis intercapedinem
 denotent. At quidquid de hoc sit, ex precedentibus satis con-
 stat, sepulcra SS. Pudenter, ac Prædis, frequenti devotione
 à Fidelibus fuisse exulta; eo pari modo, quo in sacris Cœme-
 teriis, eodem tempore, & subsequenti, ea SS. Martyrum ibidem
 quiescentium, venerata fuisse, ex D. Hieronymo, & Pruden-
 tio apertissimè liquet.

C A P. V I I.

*Sanctorum non Martyrum Tertio Sæculo
 veneratio ostenditur.*

Tertio Sæculo, Sanctis, qui Martyres non extitissent, ut in
 prioribus, fuit à fidelibus cultus exhibitus. Quæ ipsimet
 Pseudo = Cenfores hodierni, abjecta communi, semperque rece-
 pta, & singularum Ecclesiarum, monumentis innixa, traditio-
 ne, è Primo Sæculo Sanctos deturbarunt, & in Sæculum id re-
 jecerunt, (ne de re, quæ ad rem præsentem non pertinet frustra
 dissertationem instituamus); dato eis, ut dicitur, & non con-
 cesso, quod statuere contendunt, in medium proferre sat no-
 bis visum est, ut errorem alterum, eo ipso errore refellamus,
 quem ipsimet fruantes, refellere idcirco, retorta in sagittarium
 sagitta, non possunt.

Fuerunt igitur hoc ipso Sæculo, à Romanis Pontificibus,

H

(ut

*S. Gregor. Turon-
ensis II. li. Franc.
cap. 1. lib. 30.*

(ut ipsimet excogitant), ut variis Ecclesiis præsentent, missi
Episcopi, quos inter: [Gratianus, (inquit S. Gregorius Turon-
ensis iis recensitis, qui martyrium obtinuerant), Trophimus,
Stremoniusque, & Paulus, atque Martialis, in summa sancti-
tate viventes; post acquisitos Ecclesiæ populos, ac fidem Chri-
sti, per omnia dilatatam, felici confessione, migrarunt. Et sic,
tam isti per martyrium, quam hi per confessionem relinquen-
tes terras, in coelestibus pariter sunt conjuncti.]

At, uti in Coelesti Regno, (ut ipse dicit) sunt pariter,
constituti: sic in militanti Ecclesia æqualem Martyribus etiam
venerationem, cultumque adeptos esse, ipsemet narrat; vel,
ex his, quæ narrat, facile disertus quisque elicere valet. Et de pri-
mo quidem, Gratiano, scilicet Turonensi Episcopo, (quem hoc
Sæculo à S. Fabiano Papa, ad eam regendam Ecclesiam nos quo-
que missum fuisse credimus), quæ idem Gregorius narrat, ma-
nifestè indicant, à pia fidelium religione, meritis condignum
tumulum ei fuisse erectum, illumque eos summa veneratione vi-
sitare consuevisse: nam, qui post, sequenti, tantum sæculo flo-
ruit, nempe S. Martinum orationis causa, ipsum adiisse, Gre-
gorius idem his verbis refert.

*S. Gregor. Turon.
d. Glor. Confes.
cap. 4.*

[Gratianum Episcopum à Romanis Episcopis, ad Urbem
Turonicam transmissum, primumque Turonicis Pontificem
datum, sana ferente cognovimus. Ad cujus tumulum B. Mar-
tinus, cum ad orationem venisset, post effusas preces, dicto
etiam Capitello &c.]

Haud impari veneratione tumulatum quoque fuisse S. Mar-
tialelem Lemovicensem Episcopum, in dubium vocari non posse
cognoscitur. Quod autem idem Gregorius addit miraculum,
de Sarcophagis, in quibus in eadem cum Sancto Episcopo cry-
pta, sacra corpora Sanctorum Presbyterorum Alpiniani, (&
Austrieliniani, & ipsi cum eo Roma missi), condita erant;
omnimodum cultum eis, à fidelibus delatum, manifestè decla-
rat: non diu enim ab ipsorum tumulatione, illud accidisse, fa-
cile quisque intelligere potest; quod narratur à Gregorio eodem
his verbis.

*Ibid. ut supra.
cap. 27.*

[Igitur S. Martialis Episcopus, à Romanis missus Episco-
pis, in Urbe Lemovicensi predicare exorsus est. Everisq[ue]
Simulacrorum ritibus, repleta jam credulitate Dei Urbe, mi-
gravit à sæculo. Erant tunc temporis cum eo, duo Presby-
teri, quos secum ab Oriente adduxit in Galliam: verum ubi
completi sunt dies eorum, ut & ipsi vocarentur de hoc sæcu-
lo, conjunctis Sarcophagis, in eadem crypta, in qua Sanctus
Episcopus, sunt sepulti: & unus quidem parieti proximus,
alter

„ alter vero huic contiguus erat : super terram autem , utrique
 „ stabant . *Sed non poterat alteri , propter illud , quod primus erat ,*
 „ *honor impendi : hoc est , non nisi palla expendi poterat , non lumen*
 „ *accendi .* Quod cum incolæ loci moleste ferrent , quodam ma-
 „ nè accedentes ad cryptam , invenerunt sepulcra diversis pa-
 „ rietibus esse locata ; & sic accessus liber ad utrumque sepul-
 „ crum patuit : & qualiter Beatus Antistes , ut cultor Dei ve-
 „ neraretur , enituit .] Hæc Gregorius , qui statim addit .

Ibid. cap. 28.

[Puellâ quâdam , cui nescio quo existente peccato , ma-
 „ nus una dirigit , ac digiti palmæ defixa erant , ad ejus sepul-
 „ crum advenit , confusa de virtute Confessoris , quod posset
 „ ejus intercessio , manum aridam absolvere , cujus prædica-
 „ tio populum , vanis superstitionum ritibus irretitum absol-
 „ vit . Celebratis igitur vigiliis , *in ipsa nocte festivitatis* , dum
 „ attentè juxta sepulcrum orat ; manum suam directis digitis ,
 „ populo teste sanatam , miratur attonita .]

At , sicut prodigia hæc , & beneficia Lemovicenses , San-
 „ cti Martialis , sociorumque meritis obtinere meruerunt , quod
 „ statim ab eorum obitu , eos condigno honore colere , venerari-
 „ que studuerint ; ita , Gregorio eodem teste , didicimus , San-
 „ ctum Stremonium , primum Arvernensis Civitatis Episcopum ,
 „ ex eo quod apud Icidiorensē Vicum , inter , nimirum , agre-
 „ stes incolæ , sepultus fuisset ; post diu toleratam eorundem in-
 „ devotam rusticitatem , tandem cœlesti visione commonuisse
 „ successorem in eadem Ecclesia Episcopum , in minoribus tunc
 „ constitutum , ut sacras , videlicet suas reliquias , debita reve-
 „ rentia coli curaret : quibus , etsi usque adhuc obsequium homi-
 „ nes præstare distulerant , non ideo tamen cœlestium spirituum
 „ officia defuissent . Gregorius , ita rem narrat .

[Caurinus , qui ipsius Arvernæ Episcopus Urbis datus est ,
 „ in Diaconatu suo , Ecclesiam Vici (Icidiorensis) rexit . Igitur
 „ dum nocte quadam in lectulo cellulæ suæ , quæ huic Basilicæ
 „ adharebat , decumberet ; audivit psallentium , quasi parum
 „ resonantibus vocibus ; & surgens vidit Templum , magno splen-
 „ dente lumine ; & stupefactus aspicit intrinsecus . Erat enim
 „ cellula illa , in superiore contra fenestras Templi : & vidit ,
 „ & ecce vidit circa tumulum multitudo albatorum , tenentium
 „ cereos , & psallentium . Quod diutissimè cernens , cum disces-
 „ sisset , statim facto mane jussit tumulum cancello vallari , ac
 „ palliolis nitentibus obvelari , præcepitque reverentiam loco
 „ illi impendi . *Ex hoc enim oratio super tumulum funditur ; & au-*
 „ *xilia Antistitis impetrantur .*] Sic Gregorius .

*Ibid. ut supra .
 Cap. 31.*

De Sancto tandem Martino Episcopo Tungrensî , qui cir-

ca annum 276. floruit ; ex antiquis Mss. Codicibus apud Bollandianos, sub die 21. Junii pag. 71 num. 6. ista habentur : [Tan-
 „ dem *Sanctum Corpus* (Martini), in *Ecclesia B. Mariæ Virginis*,
 „ juxta suos prædecessores *Tungrorum*, *Trevirensiumque Pontifices*,
 „ maximo cum honore sepelierunt ; in qua, meritis ipsius, ad
 „ Dei laudem, maxima fiebant miracula.] Fuit S. Martinus,
 septimus, à S. Materno, S. Petri Discipulo Tungrensis Episcopus ; cumque, qui preceserunt Episcopi, pariter Sancti ; eorumque idcirco reliquæ cultæ, ac demum à S. Servatio X. Episcopo à S. Materno, condigno cultu, & honore translata, ut apud eosdem Bollandianos num. 7. pag. eadem, narratur.

C A P. V I I I.

*Orientalis Ecclesiæ Quarto Sæculo, in cultu, ac
 veneratione Sanctorum non Martyrum,
 præcipuum studium aperitur.*

Prudent Peristerio Hymn.

EX his autem, quæ habet Prudentius, qui Quarto Sæculo floruit, in Peristerio, faciliè elicere est quem cultum, venerationemque superiori ævo S. Paulus Episcopus Narbonensis obtinuerit. Recenset ille, quàm diligentissimè Urbes, ac loca, in quibus præclarissimorum Sanctorum, ac præcipuè Martyrum, sacre quiescebant corporum exuviae ; interque eos, quem memoravimus Paulum, Carmine hoc celebrat.

[Surget, & Paulo speciosa Narbo.]

S. Epiph. Syr. Opusculum Tom. 3.

At ipso Quarto Sæculo, quo Ecclesiæ navis, quæ usque adhuc innumeris, sevisissimisque persecutionum procellis jactata fuerat, in tranquillissimæ pacis portum appulisse, tandem, visa est ; eadem prope ratione, qua Sanctorum Martyrum aucti honores ; ita erga ceteros etiam Sanctos, qui Martyres non extitissent, cultus, ac reverentia crevit. Quod quidem probè sciens S. Ephrem Syrus qui è vivis excessit, sub anno 378., ac præ humilitate, obsequia, quæ Sanctis aliis tribui consuevisse sciebat, abnuebat : plura in suo Testamento profert, quibus docet, qualibus honoribus ii prosequerentur, qui ob vitæ probitatem, inter Sanctos censeretur merebantur. Nam dicit : [Et,
 „ ne juxta me in domo Dei poni, aut sub Altari.] Et post nonnulla : [Attendite, Fratres mei charissimi, & viscera desiderata, ne pannos meos, velut reliquias, monumenti gratia tollatis.] Et infra : [Ne me cum Sanctis ponatis : nam peccator, ego sum.] Imò hoc tempore eò pervenit Sanctorum non-

Ibid. pag. 291.

Mar-

Martyrem cultus ac veneratio, ut iisdem nondum est hoc vita emigratis, Oratoria, & Ecclesiæ construerentur, in quibus condigno honore sacra ipsorum corpora conderentur; ut aperte testatur Theodoretus in Theophilo Cap. 3. ubi de S. Marciano, qui anno 384. è vivis decessit his verbis agit. [Et multi, quidem ubique ædificabant Oratoria: in Cyro quidem ejus, Sororis Filii Alypius: Zenobia autem quædam in Calcide, quæ & genere erat clara, & insignis virtute, & magnas habebat divitias. Alii quoque non pauci hoc faciebant, victoria, parta illustrè illum athletam rapere contententes. Hoc cum nosset homo Dei, rogat admirabilem illum Eusebium, omni terrore plenum illi offerens jusjurandum, ut corpus in illo loco deponeret, & nemo sepulcrum dignosceret, præter duos, qui simul habitabant familiares, donec præterisset magnus annorum numerus. Hoc autem jusjurandum implevit homo, ille admirabilis. Postquam enim insignis illius victoris venit finis, & Chorus Angelorum sacram illam, & Divinam animam, ad Cœlestes transtulit mansiones, non prius ejus significavit obitum, donec cum duobus, ex familiarioribus, facta fossa, & corpore deposito, complanavit terræ superficiem: & quinquaginta annis, vel pluribus elapsis, cum innumera, biles concurrissent, & corpus scrutati essent, ignotum mansit sepulcrum. *Postquam autem unumquodque ex prædictis Oratoriis, unum quidem Apostolorum, alterum verò Martyrum accepit reliquias; securi deinceps illius tabernaculi & doctrina heredes, cum duobus ante annis Arcam construxissent lapideam, in ea posuerunt pretiosi corporis reliquias, cum unus ostendisset sepulcrum: is enim solus supererat, ex illis tribus.]* Sic Theodoretus, ex cujus narratione dignoscitur supparem adeò in Græca Ecclesia, Quarto Sæculo venerationem, ac cultum Apostolis, ac Martyribus, SS. Confessores obtinuisse; ut nihil omnino discriminis inter eos esset. Nam, sicut indubiè iisdem, Confessoribus decretos honores, parata, viventi adhuc Marciano, ad illius corpus excipiendum Oratoria manifestè declarant; ita corpori eidem substitutæ Apostolorum, Martyrumque reliquiæ, non minus ac istas, priores illas, fideles coluisse docet, ac observasse.

Quid verò mirandum hoc eodem Quarto Sæculo, erga Sanctos, qui Martyres non extitissent, venerationem percrebuisse, Tyrannis, nimirum, ut diximus extinctis, si sub ejus initium, quo tempore acerbior omnibus persecutionem, sub Diocletiano, & Maximiano Ecclesia passa est, cultus idem mirificè enituit? Perspicuum id reddunt, quæ de S. Basilissa Virgine, S. Juliani Martyris Uxore primùm, deinde, de S. Natalia,

Vit. PP. Lib. 9.
pag. 803.

Apud Sur, &
alios.

alia, S. Hadriani Martyris pariter uxore, monumentis tradita habemus. De hac siquidem inclyta Muliere, quæ extremum diem obiisse, sub anno 311. tradunt, ista in Actis ejus, ac S. Hadriani leguntur. [Quiescenti mox apparuit B. Hadrianus, dicens „ ei: Bene hic (Bizantium) advenisti in pace, Ancilla Christi, & filia Martyrum: Veni ad nos in requiem tuam. Veni, „ & percipe ea, quæ tibi debentur. Illa evigilans, visionem „ indicat fratribus, rursumque obdormiens, reddidit spiritum. Volentes autem eam excitare fideles, comperiunt vi- „ ta functam. Surgentes igitur orant, ac deinde ponunt eam juxta „ corpora SS. Martyrum: & precibus post eam depositionem absol- „ tis, domum illam obsecraverunt, in qua multi utriusque sexus com- „ morabantur, qui contemptis, & repudiatis omnibus quæ sunt hu- „ jus mundi, Domino serviebant.] Actis verò S. Basilissæ Virginis, (quæ sub anno 309. obiisse habetur), minimè, ad id adstruendum, quod comprobare nitimur, officium, quæ Cardinalis Baronius, in suis ad Martyrologium notis, his verbis monet: [Basilissa, licet martyrium non obierit, tamen, quia „ multa, graviaque passa est, & dux Martyrum extitit, cen- „ sita etiam inter Martyres reperitur.] Hæc, inquam, non obstant, nam Acta, quæ illius, & Juliani res gestas referunt, tum à Surio, tum à Bollandi relata; nec S. Eulogius, qui eorum meminit, nec S. Althelmus, qui Carmine, ac soluta oratione, illa est prosequutus; vel minimum quid, pro Christi confessione Basilissam nunquam passam fuisse dicunt: & Hymnus Breviarii Toletanæ Ecclesiæ, ab eodem Baronio citatus, hæc de eadem S. Basilissæ, ejusque obitu canit.

Baron in Mar-
tyrolog. sub die 9.
Januarii.
Bolland. Tom. 1.
sub ipsa die.

S. Eulog. Cordu-
bens. in memor.
Sanctor. lib. 1.
S. Althelmus in lib.
de virginib. in
Bibliothec. P. P.
Tom. 13.
Acta hæc, ut an-
tiquissimum lau-
dat Io. Mabillon.
Anaclet. Tom. 4.

Breviar. Toletan.

[Sui precatu Virgo vota obtinet,
„ Præmittit omnes jam locanda Virgines,
„ Cœlestis aulæ in beato fidere.
„ Quas ipsa claro sine mortis adsequens,
„ Orationi incubans defungitur.]

S. Basilissæ, igitur, de qua certè nullibi habetur, quod pro Christi fide, aliquid, vel minimum, (ut diximus) passa sit, sepulcrum quomodo curaverit, seduloque S. Julianus coluerit, quæ prædiximus Acta, paucis his verbis tradunt. [Dei „ verò Providentia ita factum fuit, ut dum precibus, & ora- „ tionibus vacarent, S. Basilissa ad Deum migraret. Quam- „ B. Julianus, merito Sepulcri honore prosecutus est: dies, & „ noctes spirituales vigiliat, at ejus memoriam adhibens.]

Quod igitur deinde, eodem Quarto Sæculo in ipsa Urbe Antiochia, in qua Julianus, & Basilissa floruerunt, præclatissimi sanctitate Episcopi Meletius, & Philogonius, præcipuos,

am-

amplissimosque cultus honores adeptos fuisse reperiamus; novum videri non debet. Et quidem de Philogonio solemnia Natalitia celebrari consuevisse, testatur in illis recitata, à S. Joanne Chrystomo Homilia, quam Romano Breviario insertam, in Comuni Confessorum non Pontificum legimus, ac hujusmodi initium habet. [Beati Philogonii dies, *cujus festivitatem celebramus,* „ ad ipsius rectè factorum narrationem, linguam nostram evocavit. Siquidem hodie Beatus iste, ad tranquillam, omnemque perturbationis expertem vitam, transiit; eoque navigium „ appulit, ubi deinceps non poterit metuere naufragium &c.] Tam Homiliam, à Chrysothomo dictam, quam Anniversariam S. Philogonii Solemnitatem, sub die 25. Decembris memorat Romanum Martyrologium, his verbis. [Antiochiæ Natalis „ S. Philogonii Episcopi, qui, ex Caesidico, ad eam regendam „ Ecclesiam Dei nutu accersitus, adversus Arium, una cum „ S. Alexandro Episcopo, & Sociis primum, pro fide Catholica certamen iniit, clarusque meritis, quievit in Domino: „ *cujus annuam festivitatem,* S. Joannes Chrysothomus, præclaro „ encomio celebravit.] Homiliam verò hanc celebrasse videtur Chrysothomus, circa annum 385. postquam, videlicet Presbyter factus, prædicationis officium, in Antiochena Ecclesia suscepit.

*Breviar. Roman.
in Commem. Conf.
non Pontif.*

*Martyrol. Ro-
man. sub die 25.
Decembris.*

Statim autem, ab obitu S. Meletii, æquè Antiocheni Episcopi, qui ad superos evolavit, ut Bollandiani putant, sub anno 381. celebrari cœpisse ejusdem solemnitatem: fateri cogit, ejusdem S. Joannis Chrysothomi Homilia, ab iisdem relata, quæ inter cætera, hæc habet. [Etenim, quomodo radix quædam admirabilis, quæ latet in sinu terræ, ipsa quidem non apparet, per „ fructum autem ostendit vires suæ virtutis; ita etiam Beatus „ Meletius in hac Capsa conditus, ipse quidem non cernitur à „ nobis oculis corporeis; per vos verò, qui estis fructus, suæ „ gratiæ vires ostendit. Et licet nos quidem sciamus, *sufficit* „ *Dies Festus, & fervor vestri desiderii, ad tuba clarius proclamandum,* S. Meletii, in vos amorem, tamquam in filios.] Ista Chrysothomus, qui pluribus deinde ibidem agit, de ejusdem S. Meletii imaginibus, à fidelium veneratione, eximioque in eum studio multipliciter efformatis: hæc, inter alia dicens, quæ à S. Joanne Damasceno, in Oratione 2. de Imaginibus etiam recitata reperiuntur. [Neque verò erga nomen (Meletii) id so- „ lum, sed erga ipsam corporis ejus effigiem, sic affecti eratis. „ Itaque, quod in ejus nomine fecistis, idem in imaginibus præ- „ stitistis: adeò ut multi, & in annulorum palis, & in poculis, & in „ phialis, & in cubiculorum parietibus, & ubique, sculptam, at- „ „ que

*Act. SS. Bolland.
sub die 12. Febr.
Tom. 2. pag. 610.*

*S. Jo. Damascen.
Orat. 2. de Imagi-
gin. edit. Paris.
515.*

„ *que pſtam illius imaginem habere vluerint* ; quo , tūm ſanctum
 „ nomen illud audientes , tūm expreſſam corporis ejus effigiem
 „ intuentes , duplicem peregrinationis conſolationem acci-
 „ perent .]

Quibus Chryſoſtomi , de Meletio , & Philogonio testi-
 niis , ſi objicias , eorum alterum nonnulla ſub Licinio paſſum ;
 alterum verò plura ab Arianis perpeti fuiſſe coactum : quo , ni-
 mirum oſtendas , eo confeſſionis nomine , tituloque honores pro-
 meruiſſe , quo exornari conſueverunt , qui Chriſtum palàm con-
 feſſi fuiſſent , non verò illo , quo , quos modo Confeſſores dici-
 mus , cultu proſequi ſolemus . Reſpondebimus ſanè Confeſſoribus
 ſic dictis , quod à Judicibus interrogati , vel aliter Chriſtum
 confeſſi eſſent , falſò aſſeri cultum ſemper præſtitum , vel præ-
 ſtari potuiſſe , vel uti Martyribus indiſtinctè tributum . Ex quo ,
 nonniſi perperam etiam eliceretur , uno hoc Confeſſionis titu-
 lo , Philogonium , & Meletum hiſque ſimiles alios Natalitiorum
 celebritatem , venerationemque obtinuiſſe . Aliter ſiquidem ſe-
 ſe Eccleſia geſſit cum illis , qui in eadem confeſſione , ſtatim diem
 obiiſſent , vel ut in ea perfeverarent , incommodi aliquid uſque
 in ſinem paſſi eſſent , puto exilium , vincula , carceres : aliter
 verò cum illis , qui emiſſæ Confeſſioni ſuperſtites extitiſſent , li-
 berique deindè evaſiſſent . Priores ſiquidem , propiore Marty-
 ribus titulo ipſa colere , venerarique conſuevit . In poſteriori-
 bus verò , licet magni fecerit , quam emiſiſſent fidei confeſſio-
 nem ; illius tamen unius intuitu , cultum ; venerationemque de-
 cernere illis minimè potuit ; quia nimirum (uti in conſumato
 Martyrio cui tutò cultus tribuitur) , de eorum perfeverantia in
 fide , & bonis operibus , poſt editam confeſſionem ipſam , certa
 eſſe nequivit : quare ad hæc , magis geſta , virtuteſque alias proſ-
 picere debuit , in quibus ad obitum uſque præclare emicuſſent :
 imò his tantum , quibus ornati extremum diem concluſiſſent , in-
 niti cultus potuit , quem illis decrevit . Uno verbo , in his , de
 quibus loquimur Philogonio , Meletio , quibus addas quem ſupra
 memoravimus , Cornelium Centurionem , Nicolaum Mirenſem ,
 Spiridionem , illiſque ſimiles ſexcentos alios , non una fidei con-
 feſſio cultu dignos effecit ; ſed virtutes cœteræ in eis reſerta , ac
 ab illis ad obitum uſque ſervatæ , quæ ipſos cultu , veneratione-
 que dignos effecerunt , laudabilem quoque in illis fidei reddi-
 dit confeſſionem , quæ alias nil eis profuiſſet , ſi aliarum præſi-
 dio virtutum deſtituta depræhenſa eſſet . Uti in Sapritio eo vide-
 re fuit , cui nihil propendum edita fidei confeſſio contulit , adeò
 ut , nec per palam martyrii , nec alia quavis ratione ad cul-
 tum , venerationemque promerendam pervenire dignus extite-
 rit .

ris. Et ex dilucidius his apparet, quæ Magnus Gregorius *Dialog. L. 3. Cap. 32.* de Africanis Episcopis narrat, qui pro defensione Catholica Fidei, abscisis ab Arianis Wandalis linguis, nullum tamen locutionis solitæ sustinere dispendium, & ore vacuo plena ad integrum verba formabant. [Quorum (inquit Gregorius) unus „ in luxuriam lapsus, mox privatus est dono miraculi, recto „ videlicet Omnipotentis Dei iudicio: ut qui carnis continen- „ tiam servare neglexerat, sine lingua carnea non haberet ver- „ ba veritatis,] Qui quidem, ut videre est, non solum veræ fidei confessionem emisserat, sed insuper passus fuerat: & tamen ex his uti minimè effectum fuit, ut in lethale crimen non corrueret, sic factum proculdubio est, ut se non modo cultu venerationeque omni indignum præberet, sed æternis insuper poenis obnoxium redderet. Et revera cultum, venerationemque Sanctis non Martyribus præstitum, non illi uni fidei confessioni, ex qua Confessores primitus dicti videntur, sed cæterarum (inquam) præterea virtutum intuitu, præstitum; illud manifestè declarat, quod in ipsis confessio eadem non nisi, ut specialis alicujus alterius virtutis actus, puta erga proximum Charitatis, Spei, Temperantiæ, Virginitatis, & in ipsorum Actis recensetur; uti videre est in Athanasio, in Basilio, in Hilario, & aliis, qui licet in confessione fidei refulserint; ea tamen inter alias in quibus emicuerant heroicas virtutes, specialem, nitidioremque præ illis splendorem iisdem non contulit: ita ut licet putari possit, ab ipsa confessione coram Tyrannis facta, primum (ut diximus) vocabulum id derivatum; extensum tamen haud multo post putare necesse sit ad alios omnes, qui in sanctitate, & justitia cursum suum perfectè adeò impleverint, ut cultum, venerationemque meruerint, quam non semper, ut ostendimus, uni fidei confessioni Ecclesiæ asserere, nec debuit, nec potuit. Ad rem redeamus.

Alexandrinæ Ecclesiæ, in Sanctos, qui Martyres non extitissent venerationem, ex his intelligere quisque facillè potest, quæ S. Epiphanius, hoc ipso sæculo scripto tradidit, licet id, de quo loquitur, longè ante factum, non temerè putandum sit. Circa annum siquidem 365., vel 376. percelebrem suum Panarium, eundem S. Epiphanium conscripsisse dicitur, in quo Ecclesiam, (ut innuimus), in honorem S. Aniani, qui proximè S. Marco Evangelistæ successit, memorat. Quod quidem observavit Cardinalis Baronius, cum in notis, ad diem 25. Aprilis scripsit. [*Erat Alexandria Ecclesiæ nomine S. Aniani, cujus meminit „ Epiphanius in Panario. h. ref. 69.*] Ex hac vita migrasse sæculo Primo, sub anno 86. Domitiani Sexto, S. Anianum, advertit

*Morer. in Di-
cien. Hist.*

*Baron. in Not. ad
Martyrolog. sub
die 25. Aprilis.*

Henschenius; meminitque, Baronii sententiam sequutus, Ecclesie, de qua loquimur, dicens. [*Nomine S. Aniani fuisse Alexandriæ Ecclesiam, trahit, ex Epiphanio* Baronius, in Notis suis, ad hanc diem.]

De Sancto etiam Donato, Evoreæ in Epiro Episcopo, quem sub anno 294. obiisse putat Baronius idem; ista habet Sozomenus. [*Hunc Donato Sepulcrum est illustris Ecclesia, quæ ab ipso cognomen recepit.* Juxta Ecclesiam fons est uberrimus, quem Deus precibus ejus annuens, illic edidit, cum antea non esset &c.] Valesius, in notis, hæc habet. [*Nicephorus in cap. 45. lib. 12. post has voces addit tam oppidum, quam Templum Donati vocabulo appellari* subdit. Unde Ortelius in thesauro, scribit, Evoriam Urbem Epiri, Donatianam quoque dictam esse]. Et quidem, ex eximia religione, qua sanctissimum suum Episcopum est prosequuta.

De anniversaria autem solemnitate, in honorem S. Petri Episcopi Sebasteni, Sanctorumque Basilii, & Gregorii Nysseni Fratris, in Epistola, ad Flavianum Episcopum, Sanctus idem Gregorius agit, his verbis. [*Tandem cum memoriam Beatissimi Petri, quæ tunc primum celebrari cæpta est, apud Sebastenos peregrissem; itidemque Sanctorum Martyrum, qui, ut eodem cum Petro vixerunt tempore, ita celebrari una cum ipso consueverunt; convertere itinere, ad meam me Ecclesiam recipiebam &c.*] Epistolæ hujus Baronius meminit, in Notis ad diem nonam Januarii. At Bollandus, qui sub eadem die, Quarto Sæculo exeunte, S. Petrum vixisse asserit, putat, non de Petro hoc, sed de aliquo seniore, S. Gregorium loqui potuisse, quod tempore Petri fratris, nullos Martyres Sebaste coronatos fuisset constet. Si sic res habet Sanctorum igitur, qui Martyres non fuissent, supradicta cum Martyribus Natalitia ante id tempus celebrabantur. At, ut verum fateamur; unde quæso tutò elicere Bollandus potuit, Petri ævo nullos Sebaste fuisse Martyres? Quia ipse non reperit? Quia modo eorum memoria non reperitur? At, unde probatur Martyrum, qui Sebaste sunt passi, integrum indicem nos habere, vel eorum etiam nomina non excidisse? At de his alibi?

De Sancto etiam Casario, Bithiniæ Quæstore, qui sub anno 369. floruit, ista habet S. Gregorius Nazianzenus ejus frater, oration. 10. [*Ac talia quidem sunt, quæ à nobis offeruntur, si autem parum, & meritis tuis inferiora. Deo quoque gratum est, quod fit pro viribus. Atque alia quidem persolvimus, alios verò dabimus, Anniversarios honores, & commemorationes offerentes: si quidem certè, qui superstitēs erunt.*] Quinam

hæno-

AB. SS. April.
To 3. ad diem 25.
pag. 58. num. 3.

Baron. in Not.
ad diem 10. April.
Sozomen. Eccles.
Histor. lib. 7. Ca.
pit. 26. pag. 748.

Vales. ad pag. 748
pag. 158.

Baron. in Not. ad
Martyrolog. sub
die 9. Januar.
Act. SS. Januar.
To. 1. die 9. num. 1.

Apud Bolland.
sub die 15. Febr.
Tom. 3. pag. 502.
num. 20.

honores fuerint, quos Gregorius Fratri persolverit, ex ipso Gregorio intelligere est, qui Cæsarium ipsum, inter Beatorum agmina se vidisse testatur. [Te Cæsarium, (inquiens) ipsum videbo, non jam peregrinantem, non jam ab aliis funere elatum, non jam hominum animos mærore, ac miseratione permomentem; sed clarum insignem, & sublimem: qualis sæpè mihi in somnis visus es, ò fratrum charissime, & fratrum amantissime, sine cupiditate mea, sine ipsa veritate hanc mihi formam representante.] Quem locum (inquit Cardinalis Baronius) citat. S. Joannes Damascenus, in Orat. de his, qui in sine migrant. Præfata autem Gregorii verba: [alios dābimus Anniversarios honores], Bollandus in margine explicat, dicens: [Præfagit Anniversarios ei honores habitum iri.]

Magni Athanasii verò Alexandriæ Episcopi Solemnia Natalitia, præclare testata facit Gregorius idem Nazianzenus in Orat. XXI. in Natalitiis iisdem ab illo habita, in qua hæc, inter alia. pag. 376. [Cum pauca ex multis illius rebus, quæque nunc nobis, ut notiora, & insigniora ultrò memoria suppeditat, commemoraverimus, ut simul, & cupiditati nostræ satisfaciāmus, & Officium huic Festo debitum persolvāmus; plura iis, quibus ea cognita sunt relinquemus.]

Nec sunt prætereunda, quæ de S. Hilarione, præclarissimo Anachoreta, in ipsius vita, ad rem, de qua agimus, S. Hieronymus monumentis tradidit. Et primum quidem meritò animadvertendum, quanta religione Hilarion ipse, loca cuncta, resque, quas Magnus Antonius, in vivis dum esset, quodammodo sanctificaverat, eique usui fuerant, visitaverit, veneratusque sit: & quod Natalitium ejus diem, eo ipso in loco, ubi è vivis excesserat, celebrare voluerit. [Confessus est fratribus, (sunt Hieronymi verba) instare diem dormitionis Beati Antonii, & pervigilem noctem, in ipso, quo defunctus fuerat loco, à se illi deberi celebrari.] Et post nonnulla: [Videres senem, hūc, atque illūc, cum Discipulis B. Antonii discurrere. Hic agebant psallere, hic orare, hic operari, hic sessus residere solitus erat. Has vites, has arbusculas ipse plantavit; illam arealem manibus suis ipse composuit. Hanc piscinam, ad irrigandum hortulum, multo sudore fabricatus est. Istum sarculum, ad fodiendum terram, pluribus annis habuit. Facebat (Hilarion) in strata ejus, & quasi calens adhuc, cubile deosculabatur &c.] Et quidem in Vita Antonii, à Magno Athanasio scriptæ Cap. 59. Roliveydam Scoliastem, ista minime latuere; quapropter ex Baronio exscripsit. [Baronius (ait) sepultus est Antonius in cognito loco, ea, nimirum ex causa, quod id ipse met præ-

Orat. in fontem.
Apud Baron. in
Not. ad diem 25.
Februar.

S. Hieronym. in
Vita S. Hilarion.
cap. 25. 26. &
cap. 30.

„ pisset, ut S. Hieronymus testatur in Hilarione ; ne scilicet
 „ Pergamius, quidam, ipsius studiosissimus, qui in illis locis
 „ ditissimus erat, sublato ad villam suam Sancti corpore (Mar-
 „ tyrium fabricaret) ; non enim tanti se meriti esse rebatur, ut
 „ æqualem Sanctis, in terris honorem, sibi impertiri vellet .
 „ Verum quantumlibet id magnis contestationibus, Discipulos
 „ suos adinveniens fuerit consecutus, ut corpus suum mandarent
 „ occulto loco sepulcro : haud tamen valuit prohibere, quia
 „ honores Sanctis, & Deo dilectis impertiri soliti particeps fie-
 „ ret, ut nempe *Natalis ejus migrationis Dies, ex antiquo Ecclesie*
 „ *more, pervigilio, & sacris cæteris ritibus colebatur* . Nam de S. Hi-
 „ latione scribit Hieronymus, quod cognito licet longè absens
 „ Antonii obitu, illuc magno labore se contulit, ea nimirum
 „ ex causa, ut *Anniversarium illius dormitionis Diem, eodem, in*
 „ *quo defunctus erat loco, præviis nocturnis Vigiliis celebraret* : quod
 „ pium officium, cum cæteri in Ægypto Catholici, tum etiam
 „ universa Ecclesia Catholica præstare hæcenus non prætermi-
 „ sit .] Sic ille : & quidem solemniorum Natalitiorum S. An-
 „ tonii extra Ægyptum, sub initium sequentis *Quinti Sæculi*,
 „ in Vita S. Euthimii Abbatis, meminit Cyrillus Monachus, qui
 „ eo tempore floruit . De excubiis autem, ad ejusdem S. Hilarionis
 „ sepulcrum, à Sancta quadam muliere, Constantia nomine,
 „ agi solitis, scribit Hieronymus ipse : [Erat solita pervigiles in
 „ Sepulcro ejus noctes ducere, & quali cum præsentē, ad adju-
 „ vandas orationes suas fermocuiari .] In quæ verba eruditus
 „ Scholiastes scribit . [Disce Hæretice, Sanctorum orationibus,
 „ „ fidelium orationes adjuvari &c.] Diem autem extremum
 „ clausit, juxta Baronium, Hilarion, Sæculo Quarto, anno, ni-
 „ mirum, Domini trecentesimo septuagesimo secundo .

D. Hieronym. Ut
 sup. Cap. 39.

C A P. IX.

*Occidentalis Ecclesie, præcipuè in Italia
 Quarto eodem Sæculo, in Sanctos
 non Martyres religio.*

Occidentalis Ecclesia studium suum, erga Sanctos, qui Mar-
 tyres non extitissent, hoc eodem Quarto Sæculo, ab eo
 Orientalis superari passâ non est; immò tantò impensius ei incu-
 buit, quantò Superiori ævo, licet fortè, præ illa persecutioni-
 bus præpedita, ferventius se ipsi adjecerat. Cuncta referre, quæ
 ad id comprobandum, in medium adduci possent, nimis open-
 sum

Tum esset; pauca, ex multis, idcirco exhibere sat erit; rem agressi, à Magno Ambrosio Mediolanensi Episcopo, qui anno Domini trecentesimo nonagesimo septimo, ex hac vita migravit.

Bugattus Castillioncus. *Hist. Universal. Lib. 2. Italic. edition. Paticeilus Monum. Ambros. mon. 1. Chronicon. Flos Florum. Flamma in Chronic. Majori apud Josephum Septimum à Laude, & Alanum de Maculanis in Dissert. Historic. de Tumulo S. Marcellinæ Virginis §. 1. pag. 7. Tres Basilicas tradunt à S. Ambrosio ædificatas: [Deiparæ, ac cæteris Virginibus unam, quæ nunc „ S. Simpliciano; aliam Petro, sociisque Apostolis, quæ S. Nazario. Tertiam Prophetis omnibus, ac Confessoribus, quæ Sancto Dionysio nuncupatur.]*

Ejusdem autem Ambrosii exequias, his verbis prosequitur Paulinus. [Ad Ecclesiam majorem, antelucana hora, quæ „ defunctus est, corpus ipsius portatum est; ibique eadem fuit „ nocte, quam vigilamus in Pascha, quem plurimi Infantes, „ cum à fonte venirent, viderunt; itaut aliqui sedentem in Cathedra „ Tribunali dicerent, alii verò ascendentem, suis parentibus „ digito ostenderent; sed illi videntes videre non poterant, „ quia mundatos oculos non habebant. Plurimi autem stellam „ super caput ejus, se videre narrabant. Sed lucente die „ Dominico, cum corpus illius, peractis Sacramentis Divinis, „ de Ecclesia levaretur, portandum ad Basilicam Ambrosianam, „ in qua positus est; ita ibi Dæmonum turba clamabat „ se ab illo torqueri, ut ejulatus eorum ferri non posset. Quæ „ gratia Sacerdotis, non solum in illo loco, verum etiam in „ plurimis Provinciis, usque in hodiernum diem manet. „ Stabant etiam turba virorum, ac mulierum oraria, vel Semicintia „ sua, ut corpus Sancti aliquatenus ab ipsis contingeretur. Erat enim „ exequiarum turba innumerabilis, totius dignitatis, totiusque „ sexus, omniumque pænè ætatum; non solum Christianorum, „ sed etiam Judæorum, & Paganorum; majore tamen „ gratia ordo præcedebat eorum, qui fuerant baptizati.]

Videndum nunc, an eadem ferè, quæ fideles, erga Ambrosii corpus venerationis detulisse officia, Paulinus scribit; eadem ipsa quoque, erga sacras Martyrum reliquias deferre consueverint. Doceatque nos id Ambrosius ipse, in Epistola ad Marcellinam Sororem, qua de inventione Sacrorum corporum SS. Gervasii, & Protasii certiorum reddit. [Cognovistis, (scribit), „ immò vidistis ipsi multos à Dæmoniis purgatos; plurimos etiam, „ ubi vestes Sanctorum manibus contigerunt, iis, quibus laborabant debilitatibus, absolutos: reparata vetustis

Paulin. apud Bæron. Tom. 1. lib. 1. pag. 294. 2. n. 25.

D. Ambros. Epist. 54. Oper. Tom. 5. pag. 247.

ris

„ris miracula, quo se per adventum Domini Jesu gratia terris
 „major infuderat, umbra quadam Sanctorum corporum,
 „plerosque sanatos cernitis. *Quanta oraria jactitantur? Quanta
 „indumenta super reliquias sacratissimas, & tactu ipso medicabilia
 „reposeuntur? Gaudet omnes, extrema linea contingere, & qui
 „contigerit, salvus erit.*] Hæc Ambrosius, qui dum recolit,
 „à fidelium pietate, fideque exhibitos SS. Martyrum corpori-
 „bus honores, descripsisse quoque visus est eos, quibus sacrum
 „suum corpus deinde à fidelibus ipsis prosequutum est.

At prævidit insuper, ac quodamodò digito ostendit præcla-
 „rū sepulcrum illud, in quo suum idem corpus condendum erat,
 „dum ad ipsam Sororem in hæc verba pariter scripsit; [Succedant
 „victimæ triumphales in locum, ubi Christus hostia est. Sed illæ
 „super Altare, qui pro omnibus passus est; isti sub Altari, qui
 „illius redempti sunt passione. *Hunc ego locum prædestinaveram
 „mihi. Dignum est enim, ut ibi requiescat Sacerdos, ubi offerre
 „consueverat. Sed cedo sacris victimis dexteram portionem, locus
 „iste Martyribus debebatur.*

Obtinuisse autem Ambrosium, quem sibi ante Sanctorum
 Martyrum Gervasii, & Protasii inventionem, primum præde-
 „stinaverat locum; contra Pseudo=censores probatissimam tra-
 „ditionem, (Scriptorum, & monumentorum aliorum auctori-
 „tate firmatam) improbè impugnantes, perspicuè ostendit, V.
 C. Joseph Antonius Saxius, in sua Dissertatione Apologetica;
 „qua Ecclesiæ Mediolanensi sacra corpora SS. Protasii, & Ger-
 „vasii vindicat. In ea siquidem, inter alia, hæc habet. [Inva-
 „luit apud Mediolanenses, hæc, veluti per manus tradita opi-
 „nio, constans tamen, & omnem suæ originis memoriam vin-
 „cens, quod Sanctissimus Parens, & Præsul noster Ambro-
 „sius, *conditus fuerit* medius inter Sanctos Martyres Gervasium,
 „& Protasium, nec absque miraculo: fertur enim, cum su-
 „premo pietatis obsequio, insulatum cadaver, ad ipsum
 „tumulum deponeretur: paululum se junctos invicem recessis-
 „se, ut medium exciperent; quasi officioso hoc prodigio, &
 „rependere vellent probè merito Antistiti acceptum tumuli
 „honorem, & ejus sanctitatem factio, quàm voce testari; Ne-
 „que &c.] Sic ille, qui præfatæ Dissertationis toto Capite
 Quinto, innumeris argumentis, monumentisque, (ut innui-
 „mus) rem eandem prosequitur: & quæ attulimus in Epistola
 „ad Sororem Ambrosii verba, in alium sensum detorquere con-
 „nixos, eximia eruditione refellit. Et cap. 4. inter alia, Bapti-
 „stæ Mantuani hæc carmina refert.

Lo. Anton. Sax.
 Dissert. Apolog.
 cap. 5. pag. 91.

Item cap. 4. pag.
 73.

[Am-

[Ambrosius, vobis id significantibus, alta
 „ Sub Tellure simul vos invenisse jacentes
 „ Dicitur, & celebri vos exornasse sepulcro.
 „ Hunc quoque vobiscum fertur recubare, tribusque
 „ Esse unam post fata Domum.]

Conditum adeo insigni miraculo, in ipso Martyrum sarcophago S. Ambrosii corpus, summa veneratione fideles idcirco coluisse mirandum non est. Inter eos autem, qui hoc eo tempore præsiterunt, ritè censendus S. Bassianus Laudensis Episcopus, de quo ista apud Bollandum recitantur. [Ambrosio morienti affuit, ejusque diem mortis domesticis prædicens, pio funeri operam dedit. Immo verò, post aliquot dies sanctissimi Doctoris Sepulcrum piè veneraturus, Mediolanum redit &c.]

*Io. Bapt. Mant.
 In fastis, ad aud.
 SS. Gervasii &
 Protasii.*

*AB. SS. Januarii.
 Tom. 2. sub die.
 pag. 226. num. 6.*

At pauca sunt hæc, si cum iis conferantur, quæ in honorem S. Ambrosii, atque ad ipsius sepulcri venerationem, à Sancto Simpliciano ejus successore sancita reperiuntur. Rem, ex Mediolanensis Ecclesiæ monumentis, sic narrat Ripamontius: [Crescente quotidie magis Ambrosii desiderio, fama que virtutum, & miraculorum ipsius increbescente, institutum hunc morem à Simpliciano, (traditum est,) ut Provinciales Episcopi, quamquam dissiti terris, graves ætate, dissenti sui muneris occupationibus, absque discrimine ullo, vel excusatione, Mediolani per hebdomadas in orbem adessent, facturi rem Divinam in Ara, quæ nimirum inclyta tanti viri reliquiis, & nomine patere deberet ad sacrificandum iis tantummodo, quos dignitas Pontificia faceret venerabiles, & augustos. Tunc, scilicet Episcopos, ut sua quemque dies admoneret, ex variis Provinciæ locis, longiore quàm hodie distant intervallo, ire in Metropolim hanc consuevisse, de sanctosque rite vicè sua, pari celeritate domos remigrare: domicilium in Urbe, (lege propè Urbem) fuisse constitutum hebdomatico, ad tertium inde lapidem, qua parva nunc D. Gregorii, (Georgii) templo cognomen fecit. Ex eo domicilio Pontificem, cujus esset hebdomada, pulsu Campani æris excitari solitum, intempestæ noctis silentio matutinus, ut sisteret ad Aram. Mansisse solemne hoc, donec pertaxi spatio viarum, irrequietosque comitatus Episcopi, contulerint in medium vestigalia, & stipēs largè suffecturas in ea Sacra, dederintque sui muneris Vicarios, ac ita duræ peregrinationis incommodo, & labore, sunt levati:] Hadenus Ripamontius.

*Ripamont. lib. 6.
 Hist. Eccles. Mediol. deced. 1.*

Ambrosii Synchronus S. Philastrius extitit Brixien-
 sco-

scopus, cui ob insignia merita, statim ab obitu, & cultum, & Natalitiorum decretum fuisse honorem; in Homilia, in ejus die Festo habita, S. Gaudentius ejusdem in Episcopatu successor, post plura his verbis testatur. [*Pauca hæc, de virtutibus hominis, Dei, brevissimo Sermone memoravi, ne Dies iste, quo ad superna migravit Beatus Philastrius Patronus noster, cujus bodicæ Festa celebramus, tristi silentio inglorius præteriret. Nam cum, meritorum ejus præconia, quatuordecim jam per annos, solemnitate, hujus cultum renovans, auditui vestro intulerim plura, quæ prædicari adhuc possant, intacta perspicio. &c.*] Facile ex his liquere, observat hic Gaudentii Scholiastes, Sermonem hunc XXI. à Gaudentio eodem, paulo post annum 400. habitum fuisse; cum Episcopatum ipse, Ambrosio præsertim Auctore, accepisse videtur circa annum 387.

Ante Ambrosium rexerat Ecclesiam Mediolanensem S. Eustorgius, circa annum 337., à quo Mediolanum Sanctorum trium Regum, qui Christum Dominum venerati sunt in cunabulis, corpora translata fuisse, narrat ejusdem Vita, ex priscis monumentis, ut notat Baronius, à Mombrizio addita, in qua ista habentur: [*Itaque in celebri loco, ubi in diebus suis in honore Dei, & ipsorum, honorabilis est fabricata Ecclesia. Eamdem Arcam, cum SS. trium Regum corporibus, honestissimè collocavit.*] Quibus ista notatu digna subjiciuntur: [*Ubi, videlicet est fons celeberrimus, & sanctissimus, in quo baptizabantur Sancti, ad Christi fidem venientes. &c.*] Inexploratum est adhuc, an per martyrium vitam æternam Sancti hi Reges adepti sint, vel potius naturali morte è vivis excefferint. Quod quidem, si accidit, æquè, ac illas Martyrum eorumdem reliquias habitas fuisse, ostendit locus, in quo illas collocavit Eustorgius; dum, videlicet, ubi erat fons baptismalis, qui inter Martyrum tumulos passim constituebatur, eas ipsas posuit. De ipso verò S. Eustorgio, in præfata vita hæc habentur. [*Sepultus est autem B. Eustorgius in venerabili SS. Regum Ecclesia, in ipsius honore, & nomine postmodum instituta &c.* Nos ergo Fratres Charissimi, tanto Patri digna reddentes obsequia, exultemus omnes in Domino, & spirituali jucunditate lætemur, & Beatissimi Pontificis, & Patroni nostri Eustorgii Sancta Solemnia corde, & animo celebrantes &c.] Sic vita, ex priscis, ut diximus, monumentis accepta.

Floruit hoc ipso sæculo S. Geminianus Mutinensis Episcopus; in cujus Actis à Mombrizio primùm, deinde à Bollandianis relatis, hæc inter cætera, habentur. [*Post Sancti, & fapè nominati Pastoris Geminiani memorabilem transitum,*

B. Theo-

Baron. *ad ann.*
82. *Januar.*

Mombrizio. *Tom. 1.*
Pag. 317.

„ B. Theodoretus Mutinensis Ecclesiæ, Domino volente, se-
 „ dem obtinuit &c. *Qui super Sacrosanctum nominandi Patris Ge-*
 „ *miniani tumulum, faventibus Civibus, honorificam, à fundamen-*
 „ *tis construxit Basilicam: cujus consecratio, ex more celebrata omni*
 „ *devotione, ad ejus sepulcrum plebs urbana, & rustica, quodidia-*
 „ *nis miraculis oblectata, ardentissime consuebat. Interea revolven-*
 „ *te anni orbita, Die sancti ejus funeris Anniversaria, infinita popu-*
 „ *lorum ad Ecclesiam convenit caterva. Quo, dum à Clero nocturni*
 „ *officii conventus evoluitur, languentium grex expertus est sanita-*
 „ *tem. Cumque populi in laudibus profilientes, Missarum Divina*
 „ *solemnia, ab ore prefati Præsulis præstolarentur &c.*] Et narra-
 tur præclarum miraculum, meritis S. Episcopi, eadem celebri-
 tatem patratum.

Qui scripsit Acta S. Gaudentii Episcopi Novariensis, (qui
 obiit circa annum 397., vixitque, (inquit Baronius, tempore
 Leonis Episcopi successoris, qui sedit temporibus Pauli Papæ,
 narrat sacrum ejusdem corpus, in Basilicam, ab ipso S. Gaudentio
 ædificari coeptam, & à B. Agapio perfectam, debitisque care-
 moniis dedicatam: [senis post defunctum mensibus, bis senis
 diebus additis], fuisse translatum, summoque honore se-
 pulcro traditum; & Acta eadem his verbis concludit. [Ori ma-
 „ num imponimus, introrsus ad conscientiam redire festina-
 „ mus. Et quidem indigni famuli, dum imitari non possumus,
 „ patronum nobis fieri precibus postulamus: *ut ejus meritis adju-*
 „ *vemur, cujus Natalitia celebramus.* Eo adjuvante &c.]

*In Not. ad diem
 22. Januar.*

S. Juvenalis Narniensis Episcopus, sub anno Domini 389,
 à Paperbrochio adnotatur, ac de illo, hæc apud ipsum referun-
 tur. [Aerius, datis muneribus, ejus, (*nempe Juvenalis*) suc-
 „ cessori, verè Ven. Maximo Episcopo, qui quadraginta an-
 „ nis, ac tribus mensibus Cathedram ejus possedit, rogaverunt,
 „ cum, *ut ei Basilicam, cum Confessione construeret; & factum est.*

*Act. SS. Maii die
 3. tom. 1. pag. 389.
 num. 6.*

„ Recondentibus iis abdito loco sacrum corpus, ubi, ex
 „ lapidibus, auro, argentoque constructa Confessio constat;
 „ & super ejus venerabile corpus carmina signaverunt hoc
 „ modo:

„ Secretus locus intus in est, Sanctique recessus,
 „ Quem dum summa petit Juvenalis morte dicavit.
 „ Quo sibi post obitum placuit dare corpus humandum:
 „ Incaute manibus scindens; ne polluat imber.
 „ Idibus Augusti, Domino præstante sepultum.
 „ Die verò Natalis ejus, Confessio ipsa, tam marmora, quam
 „ aurum, vel argentum tanti sudoris aqua distillat, ut cum
 „ spongiolis tergentes, in ampullis recondant, mixtaque cum

K

„ fan-

„ sancto oleo , multis infirmis deportatur , & Domino coope-
 „ rante , sanantur . *Hæc autem gesta, jubente Venerabili Maximo*
 „ *Episcopo edita sunt, petentibus his, qui & vitam, & ætus ejus*
 „ *requisierunt .]*

Ex novissimis hisce verbis , eum , qui ista conscripsit agnos-
 scimus synchronum , nempe , Maximi Episcopi , qui proximè
 in Episcopatu Narniensi , S. Juvenali successit ; eidemque præ-
 decessori suo , & Basilicam , & in Basilica Confessionem , in qua
 sacrum ejusdem corpus recondetur , erexit . Perspicuèque
 intelligimus etiam , non modo Natalitia ipsiusmet Sanctissimi
 Episcopi celebrari consuevisse ; sed ea insuper , præclaro , quod
 refert miraculo , quotannis à Divina Bonitate exornata , eviden-
 tissimè percipimus .

*Ad. SS. Maii.
 Tom. 4. die 19. pa-
 g. 330 num. 5.*

Magnum hinc videtur non debet , quod sub hoc ipso Quarto
 sæculo , de S. Theodoro Lucensi Episcopo , sub die 19. Maii
 legimus , apud Henschenium , videlicet . [Vir autem Domini
 „ Theodorus , ab ineunte ætate , usque ad decrepitam senectutis
 „ vitam , semper optimis operibus pollens , servitiaeque
 „ Dei peragens , feliciter agonem sui cursus consumans , mi-
 „ gravit ad Dominum : *cujus Natalitius dies recolitur XIV. Kal.*
 „ *Junii* . Reconditum est verò ejus venerabile corpus , in Basi-
 „ lica B. Donati Episcopi , in qua ille dudum Præsul extiterat
 „ mirificè regendo . *Cives* verò , ob beneficiorum suorum auxi-
 „ lia flagitanda , super B. Viri corpus Altarium construxerunt ,
 „ quatenus B. Confessor , suis precibus eos adjuvare digna-
 „ retur .]

*Ad. SS. Junii
 Tom. 2. sub die 14.
 pag. 804. Cap. 2.
 num. 13.*

Non Altare non tantum , sed Basilicam super corpus S. Marci
 Lucerini Episcopi erectam fuisse , apud prefatum Hensche-
 nium , sub die 14. Junii , ex Mss. Bovienſis Ecclesiæ , habemus .
 Floruit is , circa annum 328. & de illo scripta hæc reperimus .
 [Cum jam esset B. Marcus annorum sexaginta duorum , febrī
 „ correptus , spiritum Deo reddidit : & *Depositionis ejus Dies ce-*
 „ *lebratur Nonis Octobris* : qui testamentum fecit , & sibi placuit ,
 „ ut in Civitate Bovini sepelliretur : quod honorificè factum
 „ est , & *super Sanctum corpus ejus , Ecclesiæ sui nominis locata est* :
 „ Cunctorumque Sacerdotum , & plebis universa turba , qui
 „ ad Sanctissimum Viri Dei obitum venerunt , omni suavitatis
 „ odore repleti sunt , ac si illic fuissent omnia aromata diffu-
 „ sa . &c.]

Plus tamen fuit quàm cum Ambrosio sub Altari locum sibi
 sepulturæ prædestinasse ; vel cum Juvenali , Theodoro , ac Mar-
 co , Confessionem , Aras , Basilicam post mortem obtinuisse ,
 S. Elpidium Episcopum Atellanum in Campania Felice , adhuc
 viven-

viventem, ad proprium, Fratris Cyonis Presbyteri, & Elpicii
 Levitæ Nepotis corpora tumulo mandanda, Ecclesiam construi
 voluisse, ac curasse. Et tamen id hoc ipso sæculo factum legimus,
 apud toties memoratum Henschenium. En, quæ apud ipsum ha-
 bentur. [Anno, à salute trecentesimo nonagesimo quinto &c.
 „ Post Civitatis (Atellanæ) incendium, paucos superstites Ci-
 „ ves, suis monitis, sanctis, & placidis verbis, consolatus est, ac
 „ in fide fortes, constantisque servavit, suæque sanctitatis fa-
 „ ma incolarum numerum auxit brevi; quos cum pace fruen-
 „ tes videret, *suo nomini, locum victoria contra Dæmones habitæ,*
 „ *adificandum curavit, ubi adveniente suæ mortis hora reconderetur.*
 „ Peractum citissime fuit sancti ædificii locus, ubi invocaretur
 „ Divinum auxilium, & quotidie laudis hostiæ immolarentur
 „ altissimo. Ibique, paucis post diebus Elpicium Nepotem,
 „ Levitam, vigesimum secundum annum ætatis agentem,
 „ (quem Cœlesti victu, magis quam temporali, ab incunabu-
 „ lis educaverat), sanctitate vitæ clarum, reposuit. Et mox
 „ Cyonem Presbyterum germanum, æquali sanctitate conspi-
 „ cuum: quibus Beatissimus Elpidius, in Domino quiescens,
 „ fuit adjunctus: quorum precibus adjuvantur, quotquot ad
 „ eos, in fide, nihil hæsitantes, confugiunt.]

F. AG. SS. Mali
 tom. 5. sub die
 24. pag. 283.

Hoc demum Quarto Sæculo, non modo in honorem San-
 ctorum, qui Martyres non extitissent, fundatas passim Basili-
 cas, (ut vidimus) depræhendimus, in quibus, nimirum, sacra
 eorum corpora venerabiliter colerentur; sed, ad eas in hono-
 rem illorum excitandas, fidelibus sat fuisse, quascumque ipso-
 rum Sanctorum reliquias; manifestè declarant, quæ apud Bol-
 landianos, de S. Syro Episcopo Genuensi, qui floruit circa an-
 num 330. narrantur. Ibi enim dicitur, quod Naclerus quidam,
 sudarium abstulit, sanguine madidum, qui è naribus Sanctissi-
 mi Episcopi desluebat, cum ad sepulturam deferretur; abstulit,
 inquam, ac in Libiam secum detulit, pluribus insignitum mira-
 culis. [Quo viso, (verba sunt narrationis), Episcopus loci
 „ illius, (quò, nimirum Naclerus appulit), *una cum Christia-*
 „ *na plebe, Basilicam, ad nomen ejus (S. Syri) fundaverunt: ibi-*
 „ *que sub tegmine Templi, sudarium condiderunt: de cuius tactu,*
 „ *infirmi, à languoribus curati sunt &c.*]

AG. SS. sub die
 29. Junii Tom. 5.
 pag. 482.



C A P. X.

*Sanctæ Romanæ Ecclesiæ , ipso Sæculo , erga
Sanctos non Martyres veneratio . Eorum-
dem cultus , in cæteris Ecclesiis
exemplis adstruitur .*

S Tudio prætereamus referre singula, Summorum Romanorum Sanctissimorum Pontificum Silvestri, Marci, ac Damasi, qui hoc ipso Sæculo floruerunt, quibusve amplissimum cultum exhibitum fuisse, vel adhuc extantia monumenta testantur; quod superfluum meritò videri queat, in tam redundanti utriusque Ecclesiæ consensu, in tam manifesta Ecclesiarum earum, quæ proximiores Romanæ Ecclesiæ essent, praxi, ostendere; vel ea inconsulta, quæ omnium Mater, Caputque extiterat, hæc peragi potuisse; vel eam unam, se ab iis abstinere voluisse, quæ ab initio ipsamet, ut vidimus, egerat; quæve cæteræ omnes erga Sanctos, qui Martyres non extitissent, cumulativè præstiterunt. De memoratis idcirco Pontificibus pauca prælibare sat erit. Et primùm quidem in calce Gelasiani Decreti Part. 1. Dist. XV. Cap. 3. [Sancta Romana Ecclesiæ &c.] (sive ab Ordine Romano, sive aliunde acceptum id fuerit) S. Silvestri Papæ Natalitia his verbis adnotata reperiuntur: [*In Natali S. Silvestri, similiter.*] Hoc autem Natale, longè ante Gelasium celebrari cœptum, perspicuè intelligitur, ex ejusdem Decreti verbis, cum nimirum, de Actis ipsius S. Silvestri agit. [Item Actus „ (dicens) B. Silvestri, Apostolicæ Sedis Præsulis, licet ejus, „ qui conscripsit nomen ignoremus, à multis tamen in Urbe „ Roma Catholicis legi cognovimus, & pro antiquo usu, multæ „ hoc imitantur Ecclesiæ.] Cum autem Acta Sanctorum, in eorum Natalitiis potissimùm legi consueverint; si, pro antiquo usu, Romanorum sectantes exemplum, Ecclesiæ multæ, Acta eadem legere consueverunt; profectò sequitur Natalitiorum, in quibus legebantur, apud Romanos, antiquissimum fuisse morem, utpote qui aliarum Ecclesiarum, quæ eorundem vestigiis inhæserunt, antiquum morem præcedere debuit. Antiquissimum autem, quis meritò dicere potuisset, si Sæculo tantum, quo Gelasius floruit, nempe Quinto incœpisset? Liquet, igitur, præcedenti potius, nimirum Quarto, paucisque ab obitu Silvestri annis, & Natalitia, & cultum ei attributum, qui deinde, & in Urbe, & extra sequenti Sæculo magis excre-

vit;

vit: nam, qui ante Gelasium, in Summi Pontificatus culmine constitutus fuit S. Simplicius, patria Tiburtinus, duas, quæ adhuc exstant Basilicas ibidem construxit, in quarum prima Apostolorum Principi dicata, sacram S. Zotici Martyris, potiorum Corporis partem (quam nos ipsi nuper, nempe anno 1724. Antonio Fonseca Tiburtino Episcopo nostris precibus annuente, reperimus) condidit. Alteram verò, in S. Silvestri honorem Deo dicavit. Cujus quidem exemplum seclatus est deinde Simachus, qui biennio post Gelasium Apostolicam Sedem ascendit, cum in ipsa Urbe Roma, juxta Thermas Trajanas, in honorem SS. Silvestri, & Martini Basilicam quoque construxit.

Sanctus Damasus autem, sicut Sanctorum Martyrum sepulcra versibus exornare consuevit, ita æquè honestandum illud S. Marci Papæ, his carminibus censuit.

[Vita fuit Marci, quam novimus omnes,
 „ Ore Dei posset, qui temnere mundum
 „ Oravit Populos quod disceret omnis,
 „ Grandis honor vitæ contemptus habendi.
 „ * Virtus tennit penetralia cordis
 „ Te Custos Christi perfectus Amicus,
 „ Et Damasus tumulum cum reddit honorem
 „ Hic Marcus, Marci Vita, fide, nomine consors,
 „ Et meritis &c.]

S. Damas. Carmina
 24. pag. 93.

Ista Damasus, de Marco, qui in Hieronymiano, quod vocant, etiam Martyrologio adnotatus, reperitur. At quod Damasus, de se ipso statuit, nec ab iis differt, quæ Ambrosius gessit, iisque consonum est, quæ cum Sanctorum Virorum corporibus agi consuevisse, ut, videlicet juxta SS. Martyres sepelirentur, supra ostendimus, perspicuum est; licet Sanctissimus Pontifex, de se demissè admodum sentiens, eo honore se minimè dignum censeret. De sepulcro siquidem suo sic ipse canit.

Vet. Martyrolog.
 S. Hieronym. sub
 die 6. Octob.

[Hic congesta jacet quæris, si turba piorum
 „ Corpora Sanctorum retinet veneranda sepulchra
 „ Sublimes animas rapuit sibi Regia Coeli.
 „ Hic comites Xisti portant qui ex hoste trophæa.
 „ Hic numerus Procerum servat. qui Altaria Christi
 „ Hic positus longa vixit qui in pace Sacerdos.
 „ Hic Confessores Sancti, quos Græcia misit.
 „ Hic Juvenes, puerique, Senes, castique Nepotes.
 „ Quis mage Virgineum placuit retinere pudorem.
 „ Hic, fateor, Damasus volui mea condere membra.
 „ Sed cineres, timui, sanctos vexare piorum.]

S. Damas. carm.
 29. pag. 91.

Et

Et ex hoc quidem Damasi carmine, nemo certè est, qui non intelligat, & cum Sacerdotem, qui diù in pace vixit; & eos virgines, senes, & pueros, quos inter condi Sanctus Pontifex optavit, omnes Martyres non extitisse; licet Sanctos eos omnes, ab illo habitos, utique Sanctos cultos fuisse, satis, superque ostendat versus ille.

[*Hic numerus procerum servat, qui Altaria Christi.*]

Cui, ut ritè observat Marzius Milesius, similis est ille, de Sancto Gorgonio, ab ipso Damaso exaratus.

[*Gorgonium retinet, servat, qui Altaria Christi;*]

Quibus, nimirum verbis, dum Altaria, ad corpora constituta referuntur; iisdem haud dubio cultus exhibitus dignoscitur. Et revera Anastasius, dum de sepultura Damasi agit, verba hæc adhibet. [*Qui sepultus est Via Ardeatina, in Basilica sua;*] quam ipse, videlicet, ædificaverat, ac cum Sanctis condi exoptaverat; eo, nimirum tempore, quo non nisi Sanctorum corpora in Basilicis condebantur.

*In Not. ad Carm.
29. pag. 186.*

*Anast. de Vit.
Pont. in Damasi.*

Idem. in Adriano.

Cum verò, ex suburbanis locis, in quibus Martyres sepulti fuerant, eorumdem corpora, in Ecclesias intra Urbem constructas transferri contigit; tunc translatum quoque illud S. Damasi fuisse, perspicuè, ex his elicitur, quæ Anastasius idem, scribit in Adriano primo, à quo in hunc modum honoratæ ipsius Sanctissimi Pontificis reliquæ narratur: [*Renovavit, & templum Basilicæ B. Laurentii, quæ appellatur Damasi, ubi, & vestem super ejus Altare de stauracim obtulit, simulque, & aliam vestem de post Altare fecit, ubi requiescit corpus Sancti Damasi.*] Et hæc satis, & obiter, de Sanctis Summis Pontificibus Romanis, (ut præmonuimus); dicta esse volumus. Investigandum nunc est, an præter eas, quas recensuimus Italianæ Ecclesias, aliæ quoque longius ab ea constitutæ, laudatissimum, erga Sanctos, de quibus loquimur, cultum servaverint. Ad quod quidem adstruendum, omisiss (propè innumeris), quæ producere possemus exemplis, sat erit per pauca hæc tantum referre.

Floruit hoc Sæculo, S. Turibius Cenomanensis Episcopus, de quo, ex Mss., sub die 16. Aprilis, hæc narrant Bollandiani: [*Obiit autem prædictus B. Turibius Episcopus Sext. Dec. Kal. Maii, & sepultus est, juxta prædictam Urbem, ultra Fluvium Sarthæ, in Ecclesia Apostolorum, ubi virtutes multæ, clarescunt, per merita S. Turibii, ibique Paralitici, & Leprosi curantur, & Dæmoniacy liberantur, & cæci visum, recipiunt &c.*] Qui ista de S. Turibio scripsit, in fine se ipsum, his verbis prodit. [*Ego Carus Filius Severi, Dei servus, hanc*

S. Tu-

*At SS. April.
Tom. 2. sub die 16.
pag. 420. num. 13.*

Ibid. pag. 415.

„ S. Turibii vitam, *sicut vidi, & audiui, ac veraciter didici,*
 „ in hac paginula, ex parte scribere curavi.] De hac verò vi-
 ta, necnon Actis quorundam priorum Cenomanensium Epi-
 scoporum, hanc Godefridus Henschenius profert sententiam.
 [In hisce Actis, est antiquissima memoria primorum Episco-
 „ porum, quam hæcenus licuit observare, *cum certo cultus Ec-*
 „ *clesiastici inditio: & ex iis ista excerpimus.*] Sic Henschenius.

Non diffitemur autem S. Illidii, Episcopi Claramontani
 venerabile corpus, statim ab obitu in crypta fuisse sepultum;
 verum, ex hoc minimè elicitur debitum ei cultum præstitum,
 non fuisse, cum oppositum potius, ex S. Gregorio Turonensi
 educatur, qui cum refert aliò deinde fuisse translatum; quod
 ad cryptam ipsam, difficilis nimis pateret ingressus: profectò
 indicat Fideles locum impensius frequentare consuevisse, licet
 loci ejusdem paterentur incommodum. Quod quidem S. Avitus,
 æquè Claramontanus Episcopus amovit, ut præfatus Gregorius
 tradit, his verbis: [Hujus Confessoris beatum corpus, 26 an-
 „ tiquis in crypta sepultum fuit; sed quia arctum erat ædifi-
 „ cium, ac difficilem habebat ingressum: S. Avitus Pontifex
 „ Urbis, constructa in circuitu, miri operis absida, beatos
 „ inquisivit artus, reperitque in capsula, tabulis formata ligneis;
 „ & juxta morem, sarcophago clausit. In hoc loco, & me-
 „ ritis, & nomine Justus requiescit, qui fuisse hujus supremi
 „ Pontificis fertur Archidiaconus.]

*S. Gregor. Turon.
 de Vit. Patr. lib. 2.
 apud Henschen.
 Act. SS. sub die 5.
 Junii Tom. 1. pa-
 gin. 429. num. 9.*

Sed quia dignè, pro merito, Tungrenses, & Trajecten-
 ses S. Servatium Episcopum, qui floruit sub anno 384. colere
 vili non sunt; præclaro miraculo Omnipotens Deus, sacrum
 ejus corpus venerandum edocuit. Rem narrat idemmet S. Gre-
 gorius Turonensis, hoc modo: [Servatius Trajectensis Epi-
 „ scopus tempore Hunnorum, cum ad irrumpendas prorum-
 „ perent Gallias, fuisse memoratur: qui, & sepultus refertur
 „ juxta ipsum pontem aggeris publici: circa ejus sepulcrum,
 „ quamvis nix defluisset, nunquam tamen marmor, quod su-
 „ pra erat positum humescebat; & cum loca illa nimii frigoris
 „ gelu ligentur, & nix usque in trium; & quatuor pedum cras-
 „ titudinem terram operiat; tumulum ullatenus non attin-
 „ git &c. Nam plerumque devotio, studiumque fidelium, *Ora-*
 „ *torium construebant de tabulis ligneis, levigatisque;* sed protinus,
 „ aut rapiabantur à vento, aut spontè ruebant. Et credo idcir-
 „ cò ista fieri, donec veniret, qui dignam ædificaret fabricam,
 „ in honorem Antistitis gloriosi. Procedente verò tempore
 „ adveniens in hanc Urbem Monulfus Episcopus, Templum
 „ magnum, in ejus honorem construxit, composuit, ornavit-
 que:

*S. Gregor. Turon.
 de Glor. Confes-
 sor. cap. 24.*

„ que: in quod multo studio, & veneratione translatum corpus;
 „ magnis virtutibus pollet.]

*Act. SS. Maii to. 7
 sub die 29. p. 22.
 num. 6.*
 „ Basilicam etiam super corpus S. Maximini Trevirensis;
 „ Episcopi, qui sub anno 349. floruit, constructam fuisse; hac
 „ ratione in illius gestis, apud Henschenium narratur. [Ubi er-
 „ go corpus Beatissimi fuit positum Maximini, *ibi plebs Basilicam*
 „ *in honore ipsius edificavit.*] Insueto verò portento, S. Marcel-

*S. Gregor. Turon.
 de Glor. Confes.
 Cap. 49.*

lini Ebredunensis Episcopi, qui hoc ipso Quarto Sæculo floruit,
 tumulum illustratum, refert idem Gregorius Turonensis, cum
 dicit. [Ad hujus Sancti sepulcrum lychnus assidue lumen præbet;
 „ sed accensus semel, multis noctibus, sine ullo additamento
 „ perdurat: & plerumque contigit, ut extinctus à vento, Divi-
 „ nitus iterum accendatur: ex quo oleo plerumque infirmi
 „ medicamenta suscipiunt.] Ex Vita autem ejusdem S. Marcel-
 lini, apud Bollandianos, & à Bollandianis, Mabillonio, & aliis
 laudata, quæve ab iis accepta videtur, qui eundem Sanctissi-
 mum Episcopum cognoverant; non unam tantum, uti cætero-
 rum Sanctorum, atque etiam Martyrum Solemnitatem illius
 celebrari consueville, sed duplicem intelligimus; nam cap. 2.
 ista habentur: [His itaque per ordinem, atque in veritate com-
 „ pertis, *Festivitatem* ejus, duplici gaudiorum remuneratione
 „ locupletatam agnovi: nam cum transitus ejus die Idium,
 „ Aprilium, pro transfmigratione veraciter excolatur: post octo
 „ dies, idest Duodecim. Kal. Majas *depositio* venerabilius adim-
 „ pletur. Quod si quando Pascha esse contigerit, in his octo
 „ diebus, Paschalis letitia non deerit.] Hæc ibi.

*Act. SS. April.
 tom. 2. sub die 20.
 pag. 750.*

*Ibid. cap. 2. pa-
 gin. 555. num. 15.*

Sub die decima quarta Julii in Romano Martyrologio, his
 verbis S. Cyrum Episcopum adnotatum reperimus. [Cartha-
 „ ginæ S. Cyri Episcopi, in cujus Festivitate S. Augustinus, de
 „ eo Sermonem ad Populum habuit.] Circa annum 303., ad
 „ superos Cyrus evolavit, eodemque Sæculo Festivitatem ejus ce-
 „ lebratam, quem diximus S. Augustini ostendit Sermo; de quo
 „ Baronius in Notis. [Possidius in Indiculo cap. 8. tradit S. Au-
 „ gustinum, de eo tractatum habuisse ad populum.] Sic Ba-
 „ ronius.

Sub die 14. Julii.



C A P. XI.

*Non soli Episcopi, sed cæteri quoque sanctitate
præclari, condigna veneratione culti, eodem
Quarto Sæculo demonstrantur.*

HIs, addendi essent præclarissimus, inter alios, Hilarius Pictaviensis, cujus sepulcrum miraculis inclytum celebrat Gregorius præfatus Turonensis; commemoratque una ei dicatam Basilicam, in qua illius reliquæ conditæ erant. Claudius Episcopus Viennensis, qui hoc pariter Sæculo floruit, & alii innumeri. Sed ne videremur solis Episcoporum exemplis, Sanctorum, qui Martyres non extiterunt hoc Quarto Sæculo cultum asserere potuisse; illis idcirco, data opera prætermisissis, aliorum, qui ejusmodi non fuerunt, rem probandam censuimus.

*S. Gregor. Turon.
de Glor. Confessi.
Cap. 2.*

*Ad. SS. Bolland.
sub die 1. Junii
Tom. 1.*

Sit inter hos primus S. Satyrus, S. Ambrosii germanus Frater, cui Sanctus idem Doctor, ob eximias virtutes, non alium locum, aliudque sepulcrum tribuendum duxit, quam illud, quod non nisi impertiri, ab Ecclesiæ initio, viris sanctitate, & meritis præclarissimis consuevisse, non semel supra ostendimus. Sacrum igitur Satyri corpus, ad lævam Sanctissimi Martyris Victoris ipse constituit; ut manifestè testatur eidem communi, & Martyris Victoris, & Satyri tumulo, ab eodem inscriptum, quod sequitur Epithaphium.

[Uranio Satyro supremum Frater honorem

„ Martyris ad lævam detulit Ambrosius.

„ Hæc meriti merces, ut sacri sanguinis humor,

„ Finitimas penetrans, adluat exuvias.]

*Apud Joseph. Anib.
Sax. in Dissert.
Apoget. SS. Ger-
vasii, & Prothasi
cap. 5. pag. 104.*

At plus meritò faciendum est, hoc eodem Sæculo, nempe circa annum 400., in honorem S. Fortunati Presbyteri, fuisse Deo consecratam Basilicam, in qua sacrum ejusdem corpus reconderetur. Quod quidem Audelagus Presbyter, in ejusdem vita, verbis his narrat: [Spes autem Spoletanæ Diocesis Antistes, abiit „ cum Sacerdotibus, & Clero suo, & ipsum Sanctum Corpus, „ cum omni diligentia condidere; & in nomine Beati Confessoris, ipsam Basilicam consecraverunt, ubi exuberant beneficicia, usque in præsentem diem: cujus Natalis celebratur „ Kal. Junii.]

*In Ad. SS. apud
Bolland. sub die 12.
Junii Tom. 1. pag.
76. num. 2.*

Ubi defuissent, qui Sanctis, qui Martyres non extitissent, iis in locis, in quibus ipsorum corpora quiescebant, debitum cultum, venerationemque exhiberent: illis subrogatos fuisse alios, & quidem in longinquis, imò longissimè distitis regio-

*Act. SS. sub die 13.
Januar. Vit. Cap.
7. pag. 81. num. 7.
Baron. in Not. ad
diem 13. Januar.*

nibus constitutos, qui inertiam, oscitantiamque priorum supplerent; Acta ostendunt S. Viventii Presbyteri, qui, vel sub hujus Sæculi initium, sævianteque adhuc Diocletiani Imperatoris persecutione; vel, ut censet Baronius, temporibus Constantii Imperatoris, circa annum 340, floruit), à Bollandando his verbis relata: [Transacto post gloriosum ejus obitum quin-
 „ quennio, volens Dominus servum suum, miraculorum,
 „ signis propalare in terris, quatenus magis, magisque fides
 „ augmentando polleret, misit Angelum suum de Cœlo, qui
 „ veniens Antiochiam, cubiculo filiae Regis (Reguli, videli-
 „ cet ejuspiam, inquit Bollandus, aut Præfecti), cœlesti lu-
 „ mine referto, ante lectum soporantis, quamquam cœcæ sub-
 „ stitit puellæ; vocataque ex nomine, blandis eam alloquitur
 „ verbis, inquit: Juliana surge, & ad Europam ocyus lustra-
 „ tores cum donariis mittens, his, scilicet, *vestimento Sacer-*
 „ *dotali, Calice, Patena, & Cimbalo*, jube nullatenus ces-
 „ sari, donec inveniatur Sancti Polliandrum, (nempe Cœme-
 „ terium, (inquit Bollandus) Viventii, *quod etiam super adi-*
 „ *cetur Oratorium, in nomine Jesu Christi*: datisque inibi
 „ prædictis xeniis, statim amissum recipies lumen vitæ præsen-
 „ tis, & si indubitanter credideris, lumine perpetuo non ca-
 „ rebis.] Quod quidem factum fuisse, ac in super ædificato,
 supra Sancti tumulum Otatorio, plura insuper alia patrata mi-
 racula, ibidem narratur.

*Boll. ut sup. Not.
in Marg.*

*Io Ant. Sax. in
Dissertat. Apolo-
ges. ut sup. p. 120.*

Paperbrochius autem, qui, alias laudato Josepho Anto-
 nio Saxio teste, nimis elati animi maculam; S. Ambrosio inspergi
 judicavit, si parem sibi tumulum, ut retulimus, cum Sanctis
 Martyribus Gervasio, & Protasio, destinasset; quid, (si qui-
 dem superstes esset), de S. Philippo Agyrione censendum puta-
 ret, qui adhuc vivens, Basilicam construi divinitus jussit, in
 eaque sibi, & socio Eusebio parari sepulcra, in quibus eorum
 corpora conderentur, imperavit? Et tamen, in eodem opere,
 quod cum eo simul Godefridus Henschenius elaboravit, ex Græco
 latinitati donata, à percelebri Jacobo Sirmundo, ejusdem San-
 cti Philippi vita, ista disertè narrantur. [Cœterum ille (Phi-
 „ lippus), post Deo placitam vitam, & omnia, quæ dixi mi-
 „ racula, quadraginta diebus ante obitum suum, apparuit uni,
 „ ex optimatibus regionis, nomine Belisario: assumensque
 „ pueros ejus, venit ad Agyrium locum, & ostendit ei in somnis
 „ delineationem Ecclesiæ, instar Crucis extruendæ: ædifica-
 „ vit autem, & thecas duas, superiorem quidem Eusebio Mo-
 „ nacho, qui ejus vitam scripsit, & miracula: inferiorem verò
 „ sacris ejus reliquiis. Ædificavit idem Belisarius sacrum ejus

*Act. SS. Maii 20.
sub die 11. pag. 33.
Vit. Cap. 3. n. 32.*

Tcm-

„ Templum, quadraginta enim diebus ante ejus obitum pere-
 „ git quadragenarias ejus diei inferias, & perfolutis Divinis
 „ Myfteriis, procumbens Sanctus ad sepulcrum suum, aperiens
 „ os suum dixit: Hæc requies mea in sæculum sæculi, hic ha-
 „ bitabo, quoniam elegi eam. Et sic obdormivit in Domino:
 „ Ut autem, post ejus obitum, Dei famulus fontes curationum
 „ funderet, ad sacram ejus thecam accedens &c.] Sub Arcadio
 Imperatore, circa annum 396. obiisse tradunt Philippum, qui
 idcirco ante annum, ab Ambrosio, qui anno 397., ex hac vita
 migravit, ad Coelos evolavit.

Quem memoravimus demùm Paperbrochius, agens de
 S. Isaccio Abbate, qui sub anno 383. floruit, hæc habet. [Ci-
 „ ves autem universi, ad obitum ejus concurrerant, & ad tu-
 „ mulum usque sunt eum comitati, ac sanctas ejus, & pretiosas
 „ reliquias, in *Æde S. Stephani Protomartyris, in sacro Altari*
 „ collocarunt.]

*Act. SS. Maii
 Tom. 7. sub die 30
 pag. 260. num. 8.*

C A P. XII.

*Sanctis Virginibus, ac Mulieribus, præfato
 Sæculo veneratio, ac cultus in Occi-
 dentali Ecclesia cumulatissimè
 exhibitus.*

S Anctas quoque Mulieres, non minus quàm Orientalis
 (ut vidimus), hoc eodem Quarto Sæculo Occidentalis Ec-
 clesia, debito cultu, ac veneratione prosequuta est. Percele-
 bris, inter eas fuit, S. Romana Virgo Tuderti, de qua, apud
 Bollandum, hæc referuntur: [Sepultum est illic, (nempe in
 „ spelunca, in qua diem extremum clauserat), à Parentibus,
 „ eorumque famulatio, ac binis illis Sacerdotibus, magna reli-
 „ gione, ac honorificentia corpus Virgineum. Permanere
 „ deinceps longo tempore in eadem specu Sacerdotes iidem,
 „ aramque instruxerunt, ut sacrificium in ea immolarent, &
 „ alias religiosas functiones obirent &c.] Vixit Romana, cir-
 ca annum 324.

*Act. SS. Februar.
 Tom. 3. sub die 23.
 6. 1. num. 8.*

Circa annum verò 390. ex hac vita migravit S. Vitalina Vir-
 go, de qua hæc S. Gregorius Turonensis monumentis tradidit.
 [*Ad ejus* Beatus Martinus tumulum veniens, dedit salutatio-
 „ nem: & illa, ut sibi dignaretur benedicere, flagitavit. Post-
 „ quam autem expleverunt orationem, conversus Vir Beatus
 „ dic, ait, Sanctissima Virgo, jam Domini præsentiam meruisti?

*D. Gregor. Turon.
 lib. 7. Glor. Confess.
 Cap. 5.*

„ Quæ ait: restitit mihi una causa, quæ facilis in sæculo vi-
 „ debatur. Sexta enim FERIA, qua Redemptorem passum no-
 „ vimus, aquis ablui caput. Recedens autem Beatus Confessor
 „ à tumultu Virginis, ait suis: Veh nobis, qui in hoc mundo ver-
 „ samur; si hæc Virgo Christi sacrata, hinc offendiculum
 „ meruit, quod Sexta FERIA abluat caput: quid nos faciemus,
 „ quos quotidie fallax sæculum peccare persuadet?] Et post
 „ nonnulla, de eodem S. Martino, qui ad locum ubi S. Vitalinæ
 „ corpus conditum erat, rursus reversus est: [Post hæc (subju-
 „ git Gregorius), accedens ad tumultum Virginis ait; Gau-
 „ de nunc Vitalina, soror beatissima, post triduum enim Ma-
 „ jessati Dominicæ præsentaberis. Et discessit ab eo loco. Post
 „ hæc multis, pet visum Virgo ostensa est, & beneficia petita
 „ præbuit, & diem obitus sui, in quo commemoratio ejus celebrare-
 „ tur edixit.] Et paulò inferius. [Quodam autem tempore,
 „ celebratis in ejus honorem Vigiliis, cum Archipresbyter lo-
 „ ci Eulalius, Clericos convivio invitasset, Edatius verò alius
 „ Presbyter, viduis, ac pauperibus reliquis edulium præpa-
 „ raret; & uni piscēs deessent, alteri vinum bonum: commo-
 „ nitus piscator quidam, per visum à Virgine est, ut Archi-
 „ presbytero piscium copiam deferret. Surrexitque è lectulo,
 „ invenitque immanem escocem inlapsum suum, quem, ubi jus-
 „ sus fuit, exhibuit. Edatio autem Presbytero apparuit simi-
 „ liter per visum, dicens; Vade, & sub una arbore atrii, in-
 „ venies unum tricentem; ipsum donans, vinum dignum epulis
 „ pauperum comparabis. At ille, nulli, quæ viderat, narravit;
 „ abiit, inquisivit, & reperit; cœmptoque vino pauperes Chri-
 „ sti refecit: Sicque virtus Virginis utrique apparens, de spe-
 „ ciebus, quæ minus erant, utroque loco plantavit.] Hæc
 „ Gregorius.

Eandem verò venerationem, quæ Sanctis Virginibus data
 est, exhibitam quoque hoc Sæculo fuisse Sanctis aliis Mulieribus,
 præ aliis ea ostendunt, quæ de S. Maxentia Vidua, ac Sancto-
 rum Vigiliis Episcopi Tridentini, & Martyris, & Fratrum ejus
 Claudiani, & Magoriani Matre, apud Bollandianos referuntur,
 his verbis: [Felix autem horum, (præfatorum nempe
 „ Sanctorum) Mater Maxentia, in Pago, qui dicitur Maja-
 „ num, juxta lacum Toblini, sibi condens habitaculum, Deo
 „ in omni bonis operibus serviebat, virtutibus etiam, ac
 „ virtutibus clara, Prædiæ Kal. Maii in Dei magnificentiam,
 „ transivit: ubi cum Beatis Filiis suis, Filium Dei, in decore
 „ suo cernit. Fideles autem, in eodem pago Ecclesiam construentes,
 „ Sanctæ corpus Maxentiæ inibi sepelierunt; ubi usque ad tempora-
 „ Venerabilis Altimanni &c.]

Quar-

Ad SS. April.
 Tom. 3. sub die 30.
 pag. 773. num. 3.

Quarto Sæculo exeunte, Maxentiam, ad superos evolasse, Bollandiani censent; at, sub ejusdem initium, nempe sub anno 311. qui Constantini Magni quintus erat, felicissimum obitum S. Sabinae Viduæ, Trissinus, contigisse, apud eosdem putat. Qui, nimirum, de illa hæc scribunt. [Ipsa quoque tandem Sabina, dum jejuniis, vigiliis, precibus assidue ad Sanctorum Martyrum (Naboris, & Felicis) conditorium vacat; eodem ipso loco, ad ipsos emigrat, atque in eadem æde tumulata est.] Ea videlicet, ratione, qua, ut supra pluries ostendimus, & vidimus, qui præclarissimi virtutibus, & sanctitate existissent, juxta, & supparem cum Sanctis Martyribus sepulcrum, & cultum consequi merebantur.

Act. SS. Januari.
Tom. 2. sub die 30.
pag. 130. num. 11.

C A P. XIII.

*Quinto Sæculo Sanctorum non Martyrum
Reliquiæ, sepulcra, Memoria; Aris,
Basilicis, Natalitiis exornata.*

SÆculo Quinto eadem, ac in prioribus, erga Sanctos, qui Martyres non fuissent, veneratio fidelium, ac cultus: Basilicæ, videlicet, in eorum honorem erectæ, Natalitia celebrata, visitata sepulcra, ac quæcumque res, quæ, vel viventibus, vel mortuis iis usui fuisset, vel eos tetigisset, pro reliquiis habitæ. Eorum tumuli velis ornati, lampadibus, ac luminibus illustrati, ac frequentissimo populorum concursu culti. [Sanctum illud corpus, (de S. Honorato Arelatenſi Episcopo, qui obiit circa annum 437. in ejusdem vita scribit item Episcopus Arelatenſis Sanctus Hilarius), magna fidei ambitione vestitum est, majore fide postmodum, dum sepulcro admovetur, pœnè nudatum. Nec enim pepercit sanctificatis amictu suo palliis, fides, quæ pretiosissimi muneris loco habuit, aliquam, de velaminibus illius simbriam decerpisse &c. Quem enim illa die sua testæ tenuerunt? &c. Nec parum fiduciæ dat sepulcri sui gratia: nam cujus hæc ossa condidimus, in Cælo utique patrociniæ præsumimus.] Et Cap. VIII. eundem S. Honoratum alloquens, ejusque populum ad ejus intercessionem confurgentem exhibens: [Profusas (inquit) ad sepulcrum tuum, alumni gregis preces, profer; impetra, ut conspiratione communi, simul Sacerdos, & populus, quæ jussisti, quæque docuisti aliquando obtinere mereamur &c.]

Eadem fere, de S. Germano Antisiodorensi Episcopo, qui
Ra-

Baron. in Not. ad
diem 16. Januari.
Act. SS. Tom. 2.
Januar. sub die
16. Vita à S. Hilario
scripta Cap. 7.
pagin. 23.

*Apud Mombr.
Tom. 1. pag. 325.*

Ravennæ, circa annum 450. diem clausit extremum, narrat in illius vita ad Patientem Episcopum scripta, apud Mombrinium Constantius. [Septimo, (inquit) incommodi die, ad Cœlos felix anima, & beata transfertur. Hæreditas dein, de relicta, dividitur. Partem præsumpsit imperium, partem vindicant Sacerdotes; & quod fieri de opibus solet, enascitur de exiguitate contentio: dum deest, quod capiant, solius benedictionis hæredes. Capsellam, cum Sanctis, Regina (Placidia Augusta) suscepit. Cucullam cum interiori cilicio, Petrus Episcopus usurpavit. Sex verò Antistites, aut aliquid monimenti, ex successione sanctitatis accipere, & dirumpere, quod superfuerat, maluerunt. Unus palium, alter Evangelium accipit; Duo tunicam, duo saculum diviserunt &c.]

*AG. SS. Maii to. 1.
Sub. de 1. pag. 50.*

His autem multò ampliora sunt, quæ de Sancto Amatore æquè Antissiodorensi Episcopo, qui sub anno circiter 418. floruit, monumentis tradita Godefridus Henschenius adnotavit: [Celebris est, inquit, hujus Sancti memoria, in omnibus ferè sacris fastis, Latinis, quorum primum locum obtinent antiqui Martyrologii Hieronymiani apographa, ex quibus Epternacense, ante nongentos, aut plures annos exaratum ista adjuncta habet; [Antissiodoro Civitate, Amatoris Episcopi.] Quæ in Lucensi, & Blumiano latius hoc modo explicantur. [In Gallia Civitate Antissiodoro, depositio S. Amatoris Episcopi.] Sed, præ hisce fastis, antiquum venerationis Ecclesiastica testimonium exhibet Basilica Antissiodorensis, ad ejus honorem, & cultum erecta. Extat Historia Episcoporum Antissiodorensium, à Philippo Labbè, ex antiquis Mss. eruta, & Tom. 1. novæ Bibliothecæ ejus edita, in qua, ad Acta S. Aunarii, (qui Ecclesiæ Antissiodorensi præfuit Episcopus, circa annum 590.) indicantur Litanie, ab eo constitutæ, per duodecim mensium capita celebrandæ hoc ordine: [Kalendis Januarii, Basilica Domini Germani, Kalendis Februarii, Basilica Domini Amatoris. Kalendis Martii, Monasterium Domini Martini.] Idem S. Aunarius constituit, à quibus Vigiliæ in Basilica S. Stephani, cum Abbatibus celebrarentur, singulis diebus, hoc modo: [Dominica nocte, Basilica Domini Germani, & Monasterium Decimiacense; Secunda feria, Basilica Domini Amatoris, & Monasterium Fontanenſe &c.] Hæcenus Henschenius.

Eodem Sancto Aunario jubente, Stephanus Africanus, S. Amatoris vitam conscripsit, uti de ipso, ac S. Germano altero Antissiodorensi Episcopo, qui, juxta Baronium, hoc ipso Sæcu-

Sæculo, sub anno, ut diximus) 450. extremum diem clausit, agens sic loquitur. [Insiste ergo (Antissiodorensis Civitas), frequens Sacratissimis tumulis, & officium grata mente exsolve, quæ meruisti, tantis, ac talibus titulis exornari. Illic die noctuque sinceri cordis excubias celebra, ubi multifariæ sanitatum formæ, evidentius declarantur &c.]

Eodem anno quadragintesimo quinquagesimo, quo S. Germanus Antissiodorensis, obiit, è vivis excessit S. Petrus Chrysologus Archiepiscopus Ravennas, doctrina, & Sanctitate præclarissimus: [Et Sacrum illius corpus, (ut legitur in ejus vita, à Dominico Mita, ex antiquis monumentis, probatissimisque Scriptoribus collecta), incredibili omnium dolore, ac pietate maxima, à S. Projecto ipsius Forocornelii Episcopo, ut ajunt, & Coepiscopis Provincialibus, de more, atque S. Donato Corneliensi Diacono primario, *propè Corpus, & Aram S. Cassiani, juxta electionem ejus, venerabili sepulcro, sequenti die post sedem ipsius Ecclesiæ conditum fuit. Cui, omnium consensu, inter Divos relato, anniversarii honores, in testimonium vitæ piæ, sanctæque transactæ, eadem depositionis di: fuere decreti.* Et post quinquennium, extincto jam, Dei gratia Athilano furore, qui diu vastaverat Italiam, tumulo sumptuosè magis eodem in loco fuit condecoratus,] Sic ibi.

Hoc ipso Sæculo, circa annum, nempe 460. S. Turibius Asturicensis Episcopus floruit, de quo, ex antiquo Mss. Codice Legendarii Asturicensis, litteris pœne Gothicis exarato, hæc profert, in ejus Natalitia solemnitate recitata, Gothifredus Henschenius laudum præconia: [In Sancti, ac Beatissimi Viri Turibii Episcopi, Fratres charissimi *natalitio die*, universa nobiscum lætetur Ecclesia Christi, quam per omnem mundum, & Cœlestis prædicatio Apostolici sermonis instruxit, & munere salutiferæ doctrinæ decoravit. Fuit enim in hoc Sanctissimo viro, *cujus diem veneramur*, & contra errores Diaboli &c. *Hodie, Fratres Charissimi B. Turibii Confessoris Christi, annum Festum, debitis officiis honoremus*, & Christum Regem devotis animis collaudemus, qui illum in præsentis sæculo suscitavit, excellentia, & Sacerdotali dignitate decoravit, & *in Cœlis hodie* inter Angelicos Choros, æternæ beatitudinis gaudio sublimavit. Hodie B. Turibius Pontifex ingravit feliciter à sæculo, & à supernæ patriæ civibus honorabiliter receptus est, atque à Domino Jesu Christo Rege, Cœlorum clarissimam sideræ Regionis mansionem, cum ineffabili gaudio recipere meruit.]

Ubi verò defuissent, qui Sanctis hujusmodi, debitum præ-

Baron. in Not. ad diem 6. Julii. Act. SS. apud Boland. Vit. Cap. 5. pag. 19. num. 33.

Dominic. Mit. in Vit. S. Petri Chrysolog. ejus operib. præposit. pag. 13. num. 28.

Act. SS. sub die. 16. April. pag. 422. num. 1.

berent honorem; ad eum exhibendum divinitus, imò per ipsos
 Dæmones, omnipotens Deus excitari eos voluit, & admone-
 ri. Quod quidem in S. Solemni Episcopo Carnutensi, qui à Si-
 geberto in Cronico, sub anno 490. ponitur, accidisse reperimus.
 De illo autem hæc habet S. Gregorius Turonensis: [Ferunt,
 „ quod in eo loco (apud nempe Milliaccense Monasterium) cum
 „ crypta adhuc haberetur occulta, & nulli Christianorum lo-
 „ cus ille esset revelatus; per singulas Dominicarum solemnita-
 „ tum noctes, ab habitatoribus lumen cernebatur accensum;
 „ sed nullus sciebat, quid sibi hoc vellet mysterium: tantum
 „ suspicio retinebat homines, aliquid ibidem retineri Divinum.
 „ Interea advenerunt duo Energumeni, ex Basilica S. Martini,
 „ qui confisis in se palmis, clamare cœperunt, dicentes: *Hic*
 „ *requiescit Solemnis beatissimus, in crypta abdita: Referate igitur*
 „ *sepulcrum amici Dei. Quod cum repereritis, velis tegite, lumen*
 „ *accendite, cultumque debitum ei exhibete.* Erit regioni huic sa-
 „ lubre, si quæ loquimur, adimpleveritis; & hæc dicentes, cum
 „ clamore magno effodere tellurem ungulis nitebantur. Tunc
 „ videntes incolæ, quæ gerebantur, accepto sarculo effodien-
 „ tes, aperuerunt cryptam, in qua per seriem graduum de-
 „ scendentes, *repererunt sepulcrum magnum*, de quo testaban-
 „ tur, illi, adhuc mente infirmi, hoc esse sepulcrum Solemnis
 „ beatissimi, qui mox sensu decesserunt recepto.]

Angelus, è contra lucis, magnum illum Hibernorum Aposto-
 lum S. Patritium, qui sub anno 491. diem clausit extremum; quid
 de illius sepultura, deque ejus Natalitiis futurum esset, (ut ha-
 bet Probus ipsius vitæ Scriptor, apud Ven. Bedam), his verbis
 admonuit. [Revertere ad locum, unde venis, hoc est ad Sa-
 bul. Illic enim morieris, nec Armachæ adhibis; undè præmonco
 „ te, ut Domino Deo tuo gratias referas, quia datæ sunt tibi
 „ petitiones, quas petisti. Prima petitio est, ut in tota Hiber-
 „ nia fiat à Domjino salutis præstatio, de meritis tuis. Secun-
 „ da petitio tua, *ut quicumque Hymnum, qui de te compositus est,*
 „ *in die Natalis tui decantaverit, tu ejus pœnitentiæ de peccatis*
 „ *suis suscipias.* Tertia petitio est, *ut qui tui memoriam benigne ce-*
 „ *lebraverint, misericordiam Dei mereantur, ut non pereant in su-*
 „ *tuvo.*] Et inferius. [Porro, ut ad superiora redeamus, quan-
 „ do Angelus ad eum venit, & de sepultura sua ei prædixit, hæc
 „ quoque, inter alia, subjunxit: Eligantur duo boves indo-
 „ miti, & pergant quocumque voluerint in plaustrum portantes
 „ corpus tuum; & *ubicumque requieverint, illic Ecclesia, in bo-*
 „ *norem corpusculi tui ædificetur.* Factum est ergo secundum præ-
 „ ceptum Angeli, & electi sunt duo boves indomiti, & plau-
 strum

*Sigibert. in Chro-
 nic.
 S. Gregor. Turon.
 de Glor. Confess.
 Cap. 21.*

*Vit. S. Patritii
 Bedæ Operi. 10. 3.
 pag. 332. & seq.*

„strum cum gestamine corporis ejus impositum est eis; & a lo-
 „co, qui Cloch vocatur, exierunt, Dei nutu regente, & ad
 „cum locum ubi sepultus est S. Patricius pervenere. Apparuit
 „autem Angelus Domini omnibus, qui ad sepulturam ejus
 „convenerant, & dixit ejus. Videte, ne reliquia hujus San-
 „ctissimi Viri, à terra vobis furtim auferatur; & ideò profun-
 „ditate unius cubiti in terra, ejus corpus obruatur: quod qui-
 „dem, Dei jussu necessario factum, postea demonstratum est.
 „*Nam in novissimis temporibus, cum Ecclesia super corpus ejus ædi-*
 „*ficaretur, homines humum fodientes, ignem de Sepulcro ejus exur-*
 „*gere viderunt;* quo timore perterriti, fodere desierunt, ac re-
 „cedentes ab hac intentione, majori veneratione memoriam
 „ejus celebrare cœperunt.] Hæc Probus, ut diximus apud
 Bedam. Percelebris fuit etiam in honorem S. Viviani, vel Bi-
 biani Santonenfis Episcopj, qui circa annum 490. è vivis excessit,
 ædificata Basilica, nam de illa Venantius Fortunatus carmen
 conscripsit, cujus est exordium.

*Apud Baron. in
 Not. ad diem 28.
 Aug. 7.*

[Digna Sacerdotis Bibiani Templa coruscant;

Quæ, si iusta petis, dat pia vota fides.]

Sed, præ Sanctis cunctis, qui Martyres non exitissent, &
 quidem, sub hujus Sæculi initium, erga S. Martinum Turonen-
 sem Episcopum, qui ex hac vita, sub anno 402. migravit; (cui-
 que dicatam Basilicam, à Gregorio Turonensi jam audistis),
 totius Ecclesiæ veneratio, ac exhibitus cultus enituit. Res ejus
 præclarè gestas, commentario de vita ipsius, tribus libris Dia-
 logorum Sulpicius Severus complexus est. At S. Paulinus Nola-
 nus, ejusdem Acta est carmine prosequutus, & eà quidem ra-
 tione, qua S. Felicis Martyris gesta cecinit. De quo Opere Mar-
 tius Milesius: [Vitam, (inquit) S. Felicis, carmine scripsit
 „ S. Paulinus Episcopus Nolanus, in decem Natalibus.] De Vi-
 ta S. Martini, verò, ab eodem exarata, ista habet Venantius
 Fortunatus, qui Sexto Sæculo floruit, in ejusdem S. Martini,
 quam pariter exaravit vita.

*Mart. Milef. in
 Not. ad Carman.
 VI. S. Damasci pa-
 gin. 105.*

[Stenimate, corde, fide pollens Paulinus, & arte,
 Versibus explicuit Martini dogma magistri.]

Utì verò S. Felicis vitam cecinit Paulinus in Natalitiis ipsius;
 sic pariter in S. Martini Natalitiis, ejusdem Sanctissimi Episco-
 pi, juxta illorum temporum morem cecinisse, ambigi non de-
 bere videtur. Hoc siquidem Sæculo Quinto, non unam modo,
 sed plures etiam ipsiusmet S. Martini Solemnitates, quotannis
 celebratas fuisse. apertissimè probat, ex Concilio primo Turo-
 nensi, sub anno 461. celebrato, Cardinalis Baronius, his ver-
 bis. [Non omittendum, quod hoc ipso mense, (Novembris)

*Baron. in Not. ad
 Martyr. ad diem
 11. Novemb.*

M

De-

„ Decimaquarta die, de eodem Sancto agebatur alia Solemni-
 „ tas; *Receptio S. Martini* dicta; ut constat ex primo Concilio
 „ Turonensi, in cuius exordio, hæc leguntur. [Severo V.C.
 „ Consule, sub die XVIII. Kal. Decemb., cum ad Sacratissi-
 „ mam Festivitatem, qua Domini Martini receptio celebra-
 „ tur &c.] Sicille.

Obtinuit hoc eodem Sæculo, quo S. Martinus ad Cælum
 evolavit, circa annum 490. ejus Turonensem Cathedralam S. Per-
 petuus, de quo ista habentur, apud Bollandum, ubi de Vigiliis, &
 jejuniis, ab eo institutis agitur. [*A depositione Domini Martini*,
 „ usque Natale Domini, terna in septimana jejunia. *De Natali*
 „ *S. Hilarii*, usque medium Februarium, bina in septimana je-
 „ junia. De vigiliis. *Natale S. Joannis*, ad *Basilicam Domini*
 „ *Martini*. Resurrectione Domini nostri Jesu Christi, ad *Basili-*
 „ *cam Domini Martini*. Die Ascensionis, in *Basilica Domini Mar-*
 „ *tini*. *Natali S. Martini*, ad ejus *Basilicam*. *Natali S. Simpho-*
 „ *riani*, ad *Basilicam Domini Martini*. *Natali S. Lidori*, ad ejus
 „ *Basilicam*. *Natali S. Hilarii*, ad *Domini Martini Basilicam*.]

Sicut verò, non unam tantum, sed plures habuit, ut dixi-
 mus, S. Martinus Solemnitates; sic non unam tantum ipsum
 hoc Sæculo, in Turonica Urbe Basilicam, in qua sacrum ejus cor-
 pus quiescebat, sed plures alibi etiam obtinuisse; præter ea,
 quæ à S. Gregorio Turonensi, elici possunt, illa demonstrant,
 quæ de S. Innocentio Episcopo Cenomanensi narrantur; de quo
 inter cætera dicitur: [Aliud quoque *Oratorium ibi in honore*
 „ *S. Martini consecravit &c.*] Cenomanensis autem Episcopus
 S. Innocentius, sub anno 496. ordinatus fuit. Imò de S. Severo
 Episcopo Neapolitano, qui hoc ipso tempore floruit, hæc legi-
 mus. Hic fecit Basilicas quatuor. Nam, & corpus B. Janna-
 rii &c. Unam foris Urbem juxta S. Fortunatum (Confessorem
 „ Neapolit. Episcopum); & fecit duo *Monasteria S. Martini Chri-*
 „ *sti Confessoris*, & aliud S. Potiti.]

Quid plura? In ipsa Urbe Roma, hoc eodem Sæculo Quinto
 S. Martinum insignem Basilicam obtinuisse, dissertè attulit
 Anastasius Bibliothecarius, in Simacho, qui ad Apostolicam
 Sedem, sub anno 499. evehctus fuit, his verbis. [Hic intra Ci-
 „ vilitatem Romanam, *Basilicam Sanctorum Silvestri, & Marti-*
 „ *ni*, à *fundamentis construxit*; ubi, & super Altare Ciborium
 „ argenteum fecit] . Quod Sancti Silvestri nomine dicata
 hæc Basilica fuerit, mirandum non est, quod diù ante amplis-
 simum ipse cultum obtinisset; sed S. Martini etiam nomine,
 plurimi faciendum est, indicatque Sanctissimi Episcopi vene-
 rationem hoc tempore, longè, latèque toto orbe diffusam.

Et

Act. SS. sub die.
8. April. pag. 750.
num. 8.

Act. SS. in Chro-
nolog. Episc. Ceno-
manens. sub die.
10. Junii lxxxv.
ed. Mabill. pa-
gin. 860.

Act. SS. sub die.
30. April. Tom. 1.
pag. 769. ex Mss.
et Vibel. pa. 769.
num. 6.

Anast. Biblioth.
in Simach.

Et id quidem confirmat præclarum aliud, inter Quintum hoc, ac Sextum Sæculum, rei hujus exemplum. Eremum petiisse S. Benedictum Abbatem, anno à Christo Domino 499., ostendit Baronius. Haud diu post, de eodem S. Benedicto, ista narrat S. Gregorius Magnus, uti etiam in Romano Breviario habetur, quod: [Casinum migravit, ubi Simulacrum Apollinis comminuit, aram evertit, & lucos Succendit; ibique „ *S. Martini Sacellum extraxit.*] Falsi numinis cultui, veri Dei cultum substituere voluit S. Benedictus; idque se cumulatissime præstitisse censuit, cum, videlicet, eidem vero Deo, in honorem S. Martini Sacellum ædificavit.

Baron in Not. ad
diem 21. Martii.

S. Gregor. Magn.
Dialog lib. 2. c. 9.

Missale, quod vocant Gothicum demùm, à Musco Presbytero, hoc eodem sæculo, circa annum 460. compositum fuisse, aliquis putavit. Illud Joannes Mabillonus, in libro de Liturgia Gallicana. edidit. In eo autem pag. 290. num. 74. offenditur: [*Missæ S. Martini Episcopi.*] Ex qua intelligitur, sanctissimo eidem Antistiti hoc tempore, omnimodum cultum præstitum fuisse. Quod quidem comprobare ea videntur, quæ haud immerito Cardinalis Bona adnotavit. Recedit siquidem ille, à Cardinalis Baronii sententia, qui, nimirum, primum Mozarabi Ritus Auctorem Isidorum Hispalensem extitisse, sub anno 633. existimavit, scribens. [Mihi autem, ne huic sententiæ, statim „ adhæream, quædam sunt, quæ gravem ingerunt difficultatem. „ Nam primò in Missa S. Martini, in Oratione post nomina, „ ista leguntur. [Hunc Virum, quem ætatis nostræ tempora præ- „ tulērunt, jubeas auxilium nostris ferre temporibus.] Marti- „ nus verò obiit anno Domini 402. Ergo multò ante Isidorum „ hec Missa conscripta fuit.] Sic ille:

Cord. Bona Rev.
lit. gicar. lib. 1.
cap. 11. pag. 63.

C A P. XIV.

Ex eodem Missali, quod vocant Gothico, Natalitia Sanctorum Confessorum hoc Quinto Sæculo, celebrata comprobantur.

Sicut verò, ex paulò ante allato Jejuniorum, ac Vigiliarum elencho, hoc Sæculo à S. Perpetuo Turonensi Episcopo edito, didicimus, præter ea S. Martini, alia quoque S. Hilarii Pictaviensis Episcopi, & S. Bricii Episcopi Turonensis, & Sancti Martini Discipuli, & successoris, (de quo Gregorius item Turonensis Episcopus refert, quod [Ædificavit Basilicam parvulam super corpus S. Martini, in qua, & ipse sepultus est.]

S. Gregor. Turon.
Hisor. Francor.
lib. 10. cap. 31.

Natalitia celebrata fuisse; ita, ex præfato Missali, quod dicunt, Gothico, intelligimus, passim eo tempore, & hujus, vel alterius, & plurium simul Sanctorum, qui Martyres non extissent, Solemnitates fuisse celebratas: nam in eo legitur: [Missa „ unius Confessoris,] ac inter ejusdem Missæ plures Collectas, hæc habetur: [Lætificet nos, quæsumus Domine sancti Confes- „ soris tui, & Episcopi Ill. *annue devotionis repetita Solemnitas,* „ ut per hæc &c.] Ex quibus verbis intelligimus quotannis Solemnitates Sanctorum hujusmodi, uti illas SS. Martyrum hoc Sæculo agi consuevisse. In eodem Missali legitur: [Immola- „ tio Missæ], quam, videlicet nostræ Præfationi respondere perspicuum est. In ea autem disertè describuntur Sancti in- „ quorum Solemnitatibus recitabatur, nam dicit: [Domine San- „ cte Pater, Omnipotens Eterne Deus.] Qui glorificaris in con- „ fessione Sanctorum, & non solum excellentioribus præmiis Mar- „ tyrum tuorum merita gloriosa prosequeris: sed etiam sacrum mini- „ sterium competentibus servitiis exequentes, gaudium Domini sui „ tribuis benignus intrare: ut qui in modico, hoc est, in par- „ vo vitæ præsentis excursu fidelis apparuit, supra multa bo- „ na, utique in sempiternum mansura beatitudine dispona- „ tur. Per Christum Dominum nostrum.]

Ibid. ut supra.

Ibidem legitur: [Missa de plurib. Confess.] Cujus Colle- „ cta hujusmodi est. [Adsit nobis Domine quæsumus præcatio „ sancta justorum, quæ nos à terrenis affectibus incessabiliter „ expeditos, celestia desiderare perficiat. Per &c.] Immo- „ latio autem Missæ sives Præfatio hujusmodi est: [Verè di- „ gnum, & justum est &c. *Qui non solum Martyrum, sed etiam* „ *Confessorum tuorum es virtute mirabilis; licet enim illi passione sint* „ *clari, qui manifestè* * *supplicia sustinuerunt tormenta, etiam* „ *isti tamen occultè* proposito castigationis afflicti, cruciati spiri- „ tualis observantiæ disciplinis, illorum sunt vestigia subsecuti. „ Per Christum Dominum nostrum &c.] Sic ibi:

Ibid. ut supra.

Ibidem ut supra.

* acerba

Et hæc quidem, non solum hoc Sæculo amplissimum Sanctis, qui Martyres non fuissent, exhibitum probant cultum; sed rationem etiam producant, ob quam ejus meritò deferretur: quæ absque dubio, non hoc tantum Sæculo militavit, sed superioribus etiam, quibus, nec fideles omnes sancti Martyres evaserunt; nec præter Martyres Ecclesiam Sanctos non habuisse censendum est, quos una cum sanctis Martyribus, ob insignia merita, digno cultu, venerationeque prosequeretur.

Joannes Mabillonus, quem Sanctorum hujusmodi cultui infestum supra notavimus; ex quodam tamen, licet à se conficito Calendario Cartaginensi coactus; ab eo ad suam sententiam, asse-

afferendam eliciendum putavit: [In Africana Ecclesia etiam
 „ Sæculo Quinto, paucis admodum Confessoribus honorē cultus
 „ fuisse tributum.] Negare cultum Sanctorum hoc Sæculo non
 potuit; quantum valuit imminuit, & nihilominus asseruit.

*Mabill. Sacul. V.
 AB. SS. Ordin.
 S. Benedic. pa-
 gin. 64.*

C A P. XV.

*Veneratio eadem Sanctis, nec Martyribus,
 nec Pontificibus, nec non Virginibus,
 & Mulieribus, in Latina Eccle-
 sia, ipso Quinto Sæculo præ-
 stita, monstratur.*

QUOS hucusque Sanctos recolimus, non Martyres, quibus
 veneratio exhibita Sæculo Quinto fuit; Episcopali fuerunt
 munere insigniti. At præter eos, alii quoque extiterunt, qui
 egregiarum virtutum merito, eundem honorem in Ecclesia
 adepti sunt, quorum aliquos, ex instituto, recensere non
 piageat.

Summa religione frequentatum S. Marii Abbatis, qui hoc
 sæculo floruit sepulcrum; ex S. Gregorio Turonensi, apud Bol-
 landianos legimus, quide sacro ejusdem corpore agentes, scri-
 bunt. [Dehinc, cum summo honore ablatus, dignisque ve-
 „ stimentis indutus, infra Oratorium Monasterii est sepultus.
 „ Quod autem beatus tumulus, Divinis virtutibus illustretur,
 „ ipsa quæ assistit caterva; poterit contestari: quæ cum infir-
 „ mos mittit ad tumulum, extemplo incolumes domum re-
 „ mittit &c.]

*S. Gregor. Turon.
 Vit. Patr. apud
 Boll. AB. SS. sub
 die 13. April.*

In eorundem etiam Sanctorum honorem, Deo passim hoc
 tempore dicatas fuisse Basilicas, ostendunt quæ subjecimus, ex
 ipsismet Bollandianis mutuata exempla: nam referunt, de San-
 cto Beviginate Monacho, & Eremita Perusiæ, quæ sequuntur:
 [Fuit autem corpus (Sancti Bevigatis), cum debita venera-
 „ tione depositum in dicto tugurio, sive Eremitorio, ubi San-
 „ ctus in magna pœnitentia vixerat, ejusque anima, à Deo
 „ fuerat recepta: quo in loco ad ejus honorem postmodum Peru-
 „ sini Ecclesiam ædificarunt.]

*AB. SS. Maii to 3
 sub. die 14. pa-
 gin. 370.*

Ne autem illud *postmodum*, quis latius exponens, uti Sancto
 Bevigati, sic ejusdem speciei Sanctis aliis dicatas hoc sæculo
 Basilicas non fuisse existimet, ; prohibent, quæ de Sancto Am-
 pelio, pariter Eremita, qui hoc etiam Quinto Sæculo floruit,
 apud

Ad. SS. May
Tom. 3. sub die 14.
Vit. cap. 1. no. 10.

apud Henschenium his verbis narratur: [Cujus (S. Ampelii)
„ gloriosum corpus, incolæ regionis illius, (nempe Genuæ),
„ devoti, moribusque religioni, qualis vitæ vir Domini fuit
„ memores; in quadam satis nobili Ecclesia, quam ibidem, sub
„ ejus vocabulo quantoque edificaverunt, juxta bonorem debitum
„ honorificè tumularunt &c.]

Ad. SS. Mail
Tom. 6. sub die 25.
pag. 73. num. 9.

Idem quoque Henschenius, de Sancto Senzio Presbytero,
& Confessore, qui etiam hoc sæculo vixit, ex Mss. Basilicæ La-
teranensis, & aliis, hæc profert. [Jubente Domino nostro Jesu
„ Christo, in pace, vitæ munus implevit, sub die Octava Ka-
„ lendas Junias; sepulcro traditus à viris timoratis, & à qui-
„ busdam Bisilica constructa est, in qua virtutes multas, & bene-
„ ficia multa operatur, usque in hodiernum diem: præstant
„ Domino nostro &c.]

Baron. Annal.
Tom. 6. sub. ann.
196. pag. 516.

Eusepius apud Ba-
ron. pag. 517.

Baron. in Not. ad
ad Martyrol. sub
die 8. Januarii.

[Sub Pontificatu etiam Gelasii Primi, (scribit Baronius),
„ quoto autem hujus sedis anno, nescimus), facta est, ejusdem
„ Pontificis auctoritate, translatio venerandi corporis S. Seve-
„ rini Abbatis, dicti Noricorum Apostoli, Neapolim, nobilis-
„ simam Campagniæ Civitatem; eamque paucis descripsit Eu-
„ sepius, ejusdem Sancti Discipulus.] Verba Eugippii, ab eo-
dem Baronio relata, hujusmodi sunt: [Tunc, & Sancti Ge-
„ lasii, Sedis Romanæ Pontificis auctoritate, & Neapolitano
„ populo &c.] De hoc ipso agens, in Notis ad Martyrologium,
ait: [Obiit (Severinus) temporibus Odoacris Regis Italiæ,
„ circa annum 482. corpus autem ipsius translatus fuisse in
„ Lucullanum, propè Neapolim idem Auctor affirmat. De
„ ejus Ecclesia in Lucullano posita, sacrisque reliquiis, frequens men-
„ tio habetur, in Epistolis S. Gregorii &c.] Ista Baronius, sub
anno 496. in Gelasio.

S. Gregor. Turon.
de Glor. Confess.
Cap. 33.
Ad. SS. sub die
21. Januarii

Qui verò debitum venerationis cultum S. Amabili Presby-
tero, qui hoc similiter tempore vixit præbere contempsit; de-
bita statim, neglecti officii, ut S. Gregorius Turonensis refert,
pœnas persolvit. En ejusdem verba: [Fuit in Arverna Urbe,
„ admirabilis sanctitatis Amabilis quidam Vici Ricomagen-
„ Presbyter, qui virtutibus magnis præcellens, sæpè serpen-
„ tibus, dicitur, imperasse. Nam ad ejus tumulum, cum Dux
„ Victorius despexisset orare, adfixo, e regione equo, nequa-
„ quam poterat amovere. Quem cum flagris, stimulisque ur-
„ geret, & ille, quasi æneus staret immobilis; tandem aliquando
„ Dux à suis commonitus, qui, ut ita dicam, ipsi pecudi simi-
„ lis erat factus; ad orationem descendit. Cumque fideliter
„ orasset, quo voluit, ivit. Ad cujus sepulcrum energumenum
„ vidi mundatum; perjurantem diriguisset, ut ferrum: cri-
men

„ men confessum , illicò absolutum .] Hæc Gregorius .

Ad hoc pariter Sæculum pertinere , putat Henschenius duos illos Sanctos Amantes dictos , quorum sepulcra , summa veneratione habita , ob præclaram in servanda virginitate virtutē . Idem S. Gregorius eorum meminit , dicens : [Duos fuisse apud Arver-

„ niam virum , scilicet , & puellam , refert antiquitas , qui conjun-

„ ti conjugio , non sunt ab alteruto pelluti in voluptate carnali .

„ Post multos verò annos , cum eis esset latenter vita castissima ,

„ ex consensu pari , vir tonsuratus , ad Clericatum , puella ve-

„ rò religiosum induit vestimentum . Factum est autem ut im-

„ pletis diebus , puella migraret à sæculo : denique vir ejus , præ-

„ parata sepultura exhibuit corpusculum ad sepeliendum . Cum-

„ que eam sepulcro reponderet , arcanum , quod inter eos con-

„ venerat , elevatis manibus , ad Cælum , pandit , dicens : Gra-

„ tias tibi rerum omnium artifex , ago , quod sicut eam mihi

„ comedare dignatus es , ita tibi reddidi , ab omni voluptatis

„ contagio impollutam . At illa , subridens , ait : Sile vir Dei ,

„ quia non est necesse , fatearis nostrum , nemine interrogan-

„ te , secretum . Post hæc oblecta opertorio recessit . Non post

„ multum verò tempus , & ipse migravit à sæculo , sepultusque

„ est in loco suo . Erat autem in una quadam Basilica , sed è di-

„ versis parietibus , utrumque sepulcrum habebatur , & unum

„ quidem ad Meridiem , alterum ad Aquilonem . Manè autem

„ factio , inventa sunt pariter esse sepulcra , quæ usque hodie

„ sic perdurant : idcirco nunc incolæ duos Amantes vocitant ;

„ & Summo venerantur honore .]

Ad. SS. M. H.
Tom. 6. sub die 25.
pag. 38.

Ne in tanta exemplorum affluentia , omninò prætereamus Sanctas Mulieres , referre sat erit , quæ apud Bollandianos , de Sanctis Maguentia , Palladia , atque Camilla Virginibus , quæ circa annum 437. vixisse perhibentur , adnotata reperiuntur : [Harum tres his vocabulis Magnentia , Palladia , atque Camil-

„ la , ut singulæ , ipso in itinere divinitus evocatæ , diem clau-

„ sere novissimum ; in publico aggere , nobilem accipere sepultu-

„ ram , Ecclesiis superextructis , eamque Sanctitati dedicatis : quæ

„ hodieque , ob miraculorum evidentiam , & famosissimè con-

„ stant , & ingenti populorum studio frequentantur &c.]

Ad. SS. Maii
sub die 3. pag. 243.

De Sancta demùm Genovesa Virgine , quæ hoc tempore vixit , ubi unum , & aliud miraculum , ad illius tumulum patratum , recitatum est , in ejus Actis ista legimus : [Erat id tem-

„ poris super ejus monumentum extructum ligneum Oratorium : ve-

„ rùm gloriosæ memoriæ Clodovæus Rex , qui , ob ejus amorem

„ in carcere retrorsis sæpe veniam dederat , & , ob diversa cri-

„ mina animadvertione dignissima , capite plectendos , in ipso pro-

„ propè carnificis ictu, supplicante pro eis Genovefa, absolve-
 „ rat, Basilicam mirabili opere extruendam suscepit Sanctæ
 „ Virginis adhorrationibus permotus: quæ postea illo è rebus
 „ humanis excedente, studio Illust. Clotildis Reginae Conjugis
 „ ejus mirificè exædificata, & ornata, in sublime crevit fasti-
 „ gium, triplici porticu insignita.]

C A P. X V I.

*Ipso Quinto Sæculo, erga Sanctos non Martyres,
 Pontifices, & non Pontifices, Virgines,
 ac Mulieres, in Orientali Ecclesia
 cultus impertitus.*

EX Ecclesia autem Orientali, perpauca etiam producere
 sufficiat exempla. Et quidem S. Joanni Chrysostomo, qui
 e vivis decessit, circa annum 407., juxta quem toties memora-
 vimus veterem ritum, non alibi quàm propè Martyrem Basilis,
 cum, sepulcrum tributum fuit. Qua de re Joannem ipsum-
 sanctissimus idem Martyr, pridie quàm moreretur, admonuit;
 cum ei, nimirum apparens, hæc dixit: [Joannes frater, cra-
 „ stinus dies *nos loco conjunget*.] [Cum autem (ut in ejus vi-
 „ ta legitur), ad multorum aures pervenisset, cum deces-
 „ sisse &c. multitudo innumerabilis, multitudo incredibilis, vi-
 „ rorum simul, ac mulierum, quæ pie exercebantur, ex ipsa
 „ Syria, & Cilicia, ex Ponto, & Armenia confluebat, ad ado-
 „ randum Beatum tabernaculum.] [Cœpta est autem, (in-
 „ quit Baronius), Natalis ejus solemnitas agi Constantinopoli,
 „ tempore Theodosii Junioris, postquam opera S. Innocentii
 „ Papæ, nomen ejus, quod per Schismaticos fuerat abrasum à
 „ diptycis, Catholica Ecclesia gaudente, est in pristinum resti-
 „ tutum.] Aliam, sub nomine *Relationis Reliquiarum* ipsius
 Chrysostomi Festivitatem agi solitam, Baronius idem testatur.

*Ex Breviar. Ro-
 man. & aliis.*

*Baron. in Not.
 ad diem 14. Se-
 ptembr.*

*Baron. in Not.
 ad Martyrol. ad
 diem 12. Maii.*

[Sanctum Epiphanium, (scribit Cardinalis Baronius idem),
 „ constat superstitem adhuc fuisse, septimo anno Arcadii Impe-
 „ ratoris, Vincentio, & Fravissa Coss; qui adscribitur, à re-
 „ centioribus annis, à Christo Domino quadringentesimus pri-
 „ mus.] At licet ut idem observat, vitam ad centum, quin-
 „ decim annos, minus mensibus tribus produxerit; nihilominus,
 cum jam adolescens fuisset, cum adhuc juvenis Sanctus Hila-
 rion

tion esset; & hic octuagenarius, anno Domini trecentesimo septuagesimo secundo, extremum diem obierit: idcirco hoc Sæculo Quinto, ad Cælos evolasse, nemo ritè in dubium vocare poterit. [Mortuo autem illo, (inquit Sozomenus), id, quod
 „ viventi non contigerat, ad sepulcrum ejus dæmones etiamnum
 „ fugari, & morbi quidem curari dicuntur.] [Fuit eidem
 „ (addit Baronius), post obitum erecta Basilica, eademque
 „ sacris imaginibus exornata, ut apparet, ex actione 6. Sanctæ
 „ Synodi Nicenæ secundæ.]

*Sozomen. Hystor.
 eccles. lib. 7. c. 27.
 pag. 479. & Nic.
 cap. lib. 11. c. 46.*

*Baron. in in Not.
 ad diem 12. Martii.*

Anno verò, ut putat Baronius idem quadringentesimo tertio, Sanctus Nilamon reclusus, dum ad Episcopatum traheretur, invitus spiritum Deo reddidit. De illo hæc habet Sozomenus. [Ni-
 „ lamon verò, inter orandum, ex hac vita migravit. Et initio
 „ quidem Theophilum, & eos, qui cum illo, & extra cellam
 „ stabant, ea res latuit. Sed cum maxima pars diei jam con-
 „ sumpta esset, & altiori voce crebrò inclamantibus, ille nihil
 „ responderet: tandem dejectis lapidibus, qui ante ostium po-
 „ siti erant, hominem mortuum depræhenderunt. Eumque, quo
 „ par erat, cultu publica sepultura honorarunt. Ecclesiam quoque,
 „ circa ejus tumulum incolæ ejus loci edificarunt, diemque illius obitu-
 „ celebritatem agere hætenus perseverant.]

*Idem in Not. ad
 diem 6. Januarii.*

*Sozomen. Hystor.
 lib. 8. cap. 19.*

At quanta munificentia sepulcrum, sepulcrique locus, in quo sacrum S. Euthymii Abbatis, sub anno 465. mortui corpus conditum est, constructum, exornatumque fuerit; Cyrillus Monachus, in ipsius vita, à Metaphrasæ, apud Surium relata, narrat his verbis: [Diaconus autem Pheidus, multis col-
 „ lectis operis, & magno adhibito studio, speluncam, quæ in
 „ principio tenuit silentem Divinum Euthymium, pulcherri-
 „ mam, & maximam Ædem effecit: cujus cum medium attribuis-
 „ set thecæ magni illius Patris, ex utraque parte elaborat thecas
 „ Presbyterorum, Præfectorum, & aliorum Sanctorum viro-
 „ rum. Postquam autem jam perfecta fuissent omnia, tabulam,
 „ quæ erat sepulcro imponenda, & argenteum urceum, & can-
 „ cellos, Patriarcha statim mittit Hierosolymis. Deinde ille
 „ ipse quoque descendit ad Lauram, cumque Sanctum illud
 „ B. Viri corpus, cum lampadibus, & hymnis propriis credi-
 „ disse manibus, transfert ad eam Ædem, quam ipse recenter
 „ fuerat fabricatus, & in sacro suo deponit loculo, ut nun-
 „ quam posset amplius aperiri, & nec vel ullæ parvæ possent
 „ illinc ejus auferri reliquiæ &c.] Ex eodem Cyrillo Monacho, in vita S. Sabbæ Abbatis, quam pariter conscripsit, Natalem diem S. Euthymii, sub die vigesima Januarii celebrari solitam, Baronius observat.

*Sur. dem. p. pa-
 g. 477.*

*Baron. ad diem
 20. Januarii.*

Menolog. Græc.
apud Baron. sub
d. 16. Iunii in
Not. ad Martyr.

Vit. S. Ios. Eleemofin. cap. 70. &
capit. 74. in Vit.
P. P. pagin. 203.
& 205.

Act. SS. Iun. die
17. Vit. Græcol.
cap. X. pag. 547.

Baron. in Not. ad
diem 19. Iulii

Ruffin. de Vit.
Patrum lib. 3. nu-
mer. 165. pag. 524.

Pelag. d. Vit. Pa-
tr. lib. V. libell.
XV. de Humilitat.
num. 9. pag. 621.

Baron. in Not. ad
diem 5. Ianuar.

Anton. Discipul.
in Vit. S. Symeonis
cap. 18. in Vit. P. P.
lib. 1. pag. 174.

Ibid. ut suprà. ca-
p. 19.

A' præfato verò S. Epiphanio, Græci in Menologio, Sanctum Tychonem Amathuntæ Episcopum, Arcadii Imperatoris temporibus ordinatum fuisse, scribunt. Eidem autem, post obitum percelebre erectum fuisse Oratorium, constat, ex vita S. Joannis Eleemofynarii, cujus sacrum corpus, in eodem Oratorio, sepulcrum obtinuit. Commemoratur, insuper in illa, annua solemnitas, quæ in honorem ejusdem agi consueverat, his verbis. [*Erat autem, quæ colebatur sacra Vigilæ hymnodia, annuæ recordationis Sancti miraculorum Factoris Tychonis &c.*]

De Sancto Hypatio Presbytero Monasterii Rufiniani, qui floruit circa annum 452., ex Vita Græco-Latina, hæc Paperbrochius refert. [Sacrum verò pignus deposuerunt in venerandum Oratorio, intra Arcam lapideam, ubi fratres orationes suas, fundunt : cum autem sepelliretur, *irruerunt populi in feretrum, discerpendo illud, volentes, benedictionis causa, accipere aliquid vestium illius ; & alii quidem cultris scindebant syndonem, alii vestem, nonnulli etiam pilos genarum detondebant ; itaut ægrè, potuerimus tumultuantes compescere &c.*] Sic ille.

Et quidem, ne quid simile corpori suo contingeret, præ humilitate metuens S. Arsenius, qui sub hujus sæculi initium, anno, nimirum 404., ad superos evolavit, ut narrat Ruffinus, cum turbatos discipulos suos, ob imminentem, quem putabant suum obitum, vidisset, dixit eis : [*Nec dum hora mea venit : cum autem venerit, non tacebo. Sed tamen stabitis mecum, in Divino Judicio, ante Tribunal Christi, si aliquid de meo corpore, pasculo aliquid, velat reliquias dederitis.*] Quod etiam, ex incerto Auctore Græco, Pelagius interpret tradit his verbis : [*Judicari autem babeo vobiscum ante Tribunal Christi, si permiseritis, cuicumque de corpore meo aliquid facere.*]

Et quia Antiochenus Episcopus, ex S. Symeonis Stylitæ corpore, qui hoc pariter Sæculo, sub anno 460. evolavit ad Cælum, hujusmodi reliquias accipere voluit ; statim Deum sensit ultorem, ut in ejusdem vita, Antonius ipsius discipulus sic narrat. [Cum autem jaceret S. Symeon in feretro, volens Papa, Antiochiæ, *de barba illius, pro benedictione aliquid contingere,* extendit manum, statimque arefacta est, multæque obsecrationes, & orationes fiebant ad Deum pro eo, & sic restituta est, manus ejus.]

At quod, non nisi hoc miraculo cohiberi potuerit fidelium religio, manifestè declarant, quæ idem Scriptor statim addit. [Supponentes autem corpus feretro, cum psalmis, & hymnis, duxerunt Antiochiam ; omnis autem populus, qui erat per circuitum regionis illius, plangebant, quod *proci-*

nium

„ *nim tantarum reliquiarum tolleretur ab eis; & quod Episcopus Antiochiæ jurasset, ut nemo tangeret corpus illius.*] Et post nonnulla. [Multi autem obtulerunt thesauros Episcopo Antiochiæ, pro fide poscentes reliquias de corpore ejus; sed propter jusjurandum, minimè præstitit.]

Ibid. cap. 21. pag. 175.

Ne tamen perperam existimetur, S. Symeonem miraculo, quod diximus, Antiochenum Episcopum, à sacrarum suarum reliquiarum cultu absterre voluisse: apertissimè vetat, quod ipsis suis reliquiis, magnificè præstitum cultum, multò pluribus miraculis, ad ejus tumulum patris comprobaverit. Postquàm siquidem præfatus Antonius, de solemnibus ejus sepultura egit; hæc demùm addit. [Multæ etiam virtutes fiunt ad sepulcrum ejus, magis quàm in vita sua; & homo qui sanus factus est, ibi servit usque in diem mortis suæ.]

Ibid. ut supra.

Sub ipso verò Imperatore Leone, in ejus quarto anno, S. Symeon, ex hac vita migravit; ejusdem sacrum corpus, Antiochia Constantinopolim translatum, in Ecclesia Deo, in ejus honorem, ab eodem ædificata conditum fuisse, ex Actis Danielis Stylitæ, optimè observat Baronius. [De translatione (scribens) reliquiarum ejus facta Constantinopolim, & Ecclesia, in ejus honorem erecta, ab eodem Leone Imperatore, habetur mentio in Actis Danielis Stylitæ.]

Baron. in Not. ad diem 5. Januarii.

Imò ubique terrarum, tam impenso obsequio S. Symeonis sanctitas prosequuta fuit, ut sacra ejus imago, Romæ in vestibulis officinarum, ob tutelam figebatur, ut est apud Theodoretum.

Theodoretus in Phisico cap. 26.

At ne sanctas Mulieres poenitus prætereamus, circa annum 408. ad superos evolavit S. Virgo Apollinaris, quæ eminenti habitu, inter Monachos, vixit, ac mortua est. In illius verò Actis hæc habentur. [Allatisque sanctis ejus reliquiis, eas posuerunt ad orientem Sanctæ Ecclesiæ in antro Abbatis Macarii, cum gaudio, & gloria, usque in hodiernum diem, per Deum, & Sanctos Patres; & post Sanctæ dormitionem, peraguntur curationes gratia &c.]

In eo, quem paulò ante memoravimus Theodoretus Cyri Episcopo, qui hoc sæculo Quinto præcipua eruditione insignis fuit; illud demùm observant notatu dignum, quod, videlicet in libro de Vitis Patrum, quæ conscripsit, cuique titulus *Philothæus*, sive *Theophilus*, singulorum Sanctorum non Martyrum, quorum gesta recenset, humiliter se precibus commendasse, eosque apud Deum intercessores invocasse: videlicet, Aphrazatem, Petrum Galatam, Theodosium, Romanum, Zenonem, Macedonium, Masymam, Acepsumam, Abraamen, Eusebium,

Idem in Vir. PP. Lib. 9. pag. 794. & seq.

*Auct. incept. in
Vit. P. P. lib. 1.
pag 368. cap. 16.*

Salamanum, Marem, Jacobum, aliosque plures. Quod quidem cumulatissimè etiam, præstitisse ipso Sæculo reperimus Abbatem illum, qui ubi Sanctam Euphrosynam, & mulierem, & mortuam depræhendit. [Euphrosyna, (inquit) sponsa Christi, & filia Sanctorum, ne obliviscaris conservorum tuorum, & hujus Monasterii, sed ora pro nobis ad Dominum Jesum Christum, ut faciat nos viriliter certando pervenire ad portum salutis, & portionem habere secum, & cum Sanctis suis.] De eadem verò S. Euphrosyna, ac Patre ejus Paphnutio, qui circa annum 420. floruerunt, annuam solemnitatem fuisse institutam, in ipsius S. Euphrosynæ gestis disertè his verbis asseritur: [*Dies autem migrationis eorum ad Dominum, celebratur in eodem Monasterio, usque in præsentem diem, glorificantes &c.*]

C A P. XVII.

Sanctis Episcopis non Martyribus, amplissimi honores in Occidentali Ecclesia, Sexto Sæculo tributi, Basilicis, & Cathedralibus, in ipsorum honorem erectis, ac in Missæ Canone eorum nomine adscripto.

Sextum Sæculum, in Sanctos, qui Martyres non fuerunt, plura etiam exhibet fidelium venerationis, ac cultus documenta. Percelebre, inter ea, illud est S. Maximiani Ravennatis Episcopi, qui circa annum 556. floruit: nam is prædecessorum suorum, Sanctissimorum Præfulum. qui primis nascentis Ecclesiæ sæculis Ravennatem Cathedralam, sanctis operibus exornaverant, venerationem, ac cultum sarcire studuit, ac revocavit: nam, ut legitur apud Bollandianos: [Maximianus, cadaver Divi Probi, cum cæteris Sanctorum Antistitum cadaveribus, unguentis delibutum, optimo loco posuit, & in frontispicio Templi Divi Probi, in quo sacra cadavera locaverat, quod erat ad mare, Divorum Probi, Eleucadii, & Caloceri imagines, tessellato opere pingendas curavit; ædemque illam universam instauravit, & ornavit &c.] Quam Maximianus instauravit, ornavitque Divi Probi Basilicam, longè ante constructam, fateri necesse esse, quod, nimirum præ vetustate fortè collabentem, ab eo refarciri eguerit. Probus autem, Eleucadius, & Calocerus, (ut alibi monuimus) ad Secundum Sæculum pertinent. Primus quidem, sub anno reparatæ salu-

*Act. SS. sub dies 2.
Februarii. tom. 3.
num. 15. pag. 296.*

*Baron. in Not. ad
diem 10. Novem.*

salutis 175. Calocerus, sub anno 132., & Eleucadius, sub anno 112. ad superos evolant; quorum sacras reliquias, & memorias semper antea religiosissime cultas, præfenti sæculo Maximianus, ut diximus, renovavit, exornavitque.

Circa annum 509. ad superos evolavit S. Gregorius Lingonienſis Episcopus, de quo S. Gregorius Turonensis, inter cœtera hæc habet. [Cum B. Pontifex in angulo Basilicæ fuisset sepultus, & parvus fuisset locus ille, nec eò populi sic possent accedere, ut devotio postulabat: S. Tetricus filius, & successor ejus hæc cernens, & virtutes ibidem assidue operari prospiciens, ante Altare Basilicæ fundamenta jacit, erectamque absidem miro opere construxit, & transvolvit. Ea verò transvolta, disruptoque pariete, arcum ædificat. Quod opus, cum esset perfectum, atque exornatum, postquam in media abside loculum fodit, quo corpus B. Patris transferre volebat; convocat Presbyteros, & Abbates ad illud officium, qui vigilantes orabant, ut se Beatus Confessor, ad hanc sibi præparatam habitationem transferri permetteret &c.] & deinde narratur à Gregorio, quod divinitus ea in translatione actum fuisse, visum est.

At non nisi constructo à fundamentis Templo, acceptisque, quæ vivens frustra petierat, Brittonibus reconciliari voluisse, S. Paternus Episcopus Venetensis, qui hoc Sexto Sæculo floruit, visus est. Rem in ipsius vita Bollandiani narrant his verbis. [Post obitum S. Paterni, Minorem Britanniam atra fames invasit; nam trium annorum spatio post transitum ejus, nec ros, nec pluvia de Cœlo super totam Provinciam descendit. Invenerunt tandem incolæ, quod S. Paternus, ab injuriis, & falsis fratribus afflicus, terram reliquisset. Inito consilio, ad locum sepulture ejus apud Francos perrexerunt, ut honorificè reliquias ejus secum transferrent. Quod cum assequi nullo modo valerent, *unum ex ossibus ejus illis donatum*, omnis exercitus portare non potuit. Turbatus igitur omnibus, & quid agerent, ignorantibus, supervenit nobilis quidam Urbis Guenet, sic dicens: Dum viveret Sanctus Pater, postulabat à me sæpius terram meam, ut ibi Ecclesiam fundaret: quod ita privavi eum sua petitione dum viveret, hanc post mortem libens concedo: Surgat itaque, sumat locum, petitionem accipiat. Hoc dicto, *Os memoratum* levissimè à terra sustollitur, & ad terram suam illud deferunt; & in Ecclesia illius divitis constructa, cum magno honore collocant &c.]

Et quidem, summo studio, summaque religione, non ossa modo, sed cujuscumque generis reliquias Sanctorum hujusmodi

Fabr. in mem. Hist. Raven. p. 2. pag. 403.
AB. S. S. Bolland. feb. tom. 2. ad diem 12. pag. 747.

S. Gregor. Turon. de Vis. PP. lib. 7.

AB. SS. April. Tom. 5. sub die 15. pag. 381. Fil. c. 1. num. 9.

di fuisse hoc Sæculo perquisitas, imò avidissimè arreptas: ea declarant, quæ in vita S. Domitiani Episcopi Trajectensis, (qui, ut in Indice Chronologico Bollandianorum habetur, circa annum 560., ex hac vita decessit), apud Henschenium, ubi de illius funere agitur, hac ratione narrantur: [Multi devotione „ accensi, sanctitatem Patris sanctissimi agnoscetes, ex vesti- „ mentis ejus particulas, *pro reliquiis* incidebant; alii rumpebant, „ nonnulli ungues manuum, sive pedum, dum poterant, de- „ curtabant; quidam verò summitatem capillorum capitis „ præcidebant; & hæc omnia sibi, quasi venerandas reliquias „ reservabant.] Sic ibi, ubi fusè etiam confluentium multitu- do, ad ejusdem S. Domitiani sepulcrum visitandum describitur.

Tanta verò prodigia, ad tumulum Sancti Vouge, seu Vii, in Britannia Armorica Episcopi, qui hoc Sæculo in Cœlum migra- vit, divinitus facta sunt; ut præclara Basilica; (quod pri- mum exiguum sacellum erat, sub cujus Altari sacrum ejusdem corpus positum fuerat), propterea evaserit. Narrantur ista apud Bollandianos, hoc modo: [Discipuli verò ejus, *sepellie- „ runt eum subtus Altare Sacelli sui*: quo in loco Deus deinde tan- „ ta, per ejus intercessionem operatus est miracula; *ut excisa „ Sylva, ibidem ædificata sit Ecclesia, ejus nomini consecrata, quam „ deinde S. Teneanus Episcopus Leonensis in Parochialem erexit.*]

Idem ferè accidit, de corpore S. Medardi Noviomen- sis Episcopi, qui sub anno 545. floruit. Nam ut in ejus vita habe- tur: [Peractis celeberrimè Beatissimi Dei Athletæ inferiis, Rex „ Clotarius *super venerabile Sancti corpus, parvum ad tempus jussit „ ædificari tugurium, quodque ad faciendam inibi Ecclesiam necessa- „ ria pararet expensarum.*] Quæ quidem in altera Vita, à Paper- brochio relata confirmantur. Ecclesiam autem à Clothario, in honorem, & supra S. Medardi corpus coeptam, Sigebertus ejus filius tandem perfecit. Quia de re Venantius Fortunatus, in ejusdem Sanctissimi Episcopi vita metrica cecinit:

[En tua Tempa colit nimio Sigebertus honore,
„ Insistens operi promptus, amore tui.
„ Culmine custodi, *qui Templum in culmine dedit*
„ *Protege pro meritis qui tibi Tempa dedit.*]

De Sancto autem Germano Parisiensi Episcopo, qui hoc pariter sæculo, sub anno 576. ponitur, ista profert Godefridus Henschenius: [Cultum illi sacrum, non diu post mortem exhi- bitum, innuunt verba (Venantii) Fortunati, dum cum *San- „ ctum & Sanctissimum* appellat, vel etiam *Sanctum, & Beatum* &c. „ *Sancti* manus, *Sancti* vestigia, *Sancti* fimbriam: immò n. 34. „ *Vigilias in honorem Sancti celebratas asserit.* Quod confirmat

Grc-

Ad. SS. Maii
tom. 2. sub die 7.
pag. 150. Vit. c. 2.
num. 13.

Ad. SS. sub die
15. Junii pag. 861.
num. 8.

Ad. SS. Junii sub
die 8. Vit. capit. 5.
num. 30. pag. 93.

Tenant. Fortun.
Carm. Lib. 2.

Ad. SS. Maii
Tom. 6 sub die 28.
pag. 775. in com-
ment. prævio n. 40

„Gregorius Turonensis, dum B. Germanum requiescere in cor-
 „pore; & virtute Sancti, gressus paralyticorum, & cœcorum
 „visus restitui tradit. Sacra quoque ejus memoria adjuncta est
 „quatuor Martyrologiis Hieronyminiani apographis, etiam
 „antiquissimo Epernacensi, cum his ubique verbis, ad diem 28.
 „Maii. [*Civitate Parisius Depositio S. Germani Episcopi.*]

De eodem insuper S. Germano, ex Venantio Fortunato,
 narrat idem Henschenius, quod translationem S. Albinus Ande-
 gavenfis Episcopi celebraverit: [Floruit eodem (Sexto) Sæculo,
 „(dicens) S. Albinus Episcopus Andegavenfis, mortuus circa
 „annum 549. cujus Acta etiam à Fortunato scripta, illustravi-
 „mus, ad Kalend. Martii. In his, de corporis ejus translatione
 „ista scribuntur: [Igitur cum S. Germanus Episcopus Parisio-
 „rum, vel comprovinciales, ac Pontifex successor ejus, & po-
 „pulus vellent membra S. Albinus in nova Basilica devotè trans-
 „ponere, & propter cellulæ &c.] Ista Henschenius.

Et quia hic plures commemoratum offendere contigit Ve-
 nantium Fortunatum; abs re non erit nonnulla de ipso hic sub-
 necere. Floruit siquidem ille hoc eodem Sæculo Episcopus Pi-
 claviensis, vitæ sanctitate, & multiplici eruditione conspicuus.
 Præter eas, quas supra recensuimus ab illo exaratas Sanctorum
 Historias, Sancti quoque Martini Turonensis Episcopi vitam est
 carmine profecutus; in qua, libro quarto miraculorum, refert,
 quod ejusdem sanctissimi Præfulis meritis, Ravennæ in Ecclesia
 SS. Joannis, & Pauli, tam ipse, quàm socius suus Felix, pænè
 amissum oculorum lumen receperunt. En quæ canit.

[Inde Ravennatum placitam pete dulcius urbem,
 „Pulpita Sanctorum per religiosa recurrens,
 „Martyris egregii tumulum Vitalis adora.
 „Mitis, & Ursicini, Pauli sub sorte Beati.
 „Rursus Apollinaris pretiosa limina lambe,
 „Fusus humi supplex, & Templâ per omnia curre.
 „*Expete Martini loculum, quo jure sacelli*
 „Jam desperatum lumen mihi reddidit auctor.
 „Munera, qui tribuit saltem rogo, verba repende.
 „Est ubi Basilicæ culmen Pauli, atque Joannis,
 „*Hic paries retinet Sancti sub imagine formam*
 „Amplectenda ipso dulci pictura colore.
 „*Sub pedibus justî paries habet arte fenestram*
 „*Lychnus adest, cujus vitrea natat ignis in urna.*
 „Huc ego dum propero, valido torquente dolore,
 „Diffugiente gemens oculorum luce fenestræ:
 „Quo procul, ut tetigi benedicto lumen olivo.

Igneus

*Ibid. ut supra in
 Comen. prævio. 2.
 num. 10. pag. 776.*

*Venant. Fortun.
 Pib. 3. Martini
 lib. 4. in Biblotec.
 PP. sacul. 5. par. 1.
 tom. X. pag. 612.*

„ Igneus ille vapor marcenti fronte recessit ,
 „ Et præsens medicos blando fugat anguine morbos .
 „ Non oblita mihi mea lumina munera Sancti ,
 „ Nam redivit ante oculos , oculorum cura fidelis ,
 „ Et memor illud ero , dum luce , & corpore consto .]

Paulò ante , ut observat Hieronymus Fabrus , Felicem socium eandem gratiam à S. Martino obtinuisse , idem Venantius his verbis retulerat .

*Hieronym. Faber
 fac. mem. Raven.
 lib. 2. pag. 276.*

Ibid. ut supra.

*Ughel. Ital. sac.
 in Episc. Bellun.
 pag. 170. num. 7.*

[Qua mea Taurisus residet , si malliter intras
 „ Illustrem socium Felicem , quæso require ,
 „ Cui mecum lumen Martinus reddidit olim .]

Contendit in Episcopis Bellunensibus Ughellius , Felicem hunc de quo Venantius loquitur , ipsummet fuisse , qui postmodum Episcopus Bellunensis creatus , sanctitate insignis , Romano Concilio , sub anno 547. interfuit : Quique grati animi ergo , Deo , in honorem S. Martini , ejusdem Civitatis Cathedrali Ecclesiam ædificavit . Nihilominus , quem diximus Faber , alterum ab eo quem Venantius commemorat , & quidem antiquiorem , Felicem eum credit , qui cum & ipse , per intercessionem S. Martini oculorum lumen recepisset , ut beneficium rependeret , præfatam Cathedrali , in S. Martini honorem construxerit . Quidquid fuerit , ex his , & aliis , quæ Venantius cecinit , & lumina , & imagines , & sacella , & Ecclesias etiam Cathedrales , Deo , in Sanctorum honorem , qui Martyres non fuissent , hoc tempore dicatas habemus .

Floruit hoc ipso sæculo S. Gregorius Turonensis , qui , postquam duos , de Gloria Martyrum libros exaravit ; his , de Gloria Confessorum , tertium addidit ; ex quo cum plura excerpterimus Operi huic , vel jam inserta , vel opportunè inferenda ; idè singulis commemorandis , quæ in eo narrantur , immorandum non est . Unum , & alterum non præteream , & illud in primis , quod refert de Tribuno quodam Numino vocato , qui provolutus ad S. Germani Antistiodorensis Episcopi sepulcrum , cum diutissimè orasset , extracto de vagina tigre , lapidem qui supra venerabile sepulcrum habebatur , nemine vidente percussit . De quo excussa particula modica , tamquam æneus dirigit , ita ut nullo membrum posset ullatenus judicare , aut vocem emitte . Qui , ut erat rigidus in corde suo intelligens se damnatum , hujusmodi emisit votum . [Scio me præsumptuosum extitisse , Beati-
 „ tissime Confessor , sed devotio exegit , ut præsumerem : & idè
 „ si me dignaris absolvere , & ad propria cum tua gratia redire
 „ permiseris , in Basilica has reliquias condens , Festivitatem tuam
 „ devotissimè annis singulis celebrare curabo . Cujus clausum mur-
 mur ,

*S. Gregor. Turon.
 de Glor. confess. ca-
 pit. 41.*

„mur, Vir Sanctus intelligens, cum absolvit, & abire cum per-
„misit incolumem. Qui veniens reliquias illas in Ecclesia posuit,
„ & Sancti Festa, per singulos annos fideliter celebravit.]

Aliud, quod memoratu dignum refert Gregorius, hujus-
modi est, ubi, nimirum, de Basilica S. Venerandi Episcopi egit.
„ [Est ibi, & Sepulcrum S. Venerandi Episcopi, sub analogio,
„ compositum, super quod caput per *Fenestrellam* quicumque vult,
„ immittit, precans, quæ necessitas cogit, obtinetque mox effe-
„ ctum, si iuste petierit]. Quid sibi vellet fenestrella illa, super
Sanctorum Apostolorum, & Martyrum tumulos aperta, qui in-
telligere cupit, Baronum in Notis, ad diem 15. Junii consulat;
elicietque ex eo, per illam immitti consuevisse vela, vel, ut
S. Gregorius nominat, brandeum, quod Sacris admotum reli-
quiis, pro magno munere ad clarissimas personas, deinde trans-
mittebatur. Quod quidem eo consilio adnotandum censuimus,
ut perspicue appareret, nullum cultus, honorisque genus Sanctis
Martyribus præstitum fuisse, quod aliis quoque Sanctis, qui Mar-
tyres non extitissent, indistinctè exhibitum non fuerit.

His omnibus verò meritò proponendum est, quod in Missali
habetur dicto Francorum: [Cujus codex, (inquit Morinus),
„ videtur post annum 511., sed ante annum 560. in Gallia scri-
„ ptus, Gallicus nondum in unum populum cum Francis coale-
„ scentibus]. In hoc igitur Missali, non modo adnotata legitur
pag. 318. num. 14. S. Hilarii Missa, his verbis. [Oratio, & pre-
„ ces in *Natali S. Hilarii*;] sed quod magis est pag. 327. num. 23.
in Canone Missæ, ejusdem S. Hilarii, & Martini, una cum illis
Sanctorum Apostolorum, & Martyrum nomina recensentur,
his verbis: [Communicantes, & memoriam venerantes, in pri-
„ mis gloriose semper Virginis &c. Joannis, & Pauli, Cosmæ,
„ & Damiani; *Hilarii, & Martini*, & Omnium Sanctorum, quo-
„ rum meritis &c.]

*Idem dict. Glor.
Conseil. cap. 39. &
cap. 37.*

*Baron. in Not.
ad diem 15. Junii.*

*S. Gregor. Epist.
Lib. 3. epist. 30. ad
Constantinum*

*Morin. Lib. de
Sac. Ordin. pa-
gin 261. & Jo. Ma-
billon. Lib. 30. de
Liturg. Gallicana
cit. pag. 177. n. 6.*

C A P. XVIII.

*Cæteris Sanctis non Martyribus ipso Sæculo Sexto
plurimus cultus datus ostenditur. Sancti Gre-
gorii Magni, in eos veneratio monstratur.*

Quos Sanctis Episcopis delatos retulimus Sexto hoc Sæculo
honores; eosdem Sanctis quoque aliis, qui Martyres non
extiterunt, fuisse tributos, quæ sequuntur exempla abundè
declariant.

O

Sub

AG. SS. Bolland.
Febr. Tom. 1. sub
die 4. in Commem.
p. 170 v. 4. 2. n. 15.
Lib. 1. c. 3. n. 12.

Sub ejusdem circiter annum 547. floruisse S. Aventinum Presbyterum, Bollandiani dicunt, & in ejusdem, quam referunt vita, à Nicolao Camuzato, ex Mss. edita, ista in medium producit. [*In cujus honore (S. Aventini) Vir Sanctus Vincentius, Episcopus, Basilicam subtus urbem Tricassinam, diligenter fundari, praecepit, in qua simul conjuncta latere requiescit.*]

AG. SS. Bolland.
feb. tr. 3. die 28.
pag. 745.

S. Greg. Turon.
D. Vitii PP. Ca.
p. 1.

Et Sepulcrum, & exinde Templum, voluit autem S. Romanus Abbas Jurensis, qui haud multo post, nempe sub anno 560. vixit, non alibi sibi constitui, quam in loco, ubi latè omnibus utriusque sexus, ad ea confluentibus pateret accessus. Rem narrat S. Gregorius Turonensis. hoc modo: [Post hæc autem, cum jam senex, provectæ essent ætatis, Lupicinus Abbas, scilicet, & Romanus frater ejus, ait Lupicinus Germano suo; Dic mihi, Frater, in quonam Monasterio vis tibi parari sepulcrum, ut simul quiescamus? Qui ait; Non potest fieri, ut ego in Monasterio Sepulcrum habeam, à quo mulierum accessus arceatur. Nosti enim, quod mihi indigno, & non merenti, Dominus meus gratiam tribuit curationum, multique per impositionem manus meæ, ac virtutem Crucis Dominicæ, à diversis languoribus sunt erepti. Erit autem concursus ad tumulum meum, si ab hac vita migravero. Ideoque eminus, à Monasterio, in Monte parvulo sepultus est. *Super cujus deinceps sepulcrum magnum Templum adificatum est, in quo ingens frequentia populi, diebus singulis accurrit, &c.*]

AG. SS. April.
Tom. 3. sub die 20.
pag. 274. num. 6.

Super tumulum etiam S. Deodati Abbatis, qui hoc ipso Sæculo vixit, Ecclesia constructa est, quod ipsum fidelium turba, ob receptas sanitatum gratias, frequentare coepit; Sic enim legitur in ejus vita, à Bollandianis. relata. [Post exequias, cum culla, tunica, palliolum, & cætera vestimenta divisa sunt, & in multitudine distributa. Quæ cum morbis adhiberentur, & recta valetudo sequeretur, magna veneratione coeptus est venerari, ejusque sepulcrum frequentari; *Cumque ibi multa fierent miracula, ab accolis super tumulo Ecclesia extructa est.*] In altera vita, apud Bollandianos, ex Codd. Reginae Svetiæ, eadem leguntur hoc modo; [Quorum dilatatione gaudii actum est, ut ingens Basilicæ fabrica, in parvo. cerneretur tempore, super ejus venerabile sepulcrum assurgere.]

Ibidem ut supr.
pag. 275.

AG. SS. Iunii.
Jus die 17. pag. 375.
num. 17.

Exiguum pariter Oratorium, in quo S. Herveus Abbas, in Britannia minori, hoc Sæculo mortuus, sepultus fuit, in magnam evasit Ecclesiam; ut apud præfatos Bollandianos narratur his verbis: [Sepellientes eum, ante Altare Oratorii sui, in capsa lapidea, firmata ferreis, & plumbeis laminis. Deinde super parvum istud Oratorium, edificata est major Ecclesia Parochia-

„*chialis, quæ de Sancti nomine appellata est: Laud Nonarne, ubi sepulcrum ejus spectatur, miraculis illustre, per merita, & intercessionem Sancti.*

Ne verò locus, ubi sepulturæ corpus S. Aviti Eremitæ, qui floruit, circa annum 570. in Sarlatensi, apud Petracoricos Diocesi, abique debita veneratione esset: plures in eo se congregasse, ut ejusdem cultui incumberent, ex Mss. Sarlatensibus, iidem Bollandiani tradunt, his verbis: [Ad ejus exequias corpusculi, „ ac suæ memoriæ commendati; in eodem loco, ubi requiescit, „ sunt plures coadunati, Deo præstante, cui est honor &c.]

*Acta SS. Junii
sub die 17. p. 364.
num. 18.*

Ut autem primo Ecclesiæ Sæculo, Sancti Cornelii Centurionis sepulcrum, juxta Aram stetit Templi, quod in ejus honorem constructum fuerat, supra narravimus; sic præsentī Sæculo, honoratum pariter Sancti Majani, sive Mevenni Abbatis corpus; iidem, qui supra Bollandiani docent, dum scribunt. [Corpus honorificè depositum, in suo Monasterio, in monumento super terram elevato, ad dexteram Aræ Principis ubi „ Deus magna operatur miracula, in testimonium sanctitatis „ ejus: Ibi servate sunt sacræ ejus reliquiæ debito honore, & „ veneratione, usque ad annum 878. quando &c.]

*Acta SS. Junii
sub die 21. pag. 61.
num. 14.*

Servatum quoque hoc tempore priscum illum, cujus sæpe meminimus, morem, ut videlicet una cum SS. Martyrum, & inter SS. reliquias, Sanctorum ceterorum, qui Martyres non extitissent, corpora conderentur; perspicuè hæc ostendunt, quæ in vita S. Tranquilli Abbatis S. Remigii Divione leguntur: [Unde, „ & moriens S. Joannes Abbas Monasterii, quod Reomausus dicitur, condignam meruit sepulturam, juxta corpus sæpe dicendi „ S. Benigni Martyris: cui successit Trauquillus (qui hoc Sæculo floruit,) qui quantæ sanctitatis fuerit, crebræ sanitates, „ infirmis, ex ejus tumulo præstitæ testantur, ut refert Gregorius Turonensis, in seipso expertus. Sepultus verò est, ad dexteram partem sepulcri S. Martyris Benigni, juxta S. Paschasium; „ juxtaque eum posita fuit S. Florida; Ex altera verò parte, „ juxta Sanctum Eustadium, sepulcrum fuit S. Hilarii Senatoris, conjugisque ejus S. Quittæ.] Sic ibi:

*Acta SS. Maii
tom. 2. sub die 15.
pag. 404.*

De Natalitiis autem in Sanctorum honorem hoc Sæculo celebratis, ex Cartulario Arelatensi, de S. Florentino Abbate, qui floruit sub anno 553. Daniel Paperbrochius ista prompsit: [Cum vixisset Florentinus annos plus minus septuaginta, „ præfuissetque illi Cœnobio annos quinque, & menses totidem, „ migravit ad Christum Prid. Idus Aprilis, anno duodecimo „ post Consulatum Basilii Junioris. Ejus verò Festum Arelate duodecimo Kalend. Junias, magna populi veneratione colitur, quo „ ejus

*Acta SS. Maii sub
die 21. ex Cartul.
Arelaten. pag. 38.*

„ ejus ossa in Ecclesiam Sanctæ Crucis translata fuerunt.]

Ad. SS. Januarii.
Tom. 2. sub die 30.
Vit. c. 5. pag 964.

Floruit etiam hoc Sæculo S. Gildas, Sapiens dictus, de quo Anonymus Monachus Ruyensis, in illius vita, ista habet: [Corpus vero Sancti viri, cum Hymnis, & Laudibus, ad suum Monasterium deferentes, maxima multitudine populorum, prosequente, cum gaudio, & lætitia magna, quoniam Patronum, & Advocatum magnum patriæ suæ, & apud Dominum intercessorem invenerant. Dies autem, quæ est Quint. Idus Maii, ab illo tempore, usque ad præsens tempus celebris, colitur, & servatur apud Provinciales Venerenses. Plurimas etiam in illa die solitus est Dominus facere virtutes, ad ejus sepulcrum, sicut & ipse oculis nostris vidimus.] Sic ille:

His verò magis perspicua etiam ea sunt, quæ, ex Actis S. Aviti Abbatis Micianensis, scriptis, (ut putat Henschenius) ab Austore ferè cævo, habentur. Circa annum 527. S. Avitum floruisse idem scribit, apud quem ista recitantur.

Ad. SS. Junii sub
die 17. pag. 318.
Vit. cap. 4. n. 8.

[Accepto itaque sacratissimo corpore, animis gaudentibus ad destinatæ, Dei providentia, deferunt illud ad locum sepulcræ. Ubi ergo supernæ pietatis placuerat consilio, venerabile tumulatur, corpus, (Aurelianus). Tunc totius Regni incolæ, S. Aviti memoriam cœperunt, cum summa reverentia, ut dignum est, colere &c.]

Ibid. ut sup. n. 8.
2107. 36.

Quid autem cuidam acciderit, qui ejusdem Sancti Aviti annuam solemnitatem celebrare contempsit, haud multo post ibidem narratur his verbis [Post obitum Sanctissimi Viri, cum depositionis ejus annua, summo honore coleretur dies, aliis tanta solemnitati venerationem devotissimè exhibentibus, unus Civium vineam pergebas excolere. Qui cum à pluribus, cur huic festo religionem præbere renneret, vehementissimè increparetur, voce respondit tumida, quem venerabantur, etiam labori operam dedisse. Non ergo veritus, quod disposuerat irreverenter oppetere, cum primo terram idu sulcasset, retorta post tergum cervice, habuit experimentum inique se gessisse; certo enim patebat indicio, quod ob meritum temeritatis, & irreverentia, hujusmodi damnaretur clade. Tandem apud se quid egerit recogitans, & quod jure acciderit revolvens, Beatissimi Aviti Basilicam tali effectus incomodo, quantocius adire festinabat; ubi orationi aliquandiu devotus insistsens, solita Conditoris omnium miseratione, & ejusdem Sanctissimi Patroni interventionem, ad gloriam, & laudem Dei, pristinae salutis jucundo renovatur munere.] Sic ibi: Quod quidem, de Gloria Confessorum, etiam S. Gregorius Turonensis narrando confirmat.

S. Greg. Turon.
de Glor. Confess.
cap. 50.

At dignum plane erat, ut qui Sanctorum reliquias honorifice transtulerat, & in eorum honorem Basilicas construxerat; & Basilicam in qua corpus suum recondideretur, haberet, & annuam ejusdem solemnitatem, Omnipotens Deus, etiam miraculis decoraret. Quod quidem obtinere meruit S. Fridolinus Abbas, qui sub hujus Sæculi initium, circiter, nempe annum 507. vixit. De illo namque, apud Bollandianos narratur, quod corpus S. Hilarii transtulit, ejusque Ecclesiam restauravit. Et capite tertio vitæ ejusdem, dicitur: [Quod in Germaniam abire jussus, vivas ibi, in S. Hilarii honorem struxit Ecclesias.] Libro demum ipsius vitæ 2. cap. 2., dum recolitur miraculum, ad ejusdem Sanctissimi Abbatis sepulcrum patratum; illius anniversaria solemnitas, & ad illius honorem ædificata Basilica memoratur: nam dicitur: [Interea (Paralytico) sic debilitatus, affuit, S. Fridolini festivitas. Ergo ad suam Basilicam, undique accurrente, ut sæpius, innumerabili populorum caterva, pro sua impetranda clementia, allatus est idem Paralyticus, in eandem Ecclesiam &c.]

Act. 55. Martii
Tom. 1. die 6. p. a.
sin. 435. capit. 2.
Lib. 1. Vit.

His verò, quæ de reliquiis Sancti Deodati Abbatis paulò antè retulimus, ad ostendendum, quanta veneratione, quæcumque ad Sanctos, qui Martyrès non extiterunt pertinuissent, fuerint prosequuta; addere visum est, quæ de Sanctis Hospitio, & Lupicino, æquè reclusis, monumentis tradita reperimus. S. Hospicii, qui, ex Paperbrochio floruit circa annum 550. S. Gregorius Turonensis meminit lib. sexto Historiar. cap. 7. ubi narrat, quod cum è vivis Hospitius excessisset. [Adveniens Hufadius, Episcopus, beatum corpus studiosissimè sepulturæ mandavit, vit &c.]. Et libro, de Glor. Confessor. in quo ista habet. [Fuit in regione Niciensi Hospitius magnus Dei famulus, qui multis virtutibus præditus, ex hoc mundo migravit. Cumque sepeliretur, quidam juxta ipsum sepulcrum, manum ponens, parant per pulveris elevari. Quod in linteo involvens rudi, secum sustulit. Progressusque postridiè navem, quæ Marsiliam ire parabat, offendit in littore; sed hic Lirinense Monasterium expetere cupiebat. Viri igitur, quorum erat navis, Judaica erant à stirpe progeniti. Qua existente causa, noluit vir in naucleis, quæ ferebat. Denique postquam progressus indicare Lirinense Monasterium deventerunt, navis in medio pelagi restitit, flantibusque ventis, nulla movebatur: ratio pelagi relictis verò Judæis, quid hoc esset; homo ille in parte: suspensus, veritatem aperuit, dicens Reliquias B. Hospicii mecum habeo, & nunc Lirinum adire desidero: quod vobis indicare metui. Nunc autem scio, quia ejus virtute retinetur navis vestra; nec hinc moveri pro-

S. Greg. Turon.
Lib. 6. Hist. c. 7.

Idem de Gloria
Confess.

„sus potuerit, nisi consensum illuc præbeatis quò ego ire dispo-
 „ sui. Quod audientes viri, stupore permoti, mutatis ventis;
 „ flante vento secundo, jam viro in Insula Lirinensi deposito,
 „ quò voluerunt liberè abjcerunt]. Hæc Gregorius.

De ipso autem pulvere, subdit Petrus Jossredi apud Paper-
 brochium: [Monachi autem Lirinenses, pulverem, illum, ex
 „ S. Hospicii tumulo lati suscipientes, inter cæteros Sanctorum reli-
 „ quias reposuerunt: unde inter alios ejus Monasterii tutelares
 „ consueverunt nomen S. Hospitii frequentare.]

Aliud de S. Lupicino, qui hoc ipso sæculo vixit, recitat pa-
 triter S. Gregorius Turonensis, his verbis. [Tunc omnes, (ubi
 „ mortuum conspexerunt), in fletu prostrati, alii plantas oscu-
 „ lantur, alii fimbrias vestimenti diripiunt, alii de pariete, Beatum
 „ sanguinem, qui ab ejus ore fuerat projectus, inter se certantes excu-
 „ dunt. Miserum! se quique dicebat, si immunis ab ejus pignoribus di-
 „ scessisset. Testis est hodie quoque, & ipse paries, qui tot fossulus patet,
 „ quot ab ore Beati Confessoris spatus emeruit; Testis est, & ipse Cana-
 „ lis, de quo vir Beatus aquam sumpsit ad usum, quem fideliter osculantes,
 „ hauriunt sanitatem. Nam vidi ergo multos, qui evulsos à pariete sa-
 „ crati oris spatos, in diversis infirmitatibus ponentes, meruerunt ac-
 „ cipere medicinam.] Sic ibi.

Hoc item sæculo ad superos evolavit S. Benedictus Abbas,
 de quo S. Gregorius Magnus, hæc narrat. [Sepultus verò est in
 „ Oratorio Beati Joannis Baptiste, quod destructa Ara Apolli-
 „ nis ipse construxit]. Additque statim; [Qui & in eo specu,
 „ in quo prius habitavit, nunc usque, si petentium fides exigat,
 „ miraculis coruscet.] Quibus profectò verbis haud dubio signi-
 ficare voluit, non tantum sepulcrum, in quo vir Sanctissimus tu-
 mulatus erat, sed locum etiam, quem incoluerat, frequenti fide-
 lium concursu veneratum fuisse; quorum cultum, religionemque
 Deus multiplicibus prodigiis commendabat.

Ipse verò Sanctus Gregorius, Romæ purgata ab Arriana
 labe Basilica in Merulana, ut Catholico ritui Deo dicaret, de
 reliquiis S. Severini, quem præterito Sæculo, auctoritate Gela-
 si Papæ, è Norico Neapolim translatus retulimus, ad se trans-
 mittere præcepit, scripta ad Petrum Campaniæ Subdiaconum se-
 quenti Epistola: [Cor nostrum pia divinitatis inspiratione com-
 „ pungitur, loca quondam execrandis erroribus depravata, in
 „ Catholicæ religionis reverentiam dedicare. Quia igitur Ec-
 „ clesiam positam juxta Domum Merulanam, Regione tertia,
 „ quam superstitio diu Arriana detinuit, in honorem S. Severini
 „ cupimus consecrare: experientia tua reliquias B. Severini, sum-
 „ moperè debita cum veneratione transmittat, quatenus quæ nostris

ani-

At. S. S. Maii
 sub die 21.

S. Greg. Turon.
 de civ. PP. c. 17.
 It apud Bollani.
 At. S. S. sub die
 24. Junii pag. 818.
 num. 5.

S. Greg. Magn.
 Dialog. Lib. 2. ca.
 p. 37. pag. 145.

S. Gregor. Recip.
 h. 2. 19. pag. 68.

„ *animis* perficienda decrevimus, implere, omnipotentis gratia
„ suffragante, possumus.]

Sanctissimus idem Pontifex Benenato Fundanitano Episcopo
mandavit, ut Oratorium, in honorem præfati S. Severini, ac
Julianæ Martyris consecraret. [Januaria religiosa foemina, (ad
„ cum scripsit) petitoria nobis insinuatione suggestit, quod ha-
„ betur in subditis in Massa Furiana juris sui Oratorium, se, pro
„ sua devotione fundasse, *quod in honorem Sanctorum Severini*
„ *Confessoris*, & Julianæ Martyris desiderat consecrari. Et
„ idè &c.]

*Idem. Epist. lib. 7.
epist. 86. pag. 270.*

Et pro eadem re, ad Fortunatum Neapolitanum Episco-
pum, hæc etiam scripsit: [Januaria religiosa foemina, Sanctua-
„ ria *Beatorum Severini Confessoris*, & Julianæ Martyris, oblata
„ petitione sibi postulat debere concedi: quatenus in eorum no-
„ mine Oratorium, propriis sumptibus constructum, possit so-
„ lemniter consecrari. Et idè, Frater charissime, præfatæ
„ Januariæ desideriis, ex nostra te præceptione convenit obbe-
„ dire: ut devotionis suæ in consecratione, quam postulat, po-
„ tiatur effectu.] Sic Gregorius, in honorem Sanctorum, qui
Martyres non fuerant, & Ecclesiam consecrat, & aliis, ut con-
secrent mandat; atque ad id sacras ipsemet eorundem reli-
quias, vel ad se transmitti, vel aliis tribui imperat.

*Idem Ibid. epist.
87. pag. ead.*

C A P. X I X.

*Sanctæ Virgines, ac Mulieres non Martyres,
Sæculo eodem suppari cultu exornatæ.*

Idem planè honoribus Sanctæ quoque Mulieres hoc Sexto Sæ-
culo prosequutæ sunt. Quare, quæ hoc tempore floruit Sancta
Cæsarea Virgo, à cævo eidem Scriptore Venantio Fortunato
indistinctè inter cæteras Sanctas, & Virgines Martyres recen-
setur. En, quæ de illa canit:

(His Paulina, Agnes, Basilissa, Eugenia regnant,
„ Et quascumque facer vexit ad astra pudor.
„ Felices quarum Christi contingit amore
„ Vivere perpetuo nomine scripta libro.
„ *Has inter comites conjuncta Cæsaris fulget,*
„ *Temporibus nostris Arelatense decus.*)

*Venant. Fortun.
lib. 8. carm. 4.*

Vixit hoc pariter Sæculo, obiitque sub anno Christi 523.
Sancta Brigida virgo, dicta Taumathurga, de qua ista habet Bol-
landus: [Stephanus vit. Societ. Jesu, in vindictis veteris Scotiæ

*AB. SS. februar.
Tom. 1. sub die 1.
in Comm. prævio
§. 1. num. 3.*

lib. 3.

„ lib. 3. cap. 12. ista habet. Inter Sanctos, qui Germaniæ sunt.
 „ speciales Patroni, Brigidam recenset Cratopolis, dicens in
 „ Germaniam illam esse celebrem &c. *Nam, ut alia indicia non*
essent, satis esset, quod nulla sit hodie, neque fuerit à mille fere annis
Ecclesia Cathedralis, aut Diæcesis Catholicorum in ea regione amplis-
sima, & vastissima, ubi non quinquaginta, ad primum Februarii, publicè
in Choro, & Altare dicatur de Brigida Virgine officium, sive pre-
 „ ces Canonice, & Sacrum Missæ celebretur &c.] Quod qui-
 „ dem statim ab ipsius Sanctæ Virginis obitu coëptum, idcirco ne-
 „ mo inficiari poterit.

Præclara etiam Reginæ Radegundis, quæ hoc pariter Sæ-
 culo, ad cœlestia regna migravit, pluribus à Deo, vivens, ac
 mortua illustrata miraculis, sacrum corpus, ac sepulcrum, fideles
 eximia religione venerati sunt. Ipsi funus, sepulturamque se-
 curasse, Gregorius Turonensis narrat. Sanctissimæ ipsius vitæ
 librum primum, quem toties memoravimus, Venantius Fortu-
 natus Pictaviensis Episcopus scripsit: alterum Bandoninia, ejus-
 dem Sanctissimæ Reginæ æqualis, exaravit, quæ ubi pluribus de
 ipsius sepultura egit, ubi narravit tumultu ejus, à Gregorio, quem
 diximus Turonensi, operculum minime impositum fuisse: [Ita-
 „ que, (addit) libere cereos ad eam adferebant omnes, sepul-
 „ crum circumstantes; & singula suis cereis nomina sua inscrip-
 „ serant, dabantque cereos suos per ordinem uni è famulis. Et
 „ ecce existit contentio in populo, aliis dicentibus cereos illos in
 „ ejus sanctum sepulcrum mittendos esse, aliis id negantibus;
 „ Interim, e pueri cercos tenentis brachio, unus exiliens, & po-
 „ pulum omnem conscendens, in sepulcrum ad pedes Beatæ se
 „ dimisit, litem omnem eo ipso dirimens. Inspecto cereo, in-
 „ ventum est nomen Calvæ in eo scriptum. Ea re perspecta,
 „ Episcopus, & plebs omnis, Beatæ Radegundis virtutem admi-
 „ rantes, Dominum benedixerunt.

„ Quæ verò post ejus decessum, eo in loco declarata sint vir-
 „ tutes, & edita miracula; quot Dæmoniacy liberati, quot puls-
 „ febribus curati, quis vel numerare sufficiat? A Burgundia cum
 „ Episcopo quodam venit Pictavium ejus Abbas Abbo nomine.
 „ Is magno illic dolore dentium, nocte, & die clamores edebat,
 „ mortem adventare cupiens, ut posset tanto levati cruciati.
 „ Incidit autem ejus animo, Deo inspirante, ut se curaret, in
 „ Sanctæ Radegundis Basilicam perducere. *Ingressus intro, cum*
se ante sepulcrum humi prosternit, mortem præ oculis habens,
operimentum, sive palli, tumuli mordicus apprehendit, & qui se-
ptem diebus, nec libum sumpserat, nec somnum capere po-
 „ terat, ab illo morfu sonano corripitur, doloreque fugiente,
 „ sanus abit ad hospitium.

Ha-

S. Greg. Turon.
 de Cler. Confess.
 cap. 96.

Vid. S. Radegund.
 lib. 2. apud Su-
 116 t. 4. pag. 644.

„ Habet hoc consuetudo, ut in *Feriis B. Hilarii Episcopi*, re-
 „ *liqua Monasteria circumadjacentia*, in *mediam usque noctem* illic
 „ *vigilias celebrent*; à *media verò nocte* singuli Abbates cum suis
 „ *fratribus*, ad sua revertantur *Monasteria*, nocturnas preces
 „ *persoluturi*; itaque cum in *Beati Antistitis Basilica* vigilarent,
 „ *toto illo noctis spatio*, *energumeni* clamabant. In iis duas
 „ *foeminas* dirè exagitabat *malus Dæmon*, unam præsertim, ad
 „ *cujus fremitum* tota *Basilica* tremebat. Abscedente autem,
 „ *indè Venerabili Arnegisilo Abbate Basilica Beata Reginae Ra-*
 „ *degundis*, & cum suis *Monachis*, ad suam *Basilicam* redeunte,
 „ *foemina illæ* clamabant post eos, & *ingressæ in Basilicam*, vo-
 „ *ciferantes* rogabant, ut *Domina Radegundis* eis parceret. Cum
 „ *ergò matutinæ preces* dicerentur, altera sanata est, quàm *Dæ-*
 „ *mon* ter *quinis* occupaverat annis: altera ad *tertiam ante Ba-*
 „ *silicæ fores* liberata.

„ *Quam largæ est, & dives misericordia Dei*, ut suos faciat
 „ *trepidare*, & *loca Sanctorum* inquirere? *Virtutum largitor*,
 „ *per suos fideles dispensatim suam declarat potentiam*. *Alii*
 „ *enim liberati sunt in Basilica Sancti Viri, alii in Basilica D. Rade-*
 „ *gundis*: ut quorum erat *par gratia*, *virtus quoque indissimilis osten-*
 „ *deretur*. *Quibus etiam usque ad vitæ desperationem male habet*,
 „ *si pailam inferiorem Altaris in aquæ calicem intingat*, *potumque*
 „ *illum bauriat*, *mox somnus ei accedit*, *morbis abscedit*, *Christo lar-*
 „ *gente*:] sic illa.

C A P. X X.

*In Sanctos, tam Viros, quàm Mulieres non
 Martyres, ipsomet Sæculo Orientalis
 Ecclesiæ religio.*

Q Uoad Græcos unum, & alterum afferre sufficiat exemplum.
 Et in primis illud *S. Theodosii Cœnobiarchæ*, qui vixit cir-
 ca annum 511, cujusve res gestæ, (inquit *Baronius*) omni-
 acceptatione dignissimæ, extant à *Metaphraste*, ex antiquiori-
 bus monumentis descriptæ: quas inter, hæc recensentur [Cum
 „ *autem fama* repente in omnem locum pervasisset, quod &
 „ *Magnus Theodosius* ad suum *Dominum* jam excessisset. *Pet-*
 „ *rus ille Magnus*, qui tunc *Apostolicam Sedem* tenebat *Hie-*
 „ *rosolymis*, ille, inquam, *Petrus*, *cujus magna quidem fuit fa-*
 „ *ma*, *famam autem superabat virtus*, *accedit cum multis aliis*

P

„ Epi-

*Baron. sub die 11.
 Iannar. Metaph.
 apud sur. Tom. 1.
 pag. 258.*

„ Episcopis ad sepeliendas reliquias . Undique autem concur-
 „ rebat , & multitudo Monachorum simul , & eorum , qui simul
 „ promiscuè versantur cum aliis . *Omnes autem multum pone-*
 „ *bant studii , ut & partem aliquam attingerent , aut Sanctorum il-*
 „ *lius Capillorum , aut Sacre Vestis , aut certè , ut vel solum appropin-*
 „ *quarent , & beatum illum vultum viderent : & de eo tanta certa-*
 „ *bant contentione , ut ne diu quidem permitteretur sepelire reliquias ,*
 „ *sed melius existimaretur prætermittere iusta , quæ fiunt mortuis.*
 „ Deinde verò tandem , permittente multitudine , honorificè
 „ simul , & splendide illud venerandum , & Coelis dignum cor-
 „ pus terræ mandatur , & contegitur : non ut quod oporteret
 „ quidem abdi , & latere , sed quod servabatur potius piis , tam-
 „ quam opes , & thesaurus .]

Exemplum aliud sit Sanctæ Marthæ Viduæ , Matris S. Symeonis Stylitæ Junioris , quæ sub anno 551. floruit . Uterque enim , Filius , videlicet , & Mater , vivens ille , nempe Symeon , & Martha jam defuncta , de condigno sibi sepulcro constituendo cogitarunt . Post obitum namque Marthæ : [Nulla requies , (in-
 „ quunt S. Symeonis Acta) concedebatur , cunctis ferè fratri-
 „ bus . *Beata Martha in variis signis se afferente , ac quietem inter-*
 „ *turbante , quo sibi Oratorium excitaretur , intra quod translatæ*
 „ *cum urna reliquiæ reponerentur . Mandabat etiam hæc filio suo*
 „ *significari . Ille enim quamvis idipsum ex apparitione statuis-*
 „ *set curandum , cohibebat , tamen se certis de causis illo tem-*
 „ *pore , nec volebat initium dare substructioni ; partim , ne ten-*
 „ *tarentur animi , quorum jam ex simplicioribus , ac infidelibus*
 „ *vanas sibi cogitationes fingentibus , ac detrahentibus de fama*
 „ *Symeonis iniquè ; partim quod desideraret ædem unam moliri sibi,*
 „ *atque Matri , in qua uterque loco non separati conderentur , quem-*
 „ *admodum , & contigit aliquando post &c.]* Sic ibi post , quæ longo dictamine novæ Ecclesiæ ædificato , atque in illam Reliquia-
 rum Sanctæ Marthæ translatio refertur .

De eadem Janningus in Commentario prævio , ad illius Acta , sic scribit : [Confirmatum quoque habemus Marthæ cul-
 „ tum anniversarium , ex Vit. ipsius num. 71. cum dicitur , *quod*
 „ *ad primum Beatæ Marthæ anniversarium celebrandum ultrò con-*
 „ *veniens populi multitudo , cum cereis , & lampadibus , oppor-*
 „ *tunè occurrerit ad celebrandum simul de Ligno Sanctæ Cru-*
 „ *cis , Hierosolyma advecto , prædictæ Crucis exceptionem , in*
 „ *Ecclesia , per Sanctum ædificata . Novam deindè Ecclesiam*
 „ *ædificari permisit Sanctus , in eamque transferri Matris suæ*
 „ *arcam , uti narratur toto cap. 6. Vitæ ; & ex eo tempore pluri-*
 „ *bus claruisse miraculis dicitur ab Autore , non solum coævo ,*
 „ sed ,

AB. SS. Maii
 Tom. 5. sub die 24.
 pag. 420. num. 96.

AB. SS. ut supr.
 pag. 402. num. 56.

sed, ut præsumere licet, plerumque teste oculato.] Hæc Janningus.

C A P. XXI.

*Septimo Sæculo Sanctorum Episcoporum non
Martyrum veneratio, ac cultus, in Latina
Ecclesia, exemplis pluribus adstruitur.*

EAdem, ac prioribus Sæculis perseveravit demùm Sæculo septimo, erga Sanctos, qui Martyres non extitissent, Catholicæ Ecclesiæ Religio. Quod quidem ea ostendunt, quæ de Sancto Fructuoso Bracarenfi Archiepiscopo, qui ponitur, sub anno 663. narrantur apud Henschenium, in ipsius Vita, ab Auctore corvo conscripta. [Ad Sacratissimum, (inquit is) Sancti Corporis ejus sepulcrum, euntibus cunctis, perseverant signa virtutis; nam, & Infirmi ibi sanantur, & Dæmones effugantur, & quicumque merens ejus invictum postulaverit auxilium; statim plenum à Domino petitionis suæ consequitur fructum; præstante &c.

*Act. SS. Aprilis
sub die 16. lit. cap.
lit. 4. pag. 436.*

Plus autem quàm venerationis ergo, ad Sanctorum Sepulcra confluisse, meritò censei debet, ad eorum cultum augendum, ipsorum ornatui, venerationique res, ac personas dicasse. Quod quidem S. Tozzo Episcopus Augustanus, circa annum 661. cumulatissimè præstitit; ut apud Bollandianos verbis his adnotatum reperimus, ubi de S. Magni, æquè Augustani Episcopi reliquiis agitur. [Vir ergò Venerabilis Episcopus Tozzo, post obitum Beati Patroni Magni &c. *custodiens Sanctum Corpus ejus, cum Clericis, & Officiis Divinis, atque luminaribus usque ad obitum suum.* Qui permanens, post discessum B. Magni in Episcopatu annos quinque, & menses tres Sept. Kalend. Februarii, vitam Sæcularem finivit, *tradens ante obitum suum, hæreditatem suam, ad Sepulcrum B. Magni, cum firmitate, & ad stipulatione, secundum legem Alemanorum &c.*]

*Act. SS. Iordan.
Tom. 2. sub die 16.
lit. cap. 3. §. 16.
pag. 59.*

Ither præclara verò gesta S. Eligii Episcopi Noviomensis, qui, ut Siegbertus habet in Chronico, sub anno 665. diem suum obiit, illud minimè prætermittendum, duxit S. Audenus in Vita ipsius, quod: [Vir Beatus, (inquit), inter cetera bonorum operum insignia, multa Sanctorum, auro, argehtoque, & gemmis fabricavit sepulcra: Germani Parisiensis Episcopi, Severini Abbatis Agaunensis &c.]

*Segebert. in
Chron. S. Auden.
Vit. S. Eligii lib. 1.
cap. 32.*

Haud minori studio tamen, a Sancto Ansberto Rotomagensi

Archiepiscopo, præfati Sancti Audœni, (qui sub anno 689. ; ex hac vita migravit) sepulturam curatam fuisse, sub anno 693. ; Aigrardus Monachus, in ejusdem S. Ansberti Vita refert, dùm

*Apud Sur. tom. 1.
sub die 9. febr.*

*Acta S. S. febr.
Tom. 1. sub die 9.
Vit. cap. 7. num. 29.
pag. 353.*

„ patu gessit (Ansbertus) qualiter etiam Venerabile Sancti An-
„ tistitis Audœni Corpus, Christo propitio, in eminentiorem,
„ locum Ecclesiæ S. Petri, quæ sita est in Suburbano Urbis Ro-
„ tomagensis, transfulerit, narrare aggredimur. Cum itaque de
„ diversis Provinciis plures congregasset Artifices; condidit super
„ ejus Sepulcrum repam miræ magnitudinis, pretiosis metallis,
„ auri, argentique decoratam, gemmisque pretiosis adorna-
„ tam, sicut usque in præsens humano visui apparet:] Pergens-
„ que narrare S. Audœni Corporis translationem. Constituta
„ ergo die, (subdit) in Solemnitate Ascensionis Domini Christi,
„ Sacerdotum, ac Monachorum, reliquorumque Clericorum,
„ adunata multitudine, ipsum Sacrum Corpus levare fecit cum
„ reverentia magna, & hymnorum laudibus Clero personante,
„ atque in absida præfati S. Petri Apostoli Ecclesiæ recondidit
„ feliciter, cum gaudio, & honorificentia magna &c.]

*Ibidem ut supr.
Vit. c. IX. pag. 355.
num. 36.*

Ibid. num. 37.

At quem Sancti Audœni corpori, Sanctus Ansbertus hono-
rem detulerat; haud multò post ipsum accepisse (qui sub anno
695. ad Cœlos evolavit); à præfato Monacho Aigrado pari-
ter narratur. [*sepelierunt eum, (inquit) cum decore, & honorifi-
centia magna*]. Et statim addit. [*Cum verò lampas, liquore olei
plena, ante ejus Sepulcrum, à Fidelibus accensa fuisset, & die, no-
ctæque indefinenter, non solum arderet, sed etiam redunda-
ret; & hoc factum fratres mirarentur, ac Divinæ deputarent
gloriæ: posuerunt aliud vas, in quo distillantia ejusdem olei
divinitus dati, refunderentur; ò magna, & inclyta, Pastor
Ansberte clarissime, & felix gloria &c.]*

*Ibidem ut supr.
cap. 7. num. 30.
pag. 355.*

Anniversariam verò diem], in qua, quam memoravimus
S. Audœni Corporis translationem S. Ansbertus celebraverat;
fuisse deinde festivam, idem qui supra Scriptor testatur. [*Facta-
que (dicens) est deinceps, per succedentia tempora, in com-
memoratione Beati Pontificis Audœni; illius Urbis Civibus
hæc dies solemniter celebris &c.]*

*Ad. SS. April.
Tom. 1. sub die 10.
pag. 355. num. 2.*

Præter Basilicam autem, quam in honorem Sancti Germa-
ni Antisiodorensis Episcopi, ipsius Successor, ejusdemque Eccle-
siæ Episcopus S. Palladius, qui hoc Sæculo septimo vixit, constru-
xit, ornavitque; ut quotannis illius Natalitia agerentur, quid
fecerit, his verbis apud Bollandianos expenditur: [*Fecit, &
Basilicam S. Germani in pago Antisiodorensi, in loco, qui dicitur
Vercisus, & nobili testudine, ex musivo, & auro deco-
ravit.*

„ ravit. Hic etiam constituit, ut per singulos annos, Festivitate
 „ S. Germani, quæ celebratur die Kalendarum Octobris, expleta Mis-
 „ sarum solemnitate, ob amorem, & reverentiam tanti Præfulis, à ma-
 „ nu Episcopi centum solidos recipiant Canonici Basilica S. Stephani:
 „ quatenus alacrioribus animis delectet eos, per succedentia tempora
 „ ejusdem solemnitatis celebrare gaudia.]

At præclaro miraculo, exequias primùm, anniversariam,
 deindè solemnitatem Sancti Arigii, seu Aredii Episcopi Vapi-
 censis, qui post annum 611. floruit comprobata Deus voluit.
 Rem narrat, ex Mss. Silviniacensi apud Paperbrochium Jaco-
 bus Sirmundus Societatis Jesu, his verbis: [Obiit autem (Ari-
 gius) ipso die Kalend. Maii, & continuò advenit Ursus de re-
 „ motis montibus, ipse, qui quando de Roma redibat Vir San-
 „ ctus, concito istu percussit, & devoravit bovem subjugatum,
 „ plausiro, in quo cum sarcinulis erant reliquiæ Sanctorum
 „ Apostolorum Petri, & Pauli, & multa Patrocinia Sanctorum,
 „ quæ ibi erant reperta; & denique Caligæ Beatæ Mariæ semper
 „ Virginis. In Christi autem nomine, vocavit Episcopus Ursus;
 „ qui inclinato occurrit capite, & jugo ligatus, ad feretrum,
 „ onera perduxit Vapiaco, & vixit usque Senio. Ipse autem ob-
 „ viavit corpori, & singulis annis, ad ipsam Sanctam Solemnitatem
 „ veniebat, usque dum canus vixit. Et multi gaudebant, qui vi-
 „ debant eum, & victum præbebant ei. Amen.]

Plures etiam hoc septimo Sæculo, in honorem diversorum
 Sanctorum non Martyrum, & ab uno quidem Episcopo, excita-
 tas Ecclesias reperimus: Uti de S. Virgilio Arelatensi Episcopo
 legitur, apud Bollandianos, in illius Vita, in qua ista recitantur:
 [Basilicam, in honorem SS. Stephani Protomartyris, & Trophy-
 „ mi construxit, & consecravit.] Et haud multò post ibid. n. 10.
 „ [Dedicavit autem idem Beatus Antistes, Basilicam, quam
 „ construxit, in honore Salvatoris Domini, & Beati Honorati
 „ Confessoris; atque ibidem ordinem constituit Monachorum ser-
 „ vientium Deo.]

Vicissim verò, sub invocatione S. Lupi Cabillonensis Epi-
 scopi, qui sub hujus Sæculi initium, ad Superos evolavit, plura
 loca Deo dicata fuisse; disertè in illius Vita asseritur, à paulo
 ante memorato Jacobo Sirmundo edita, hoc modo: [Notitia,
 „ nempè virtutum ejus, longè, latèque diffusa, coeperunt multi
 „ undequaque confluere, & votorum suorum munuscula deportare.
 „ Plurimi diversis in locis Oratoria construentes, nominis ejus titulo
 „ dedicaverunt.] Hæc ibi.

AB. SS. Maij
 Tom. 1. sub die 1.
 pag. 111. num. 15.

AB. SS. Maij
 Tom. 1. sub die 5.
 Vic. 2. pag. 101.

AB. SS. Jan.
 tom. 2. sub die 17.
 cap. 7. pag. 718.

C A P. X X I I.

*Sæculo eodem Sanctorum non Pontificum, ac
Virginum non Martyrum exemplis, cultus
comprobatur. Græciæ Ecclesiæ exemplo
altero, idem ostenditur.*

QUI Episcopi non extiterunt hoc septimo Sæculo Sancti, pari etiam, ac illi honore in Ecclesia perfuncti sunt. Quod quidem, ex his, quæ de Sancto Turseo Venerabilis Bedæ narrat, faciliè intelligere est: Dicit enim, de eodem agens, qui ad Superos sub anno 654. evolavit. [Cujus Corpus Herconval-
,, dus Patricius accipiens, servavit in porticu quadam Ecclesiæ,
,, quam in Villa sua Perroma faciebat, donec ipsa Ecclesia de-
,, dicaretur. Quod cum post dies viginti sex esset factum, &
,, corpus ipsum, de Porticu ablatum *propè Altare esset reconden-*
,, *dum*, inventum est ita illæsum, ac si eadem hora, de hac luce
,, fuisset egressus. Sed & post annos quatuor *constructa domun-*
,, *cula cultore receptui corporis ejus, ad Orientem Altaris, adhuc*
,, *sine macula corruptionis inventum, ibidem digno cum honore trans-*
,, *latum est*, ubi merita illius multis sæpè constat, Deo operante,
,, claruisse virtutibus.]

*Ven. Bed. Ecclef.
Hist. Anglor. lib.
ber. 3. c. 19. opum
Tom. 3. pag. 95.*

Quo ad Sanctas Mulieres, illud innuere sufficiat, quod copiosissimè apud Bollandianos habetur, de S. Gertrude Abbatisa Nivellense, quæ ad Superos, sub anno 664. evolavit. Vitæ siquidem ejus cap. 4., ubi agitur, de Agnete Abbatisa, quæ fuerat ab eadem Beata Gertrude enutrita; [Ipsa autem, dicitur, postea *ædificavit Basilicam, in honorem Christi Virginis Gertrudis*]. Narraturque Miraculum ea occasione patratum. Ibidem etiam, aliud Miraculum refertor, *de lampade*, aliud *de lecto*, in quo ipsa Sancta Virgo diem clauserat extremum. Num. etiam 19. *De Festivitate* agitur ejusdem Sanctæ Gertrudis, miraculoque super eum ostenso, qui eandem celebrare contempsit.

*Act. SS. Martii
tom. 3. sub die 17.
pag. 594.*

Græcæ demùm Ecclesiæ, præclarum sat siti exhibere testem, S. Joannem Eleemosynarium, cujus eximia gesta Leontius Neapoleos Cyprorum Episcopus, scripto tradidit, & Anastasius Bibliothecarius, ex Greco in Latinum transtulit; quorum fidei, (inquit Baronius) subscribunt Patres, in S. Synodo Nicenæ, secunda Act. 4., & S. Ioannes Damascenus, de Imaginibus. Orat. 3. Ex hac vita verò S. Joannes, circa annum 610. migravit, sepulturæque datus est honorificentissimè, in Oratorio, aliis

*Baron. in Not.
ad diem 23. Jan.*

mc-

memorati, S. Tychonis . Accidisse autem , cum sepelliri debuit, quod supra Sancto Ambrosio advenisse retulimus , Leontius refert, his verbis .

[Jacebant in quodam tumulo , ubi & justus hic reponendus erat. duorum quondam Episcoporum , qui ante dormierant, Sancta veraciter Corpora Sanctorum : quæ & in natura exanimi interim degentia, temquam si viva revera essent, æqualem Sancto honorem tribuerunt . Cum enim beati Corpus , inter duos illos componendum esset , honorantes Summum Pastorem Pastores , & multam ejus fiduciam apud Deum reverentes, simul, & mirantes, Dei jussione , tamquam vivi, corpora sua separantes , in medio Sacrum hunc susceperunt , bonorem , & ipsi præceptione Dei , sicut à Deo honorato offerentes , & omnibus statim ostendentes , quæ à Deo ei donata est gloria, atque sublimitatem . Quod maximum , & gloriosissimum Miraculum, non unus, neque decem , neque centum viderunt ; sed omnis turba, quæ convenit, ad gloriosam ejus Sepulturam] .

At cum Leontius, quem Scriptorem gestorum S. Joannis Eleemosynarii supradiximus , non nisi ad annum circiter 620. vixisse habeamus : hinc, quæ de anniversaria ejusdem solemnitate deindè refert, non longè ab illius obitu gesta, (quidquid aliud innuere verba , frasisque qua utitur videantur), necessariò censendum est . Dicit igitur .

[*Hymnodia anniversaria*, post multum temporis dormitionis Sancti celebrata, in Templo superius memorato Sancti Tychonis, ubi pretiosum lipsanum Beatissimi Patriarchæ Joannis repositum est . Erat autem , quæ colebatur Sacræ Vigiliæ hymnodia annuæ recordationis Sancti miraculorum factoris Tychonis . Is, qui est miraculorum Dominus , volens ostendere , omnibus quali honore servum suum , Sanctum Joannem dignum fecerit , placuit de honorabile ejus lipsano , unguenti saniferam suavitatem emanare , qua universi in lætitia freti , gloriam retulerunt Patri , & Filio , & Spiritui Sancto , verò , scilicet Deo nostro, qui proprios Sanctos, gloria glorificat infinita .] Ista Leontius .

Leont. in Vit.
S. Ioan. Eleemos.
cap. 50.

Morer. in di. 7.
Hist. in verb. 12

Ibidem ut sup.
cap. 54.

Finis Libri Secundi .

121
SS. PATRIARCHARUM,

ET

PROPHETARUM, &c.

CULTUS PERPETUUS

LIBER TERTIUS,

In quo Argumenta, contra veritatem superioribus Libris
asseritam, diluuntur.

C A P. I.

*Cum Ecclesia Doctores, recipiendi; non cum Do-
ctoribus pia Ecclesiæ traditio abjicienda.
Quanam scribendi occasio Innocentio III.
ac Bellarmino fuerit.*



AGNA profectò res (scribebat Vin-
centius Lirinensis), & ad discendum
„ utilis, & ad recolendum necessaria,
„ quàm etiam, atque etiam exemplo-
„ rum molibus illustrare, atque incul-
„ care debemus: ut omnes ferè Ca-
„ tholici maximè se cum Ecclesiæ Do-
„ ctore recipere, non cum Doctoribus
„ Ecclesiæ fidem deferere debere.]

*Vincent. Lirin.
Advers. Hæres.*

Et id quidem, quò ad res fidei Divinæ,
de quibus, uti nos in præfenti minime agimus, sic ad severissi-
mam, districtissimamque censuram, qua ipsæ recipiendæ agno-
scuntur, alias exteras, quæ ad piam dumtaxat credibilitatem
spectant, nos advocare quoque, vel velle, vel voluisse; cordatus
quisque, qui scriptiones nostras, vel parumper evolvit, facile
intelligit.

Nihilominus, cum præter tradita Divina Dogmata, Eccle-
siæ proponenti, nil præterea aliud credere velle, temerè asserere
fortè eos pudebit, qui Catholico saltem nomine censerì volunt;

Q

habi-

habita idcirco æqua rerum ratione, translatisque ad illa, de quibus differimus Lirinensis verbis, nos quoque dicimus; magnam profectò rem, & ad discendum utilem, & ad recolendam necessariam, ut omnes pii Catholici, maximè se cum Ecclesia Doctores recipere, non Doctoribus Ecclesiæ pias, fundatissimasque traditiones rejicere profiteantur.

Hæc autem necessariò præponenda duximus, ne quis fortè miretur, DD. quorumdâ nos in re, de qua agitur sententiis, assertisque minimè adhaerere, nec velle, nec posse; quod maximè nobis, nimirum, cordi sit, cum Ecclesia Doctores recipere, non verò cum Doctoribus piam Ecclesiæ credibilitatè, certissimamque ac perpetuam ergà Sanctos non Mart. cultus praxim negare; eò magis, quod Doctores ipsi, vel cursim rem attigerint, vel alio distenti, eam funditus enucleare aggressi non sint. Vel enim eo tempore, quo scripserunt, in pace erant cuncta, erga omnes indiscriminatim Sanctos venerationis genera, nec de iis quis ambigebat; Et qui tunc scripsit, nulla necessitate costrictus fuit, (præcipuè aliud agens, uti Innocentis III.) ut rem ab ovo, (ut dicitur) examinandam susciperet; Satisque ei fuit, ut videbimus, ex speciali tantum, & unica observatione, id unum eruere, quod probare intendebat, Sacri, videlicet, Missæ Canonis venerandam, antiquitatem. Vel tunc scripsit, cum viceversa, Diabolico furore acti impiissimi Calvinistæ, aliarumque huic similium Sectarum improba pestes, facto agmine, generatim Sanctos omnes perditissime impetere, locoque dejicere conabantur: & qui tunc eorum impetus repellere, coercereque suscepit (puta præclarissimus Cardinalis Bellarminus), (uti ei accidere solet, qui ex improviso, imparatusque aggressus ab hoste est, qui quidquid in manus venerit, ut illum propulset, cupide arripit, nec satis ipsi cura est, an videlicet, eniè, vel gladio, vel demùm baculo, irruentem propellat, dummodò propellat), satis habuit, quacumque demùm ratione scelestos Adversarios arcere impetus, ac conatus evertere; arreptaque, quæ primùm occurrit perpetua, fundatissimaque in Catholica Ecclesia SS. Martyrum veneratione, validissimo eo gladio, irruentes inimicos coercuit, ac confodit: eo, puto, sapientissimo consilio, quo olim Jacob fratri Esau, quem hostem arbitrabatur, occurrit dicens: [Si venerit Esau ad unam turram, & percusserit eam, alia turra, quæ reliqua est, salvabitur.] Universalem siquidem eam cladem, ut, inquam, averteret, unam saltèm Sanctorum Martyrum turram, ab irrumpeute ea strage subducere, salvamque facere Bellarminus, pro magno habuit; & licet salutis alterius quoque sollicitus esset, tamen hujus incolumitati non ad eò studiosè incubuisse

vi-

visus est, quod fortè consideret Hagiomacorum impetu, erga SS. Martyrum priorem turmam coercito, facilè erga SS. Confessorum alteram compressum iri: quod certè cordatus quisque sibi suadere poterat, dùm eadem fere, quæ Adversarii, contra SS. Martyrum cultum protulissent argumenta; ipsamet quoque contrà exhibitam, erga SS. Confessorum venerationem in medium adduxissent.

C A P. I I.

De Sanctorum non Martyrum cultu Innocentii III. Sententia proponitur, ac perperam explicata demonstrantur.

Debuissent idcirco, qui post eos, de his loqui, differereque voluerunt, cuique cordi fuisset Catholicæ Ecclesiæ, ritus, pietatemque tueri, atque hostium illius temerarios ausus infringere; non cum ipsis Sectariis, qui (præfato Bellarmino teste) nobis exprobare ausi sunt: [Plurima SS. Festa esse nova]; Et una cum cultu, venerationeque Martyrum, Festa, cultumque quoque Confessorum, ad posteriora tempora trahere connituntur); Debuissent, inquàm, non quidem hujusmodi futes excoitationes adstruere, ac tuendas, confirmandasque suscipere; imo novis coacervatis argumentis magis roborare; sed contra illos, æquè Confessorum, ac Martyrum, ab ejusdem Ecclesiæ incunabilis venerationem perpetuò in Ecclesia eadem viguisse demonstrare. Verùm, ex jis nonnulli, id non modo minimè præstiterunt, sed in Heterodoxorum impias opinationes potiùs descendentes, eò dementiæ progressi sunt, ut perperam præfatorum Innocentii, & Bellarmini dicta interpretantes, ad posteriora etiam tempora illis, quæ iidem egregii Scriptores disertè explicarunt, ipsorum Sententias pertrahere non dubitaverint; quod, vt palàm fiat, in medium illorum Sententiæ producantur, ac in primis Innocentii, qui ità scribit:

*Bellarmino. lib. 3.
de Cultu SS.*

[Illud autem oportet inquiri, cur in Canone nulla sit commemoratio Confessorum, cum inter Sanctos eorum memoria magnificè veneretur Ecclesia? Sed ad hoc potest probabiliter responderi: Quod Canon prius fuit editus, quàm memoria Sanctorum Confessorum Ecclesia celebraret. Nam, omnes ferè Sancti, qui commemorantur in Canone præcesserunt Sylvestrum, præter Joannem, & Paulum, Marcellinum, & Petrum, qui proximè successerunt. Ecclesia verò post tem-

*Innocentius III.
Myster. Myst. lib. 3.
cap. X.*

„ pus Sylvestri , cœpit Sanctorum Confessorum memoriam venerari . Nam , & Sedes Episcopales , quæ juxta dispositionem „ Beati Petri Apostoli , sunt in Civitatibus singulis antiquitus „ constructæ , non in memoriam Confessorum , sed ad honorem „ Apostolorum , & Martyrum , & præcipuè Beatæ Virginis , veterum devotio dedicavit .

Ex his , quæ superioribus Libris longo dictamine attulimus , satis , superque patere arbitramur , non quidem post Sylvestrum , ut Innocentius autumat , sed diù ante illum , imò ab ipsis Ecclesiæ primordiis , & deinceps erga Sanctos non Martyres cultum floruisse . Quia tamen , re funditus , uti erat , non explorata , Innocentius idem , & quidem non absolutè , sed probabiliter tantum dici posse putavit , post Sylvestri tempora Sanctorum Confessorum memoriam celebrari cœpisse : Quis tam vecors est , ut censeretur posse arbitretur , ad longè posteriora Sylvestri tempora Innocentii dictum ritè posse transferri ? Querit , inquam , ipse , cur in Canone Sanctorum Confessorum nomina non habeantur , sed dumtaxat Martyrum : & probabiliter responderi posse dicit , ideò non reperiri , quod editus fuerit , priusquam Ecclesiæ Sanctorum Confessorum memoriam celebraret , conjecturæque rationem profert ; quod in Canone eodem Joanne , & Paulo , Marcellino , & Petro exceptis , quotquot Martyres leguntur , Sylvestri tempora præcesserunt . Et quidem Marcellinus , & Petrus etiam præcesserunt , utpotè sub Diocletiano passi , & in quorum postea honorem Sylvestri ævo Constantinus Magnus Basilicam Viâ Labicana construxit , juxtaque eam dilectissimæ Matris Mausoleum erexit] : At detur , (ut dicitur) & non concedatur , post B.ejusdem Sylvestri tempus , Sanctorum Confessorum memoriam venerari tantum in Ecclesia cœpisse : Quid inde ? Quid , quæso commune habet , vel habere potest Innocentii hoc assertum cum eorum opinionibus , qui diù post Sylvestrum , Sanctorum non Martyrum memoriam celebrari captam contendunt ? Post Sylvestrum , inquam , qui Sæculo quarto ineunte floruit , & quintum , sextum , ac fortè septimum Sæculum , quibus , nedum eo honore , eosdem Sanctos non Martyres ab Ecclesia prosequutos fuisse volunt ? Ad suam hanc excogitationem , comprobendam Innocentium scripsisse oportuisset , non quidem post Sylvestrum , sed post Leonem Magnum , Gelasium , Gregorium item Magnum , cultum hunc in Ecclesiam invecum ; at cum dixit post Sylvestrum , Sylvestrique tempus , non longè ab eo cœpisse , absque dubio significare voluit ; neque cultum , ac venerationem præfatam , ad post Leonem , Gelasium , Gregoriumque transferre voluisse perspicuum est . Pari siquidem argumento ,

to, si exempli gratia dicerem, post prædicationem Petri, & Pauli, in Urbe Roma, caput Christus Dominus ibidem coli, ac venerari, ut Deus. Didum hoc certè verissimum, qua ratione accipiendum, intelligendumque, quæso isti arbitrarentur? Fortè, non nisi post tempora, exempli gratia, Decii, vel Diocletiani, secundo, videlicet, aut tertio dumtaxat Æræ Christianæ Sæculo, Christum Romæ coli, ibidemque veneratores habere cepisse? Quis non videt ineptam hujusmodi interpretationem, rite ab omnibus irridendam, explodendamque; & illud *post*, longam, adèd temporis intercapedinem admittere, (uti revera non admisit) non potuisse? Et sic pari modo, cæperit, juxta Innocentium, post Sylvestrum SS. Confessorum memoria in Ecclesia venerari; Quid hoc, cum quinto, sexto, ac septimo Sæculis; & cum Leonis, Gelasii, ac Gregorii temporibus?

C A P. I I I.

Nil commune habere ostenditur cum Pseudocensorum sententiis, quod de Cathedralibus Innocentius scribit. Quid sentiendum de Pantheon dedicatione à Bonifacio IV. peracta, ab Innocentio eodem in medium producta.

Quod de Cathedralibus addit Innocentius, ad rem pariter, de qua differimus, minimè spectat, nihilque penitus cum Adversariorum excogitationibus commune habet. Esto enim; quod Cathedrales Ecclesiarum, juxta S. Petri dispositionem erectarum, solis Apostolis, ac Martyribus antiquitus, priscisque temporibus, dicatæ reperiantur: quid tamen id, cum quinto, sexto, septimo, ac sequentibus Sæculis, quibus Sanctos, qui Martyres non fuissent, & in Canone positos, iisdemque, & Basilicas erectas, & Deo in ipsorum honorem Cathedrales etiam dicatas vidimus?

Neque verò his officiant, quæ ad comprobanda, quæ proposuerat, statim addit Innocentius his verbis: [Nam, & in Ecclesiis, sasticis reperitur Historiis, quod S. Bonifacius, qui Quartus, à B. Gregorio, Romanæ Urbis Episcopatum tenebat, suis precibus à Phoca Principe impetrasse, donari Ecclesiæ Christi Templum Romæ, quod ab Antiquis Pantheon antea vocabatur, in quo eliminata omni spurcitia, fecit Ecclesiam Dei Genitricis, atque omnium Martyrum Christi.] Sic Innocentius; Nam

Nam studio prætereamus, quæ in notis, ad diem XIII. Maii ; sic scribit Baronius . [legi in ejus Ecclesiæ , (Pantheon antea) „ Cod. Mss. , Templum illud dicatum in primis , in honorem „ Dei Genitricis Mariæ , *omniumque Sanctorum Martyrum , & „ Confessorum*] , Quæ quidem omnem Innocentii suppositio- nem, eo, quo à Pseudocensoribus sensu accipitur, funditus ever- tit : Neminem certè latere posse arbitramur, qua mente, ex Ec- clesiastica Historia acceptum, exemplum hoc Innocentius in medium protulerit ; non nisi , nimirum , ut ostenderet , Bonifa- cium quoque veterum exempla sequutum in honorem Dei Ge- nitricis, ac SS. MM. , Pantheon dedicasse . Verum, vel quia Bo- nifacius sic dedicavit, vel sic dedicasse Innocentius scribit; ideo vel prior dedicavit, quia eo tempore Tempia Deo, in honorem SS. Confessorum dicare inhibitum erat; vel dedicasse scripsit In- nocentius, quod tunc non nisi Martyribus licuisse Basilicas dedi- care putavit ? Enim verò , si Confessorum cultum post Bonifa- cium dumtaxat capisse, hoc allato exemplo, Innocentius ad- struere voluit ; cur pro eo, ac diceret SS. Confessorum cultum, post Bonifacium caput, ad tempora post Sylvestrum, tot ante Bonifacium eundem sæcula, cultum ipsum rejecit ? Deinde , quis sanè mentis censere poterit, Bonifacium, qui à Gregorio Magno Quartus, ut scribit Innocentius Apostolicam Sedem, obtinuit, ignorare potuisse, quæ in ipsa Urbe Roma à superio- ribus Pontificibus acta fuerant ; vel, ut alibi diximus, ab Ana- stasio Secundo, qui quinto sæculo dilabente floruerat, & intra Civitatem Romanam (ut verba Anastasii adhibeamus), Basili- cam SS. Sylvestri, & Martini à fundamentis construxerat ; vel à præfato Magno Gregorio, qui, & ipse, ut vidimus, in SS. Con- fessorum honorem Tempia dicavit ? Extabant certè adhuc Bo- nifacii tempore, à superioribus his Pontificibus, in eorumdem Sanctorum venerationem, hæ constructæ Basilicæ, & si non omnes, uti verosimile est, illa saltè SS. Sylvestri, & Martini, quæ post tot sæculorum curricula adhuc perstat . Stantibus ve- rò illis, vel saltè hac una, quis, juxta futilem Pseudocensorum excogitationem, ritè eliciendum putabit, ex eo quod Pantheon, Bonifacius in honorem tantum Dei Genitricis, ac SS. Martyrum dedicavit : (si tamen verum sit, quod in honorem quoque San- ctorum Confessorum non dedicaverit), ideo ipsum in hac de- dicatione Confessores præterisse, quod nondum hujusmodi ho- nores in Romana Ecclesia, Sanctis ipsis Confessoribus decreti non fuissent ?

Multò certè æquius existimandum videtur, ideo in hono- rem dumtaxat Deiparæ, ac SS. Martyrum, (si tamen, dicam-

ter-

tertio, Confessores etiam complexus non est), Bonifacium Pantheon dedicasse; quod in Templum ipsum inferri iusserit duo de tringinta cursus Ossium Sanctorum Martyrum, è diversis Urbis Cœmeteriis effossarum. ut ex antiquo Mss. Cod. tradit Baronius. *Quæ* Sacra Ossa, (ut ejusdem verbis utar) illuc [solemniter fuerè comportata, ac decentissime collocata]. Cum autem in Ecclesiarum dedicationibus potissimum prospiceretur Sacris Reliquiis, quæ in ipsis recondebantur; ut aliis omissis, alibi à nobis memoratum, Gregorii exemplum ostendit, qui, ad dedicandam, nimirum, in honorem S. Severini Confessoris Romæ Ecclesiam, ejusdem reliquias, Neapoli ad se mitti mandavit. Hinc intelligendum cognoscitur. Pantheon præcipuè in honorem SS. Martyrum fuisse à Bonifacio dicatum, ob plurimas, nempe, quas diximus, eorumdem à se translatas, in eoque reconditas Sacras Reliquias. Si Reliquias ibi SS. Confessorum collocasset, Pantheon in eorum quoque honorem dicasset: transfudit, reposuitque in eo dumtaxat Martyrum, & ideò solis Martyribus dicavit; Ergo Ecclesiæ alię, vel ante ipsum, vel ipso vivente, Sanctis non Martyribus dicatę in Urbe non habebantur? Quis hoc asserere audebit?

*Baron. in not. ad
diem 13. Maii*

Nec Bonifacio, igitur ea opinio inesse potuit, cum Pantheon dedicavit, ut, scilicet, solis Martyribus, se illud dicare posse censeret: Neque Innocentius, cum id de Bonifacio retulit, significare aliud voluit, nisi ipsum Pontificem, Majorum, in Pantheon dedicatione, sequutum fuisse exemplum. Cum autem ipsemet Innocentius, in hoc Bonifacii facto recensendo, Magnum Gregorium memoret; quis sapientissimum Pontificem, gestorum ipsius Gregorii adeò ignarum putabit, ut allato Bonifacii exemplo, adstruere voluerit, nisi post Bonifacii ejusdem tempora licuisse, quod diu antè illum, Gregorium Magnum sanctissime peragisse compererat? Id certè, absque injuria disertissimi Pontificis cogitari non posse deprehenditur.

C A P. I V.

*Belethi, de dedicatione Pantheon sententia
refertur, ac ineptæ aliæ ejusdem exco-
gitationes refelluntur.*

ET quia de Pantheon dedicatione sermo recurrit; minimè prætereundum, quod antiquę Sanctorum Confessorum venerationis adversarii pariter testimonium objiciunt Belethi; qui,

*Beleth in Explicit.
Divin. Offic. c. 120.
pag. 532. Num. 2.*

de

de eadem Pantheon, à Bonifacio celebrata dedicatione agens, palàm ipsorum excogitationibus favere deprehenditur.

Verùm, præterquamquod Scriptor hic vix rem attigit, ubi rationem reddit, ob quam Bonifacius solis Martyribus Pantheon dedicavit: [nondum, (inquit) enim fiebant Festa Confessoribus]: hujusmodi extitisse, ex ceteris, quæ addit Beletum deprehendimus, ut haud faciliè ipsius sit authoritati acquiescendum. Duo siquidem scribit inepta prorsus. Primum Gregorium Quartum idcirco à Mense Majo, ad Novembrem Solemnitatem dedicationis Pantheon transfuisse, quod ipso Majo Mense: [non „ est, inquit, tanta copia victualium, ut in aliis: (solet enim, „ tunc Annona deficere), & Populus, qui confluebat ad illa „ solemnia, propter inopiam ciborum, quandoque non poterat „ celebrationi vacare.] At, undè, quæso Beletus præclaram hanc hausit eruditionem, ac tanta victualium inopia Urbem eo tempore quotannis laborasse accepit, ut propterea Populus, qui confluebat, ob ciborum deficientiam celebratæ solemnitati vacare non posset, undè eam Gregorius, ad aliud tempus rejicere compulsus fuerit? Quis, inquam, Beletus revelavit, huic necessitati, in quam annis singulis impigebatur, & quidem illorum culpa, qui Annong consulere debuissent, prævidereque erat, ne eo præsertim tempore, quo plures Romam ad solemnitatem accurrebant, deficeret alia via occurrere se non posse Gregorium existimasse, nisi eâ, ad alium Mensem, ac diem, solemnitate translata?

Aliud, quod Beletus subjungit, multò deterius est. Scribit enim, quod Gregorius celebritatem hanc extendit, in honorem; [Non solum, (ejusdem sunt verba) Apostolorum, & „ Martyrum, *sed etiam Trinitatis*, omnium Angelorum, & Archangelorum, Patriarcharum]. Prætereamus minùs exactè dictum agnosci, quod Gregorius Solemnitatem eam, in honorem Apostolorum, & Martyrum extendisse dicatur; non ex eo tantum, quod inter Martyres præcipui Apostoli recensentur; Sed multò magis, quod Pontifex ipse solemnitatem eam ad Martyres extendisse dicatur, quam in honorem Martyrum, à prædecessore Bonifacio potissimum institutam, profectò ignorare non poterat. Sed quid, cum dicit, in honorem etiam Trinitatis extendisse? Numquid cum Bonifacius in Deiparæ, Sanctorumque MM. honorem Panthesu dedicavit, ac ejusdem Dedicationis solemnitatem instituit; Sanctissimam Trinitatem propulsam voluit, adeòut Gregorio, ut in ea comprehenderetur, signatè illam complecti, extendereque ad ipsam necesse fuerit? Quis Catholicorum ignorat, sacrificia, aras, Tempia, ac hujus-

jusmodi, in Catholica Ecclesia, non nisi, Deo, videlicet Sanctissimæ Trinitati, quæ unus Deus est, dicari posse, ac in memoriam dumtaxat, vel Apostolorum, vel Martyrum, vel Confessorum, vel cujusvis demum alterius generis Sanctorum nuncupari?

Mirum igitur videri non debet, inter tot, vel inepta, vel absurda, quæ Beletus inconsultè coacervavit, perperam etiam asseruisse Bonifacii tempore nondum SS. Confessorum festa celebrari cœpisse; cum præcipuum ad ignoraverit, ea in primis Deo dicata esse. Certè, cum de re alicujus momenti agitur, sententiæ, dictæque scriptorum hujusmodi, in medium minimè producenda essent, & produxisse, ad adstruendam contra SS. non Martyrum cultum falsam opinionem; illos qui produxerunt, probatorum scriptorum inopia laborasse, manifestè, demonstrat.

C A P. V.

*Cardinalis Bellarmini sententia proponitur;
& explicatur.*

Cardinalis Bellarminus, his verbis suam sententiam prodit; dum de antiquitate Canonis Missæ agit: [Prima conjec-
tura est, quia in toto Canone nulla fit mentio Confessorum,
aut Virginum non Martyrum, sed Martyrum tantum, seu vi-
rorum, seu foeminarum: quod etiam notavit Augustinus lib.
de Sanct. Virginitate cap. 45. Hujus autem rei causa nulla est
alia, nisi quam reddit Innocentius III. lib.3. cap.X. de My-
steriis Missæ; quia, videlicet eo tempore Canon compositus
est, quo nondum cœperant publicè coli in Ecclesia Sancti
Confessores. Siquidem certum est, Martyres cœpisse publicè
invocari, & eorum nominibus dies festos coli, & Basilicas
erigi, ab initio planè Ecclesiæ. Confessores autem multò se-
rius hunc honorem in Ecclesia meruisse:] Sic Bellarminus.

Quid sentiendum de auctoritate, quam affert, Augustini, mox dicitur. Verùm, cum Bellarminus idem, Innocentii III. testimonio præcipuè innitatur, nulla profectò alia ratione, quam ea, qua Innocentii ejusdem verba accipienda esse diximus, intelligenda quoque illa Bellarmini noscuntur. Cum enim ad antiquitatem Canonis comprobendam, in quo nisi Martyres adnotantur, scribit SS. Confessores publicos Ecclesiæ honores serius meruisse; cui in mentem venire poterit, serius eo tempore, quod Innocentius præsignaverat asserere voluisse, eorumdem Confessorum cœpisse cultum, cum præsertim post allata

*Bellarmin lib.21
de Missa caput. 2.
pag.520.*

R

ver-

verba statim subjungat : [Constat autem , ex Concilio Moguntino , sub Carolo Magno celebrato . Canon. 36. Festa Confessorum jam in usu fuisse Ann. DCCC. Siquidem in Cathalogo , Fectorum dierum , ponuntur dies festi S. Martini , & S. Remigii ; igitur ante Ann. Domini DCCC. Canonem compositum fuisse , necesse est] ? Quibus sanè verbis , licet id unum adstruere connexus sit , quod , nempe , Canon ante octavum Sæculum compositus fuerit ; tamen , cum dicit ante sæculum ipsum SS. Confessorum festa celebrata fuisse , profectò ostendit , suum , quod dixerat , multò serius , non ita accipiendum , ut putaretur SS. eorundem cultum , ad longè posteriora sæcula , ut contenditur , pertinere , sed potius ad tempora post Sylvestrum , juxta Innocentii , quam commendaverat sententiam , pertinuisse .

C A P. VI.

S. Augustini sententia perperam usurpata , deteriusque explicata , exponitur ; ejusque geminus sensus exhibetur .

EX his , quæ Augustinus scribit , ut superiori capite vidimus , in lib. de S. Virginitate , elici posse in Missæ Canone non nili recensitos SS. Martyres , Bellarminus arbitratur . Alii verò ulterius progressi , ejusdem Augustini ævo , (quod pluribus in locis ab eo travitum jactant) , Ecclesiam , nedum SS. Confessorum , Sanctarumque Mulierum non Martyrum Natalitia non celebrasse contendunt ; Verùm etiam in Missa , pro iis , uti pro cæteris Fidelibus piè defunctis , orare consuevisse volunt . Cum autem ea tanta loca non signent , in quibus Augustinus idem id adstruat , ac ea divinare fas non sit ; præcipuum idcirco unum illud explorare fat erit , cui Bellarmini præfati innititur conjectura ; quàm illis , quos innui , extendere , dilatareque , intemperantissimè placuit .

Sciendum igitur , in primis , quod Augustinus , totus , ut ita dicamus , est in eo de Sancta Virginitate Libro , ut insinuet , doceatque Virgines animi dimissionem , humilitatemque ; ne , videlicet , ob præclarum , quo decoratæ erant , Virginitatis donum , cæteris , qui eo caruissent , se præferre auderent ; illudque unum , ad æternam consequendam salutem sufficere arbitrantur : huic prospicit scopi Augustini sermo , ut manifestè ipsiusmet sequentia verba declarant .

[Ut enim cætera taceam , undè scit Virgo , quamvis sollicita ,

eta, quæ sunt Domini, quomodo placeat Domino, ne fortè propter aliquam sibi incognitam mentis infirmitatem, nondum sit matura martyrio; illa verò Mulier, cui se præferre gessibat, jam possit bibere calicem Dominicæ humilitatis, quem prius bibendum Discipulis amatoribus sublimitatis, opposuit? Undè, inquam, scit, ne forte ipsa nondum sit Thecla, jam sit illa Crispina?

*August. de Virg.
cap. 44.*

Augustini verba, diligenter sunt expendenda. Virginem etsi sollicitam in iis, quæ Domini sunt, curantemque placere Deo; Nihilominus scire non posse dicit, an propter sibi incognitam mentis infirmitatem, nondum sit apta, maturaque, ad illud maximum, præcipuumque charitatis actum subeundum, ut animam suam, per Martyrium, pro Deo ponat. E contra verò Mulier altera, licet non Virgo, (cuique ipsa Virgo, ob Virginitatis donum se prætulit), apta erit Martyrio, libenterque, & ultrò passionis, calicem bibet. Calicem, inquam, illum Dominicæ humilitatis, quem prius bibendum discipulis amatoribus sublimitatis Christus opposuit, cum, videlicet, ut narrat Matthæus: [Accessit ad eum Mater filiorum Zebedæi cum filiis suis, adorans, & petens aliquid ab eo. Qui dixit ei: Quid vis? Ait illa: Dic, ut sedeant hi duo filii mei, unus ad dexteram tuam, & unus ad sinistram in Regno tuo. Respondens autem Jesus: Dixit: Nescitis quid petatis. Potestis bibere calicem, quem ego bibiturus sum &c.] Appetebant illi duo Discipuli primas in Christi Regno sedes; eorum postulationi, passionis calicem Dominus opposuit; ut nonnisi per passionis humilitatem, ac experimentum, ad sublimes Cœlestium Sedes, pervenire eos posse monstraret. Undè scit igitur, pergit Augustinus, Virgo illa, quæ de Virginitatis dumtaxat dono gloriatur, aut scire potest, se jam esse, ut Theclam Virginem, eum fortè Martyrio apta non sit? Ubi è contra, jam idonea palmæ, præ ipsa Virgine, forsitan erit Mulier illa, quæ, uti Crispina, Virgo non est, cuique, ob Virginitatem, se præferre contendit? Crispina siquidem Virgo non fuit, sed Martyr tantum præclarissima in Africa, de qua in Romano Martyrologio ista habentur. [Thebeste in Africa, S. Crispinæ Nobilissimæ fœminæ, quæ temporibus Diocletiani, & Maximiani, cum sacrificare nollit, jussu Anolini Proconsulis decollata est: quam Sanctus Augustinus sæpè laudibus celebrat.]

Matt. 26. v. 36.

Sub die F. Dec.

Statim autem post præcitata verba, quibus quid significare voluerit, jam neminem latere posse arbitramur, capite eodem ista subiungit Augustinus; [Certè, nisi adsit tentatio, nulla, ut, ni hujus sit demonstratio. Hoc autem tam magnum est, ut,

Ibidem ut supra.

„ cum fructum centenum quidam intelligant . *Perbibet enim* ,
 „ *præclarissimum testimonium Ecclesiastica auctoritas , in qua Fide-*
 „ *bus notum est , quo loco Martyres , & quo defunctæ Sanctimoniales ,*
 „ *ad Altaris Sacramenta recitentur .* Sed quidquid &c.]

Adeò hæbes nemo est , ut non intelligat hic Augustinum ; de Virginibus differere , quarum incomperta virtus erat ; ne , videlicet , ut dicebamus , de Virginitatis dono se inaniter extollentes , cæteris , qui eo carerent , se præferre auderent ; cum accideret posset , Virginem , propter incognitam sibi mentis infirmitatem , non dùm esse Theclam , idoneam palmæ , & Mulierem nuptam , uti Crispinam , jam maturam esse victoriæ : additque , nisi per tentationem rei hujus demonstrationem fieri posse per tentationem , in quam , Martyrii , per quam absolutissima est demonstratio , & finalis perseverantiæ , & adeptæ æternæ gloriæ : quam quidem nullatenus præbere unam Virginitatem , vel ex eo aperte cognoscitur , quod stultæ Virgines fuerint , à Cœlesti Sponso , è nuptiis repulsæ . Undè in Inferno plures Virgines detruse sunt , nullus verò verus Martyr , à Beata Patria rejectus reperitur . Ad id verò adstruendum , præclarissimum Ecclesiasticæ auctoritatis testimonium in medium profert Augustinus , in quo fidelibus notum esse dicit , quo loco Martyres , quoque defunctæ Sanctimoniales , ad Altaris Sacramenta recitentur .

Sit igitur , quod in Canone Missæ , (uti etiam nunc) , soli Martyres recitentur , (ad quod comprobandum , textum hunc Augustini Cardinalem Bellarminum maximè in medium protulisse censei potest .) ; Quid tamen id cum ea , de qua agimus quæstione , si Augustinus idem , de Virginibus , quarum incomperta erat virtus . De Virginibus , quarum per nullam tentationem doni Cœlestis facta fuerat demonstratio . De Sanctimonialibus , inquam , quæ licet virginitatem professæ fuissent , tamen , propter aliquam mentis infirmitatem sibi incognitam , multò nuptis Mulieribus deteriores essent ; & licet , ut Thecla virginitatem custodissent , tamen non modò , ut Thecla Virgo , sed neque , ut Mulier Crispina , charitate , cæterisque virtutibus præfulsissent ? Hujusmodi verò , ad Altaris Sacramenta , diverso ab eo Martyrum loco , qui dicitur : (Memento pro Defunctis) ; non modo Augustini , sed semper , & nostro hoc quoque tempore recitare consuevit Ecclesia . Verùm , quid id cum eo , quod illi , quos memoravi , adstruere conantur , vel commune habet , vel habere potest ? quod , scilicet Augustini ævo , nedum SS. Confessorum , ac SS. Mulierum non Martyrum Natalitia non celebrarentur ; verùm etiam in Missa , sicut pro cæteris quibuslibet pie defunctis oraretur : Si illæ , pro quibus , diverso ab eo Martyrum

rum loco, Sanctimonialia Ecclesia orabat, non modo, uti Theclam, sed neque uti Crispinam esse, manifestum non erat? Si incompertum omnino erat, an odio, vel amore dignæ, ex hac vita decessissent; vel, an adhuc maculis, ex humana fragilitate contractis expiata, lucis æternæ beatitudine perfuerentur? Pro iis certè diverso, ab eo Martyrum loco, orabat Ecclesia, quarum merita, virtutemque inexploratam habebat, uti, & modò etiam orat, & pro Sanctimonialibus, & pro cœteris pie Defunctis. At secundum Augustinum, vel perperam absque dubio, ex allatis Augustini verbis elicitur, orasse pro Sanctis Virginibus, & Confessoribus post agnitam, approbatamque à se illorum virtutem, & merita; ac eodem loco, ac cœteros defunctos, eos habuisse. Hoc Augustinus nunquam dixit, nec unquam, nisi per summam injuriam, æquè Augustini, Ecclesiæ, ac Sanctarum Virginum, & Confessorum, dici potuit.

Dicent fortè; quid igitur? Si SS. Virgines, & Confessores, nec inter, vel cum Martyribus recensebantur, nec cum cœteris Fidelibus defunctis eorum memoria agebatur? Quibus nos breviter respondemus, Festis, natalitiis, celebratis Deo, in ipsorum honorem Divinis Mysteriis, uti modo, Ecclesiam ipsos veneratos esse; uti nunc, inquam, cum videlicet in ipso Canone Missæ, & inter Martyres, & inter Defunctos, eos præterit; in reliquis verò venerandam illorum memoriam agit.

Cur verò soli Martyres semper ab Ecclesia universali in Missæ Canone recensiti fuerint: probabilius ex his, quæ Durandus scribit, intelligi posse videtur. [Potest dici (inquit) quod „ idè in Canone solum fit mentio de Martyribus: quia cum „ hoc Sacramentum sit Sacramentum amoris, in ipsius Sacramenti ministerio debet solum memoria fieri de illis, in quibus „ specialius apparuit signum veri amoris. In Apostolis apparuit per temporalium abjectionem: in Martyribus per corporum tormentis expositionem. De primo Matth. 19. Ecce nos „ relinquimus omnia &c. De secundo Sapient. 3. Et si coram „ hominibus tormenta passi sunt &c. Rursus idè non fit mentio „ de Confessoribus: quia illi non sunt passi sicut CHRISTUS: „ cujus Passionis est memoriale hoc Sacramentum.] Sic Durandus.

C A P. V I I.

De Mozarabo ritu , ejusque institutione , quorundam sententia expenditur .

DEnique addunt , quod donec viguit Mozarabum ritus in Gallia , scilicet usque ad Sæculum VIII. , & in Hispania , usque , nempè ad Sæculum XI. : in his Regionibus oratum fuit pro Sanctissimis Confessoribus , qui quartum , quintum , sextum , & septimum Sæculum illustrarunt ; idque constare asserunt ex ipsamet juxtà Ritus Mozarabum . Missa , in qua inter alia Defunctorum , pro quibus orabatur , nomina etiam eorum fuere recensita (ajunt) quos Catholica Ecclesia , Sancti Spiritus infallibilis magisterio edocla , cum Beatis æternæ Patriæ Civibus veneratur .

Ut Nodum autem hunc solvant , dicunt : quod licet nobis ignotum sit tempus illud , quo Sancti Hispaniarum Episcopi , Ritus hunc instituerunt : nihilominus existimandum esse , eo fuisse compositum tempore : quo solis Martyribus , publicus , & solemnus cultus concedi solebat : reliqui autem , præsertim Episcopi , qui in pace Ecclesiæ , etiam cum opinione Sanctitatis decedebant , sacris Defunctorum tabulis , inscribi , eorumque nomina promiscuè legi consueverant : ita ut nullum discrimen esset , inter illos , qui postea Sancti nuncupati sunt , quales fuerunt Hilaris , Athanasius , Martinus , Ambrosius , Augustinus , Fulgentius , Leander , Isidorus , & cæteros , quibus hic titulus nunquam tributus fuit . Cum igitur eo tempore , utrorumque par causa esset , nec ulla Ecclesiæ declaratione constaret quemquam ex illis Dei visione perfrui , & consequenter viventium non indigere suffragiis , pro omnibus indiscriminatim , preces , & Sacrificia offerebantur . Hæc illi .

At quàm falsò hæc supponant , post innumera propè ea , quæ suprà in medium protulimus , tum à Græca , tum à Latina Ecclesia mutuata exempla ; Superfluum est ostendere , cum à primævo Christianæ Religionis exordio , evidentissimè constet , non indiscriminatim , ut ipsi excogitarunt , sed signantissimè veneratione , ac cultu , Sanctos non Martyres , à cæteris Fidelibus Defunctis fuisse discretos . Pugnant deinde , quæ hic dicuntur , de ignoto videlicet tempore , quo ritus hic institutus fuit , cum iis , quæ alibi , ut videbimus , contra Cardinalem Baronium asseruntur ;

runtur; cum, nempe, longè ante septimum Sæculum, Sæculo nimirum quinto, ritum ipsum adinventum comprobant, ac promodum digito ostendunt.

Verùm, præ aliis sententiam hanc, (qua putarunt ritum, hunc institutum fuisse tempore, quo solis Martyribus, publicus, & solemnus cultus concedi solebat), ea ipsa, quæ afferunt mirè dejiçunt. Contendunt ipsi, inquam, tunc fuisse institutum, cum soli Martyres venerabatur: igitur certè, (ut ex supra allatis, ex Innocentio, & Bellarmino patet), ante quartum, quintum, sextum, ac septimum Sæculum. Sit verò, quod Sæculo tantum quinto, ut ipsi volunt, fuerit institutus: qua, quæso tamen ratione, cum institutus fuit, promiscuè, inter Defunctorum cæterorum adnotari potuerunt etiam Confessorum Sanctorum nomina, quæ recensent; si ipsorum plures, non nisi posterioribus Sæculis floruerunt?

Aliud quippe fuit, & est, scribere cum Innocentio Tertio, nonnisi SS. Martyrum in nostro Canone nomina haberi, quod tunc compositus fuerit, cum Sanctos Confessores, pari Martyribus cultu, Ecclesia minimè veneraretur; aliud, quod Leander, Fulgentius, Isidorus, & aliique longè post quintum Sæculum, floruerunt, & in Canone præfato Mozarabo recitantur, indistinctè, ex primæ institutione inter defunctos alios recenserentur. Hoc siquidem, neque primæ ipsi institutioni, neque ævo illi, quo soli Martyres colebantur congruere, sed tantum ad additionem deinde factam spectare potest; nam, ut innuimus, nomina hæc, nonnisi post mortem Confessorum eorundem, quarto, quinto, septimo Sæculo, in eo Canone conscribi potuerunt. Ubi è contrà, quod de Martyribus Innocentius scribit: & Canonis institutio, in quo ipsi dumtaxat Martyres habentur, ad primæ Ecclesiæ Sæcula pertinere, probabiliter putari posse, Pontifex idem dicit.

C A P. V I I I.

De ipsius Mozarabi ritus institutione dissertatio ulterior. Juxta ipsum orari pro sanctis Confessoribus non potuit.

AT dicent, Mozarabum ritum non tempore, quo Canon Missæ, sed longè post institutum; & quia longè post institutum, quarto, videlicet, vel quinto sæculo; idcirco, ex ipsomet probari, iisdem sæculis, nondum cultum SS. Confessores obtinuisse, quod

quod in eo indistinctè cum aliis defunctis eorum nomina recitariantur.

Verùm, quacumque via, qui hæc effutire audent, incedant, semper offenditur scopulus. Vel enim Mozarabus ritus tribus primis Ecclesiæ sæculis institutus est; & fateri necesse erit in eo additamentum, quidquid de SS. Confessoribus in ipsis commemoratis habetur: quia Confessores iidem in ipso scripti, Hilarius, Athanasius &c. eo tempore, nedum mortui, sed nec quidem nati erant. Si verò posterioribus sæculis institutus dicatur, nempe quarto, quinto, vel sequentibus; cum eo tempore, absque dubio, ubique Terrarum Sanctorum Confessorum cultus receptissimus esset; meritò idcirco ambigi nequit, officia, Missæque eorumdem Sanctorum, quæ in ipsa Mozaraba Liturgia passim offenduntur; ad ipsum quoque tempus, quo Liturgia eadem instituta fuit pertinere: tum quia ratio excogitari non valet, ob quam putandum sit, unum eum Mozarabum ritum, Confessorum rejecisse cultum, quem, ut diximus, toto Orbe diffusa Ecclesia eo tempore absolutissimè recipiebat: tum etiam quod, ex præfatis officiis, ut dicitur, eo tempore ipsa fuisse composita, apertissimè intelligatur. Si igitur ita accipienda est SS. Confessorum, in Mozarabo Canone, commemoratio, ut, sicut pro Defunctis cæteris, oratio facta putetur: juxta ritum eundem fateri necesse erit, incertos simul, & certos eorumdem gloriæ fideles tunc extitisse. Incerti, cum pro illis orabant, ut ad Beatitudinem pervenirent: certi verò, cum eorum officia, & solemnitates, (quæ illis tantum congruunt, qui jam Paradisi gaudia sunt adepti), celebrarent. Nam si incerti erant, inquam, de illorum beatitudine; qua ratione eorumdem officia, ac Natalitia colebant? Si certi, cur pro illis, uti pro cæteris defunctis, quorum æterna felicitas inexplorata erat, preces fundebant? Duo hæc, ut omnibus patet, simul esse nequiverunt, cum una alterum necessariò explodat, excludatque; atque Catholicæ Ecclesiæ regulis minimè congruere possunt; quæ pro illis dumtaxat orat, quos nescit, an jam Cœleste Regnum sint assecuti, ut assequantur; eorum verò Orationibus se commendat, quos jam credit Deo perfui, & suffragiis suis non amplius egentes, intrasse in gaudium Domini sui.

C A P. I X.

Alia, de ipso Mozarabo Ritu, & rejiciuntur.

AD hæc fortè dicent, quod licet quarto, vel quinto Sæculo Ritus Mozarabus institutus dicatur, quo tempore, ut ostendimus, absolutissimum cultum in Ecclesia Sanctos non Martyres obtinuisse, nemo tam impudens est, ut negare valeat; tamen prioritatem aliquam temporis fortè esse excogitandam, in qua primò statutum credatur, ut pro Confessionibus ipsis oraretur, ac deinde, ut ipsorum officia, Natalitiaque celebrarentur; ita tamen, ut hæc superaddita, nihil eorum, quæ antea statuta fuerant, immutarent.

Verùm, (præterquamquod, qui ista effutire auderet, erroris maculam probatissimæ Hispaniarum Ecclesiæ gratis impingeret, cum, ut mox diximus, simul esse nequirit, ut uno, eodemque tempore, & pro Sanctis oraretur; & deprecarentur Sancti, ut suis nos orationibus adjuvarent): objectionem hanc funditus ea evertunt, quæ in medium illi proferunt, qui à Cardinalis Baronii (existimantis Ritus Mozarabi primum Auctorem, fuisse Isidorum Hispalensem, anno 533.) sententia revidunt, cui ne statim adhæreant, quædam esse, dicunt, quæ gravem ingerunt difficultatem, Nam primò in Missa S. Martini, in Oratione post nomina, ista leguntur. (*Hunc Virum, quem ætatis nostræ tempora prætulere, jubeas auxilium nostris ferre temporibus.*) Martinus autem obiit Anno Domini 402., & primus, ex Confessoribus paulò post obitum, publico cultu cœpit honorari; ergò (inquirunt) multò ante Isidorum, hæc Missa scripta fuit. Verùm si id, ob quod se præcipuè motos dicunt, ut Ritus Mozarabum multò Sæculo septimo, (quo compositum fuisse Cardinalis Baronius putavit), anteriorem arbitrentur, Missa existit, quæ in ea Liturgia habetur S. Martini, sub Sæculi quinti initium vita functi: eo quod in illa expressè tempus idem declaretur, ac præsens dicatur: undè inferre oporteat, quinto eodem Sæculo, Missam eandem compositam fuisse: Missam, inquam, in qua, per Sancti Martini intercessionem, Divinum imploratur auxilium. In hac, quàm ipsimet statuunt hypotesi, dicant quæso ipsi, quonam alio præcedenti Sæculo, pro eo quod ad ejus intercessionem apud Deum confugerint, Fideles pro eo potius, uti pro defunctis cæteris, orandum Deum existimare poterunt?

S

In

In Miffa eâdem, cultum, & quidem publicum S. Martino aſſerunt, & dicunt (perperam licet, ut integrum, totumque id opus maniſeſtiſſimè oſtendit): Fuiſſe primum, ex Confefſoribus, paulò poſt obitum, qui publico cultu cœpit honorari: Moxque addunt: Ergo multò ante Iſidorum, hæc Miſſa ſcripta fuit: Si igitur paulò poſt obitum publico cultu S. Martinus honorari cœpit; quo pacto deinde ſupponunt, tamdiù poſt, indiſcriminationim pro eo oratum fuiſſe, non modo, uti pro SS. Confefſoribus aliis, quorum nomina recenſent, ſed etiam pro cæteris defunctis? Qua, inquam, ratione coherere poſſunt, & quinto Sæculo compositus Mozarabus Ritus, & quinti Sæculi initium, quo cultus publicus paulò poſt obitum S. Martino decretus fuit; cum poſterioribus Sæculis, (ut alia omittamus) S. Leandri, S. Iſidori, cum quorum nominibus, in præfato Canone æquè illud etiam S. Martini oſſenditur?

Reſpondebunt fortaſſè, poſtremis his Sæculis, nulla Eccleſiæ auctoritate conſtaſſe S. Martyrum Dei viſione perfrui, & conſequenter viventium non indigere ſuffragio? Verum, qua quæſo ratione id, ſi Eccleſia ipſa, & juxta ipſum Ritum Mozarabum, antea ei cultum publicum aſſeruerat, & quin cum ſuffragiis juvaret, ſuffragia potius illius apud Deum imploraverat? Denique quocumque nos vertamus, ratio excogitari non valet, per quam a contradictione, & falſitate ſententias hujusmodi vindicare poſſimus.

C A P. X.

Ritus Mozarabi verior interpretatio, à Cardinali Bona in medium produſta.

Verior igitur ſententia ea habenda eſt, quàm Cardinalis Bona, in medium profert, his verbis.

[Illud inſupèr advertendum, quod veteris Eccleſiæ phraſi, etiam pro Juſtis, & Sanctis, atque aded pro ipſis Martyribus, Sacrificium offerri dicebatur; non quidem pro eis orando, non enim ignorabant antiqui Patres, ſuperfluum id fore, cum perſuaſiſſimum omnibus eſſet, Martyres Chriſti, ſtatim poſt obitum, ſupernæ Patriæ felicitate perfrui, ſed pro illorum honore, & commemoratione. Teſtatur hoc Cyprianus Epistol. 34. in qua diſſerens de Martyribus: [qui palmas à Domino, & coronas, illuſtri paſſione meruerunt.] ait: [Sacrificia pro eis ſemper, ut meministi offerimus.] quod, pro illorum commemoratione intel-

intelligendum esse, idemmet clarius edifierit. Epist. 37. dicens : [Dies eorum, (qui scilicet in carcere, & vinculis propter Christum detenti decesserant) quibus excedunt annotatæ, ut commemorationes eorum, inter memorias Martyrum celebrare possimus.] Et inferiùs : [Celebrantur hic à nobis oblationes, & Sacrificia, ob commemorationes eorum.] Aliter explicat hanc phrasim, qua etiam in Liturgia utuntur Græci, Nicolaus Cabasilas, in ejusdem Liturgiæ explicatione Cap. 33., ut offerri dicatur Sacrificium pro Sanctis, in gratiarum actionem Deo, pro donis, ab eo eisdem collatis. [Hi enim, (ait), idest Sancti sunt Ecclesiæ, agendarum Deo gratiarum causa. Pro his offert rationabilem hunc cultum, tanquam Deo gratiarum actionem, & pro cæteris omnibus, pro B. Dei Matre, ut quæ omnem Sanctitatem excellat. Propterea nihil pro eis orat Sacerdos, sed potius eos orat, ut ab eis in orationibus adjuvetur. Quia non ad supplicationem, sed ad gratiarum actionem, ut dictum est, facit pro ipsis donorum oblationem.] Sic Cajus Papa, ut refert Baronius, anno 295. n. 9. à die, quo Susanna Virgo Neptis ejus, martyrio coronata fuit, in loco ubi percussa est, jugiter obtulit Sacrificium, pro ejus commemoratione. Innocentius III. Cap. Cum Marthæ, de celebratione Missarum, secretam orationem S. Leonis, prout legitur in antiquis Codicibus, videlicet : [Annuere nobis Domine, ut animæ famuli tui Leonis, hæc profit oblatio.] ita explicat, ut profit illi ad honorem, adeunt magis à Fidelibus glorificetur, quod sit ejusdem annua commemoratione. Sive igitur, in commemorationem, sive in gratiarum actionem, sive in honorem, modo explicato, Sacrificium pro Sanctis offerri dicatur; nihil in hoc, vel Fidei Catholicæ, vel Ecclesiasticis Ritibus dissonum est.] Hæc ille.

C A P. XI.

Vocabula quædam, ac phrasæ indistinctè aliquando, pro Sanctis, & non Sanctis, ab Ecclesia usurpatæ. Quare ratione in commemoratione Mortuorum in Missa, Sancti quoque recensiti fuerint.

Quid plura? Si sicut antiquitus, sic & modo, vocabula quædam, promiscue, ut ita dicamus; Sancta in hujusmodi usurpat Ecclesia? Exemplo illud, inter alia, sit *Commemoratio-*

nis; quod mōx vidimus, cum de SS. Martyribus ageret, non semel à S. Episcopo, & Martyre Cypriano usurpatum. In Missali siquidem, & Breviario Romano, indistincte, tam pro Sanctis, quam pro Fidelibus cæteris defunctis accipitur: Legiturque in eis, & insuper in Romano Martyrologio adnotatum, sub die 2. Novembris. *Commemoratio omnium Defunctorum*: Legiturque pariter, ubi de Sanctis, qui sub ritu simplici coluntur, ubi eorum Festum incidat, vel in Dominica, vel ea ipsa die celebretur, quo aliud, vel duplex, vel semiduplex, vel duplex primæ classis; vel in Feriis Adventus, ac Quadragesimæ, vel in illis Quatuor Temporum, vel demum in Vigiliis toto anni tempore occurrentibus; sive, exempli gratia: [*Commemoratio S. Saturnini. S. Urbani*]; Sive. [*Pro commemoratione S. Eleutherii*]; Sive: Non fit *commemoratio* S. Adriani, nisi in laudibus. Sive: [*Et non fit commemoratio S. Blasii,*] sive demum, [*absque ulla commemoratione*]; Sanctorum, videlicet simplicium ea die occurrentium. Quis autem legens putet idem omnino sibi velle vocabulum hoc commemorationis, cum illud æquè pro Sanctis, ac Fidelibus cæteris piè defunctis usurpatum offendit?

Idem dicas, necesse est, de phrasibus, quibus aliquando Ecclesia utitur. En quomodo dicit in Secreta Missæ, quam in die obitus alicujus fidelis recitandam decernit: [*Ut per hæc placationis officia pervenire mereamur ad requiem sempiternam.*] Et tamen deprecantis una, ac optantis videtur etiam secreta alia, quam in communi Confessorum Pontificum recitat, estque iisdem ferè verbis concepta, nam dicit: [*Ut per hæc placationis officia, & illum beata retributio comitetur*]. Et tamen, quis unquam prioris secretæ, aliter accipienda verba putavit, nisi ut credat Ecclesiam illud tantum optare, deprecarique recens Defuncto illi, ut per ea, nimirum, Sacrosancta Missæ Mystéria, culpis expiato, concedatur, ut quamprimum in Cœlestem Patriam ingressus pateat? E contrà verò, quis secretæ alterius verba sic accipienda censuit, ut per exhibita ea placationis officia, sanctum illum Pontificem, in cujus honorem ipsa Deo offeruntur, (& offeruntur, non nisi quia in Cœlesti Patria constitutus idem firmissimè creditur), quam nondum obtinuerit, beata tandem retributio comitetur?

Addam demum quod Marcellus de Cavalariis Ordinis Prædicatorum in sua Statuta Sacra Tit. XXIV. de Canon. post consecrationem, ubi de Commemoratione mortuorum agit, his verbis scribit: [*Etiā hoc loco, ex diptycis, de quibus Tit. 19. ex Apostolica traditione, seu institutione, ex ambone, vel ad tempus, vel etiā perpetuò nominabantur, qui aliqua spe-*
ciali

„ ciali nota digni , è vivis exceſſerant] . Et nonnullis interje-
 „ ctis : [Hujus autem commemorationis , non ſemper ſcopus erat ,
 „ ut peteretur hujus ſacrificii effectus ; nam aliquando nomina-
 „ bantur Sancti , etiam Martyres , de quorum æternæ felicitatis
 „ poſſeſſione , ſtatim poſt obitum , nullo unquam tempore ſu-
 „ perſtitit dubitatio ; imò , ex Dionyſio cap. 3. de Eccleſ. Hierar.
 „ habetur , hanc fuiſſe pro Episcopis ſpeciem quandam Canoni-
 „ zationis . Sæpe ergo nominabantur , ob gratias Deo reddend-
 „ das , pro donis , ab ipſo iſdem collatis , ſeu ut illis gloria hinc
 „ accidentalis eveniret ; quo ſenſu , & nunc dicimus pro ſan-
 „ ctis Sacrificium offerre , ut alibi dictum eſt :] Sic ille .

C A P. X I I.

*Cultui SS. non Martyrum nihil officere oſtenditur
 Confessoris Vocabulum , SS. Martyribus
 tantum olim tributum .*

AD hæc , qui Sanctorum non Martyrum priſco cultui de-
 tractum volunt , aliud addunt , quod magis ad dilatandas
 (alias cuique etiam rudi , & imperito obviæ) eruditionis phi-
 laſterias , quam ad rem , de qua diſeritur , eſſe noſcitur . De-
 ceptum ſiquidem abſque ulla hæſitatione cum pronunciant , qui
 SS. non Martyribus antiquam venerationem , cultumque aſce-
 ruit ; quod ideò id eis tributum exiſtimariſſe putant , quod ſub
 Confessoris vocabulo , plures in Eccleſiaſticis tabulis ſancto-
 rum albo deſcriptos , offendit . Qui enim (inquit) huiusmodi
 titulo prænotabantur , quin eo ſenſu nuncuparentur , quo modo
 Sancti , qui Martyres non ſunt nuncupantur ; è contra potius eo
 nomine exornati fuere , quod revera Martyres extitiſſent ; unde
 Confellores ex ea potiſſimum cauſa dicebantur , quod ante Re-
 ges , ac Idololatrias Judices pertracti , publicè Chriſtum confeſ-
 ſi eſſent . Quotieſcumque igitur in veteribus Eccleſiaſticis mo-
 numentis , (dicunt) , vel cultum , vel aliud venerationis genus
 SS. Confelloribus tributum legitur ; adeò Confelloribus , eo ſenſu ,
 quo nunc , conſeſſum fuiſſe putandum non eſt ; quod , è contra
 ſolis SS. Martyribus elargitum probè intelligi debet . Et ut omni-
 gena eruditione ſe exornatos oſtendant , plura (quæ fortè nun-
 quam viderunt , neque à longè ſalutarunt) , SS. Patrum testi-
 monia coaccervant , quæ ſimul tamen congeſta , apud unum Baro-
 nium , ad manus quiſque habet ,

*Baron. in Not.
 ad dictum 2. l. an.*

Ve:

Verùm qui ista in medium produxere, in hoc maximè terribilissimam allucinationem sunt passi, ut institutam à nobis disputationem, non quidem de re, sed de nomine arbitrati sint. Sit enim, quod priscis Ecclesiæ Sæculis, Confessorum vocabulo, nonnisi Martyres censerentur: Id quid ad nos? Ubi nam probare contendimus eos, qui tunc Confessores dicebantur, Martyres non fuisse? Quin id diffiteamur, ultrò fatebimur haud rarò in Ecclesiasticis Historiis, præclarissimos Martyres, Confessorum vocabulo decoratos. At, quid inde? Quia igitur jis Martyribus, qui Confessores dicebantur, decreta Natalitia, cultus, & veneratio legitur; ideò honores huiusmodi, vel SS. Martyribus tantùm, vel SS. Confessoribus dumtaxat, qui Martyres extitissent ab Ecclesia statuti fuerunt? Ideò, qui neque Martyres, neque Confessores, eo sensu erant, quo Martyres recensentur, honores ipsos minimè obtinuerunt? Sit, quod illi, qui Sanctorum Confessorum nomine hodiè vocantur, hoc Confessorum vocabulo exornati non fuerint; Ergo, ex his elicitur Sanctos, quos Confessores modo tantùm nuncupamus, quorumve ingens numerus egregiis facinoribus universam Ecclesiam, ab initio illustravit, neque cultum, neque venerationem apud Fideles adeptos esse? Id disputationis caput, cum quo nil commune, vel habet, vel habere potest quæstio à solo nomine mutuata.

C A P. XIII.

Natalitia in die assumptionis Episcoporum antiquitus peracta, alia fuisse à Natalitiis, in SS. Episcoporum obitu celebratis ostenditur.

HUic non absimile est aliud, quod contra SS. Confessores Pontifices proferunt. Quod enim, (inquiunt) eorum Natalitia in Ecclesiasticis tabulis, Sanctorumque veterum Patrum scriptis, sæpè prænotata inveniantur; mirum certè videri non debet; nam, ut Cardinalis Baronius scribit: [Laudabilis, in Ecclesia viguit antiquus usus, ut dies anniversaria ageretur, qua quis alicui Sedi præfectus esset Episcopus. Id etenim, tam in Occidentali Ecclesia, quam in Orientali etiam observatum, innumera ferè docent exempla:] Quod repellantur, igitur Episcoporum in Ecclesiasticis tabulis adnotata

Na-

In Not. ad Mart. tyrol. sub die 18. Januarii.

Natalitia; id non ad Natalitia ea, quæ in Sanctorum Solemnitatibus agi consueverunt, sed ad illa potius, quæ in anniversariis ipsorum ad Episcopatum assumptione celebrabantur, esse referenda, perspicue intelligitur. Hæc illi:

Et hic quoque, ultrò fatemur, assumptionis Episcoporum Natalem diem celebrari consuevisse; at non ex hoc sequitur Sanctorum Episcoporum Natalitium alterum, feliciorumque obitus illorum, celebratum etiam non fuisse. [De consuetudine (solemniter, videlicet celebrandi diem assumptionis Episcoporum) Orientalis Ecclesiæ satis monent, (inquit Baronius) Græcorum Menologia, in quibus S. Basilii, Joannis Chrysostomi, & aliorum agitur Sedis illorum Natalis dies:] An verò propterea, quod SS. Basilii, ac Joannis Chrysostomi hæc Solemnitas agebatur, Græcorum eadem Menologia celebriorem alteram ipsorum ad Cælum transitus, vel prætermittebant, vel non celebratam edicebant? En quæ idem Baronius scribit, dum de die depositionis S. Basilii agit: [Non solum Latina omnia, Martyrologia, sed & Græci de eodem hac die agunt, ut constat, ex eorum Menologiis]. Et de die obitus S. Joannis Chrysostomi disserens: [Eadem hac die Græci in Menologio, qua ex humanis esse sublatum, qui ejus Acta scripserunt, testantur Pallad. Leo August. Metaphrast. Gregor. Alexand. Cassiodor. tripart. lib. 10. cap. 18. Nicephor. lib. 13. cap. 17. & alii.] Additque: [Penes Socratem lib. 6. cap. 19. textus depravatus reperitur, & loco XVIII. Kal. Octobr., legitur XVIII. Kal. Decembris; cujus erroris ea videtur esse occasio, quod ob solemnitatem S. Crucis, Græci transferunt hanc Solemnitatem in eam diem, vel, (ut alia habent Menologia), ad Idus Novembris, ut ponitur etiam in dicto eorum Menologio.] Et quidem, juxta hæc, uti cæterorum Episcoporum, solemnitatem etiam assumptionis SS. Meletii, & Philogonii, ad Episcopalem Cathedram celebratam fuisse, ritè in dubium vocari non potest; & tamen, quis inficiari poterit, ipso S. Joanne Chrysostomo teste, alteram illorum depositionis, celebriorem non extitisse?

Idem dicas, oportet, factum in Latina Ecclesia, cujus rei sat erit unum producere S. Ambrosii exemplum. De ordinationis ejus die, præfatus ista scribit Baronius. [Non tantum Latini, sed & Græci eandem celebrant Solemnitatem, Natalemque dicunt, ut constat, ex eorum Menologio hac die.] De obitu vero die, sub quarto Aprilis obsignata solemnitate, dicit. [De eadem Beda hac die, & prid. Kalend. Aprilis, cæteri omnes hac item die:]

Ex quibus omnibus sanè apparet, quàm inepta, ac nullius pon-

Ibidem ut supr.

Ibidem sub die 1. Januar.

Ibidem sub die 14. Septembris.

Ibidem ut supr. sub die VIII. Dec.

Ibidem sub die 4. April.

ponderis Adversariorum sint argumenta, quibus suadere volunt in Sacris Tabulis recensita SS. Confessorum Pontificum Natalitia, ad eorundem tantum ordinationes pertinere. Erant siquidem in illis ipsa adnotata; sed præter illa adnotata etiam, legebantur altera, & quidem solertia majori, diligentiorique studio, quæ in felicissimo depositionis illorum die observabantur. Cujus rei evidentissimum testimonium est, quod in ipsis Ecclesiasticis Tabulis, haud dubio ab antiquis acceptis, raro admodum SS. Confessorum Pontificum assumptionis Natalitia recensentur; semper vero ea obitus, eorum adnotantur.

Quod si aliquando factum cognoscimus, ut Ecclesia, prætermissa, quodammodo obitus solemnitate, ut in Sanctis Basilio, & Ambrosio, alteram ordinationis ipsorum celebriorem habuerit; non ob id certe aliquid priori detractum voluit; imo unam cum altera cumulare potius intendit, quod seorsim eas colere non potuerit. Et sicut Græci, ut paulò ante, ex Baronio retulimus, dici obitus S. Joannis Chrysostomi solemnitatem, in alteram diem, (quod impedita ea esset, ob Festum Exaltationis Sanctissimæ Crucis) transtulere; Sic Latina Ecclesia, ad SS. Basilii, & Ambrosii ordinationis diem, ipsorum mortis Natalitia rejecit: quod S. Basilii Natalis obitus, in die octavæ Nativitatis, & Circumcisionis Domini incideret: Et dies obitus S. Ambrosii, vel ab Hebdomada majori, aut Paschate, aut ipsius Octava, ut plurimum impedita esset.

C A P. X I V.

Contra vetustissimum Sanctorum non Martyrum cultum, ex Sacris, quas adhuc habemus ipsorum reliquiis comprobatum, nil valere ad Adversariis proposita argumenta monstratur.

SI demum illud producat, contra id, quod ad adstruendum SS. non MM. perpetuum in universa Ecclesia cultum afferatur: ipsum, nimirum, aperte comprobatum iri, ab ipsis, quas ipsorum habemus, ac veneramur Sacris Reliquiis; cum excogitari penè non possit, qua ratione ad nos ipsæ pervenire, post diuturnissima Sæculorum spatia potuerint, si à majoribus studiosè servatæ, ac cultæ, nobis traditæ non fuissent; ipsique Majores

Ari, uti cœtera fidelium corpora, indiscriminatim ea condidissent, nec loco, nec cultu aliquo, ab aliis segregassent. Hæc (inquam) præsertim, quo ad Episcopos facile rejici posse fortè dicent. Segregatus siquidem defunctorum Episcoporum cadaveribus locus tribui consuevit; quare ubi deinde, qui inter illos extiterant sanctitate præclari, coli, venerarique cœperunt; haud difficulter ipsorum corpora inventa, & ab ossibus cœterorum, istorum lecta, ac venerationi fuere proposita.

At id, quo ad Episcopos. Verum quid de Sanctis aliis, qui Episcopi minimè fuerunt sentiendum existimant, quorum reliquias æquè, ac illas Sanctorum Episcoporum, à majoribus traditas habemus? Unde illorum cuique, ac omnibus simul, & quidem tota Ecclesia segregatus locus tribui debuit; unde postea ab innumeris cœterorum fidelium cadaveribus, internoscere, selegique potuerint, ut fidelium cultui proponerentur; ac deinde à Majoribus colendæ ille nobis traderentur? Tot SS. inquam Eremitarum, SS. Presbyterorum, Diaconorum, SS. Virginum, ac Mulierum reliquiis; ex qua lege, institutoque Ecclesiastico, peculiaris locus primùm tributus, vel ubi postea colebantur, vel undè translata colendæ nobis pari honore tribuerentur? Censendum siquidem necessariò est, cum primùm ex hac vita migrarunt speciali studio, præ aliis, non modo ipsorum sacra corpora curata fuisse; sed res insuper, quæ iisdem usui fuerant, ac uti reliquæ ad nos usque devenerunt, fuisse observatas; nam si servatæ non fuissent, quemadmodum aliorum Christianorum servatæ non sunt; qua ratione ad nos pervenissent?

Ad id vero, quod de Episcopis asseritur, uti quod mox asseram exemplum ostendit, semper eum morem, (ut segregato, nempe loco eorum corpora tumularentur), servatum non fuisse perspicuum est. At fuerit; peto, an licet Episcoporum omnium corpora, uno, eodemque loco simul conderentur; ulterius tamen ipsorum unicuique in loco ipso, vel alibi proprius locus tribuebatur, vel potius indistinctè ea corpora locabantur? Si dicant eodem loco indistinctè Episcoporum corpora fuisse condita; eadem emergit difficultas, ab invicem ea segregandi, quàm de Sanctis cœteris proposuimus; & hinc impossibilitas Sanctorum, à non Sanctorum Reliquias secernendi, cum videlicet, ut contendunt, posterioribus tantum Sæculis, coli cœperunt. Si verò unicuique proprius locus, tribuebatur; cur inter eos loculos, post duo, exempli gratia, vel tria Sæcula, cœteris aliis, qui Sanctorum non erant, pereuntibus, ii tantùm, qui Sanctorum erant, superstites fuerunt, & à Fidelibus obser-

T

vati;

vati; si fideles iidem, cultu, ac veneratione eos minimè antea prosequuti essent?

Vit. Pat. lib. X.
pag. 40. pag. 805.

Denique cum morem, vel distincto loco Episcopos, tumulandi, vel segregato, peculiarique loculo eosdem condendi, semper servatum non fuisse; manifestè, ut innui, ostendit, quod apud Sophronium his verbis ab infirmo quodam sanato prolatis habetur. [Ex qua die (Abbatem Cosmam Eunuchum) sepelistis, „ usque ad diem hanc, audio illum singulis noctibus clamantem, „ & dicentem ad Episcopum: *Noli me tangere, Hæretice, ne ap- „ propinques mihi, inimice Sanctæ Dei Catholicæ Ecclesiæ*. Hæc ego audiens ab eo, qui sanatus fuerat, perrexi, & omnia ex or- „ dine Patriarchæ retuli &c.] Sic ibi, ex quo, nimirum, duo colligere est: Episcopum eum, nec in segregato cum aliis Episcopis loco, neque in segregato etiam loculo conditum fuisse. Non primum, quia in eodem Episcopi sepulcro tumulatus fuit etiam Abbas Cosmas, qui Episcopus non erat. Non secundum, quia si saltem distincto loculo Abbas idem requievisset, non erat certè, quod clamoribus, tangentem se Episcopum ipsum, arce- re vellet.

Quæ cum ita sint, velint, nolint, qui Sanctorum non Martyrum venerationem antiquitati Catholicæ detrahunt; fateantur necesse est, quod in Ecclesia Dei, Natalitiorum, Ecclesiarum, ac cujusvis demùm cultus amplissima gloria, semper fuit omnibus Sanctis ejus.

L A U S D E O,

Et omnibus Sanctis.

*Qui exaltas me de portis mortis; ut annunciem omnes
laudationes tuas in portis filie Sion.*

Psal. ix. vers. xv.

IN-

INDEX CAPITUM¹⁴⁷ LIBRI PRIMI,

In quo , de veneratione Synagogæ primùm ,
deindè Ecclesiæ in Sanctos Veteris Te-
stamenti potissimùm agitur .

C A P. I.

CUR, nec Aris, nec Templis, nec Natalitiis Sanctos suos Synagoga excelsuerit? Omnem nihilominus eorum venerationem, ablegasse putandum non est. Ipsorum gesta condignis est laudibus prosequuta .

Pag. 1.

C A P. II.

Quos Deus maximè honorificavit veteris Testamenti Sanctos, Synagogam venerari decuit. Ipsos eo est cultu prosequuta, quo apud Deum Sancti Intercessores adhibentur.

3.

C A P. III.

Quæ afferri possent his opposita argumenta diluuntur.

6.

C A P. IV.

Sanctorum Patriarcharum, & Prophetarum Sepulcra, frequenti fidelium Judæorum concursu visitata, patrataque ad ea divinitus miracula.

8.

C A P. V.

Speſtabilia fuisse S.S. Patriarcharum, ac Prophetarum Sepulcra ostenditur, quod Judæi fideles præcipuè ea cultu venerarentur.

10.

C A P. VI.

Ex Domini sententia Judæis adificationem Sepulcrorum Prophetarum exprobrante, pia erga illa veneratio magis ostenditur, à Patribus. Ejusdem sententia genuinus sensus producitur.

12.

C A P. VII.

Calvini, contra venerationem Sanctorum Veteris Testamenti in Synagoga, ex abscondito Moysis Corpore desumptum argumentum, excluditur. Nunquam Deus congruam Sanctorum ipsorum venerationem inibuit.

14.

C A P. VIII.

Priscorum Christianorum primo, secundo, ac tertio Sæculo, erga Sanctos Veteris Testamenti Religio, ex pictis in Cryptis, sculptisque in Sarcophagis ipsorum imaginibus, declaratur. Eorundem Sanctorum laudes, ac virtutes, à Sanctis Patribus, qui eo tempore vixerunt, passim celebratæ.

17.

Christiana Religionis persecutoribus sublati, antius Sanctorum Veteris Testamenti cultus. Constantini Magni, erga illos studium, & veneratio. 19.

Non Abraham tantum, sed cæterorum quoque Patriarcharum, & Prophetarum memoria, ac Sepulcra, summa veneratione à Fidelibus exalta, ac in Ecclesias conversa. 21.

Ad Sacrum SS. Prophetarum Elisei, Abdiæ, & Jo: Baptiste sepulcrum, licet sacris eorum Corporibus vacuum, patratis miracula. Ipsorum Sanctorum impiè dispersæ reliquiae, summo studio à Fidelibus collectæ. De pulvere sepulcri Jeremiæ, & de immensis ad Davidis monumentum miraculis. 23.

De Sanctorum Habacuc, Micheæ, Samuelis, & Zacchariæ Sacris Corporibus inventis. 25.

Cur revelata primùm, deinde translata SS. Prophetarum Corpora voluisse Deum, censendum sit. Corporis S. Samuelis translatio. Erga Sanctos Veteris Testamenti, eorumque quascumque memorias, eximia Fidelium Religio. 26.

S. Joannis Chrysostomi sententia expenditur. Licet seriùs in Occidentem SS. Veteris Testamenti reliquiae translatae; baud minorem tamen erga ipsos venerationem Fidelium animis insedisse, in Sacris Basilicis cultui expositæ Sacra eorum imagines testantur. De Sanctorum Machabæorum natalitiis. 28.

Quid sentiendum de Natalitio in Latina Ecclesia, inter Sanctos Veteris Testamenti solis SS. Machabæis generatim concessio. 30.

Veteris Testamenti Sanctos, æquè ac illos novi, Ecclesia Catholica invocat. Eorum laudes, ac Praconia, ex SS. Patribus. 32.

Sanctorum Veteris Testamenti virtutes, ab Apostolo celebratae. Imitatione, ac praxi virtutum, ante Christum, Christiani censendi. 35.

Summam in Sanctos Veteris Testamenti venerationem suam Catholica Ecclesia testatur, dum in Missæ Sacro Canone alibique eorum merita recenset. 36.

S. Gregorii Turonensis, digna memoratâ Historia.

149

INDEX CAPITUM LIBRI SECUNDI,

In quo Sanctorum, non Martyrum, à Primo,
usque ad Septimum Sæculum, in Ecclesia
Græca, & Latina cultus adstruitur.

C A P. I.

Calvini, contra Sanctorum venerationem argumentum, ex non cultu Sanctorum Veteris Testamenti desumptum; non satis exploratum à veneratione solis SS. MM. exhibita. Ecclesia Catholica Sanctos Martyres, & non Martyres semper coluit. 39.

C A P. II.

Sanctis utriusque sexus, qui Martyres non existerunt in Sacris Cameteriis antiquis, vel inter Martyres, vel Martyribus juxta illos locus attributus. Sacre Crypte, uti SS. MM. ita Sanctorum, qui hujusmodi non fuissent imaginibus indistinctè decorata. 41.

C A P. III.

Uti ea SS. Martyrum, Primo Sæculo, Sanctorum, qui Martyres non fuerunt, corpora in Ecclesiis condita; imò, ad illorum sepulturam, Basilicæ à fundamentis constructæ. Corporis S. Cornelii Centurionis, Casareæ Episcopi translatio refertur, ac expenditur. 44.

C A P. IV.

Non modo sepulcra, sed cætera quoque Memoriz Sanctorum, sive Mulierum, sive Virorum, qui Martyres non fuerunt, uti ea Martyrum, Primo Sæculo à Fidelibus cultæ. Omnipotens Deus, ac eorundem Sanctorum Reliquias, Miraculis illustrare consuevit. 49.

C A P. V.

Ecclesiasticis tabulis diligentissimè consignata, in Orientali, & Occidentali Ecclesia, Sanctorum, qui Martyres non fuerunt, nominum præcorum Fidelium erga illos, venerationem ostendit. 51.

C A P. VI.

Sæculo Secundo exhibitus multipliciter Sanctis, sive Episcopis, sive aliis, qui Martyres non fuerunt, cultus. 52.

C A P. VII.

Sanctorum non Martyrum Tertio Sæculo veneratio ostenditur. 57.

C A P. VIII.

Orientalis Ecclesiæ Quarto Sæculo, in cultu, ac veneratione Sanctorum non Martyrum, præcipuum studium aperitur. 60.

CAP.

C A P. IX.

Occidentalis Ecclesie, præcipuè in Italia Quarto eodem Sæculo, in Sanctos non Martyres religio. 68.

C A P. X.

Sancta Romane Ecclesie, ipso Sæculo, erga Sanctos non Martyres veneratio. Eorumdem cultus, in cæteris Ecclesiis exemplis adstruitur. 76.

C A P. XI.

Non soli Episcopi, sed cæteri quoque sanctitate præclari, condigna veneratione culti, eodem Quarto Sæculo demonstrantur. 81.

C A P. XII.

Sanctis Virginibus, ac Mulieribus, præfato Sæculo veneratio, ac cultus in Occidentali Ecclesia cumulatissimè exhibitus. 83.

C A P. XIII.

Quinto Sæculo Sanctorum non Martyrum Reliquia, Sepulcris, Memoria, Aris, Basilicis, Natalitiis exornata. 85.

C A P. XIV.

Ex eodem Missali, quod vocant Gorbico, Natalitia Sanctorum Confessorum hoc Quinto Sæculo, celebrata comprobantur. 91.

C A P. XV.

Veneratio eadem Sanctis, nec Martyribus, nec Pontificibus, nec non Virginibus, & Mulieribus, in Latina Ecclesia, ipso Quinto Sæculo præstita, monstratur. 93.

C A P. XVI.

Ipso Quinto Sæculo, erga Sanctos non Martyres, Pontifices, & non Pontifices, Virgines, ac Mulieres, in Orientali Ecclesia cultus impertitus. 96.

C A P. XVII.

Sanctis Episcopis non Martyribus, amplissimi honores in Occidentali Ecclesia, Sexto Sæculo tributi, Basilicis, & Cathedralibus, in ipsorum honorem erectis, ac in Missa Canone eorum nomine adscripto. 100.

C A P. XVIII.

Cæteris Sanctis non Martyribus ipso Sæculo Sexto plurimus cultus datus ostenditur. Sancti Gregorii Magni, in eos veneratio monstratur. 105.

C A P. XIX.

Sanctæ Virgines, ac Mulieres non Martyres, Sæculo eodem suppari cultu exornata. 111.

C A P. XX.

In Sanctos, tam Viros, quàm Mulieres non Martyres, ipsomet Sæculo Orientalis Ecclesie religio. 113.

Septimo Sæculo Sanctorum Episcoporum non Martyrum veneratio, ac cultus, in Latina Ecclesia, exemplis pluribus adstruitur. 115.

Sæculo eodem Sanctorum non Pontificum, ac Virginum non Martyrum exemplis, cultus comprobatur. Græciæ Ecclesiæ exemplo altero, idem ostenditur. 118.

INDEX CAPITUM LIBRI TERTII,

In quo Argumenta, contra veritatem superioribus Libris assertam, diluuntur.

CUM Ecclesia Doctores, recipiendi; non cum Doctoribus pia Ecclesiæ traditio abjicienda. Quenam scribendi occasio Innocentio III. ac Bellarmino fuerit. 121.

De Sanctorum non Martyrum cultu Innocentii III. Sententia proponitur, ac perperam explicata demonstratur. 123.

Nil commune habere ostenditur cum Pseudocensorum sententiis, quod de Cathedralibus Innocentius scribit. Quid sentiendum de Pantheon dedicatione à Bonifacio IV. peracta, ab Innocentio eodem in medium producta. 125.

Beletbi, de dedicatione Pantheon sententia refertur, ac ineptæ aliæ ejusdem excogitationes refelluntur. 127.

Cardinalis Bellarmini sententia proponitur, & explicatur. 129.

S. Augustini sententia perperam usurpata, deteriusque explicata, exponitur; ejusque genuinus sensus exhibetur. 130.

De Mozarabo ritu, ejusque institutione, quorundam sententia expenditur. 134.

*De ipsius Mozarabi ritus institutione dissertatio ulterior. Juxta
ipsum orari pro Sanctis Confessoribus non potuit.* 135.

Alia, de ipso Mozarabo Ritu, & reiiiciuntur. 137.

*Ritus Mozarabi verior interpretatio, à Cardinali Bona in medium
producta.* 138.

*Vocabula quædam, ac phrasæ indistinctæ aliquando, pro Sanctis, &
non Sanctis, ab Ecclesia usurpatæ. Quare ratione in commemora-
tione Mortuorum in Missa, Sancti quoque recensiti fuerint.* 139.

*Cultui SS. non Martyrum nihil officere ostenditur Confessoris voca-
bulum, SS. Martyribus tantum olim tributum.* 141.

*Natalitia in die assumptionis Episcoporum antiquitus peracta, alia
fuisse à Natalitiis, in Sanctorum Episcoporum obitu celebratis osten-
ditur.* 142.

*Contra vetustissimum Sanctorum non Martyrum cultum, ex Sacris,
quas adhuc habemus ipsorum reliquiis comprobatum, nil valere ad
Adversarii propofita argumenta monstratur.* 144.

F I N I S.





